

**Observationum medicinalium libri tres, quibus omnium morborum signa, et
quae de his haberi possunt, praesagia, accuratissime pertractantur /
[Jodocus Lommius].**

Contributors

Lommius, Jodocus, approximately 1500-approximately 1564

Publication/Creation

Amstaelaedami : Jansson-Waesberge, 1738.

Persistent URL

<https://wellcomecollection.org/works/wreq679g>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>








33981/A






JODOCI LOMMII
Medici olim celeberrimi
OBSERVATIONUM
 MEDICINALIUM
LIBRI TRES
QUIBUS OMNIUM MORBORUM
*Signa, & quæ de his haberri possunt
 Præfagia, accuratissimè pertractantur.*
OPUSCULUM AUREUM,
 Editio Quarta.



A M S T Æ L Æ D A M I,
Apud J ANSSONIO - W AESBERGIOS.

M. D. CC. XXXVIII.





AMPLISSIMO ORDINI SENATORIO REIPUBL.

BRUXELLANÆ.

JODOCUS LOMMIUS.

S. D.



UM omnes artium Professores liberalium has ipsas pro virili quisque sua parte diligenter versare, & in usus accommodare hominum, tum præcipue Medici debent. Hi enim salutarem illam ac propè divinam agitant artem, præsidem sanitatis humanæ, sine qua nihil in vita suave, ne magnis quidem esse Regibus potest. Id ego institutum, Viri Ornatiissimi, & spectavi semper maximè, & fui naviter secutus, tum curationibus ægrorum meorum, tum in publicum evulgatis scriptis, hinc adeò futurum arbitratus, ut ipsos etiam posteros, non tantum superstites meo mihi beneficio

EPISTOLA AD

demerear. Ergò modò (quoniam sa-
nitatis tuendæ præcepta abundè aliàs
tractavi) ægrotantibus consulere hoc
opere proposui, eam amplexus Me-
dicinæ partem, quæ notas morborum
omnium, itemque prædictiones, at-
que censuras, quæ de his haberi pos-
sint, continet. Videtur profectò ea
meditatio potissimum, cùm ad ægri
salutem, rectamque curationem, tum
ad Medici fidem atque dignitatem
spectare. Primùm enim, quia novissime
morbū proximus est ad sanitatem
gradus; nemo sanè hanc aut præsa-
gire, aut reddere affectis rectè potest,
qui non animadvertere genus ægritu-
dinis quod sit, non ejus eventum o-
mnem prænuntiare, certis indiciis
norit. Contrà verò prudenter cura-
tionem instituet, & admirabilis apud
omnes homines gloriam consequetur,
sed & ægri utetur in omnibus obse-
quio, quisquis signorum instructus ad-
jutusque cognitione, primò morbum
noscere, atque ægris, si videtur ex-

po-

SENAT. BRUX.

ponere , dein ejus prædicere duratio-
nem , omnemque eventum potest :
sic , ut si convalecere posse homo vi-
detur , reddita curationibus sanitatem ,
laus Medico comparetur : sin minus ,
præsagio vitetur calumnia . Sed est
ea magni operis res , & ab uno , pu-
to , Hippocrate ex professo litteris
agitata . Itaque fit , ut , quemadmodum
libenter ea negligimus omnes præce-
pta , quæ sedulitatem exigunt , sic huic
Medicinæ parti , quam proponimus ,
minimum propè laboris à nostris ho-
minibus detur . Nam multis satius est
compendia quædam medendi quære-
re , & his cumulare opes , atque miser-
orum cædes miscere , quam longè
sudoribus , indefessaque mentis inten-
tione morbos studere cognoscere , at-
que aestimare , ac tum primùm his ipsis
incolumi conscientia auxiliari . Fit a-
deò ex ignoratione rerum harum , ut
temerè illi vel in rebus deploratis fa-
lutem promittant , vel in securis omnia
metu terroreque compleant . Memini

EPISTOLA AD

ego complures me videre haud infir-
mæ notæ Medicos , qui per acutam
febrem , etsi multa essent virium infir-
marum , atque exitii signa verisimilia ,
magnificis tamen salutis promissis ,
(quoniam id fortè temporis urina ut-
cumque maturuerat) miseros conso-
larentur . Verùm post ut morbi exi-
tus ægro calamitosus , ita ignominio-
sus Medico erat . Plures his sunt , qui
cùm febricitantem vident sub gravis-
sima accessione despere , & loqui alie-
na , simulque brachia & pedes nuda-
re , ac variè spargere , tum è cubili
magno impetu , magnisque vocibus
exilire , verberare proximos quoisque ,
neque necessarios , neque familiares
agnoscere , caloribus extorri , acu-
tissimis doloribus affici , ac siti propè
enecari ; hæc , inquam , cùm vident ,
concoctâ quantumvis naturæ viribus
eâ unde morbus est materiâ , exterren-
tur , & more pavidarum muliercula-
rum ad extremum rem rediisse o-
mnem , pronunciant . Verùm faces-
sen-

SENAT. BRUX.

sentibus per judicationem (^{κρίσιν} Græcè dicunt) turbis his illicò resolvi morbus incipit , ac vāni metus levari , magno falsi præfigii contemptu . At qui hinc sciri potest , nullum operæ pretium in curationibus morborum fieri à Medico posse , sine hac tam necessaria tamque plausibili prædicendi arte . Eam nos , Viri amplissimi , tribus Libris , qua potuimus brevitate , comprehendimus , ut communem rem ægrotantium , ac præcipuè Civium vestrorum , hac in parte , juvaremus . In quo negotio quanta usi simus diligentia , atque industria , aliorum esto judicium . Nos certè , quod licuit , præstitimus . Nec diffitemur clarorum scriptorum Ingeniis , maximè verò antiquissimi Hippocratis multum nos adjutos esse . Quæ res adeò vitio verti non potest , ut etiam dignitatem , fidemque nostris monumentis pleniorē sit allatura . Sed quoniam morem apud scriptores sæculorum omnium obtinuisse video , ut magnorum viro-

EPISTOLA AD

rum patrocinium scriptis adsciscant
suis, eum ego ipsum quoque secutu-
rus morem, haud aliunde rectius o-
pem mihi hanc præstari posse judica-
vi, quām ab amplissimo spectatissimo-
que confessu atque Ordine vestro, sic
sanè ut quorum commodis hic meus
serviet liber, eorum is fultus autori-
tate atque favore, in lucem, & in
manus hominum exeat. Quos enim
ego potius exoptem mihi nunc, qui-
bus hoc opus nuncupem, dari? Vestri
nominis dignitas atque splendor Ci-
vitatis, sed & privata alioqui, quæ mi-
hi cum multis vestri Otdinis Viris Do-
ctissimis intercedit amicitia, fecere,
ut ingens mihi incesserit cupiditas, i-
mò animus exarserit, lucubrations
has sub Vestri Nominis auspiciis evul-
gandi, sempiternæque (uti spes est)
posteriorum consecrandi memoriae.
Quamquam veniam mihi cupiam à
vobis dari, si fortè nimium confiden-
ter, ne dicam licenter, tenuia hæc,
ac parum speciosa attulisse videbor.

Quis

SENAT. BRUX.

Quis enim nescit non nisi maxima consecrari tantæ Reip. oportere , quantâ nihil est illustrius atque splendidius.

Dico hoc, Patres conscripti, summo jure, meritoque Civitatis Vestræ, cuius ornamenta nunquam æstimare animo pro dignitate , si velim , possim, nedum oratione consequi. Attamen cùm undique hic quadam occasione ingens sese ingerat laudis materia, non potui temperare egomet mihi, quin pleraque sequerer scribendo tantæ Reip. decora. Et quidem laudes mittam , quæ ab antiquitate civitatis , à robore , à legibus , atque institutis duci maximè possint. Id enim non hujus esse loci , sed ad aliarum artium attinere possessores existimavi. At quod nostri magis instituti est , id se- quar , commoditatem & salubritatem loci hujus , ipsamque amœnitatis decorisque plenam faciem scripto celebratus. Toto Oriente atque Meridie montibus , non nimium altis , civitas insidet , sensimque in Occasum se-

EPISTOLA AD

se, & in Septentrionem, donec tota
fiat humilis, explicat, amœnissimum
contemplantibus aspectum præbens.
Nam altioribus locis sunt, quæ unde-
quaque videre est, molimina ædificio-
rum atque templorum. Stat præcipi-
ti colle magnifica D. Gudulæ ædes,
duabus in fronte superba turribus.

Paulò altius, ad Meridiem, Regis
eminet palatum: quod ipsum omni
dehinc parte turritis Principum ædi-
ficiis longè latèque ad ipsam usque ci-
vitatem humilem cingitur: ubi huc
oculis ventum est, ante omnia sese
spectantibus offert publica civium do-
mus. Ea modis omnibus ita absoluta
est, ut nullam tota provincia habeat
secundam. Quid! quod limpidissimis
numerofissimisque fontibus non so-
lùm foris antè poneque circundatur,
sed interius etiam aliis inferius pos-
tis, aliis juxta Procerum coenaculum
ad triginta quasi pedum altitudinem
evectis, adornatur. Jam autem mediis
domus tectis turris exurgit prodigio-

fæ

SENAT. BRUX.

ſæ excelsitatis, faxis ad ipsum usque pyramidatum fastigium artificiosè laboratis junctisque firmata. Huic fastigio æneus insitit Michael, Urbis Patronus, quem nemo sine stupore (tantæ molis cùm sit) vento verti inconcussum aspicit. Opus apprimè arduum, & ingeniis hominum nostrorum propè superius. Porrò hinc circumcirca conspicari est ingentia Diyorum templo operosis eminentia turribus. Mediæ inter hæc cernuntur confertissimæ Civium domus, splendoris operisque plenæ. Post has qua parte Occafus atque Septentrio est, in prata lætissima oculis adusque mœnia decurritur, ea ubique objecta rerum facie, qua nihil cerni jucundius atque venustius potest. Liceret modò interiora Urbis proprius intueri, atque ex his ducere laudes, nisi ea infiniti operis res esset. At invitat, imò cogit scribentem me, quod (missis cæteris) maximè memorabile reticere nullo modo possum: cunctam propè Civi-

ta-

EPISTOLA AD

tatem saluberrimis fontibus irrigari, perenni scaturigine manantibus, non modò his qui in publico numerosi sunt, verum etiam privatis, qui infiniti. Jam verò ut intra mœnia splendoris omnia esse plena demonstravimus, ita extra quoque nihil est, quod in summa voluptate non afficiat spestantem. Hic in omnem penè regionem montes non nimium alti, neque ullis molesti crepidinibus excurrunt, frumentorum omnis generis feracissimi, lætissimarum vallium interstitia latè dissiti. In his vallibus armentorum greges, & piscibus referta stagna, ut contemplantibus faciem voluptatis plenam, ita summos oppidanis usus præbent. Quid verò sylvam commemorem, quæ modò à Civitate miliari ad Meridiem vastissima densissimaque occurrit. Summa hic civibus lignandi facultas, summa venandi Principibus aulæ datur. At contraria parte, quæ extra muros ad Septentrionem est, quanta amoenitas

pra-

SENAT. BRUX.

pratorum , passo æquore ad ipsius usque Vilvordiæ portas , sese explicantium ! Medius in his humili alveo Zinna labitur fluvius , & juxta hunc novarum visuntur fossionum molimina , firmo utrinque septa aggere. Pulcherrimum mehercle spectaculum , virentissimam planitiem duplicibus aquarum ductibus intersectam adornatamque videri. Hæc ista civitatis vestræ ornamenta non sine causa jam inde ex tam longo ævo primùm impulere Brabantiæ Duces , atque hinc Imperatores , potentissimos Orbis Monarchs , ut hunc sibi locum , totius Belgii nostri amoenissimum , atque commodissimum , commorandi causâ , delegerint : simulque suum hîc quoque esse Cancellarium , supremum Brabantiæ Magistratum juris dicendi causâ voluerint , ut quæ modis omnibus est florentissima , hoc quoque nomine florentior Civitas esset. At una res vobis , Patres Conscripti , ad cunctam felicitatem visa est defuisse.

Nam

EPISTOLA AD

Nam cùm Antverpiæ, nominatissimi
Europæ Emporii, frequentatio peni-
tus sit necessaria, constat tamen hanc
nequaquam facilem esse posse. Scili-
cet vestri fluminis nimium anfractuo-
si, ac magis locorum spatiis hâc illâc
se intorquentis causâ factum est, ut
non nisi plusculis diebus, molestissi-
moque itinere ultrò citroque liceat
navigare. Itaque cum cæteris parti-
bus floreatis omnibus, hac sola labo-
ratum à vobis fuit. Ergò ingens opus,
& apud omnem posteritatem memo-
rabile aggressi, iter vobis ad ipsum
Schaldim, altissimis latissimisque fos-
sionibus, incredibili sumptu, atque
solertia, quinque grandium miliarium
longitudine patefecisti: quodque ne-
gare natura loci videbatur, vixque
absolvi magnorum Regum thesauris
posse, id vos industriâ vestrâ, vestris-
que opibus prudenter incepistis, con-
stanter promovistis, fœlicissimè jam
totum propè confectum dedistis. Sen-
tiunt profectò virtutum æmuli vestra-
rum,

SENAT. BRUX.


rum , sentiunt , inquam , & oculis jam nunc cernunt rectis consiliis institutas has fossiones esse. Reputate , quæso , nunc , Patres Conscripti , apud animos vestros crescentem ex hac re opulentiam , celebritatemque Civitatis hujus vestræ , quam brevi videmus mercibus frequentari ab omni Oceani nostri littore advectis posse. Quantæ verò voluptati omnibus fuerit navibus has aquas onerariis & ratibus perpetuò sollicitari , & intra & extrà mœnia cernere. Ergo vestri facti hujus sempiterna in animis civium fuerit collaudatio , dulcisque memoria , floribuntque eminentissima hæc vestri nominis insignia , quæ adeò non potuerunt ulla vetustate obliterari , ut spatio majus indies incrementum apud posteritatem sint consecutra. Sed modum finemque facio, Viri Amplissimi , vestræ Civitatis atque virtutis commemorandis ornamentis , quæ sic jam laudibus florent suis , ut nostra prædicatione parum videantur acceptu-

EPISTOLA AD SEN. BRUX.

ptura splendoris, disertioribus hominibus, à quibus plenè celebrentur, digna. Quapropter vestræ etiam fuerit humanitatis condonare, si parum pro tanti Ordinis dignitate præstitisse videbor. Æquitas animorum vestrorum valebit, nostramque boni consulet tenuitatem, magna animi erga vos fretam promptitudine. Quod si factum, uti confido, à vobis erit, majorem nobis alacritatem, studiumque scribendi majus injicietis. Nam ut modò notas atque præsagia propo-nimus morborum, ita forte & causas horum, & curationes olim dabimus.
Valete.

Bruxellis, 26. Maii.

V. CL.



JODOCI LOMMII

Medici Clarissimi

M E D I C I N A L I U M

O B S E R V A T I O N U M

L I B E R I.

QUO MORBI, QUIBUS TOTA
OCCUPANTUR CORPORA, ANIMAD-
VERTUNTUR.



Bservationes scripturus medici-
nales in nescendis æstimandis-
que morbis necessarias , rectè
ab iis incipere viciis posse vi-
deor , qnæ totis corporibus inhærescunt.
Ex horum ordine viciorum frequentissi-
mum , & generi hominum inimicissi-
mum , febris est ; adeò , ut quorundam
literis proditum sit nunquam quemquam ,
nisi violenta morte raptum , sine eo mor-
bo vitam amisisse. Ergo à prima origi-
ne rem aggrediar , primumque id genus
febris ponam : quæ , quia uno die fini-
tur , Græcis ἡμέρα , nobis diaria ap-
pellata est. Ea autem his sece notis pro-
fert.

A

Mi-

Febris diaria. Mitis toto in corpore calor est, quadiaria. Iis in iratis hominibus percipi, aut vino fartis solet. Pulsus arteriarum (quod profectò huic febri proprium est) protinus à magnitudine incipit, idemque ut modice celer ac frequens, ita æqualis & mollis, & justi ordinis pro modo naturæ est. Nihil etiam aut certè parum urina demutatur. Ipsum verò morbum non cibi antecedit fastidium, non spontanea corporis lassitudo, sed neque gravior somnus multave oscitatio, neque horror: verùm repente totus semel is accedit, nulloque graviore incommodo, ubi jam esse cœpit, molestus est; dolorem intelligo capitis atque ventriculi, itemque nauseam, æstum, corporis inquietudinem, & hujusmodi. Solvitur malum interdum latenter sine sensu manifestæ inanitionis, sæpius per copiosos tum habitus, tum madores, aut certè per sudores ut suaves, sic minimè multos. Scire etiam licet diariam febrem semper ferre à causis moveri evidentibus, vigilia, sollicitudine, mœrore, ira, æstu solis, lassitudine, temulentia, inedia, & similibus, eandemque unico finiri die confuesse, quem diem si transit, tertiumque superat, jam tum diariam esse desinere,

nere, in putridamque, quæ mox proponetur, abire. Sub eo casu si vehementer corpus siccum est, timeri etiam hectica febris potest. Diariam omnem curasse quam novisse facilius est. Itaque ferè sequitur, ut hæc ipsa prius nocere possit, quam sciri. Eadem biliosum hominem negotiis deditum, & promptius, & majore periculo afficit.

Ad hunc quoque locum pertinere ea febris videtur, quæ diariæ servans natum propter sanguinis non putrefacti fervorem, multum ardoris, ruborisque corpori exhibet. Græcorum nonnulli σύνοχοι dixerunt, nos continentem non putridam. Hæc quidem eisdem quas putrida notas, at paulo evidentiores exhibit. Quanquam hic etiam caput vel non pu-<sup>Febris
continen-
nens</sup> dolet, vel grave est, corpusque omne, ^{non pu-} trida. ac præcipue facies vehementer rubet, caletque. Adhæc altior occupat somnus, multum arteriæ in temporibus movetur, ipsa spiratio molesta est, pulsusque magnus, & plenus, & frequens, & velox, totum denique corpus segnescit, & quadam veluti lassitudine occupatur.

Venio nunc ad eas febres quæ succorū implicitæ sunt putredini, ex quibus <sup>Conti-
nens
putri-</sup>

primum ea proponetur , cui causam pu-
trefactus sanguis dedit. Græcis ea perin-
de atque superior *σίνοχος*, nobis autem
continens putrida appellata est. Signis
quidem hæc febris , quibus ea quam
proximè dixi, iisdem, sed manifestiori-
bus sese profert. Verùm acrior subest
calor putredinis comes , guttur , & quæ
juxtà sunt loca exturgescunt æstuante,
unde præpedita ægro oratio est : adhæc
oculi calentibus implentur lachrymis ,
venterque nonnullis intumescit , & per-
cussus , ut tympanum , sonat. Ipse pul-
sus , magnus , vehemens , celer , & fre-
quens , ut in priore Synocho est , at hic
etiam est inæqualis , in priore non est.
Urina crassà mejitur , rubra , turbida ,
sedimento carens. Non raro etiam exan-
themata per corporis summa efflorescunt ,
ut aliàs alia , sic frequentissimè vel livi-
da , vel nigra. Id malum ferè post quar-
tum diem esse definit , & si quidem con-
tinenter increscit , periculum afferre vi-
tae potest , utique si jam aspera lingua ,
nigraque est , si refugiunt oculi lucem ,
si urina ut nigrum vinum obscura est.
In quo hæc non sunt , ipsaque febris ma-
gis magisque decrescens mitescit , is po-
tius esse in tuto videtur. Quum autem

mor-

morbus æquali semper impetu fertur ; securior quidem is erit , eo qui increscit , gravior autem eo qui declinat . Quæ observatio in continente etiam febre non putrida habenda est . Scire autem licet utramque Synochum , non nisi temperatæ naturæ hominibus , & sanguine non malo plenis , simulque carnosis accidere consueuisse . Facilis quoque à continente non putrida in putridam , & ab hac rursus in continuam tertianam transitio est .

Sequitur id genus putridæ febris , quæ *Febris Græcis* *συνοχής* , nobis continua dicitur . *continua.* Synocho putridæ accessionum continua-
tione affinis , ea tamen re dissimilis , quòd hæc ab alterutra bile aut pituita profecta est , quodque pro horum natura atque motu humorum circuitus habet , quibus et si non omnino cessat , remittit tamen , & quietiora tempora afflictis præstat . Synochus verò ex sanguine oritur putrefacto , nec ullam remissionem ad morbi usque judicationem præbet . Porro continua febrem neque horror aliquis , neque rigor , neque frigus antecedit , sed tota ea repente calore hominem adoritur , quamquam non rarò rigorem aut horrorem corruptus humor circa præ-

cordia consistens , tantisper movet , donec totus quoque à febre incensus fit. Semper autem calor acris atque asper est, idque magis incremente accessione atque consistente. Ipsa respiratio itemque pulsus inæqualis est. In eo enim velox contractio , distentio tardior est. Idem pulsus , modò celer , modò tardus est: itemque modò validus , modò languidus : ut primum incipit accessio , velox is atque parvus : in vigore supra velocitatem etiam , egregiè magnus est. Urina initio crassa , rubra , ac turbida est , ac neque nubem , neque suspensum quid neque sedimentum habet. Eadem interdum tenuis quoque , sed rubra & minimè perspicua est. Quicquid denique aliqua parte corporis vacuatur , sive sudor id fuerit , sive alvi proluvies , vel urina , ferè gravi odore molestum est. Continua , tum quotidiana , tum quartana ferè incerta , atque ordinis expers esse solet , sic ut alio die bis , terve effervescat , alio id non nisi semel , aut certè prorsus non incidat. Continua quartana rarissima est , hac minus rara quotidiana. Ter
Febris tiana quæ nobis ardens febris , Græcè
ardens. *καύσις* dicitur , omnium est frequentissima. Ea his signis noscitur. Summo incendio

cendio corpus extorretur, idque intus magis quam foris. Accedit pertinax vigilia, & profundior interdum somnus. Lingua arida, & crassa, & aspera, subnigraque & amara est. Spiritus difficilimè trahitur, incipit affici morsu stomachus, cibique cupiditas perit, vehemens tum sitis, tum æstus præcordiorum est. Alvus aliis soluta, aliis compressa est. Ipse æger penitus inquietus morbum male sustinet, frequentique subinde delirio perturbatur. Hoc febris genus, quoniam summè vehemens est, brevi finitur. Itaque si protinus ab initio signa exhibet bona, plerisque omnibus quanto die solvit, nullis post septimum manet. Tum verò aut vomitio fit, aut alvus profluit, sudorve ex omni corpore, aut sanguis è naribus fertur. Senibus hic ipse morbus, ut infrequens, sic apprimè perniciosus est. Tutius & sæpius juvenes sic laborant. Febris ardens non raro in pulmonis vertitur inflammationem, idque ubi fit, in propinquum exitium.

Tum in hoc morbo, tum in aliis conti- *Pericu-*
nuis febribus grave esse periculum signi- *li signa*
ficatur, ubi aurigo ante septimum diem *in con-*
oritur, aut ubi quis ante materiæ con- *tinuis febri-*
coctionem inhorrescit, magisque si vis *bus.*

corporis admodum infirma est, ubi post rigorem æger non recalescit, ubi continua vigilia, vel sopor, vel delirium est, ubi vox intercipitur, aut aures obsurde scunt, aut collum vehementer dolet, præcipue in his quibus proclivis insania est, ubi æger quid accepturus manibus tremit, ubi vehemens sitis, simulque ingens corporis squalor est, aut ubi lingua nigrante, totoque ore præsicco, nulla hominem sitis urget, simul os præter consuetudinem malè olet, ubi singultus incidit, præcipue post citam alvum, aut post sanguinem sine modo effusum, ubi puero venter nihil reddit, nullusque accedit somnus, sed & colorem is ipse saepe mutat, continenterque plorat. Siquidem huic proxima distentio nervorum est. Ubi cum acuto capitis dolore præcordia revelluntur, neque tum sanguis è naribus fertur, aut ubi hunc casum biliosa alvus, aut tormina, itemque coxarum, vel genuum dolor, neque comitantur, neque tollunt. Scilicet sub utraque re promptissimum delirium est, ubi viscera gravis dolor fatigat, simulque nervorum oritur distentio. Ubi simul præcordia dolent, simul somnus profundus tenet, aut ubi ventriculo gra-

vis ardor, aut morsus molestus utique est, si tum quoque alvus biliosa est. Ubi dejectio penitus retinetur continuo dolore caput exercente. Ubi urina aquæ speciem repræsentat, quo ferè tempore delirium comitatur. Hæc urina exitium etiam, si diu talis fertur, portendit.

Idem periculum est, ubi urina rubra, crassâ, confusaque, & mali odoris est, eademque parvo temporum intervallo sœpe pauca & cum difficultate mejitur, aut ubi sine ratione matura est, aut præter voluntatem elabitur. Ubi vim febris ægrotus homo non sentit, mentis errore præpeditus. Ubi primâ febris accessione protinus uber sudor erupit, aut viciari mens cœpit, parsve aliqua corporis resolvi. Ubi denique accessio tertio quoque die vehementissimè invalescit. Proximum nunc est ea signa ponere, quæ in acuta febre certam denunciant perniciem, quam scire licet in propinquo esse, si sub magno morbo ultima corporis infirmitas est, magisque si tum quoque vel delirium, vel rigor incidit, si is qui mentis usu caret taciturnus est, utique si voce alioquin privatus non est. Si infirmis viribus labra, vel supercilia, vel oculi vel nares pervertuntur, si æger tum quoque

que neque videt, neque audit; aut si voce amissa, conniventibus oculis jacet, neque eo tempore è naribus profluit sanguis, neque vomitus incidit, unde id mali tollatur. Quod incommodum eo quoque fuerit gravius, quo simul spiritus difficilius trahitur. Æquè horrendum est, si oculi illachrymant, aut vehementer subsederunt, aut foras prominent, si caligant, si incerti huc illuc vertuntur, contrave immobiles obstruunt, aut denique distorquentur, si alba eorum grandescunt, nigra minuantur, aut si ubi hæc sub superna conduntur palpebra, illa rubescunt, atque in iis pallidæ venæ, nigræve cernuntur, aut si quid modo telæ araneorum concretum, totis oculis innascitur, vel innata pituita, novissimisque angulis inhærescit, si per somnum palpebræ penitus non coëunt, eademque vehementer pallent, nisi id tamen fusa alvus fecit, si oculorum denique alter minor altero est. Ad hæc si in aurem acutissimi doloris tormentum incidit, maximèque in juvene, quem sanè is casus ferè intra diem septimum occidit. Verum senior aliquis, quia non æque graviter aut dolet, aut febricitat, magis in tuto esse creditur.

Si

Si causa febris dentes strident, itemque lividi, nigri, aut vehementer aridi sunt, simulque lingua per morbi principium sicca, deinde aspera. post etiam nigra, crassaque est. Si æger ore hians jacet, & assiduè dormit, aut si is subito strangulari videtur, ac neque potum devorare, neque salivam suam potest, nullo tamen substante in faucibus tubere. Si collum difficillimè vertitur, aut idem sic distorquetur, ut molesta inde sit deglutitio. Si frigidus efflatur spiritus, si pulsus obscurus, densus, & intercisis est. Si fitis antè vehemens, nunc penitus aboletur, febre tamen æquè gravi, ipsaque lingua æquè sicca atque nigra. Si vomitus cruentus incidit, aut varius multorumque, qui boni non sunt, colorum, & sœtens. Si digitæ floccos in veste legunt, vel fimbrias diducunt, vel aliquid in adjuncto pariete carpunt: si horum unguæ extremaque livent, vel nigrescunt, quamquam nigra ea fieri haud juxta periculosum sit, utique si validæ vires morbum non difficillimè ferunt, aliaque salutis sequuntur signa verisimilia. Nempe tum quidem bona valetudo reddit, sed nigræ partes corruptæ decidunt. Perniciosum insuper est, ventrem in tumorem

morem attolli , magisque ubi datum me-
dicamen purgans fuit : aut hunc ipsum
flatibus distentum , hos emittere non
posse. Ad hæc per initia febris bilem
atram suprà infrave prodire. Alvum li-
quidam simulque nigram , vel pallidam ,
vel pinguem , vel mali odoris esse. Hanc
ipsam cum subita palpitatione cordis , at-
que singultu esse compressam. Urinam
intercipi cœpisse , aut nigram meji , &
crassam , & fœtentem , aut urinam quæ
ante fuit bona , repente notas exhibere
non bonas , aut per omne morbi tempus
nihil ab urina dissidere hominum fano-
rum. Tum etiam ipsum mictione reddi
sanguinem , aut vesicam dolere duramque
esse. Æquè mortiferum est , per initia
morbi extrema refrixisse , maximèque hæc
ipsa non recalescere potuisse , aut extre-
mis frigescientibus interna caloribus ex-
torteri , atque sitim multam facere. Ad-
hæc subitò sine causa manifesta febrilem
ardorem conquievisse. Ortos sub infir-
mis viribus esse sudores , simulque ani-
mam defecisse. Ipsum etiam ægrum su-
pinum cubare , genuaque contrahere , &
deorsum subinde ad pedes devolvi. Bra-
chia item & crura nudare , dispergereque ,
quæ calida tamen non sunt. Adhæc qui

in-

inferiora loca corporis tenebat dolor, re-
pente eum ad viscera translatum desiisse.
Ulcus quod antè, & in ipsa natum fe-
bre est, siccum ac lividum esse. Pustu-
las item toto corpore erumpere, modò
tamen abscessus aliquis purulentus non
exoriatur. Quin orto etiam juxta au-
rem abscessui nullam accedere maturita-
tem potuisse, neque è naribus cruorem
fundī, neque urinam crassam, multam-
que ferri. Præterea frigidum sudorem
moveri, ipsumve ægrum quarto die,
itemque septimo multum affligi, neque
ullam undecimo experiri judicationem,
aut diebus hunc judicialibus inalgescere,
non subsequentibus sudationibus. Rigo-
rem etiam incidere, sæpeque redire, ne-
que ex eo tamen morbum levari. Porrò
ad extrema ventum est, si tempora col-
labuntur caussâ febris, naresque acutæ
fiunt, & oculi concavi, & frigidæ lan-
guidæque aures, & imis partibus leniter
versæ, si cutis etiam circum frontem
dura & intenta est, ipseque homo cada-
veri similis per pallidâ aut nigrâ planèque
corruptâ propter morbum facie est.

Ex continuarum febrium ordine ea *Febris lenta.*
quoque esse censetur, quæ, quoniam
omnium mitissima est, Lenta appellatur:
ea

ea scilicet quæ latentem putredinem humoris visceribus impacti , aut ipsorum etiam viscerum sequitur corruptelam. Vix ægrotare homo videtur, nullumque quod grave sit incommodum pati , corpus tamen sumpto alimento non proficit, sed paulatim consumitur, atque liquefcit: Ipsumque sic imbecillum fit , ut ægrè loco moveatur. Pulsus est frequens , celer , & inæqualis , non tamen magnus. Urina interdum putredinis notas habet. Hic morbus ferè malum habitum corporis comitatur , & foedos virginum colores , estque maximè diuturnus , sæpe quadragesimum longè excedens diem. Sed est quoque multò periculosior , cùm non humoris obstruentis vitium, sed ipsius etiam visceris sequitur corruptionem, jecinoris scilicet , vel pulmonis vel cerebri , vel lienis , & interdum renis partiumque longius sitarum. Tum suprà ea omnia quæ modò proposui , hæc quoque contingunt. Multo longoque tempore morbus gignitur, paulatimque crescit, alios ferè fecutus morbos ; curatione maximeque vacuantibus remediis non lenitur , sed interdum etiam exasperatur. Facilè syncopen accersit , corpusque sensim , & nonnunquam sine sensu mali hu-

jus

jus debilitat, & marcore consumit. Hoc ipsum profectò genus febris est, quod in iis animadvertisit, quos tabes male habet.

Sequar nunc eas febres, quæ quieta aliqua tempora intermissionesque ægrotis præstant. Harum alia tertiana, alia *Tertia-na in-termit-tens.* quartana, alia quotidiana est. Tertiana his signis sese prodit. Protinus ab initio, perque omnem febris decursum cum ipsa accessione rigor tertio quoque die invadit pungens & corpus quasi vulnerans, tametsi sola interdum sit refrigeratio, ubi levior scilicet morbus est. Sub rigoris finem biliosus sequitur vomitus, vel certè soluta alvus. Tum calor toto corpore accendi incipit, æger præ vehementi æstu corpus nudat, varieque dejicit. Idem difficulter spirat, & capite dolet, nec raro etiam delirat. Pulsus, ut primùm incipit accessio, contractus parvusque est: mox vehemens & validus, & celer, nequaquam tamen inæqualis, nisi id forte parum sit. Urina subtenuis, flava, aut flammae est, malique odoris. Accessio copiosis ortis sudoribus finitur, septem ferè horis absoluta. Sed discrimina quædam ponere operæ premium est, quibus discriminibus

bus dissidere hæc febris à cæteris intermittentibus solet. Ergo, ubi ardens febris orta est, aut continuarum demum aliqua, sentit utique injecta corpori manus, magis magisque calorem increscere: at in tertiana non sentit, hic enim æqualis calor subest, qui interdum quoque sub ipsa mitescit manu. Quin etiam tertiana intermittens singulis accessionibus primò rigorem, dein sudorem exhibet, continua verò utroque hoc (nisi cum iudicatione solvit) caret. Adhæc in tertiana intermittente rigor, & vehemens esse incipit, & citò cessat, primis accessionibus maximus, sequentibus autem magis ac magis mitescens, contrarium autem quartanæ accidere mox ostendetur. Circuitus etiam accessionum maximè ad constituendum febris genus valet. Pergam itaque, ut cœpi, de tertiana dicere, quæ tuta esse solet, & spacii minimè longi. Ubi ea exquisita est, diebus quatuordecim absolvitur. Esse autem exquisita solet, in juvēne, cuius natura calida & sicca est, quique media fortè æstate sub fervido cœlo vigiliis, vel laboribus, vel curis, aliisque ærumnis exercitus multum fuit. Ubi hæc desunt, ibi notha confit tertiana, quæ longior est,

est, neque æquè vehementes habet ar-
dores, neque sudores æquè copiosos, ut
exquisita, fundit. In notha etiam nul-
lus est anticipantium, aut cunctantium
accessionum certus ordo, rigor item mi-
nus quidem vehemens, at diuturnior est,
non æquabiliter totum occupans corpus:
quælibet accessio multò longius horis
quatuordecim tenet. Ipse morbus, nun-
quam septimo circuitu, raro quarto-de-
cimo, saepe longiore spacio solvitur.

Quartana autem febris sic observatur: Quar-
tana.
Primis accessionibus, horror quarto quo-
que die incidit, qualis nasci magno ex
frigore solet. Hic horror interposito
tempore tantisper in dies crescit, donec
in vehementem rigorem abeat, sub quo
corpus intremit atque concutitur, den-
tes strident, ipsaque ossa quasi tundi, at-
que obteri profundo pondere videntur.
Decedente rigore ferè vomitus sequitur,
moxque calor exoritur, frigoris quodam
sensu circa intima ossa mistus: pulsus in-
vadente accessione languidus, rarus, &
tardus est, postea validus fit; magnus,
frequens, celer, magisque, quam aliis
in febribus, inæqualis. Urina et si non
raro in hoc morbo incerta, fallaxque
est, primis tamen diebus tenuis, alba,

aquosa, posterioribus varia mejitur. Calor, sitis, capitis dolor, vigilia, minus quidem quam in tertiana sollicitant, magis autem quam in quotidiana. Productior etiam hic quam in utraque alia accessio est, eademque copiosis sudoribus finitur, quare exacta etiam succedit febris intermissio. Quartanæ longissimum quidem malum, at satis tutum est. Interdum à magnis morbis corpus, tum tutatur, tum liberat. Qui enim sic laborant hi neque mania, aut melancholia, neque lepra, neque orta, propter repletionem, distentione nervorum tentantur. Quinetiam eadem hæc si antè fuere vicia, accessu finiri quartanæ consuērunt. Quibusdam etiam placuisse video neminem à quartana extingui, nisi ægri aut curantis culpâ, posse. Scire tamen licet non quiescere solere tunc morbum, nisi vicio aliquo visceribus illato. Rarò etiam idem sine lienis obstructione, vel dolore, vel duritie visus est. Quare tuta quoque in primis ea quartana est, quæ integro liene hominem tenet. Eadem intra annum (nisi si error aliquis incidit) absolvitur. Sæpius post mensem sextum, & interdum post tertium conquiescit. Sæpissimè autem sic fieri observatum

tum est , ut quæ Autumno , totaque hyeme rectè curata quartana remediis fuit , ea proximo vere solvatur . Idem morbus , si vel cum tumido liene est , vel nimum inveterascit , hydropi corpus exponit ; ferèque æger his casibus oppressus perit . Quartana maximè autumno grassatur , magisque si lien tumet , continuæ , vel incertæ febres fuerunt , non ex toto solutæ , magisque si corpus frigidum , & siccum , & glabrum , si ætas declinans , ipseque homo crassæ materiæ alimentis usus , mœrore ac sollicitudinibus confectus est .

Quæ æstate oritur quartana , brevior est . Longior Autumnalis , præcipuè si in proximo hyems est . Sæpe cruditas ex quartana quotidianam fecit , magno exitii metu . Quorundam etiam observatione compertum ast , discussum à longa quartana morbum comitialem fuisse . Quartana etiam , postquam ex hac aliquis convaluit , facile revertitur , utique si quo die febris esse solebat , frigus , vel calor , vel cruditas , vel lassitudo inciderint .

Quotidianæ quoque febris proponenda *Quotidiana.*
observatio . Tenuæ frigus extremis in
partibus oritur , cuius sensus (ut in cæ-

teris quoque fit intermittentibus) pri-
mùm ferè à summis digitis manuum ac
pedum, itemque à naso incipit. Vomi-
tus si quis incidit, pituitosus est. Inde
calor paulatim lentèque nascitur, cre-
scitque, hebes, humidus, fumosus, va-
pore mistus, idemque vigente jam ac-
cessione aliquantulum fit mordax, atque
acer, semper autem inæqualiter is ipse
percipitur: frigoris interdum permistum
fensum exhibens. Accedit dormiendi
penè inexpugnabilis necessitas, nihilque
primis diebus sittitur, nihil sudatur, ni-
hil penè de febricatione intermittitur.
Incipiente accessione quibusdam vel ani-
ma deficit, vel (quod gravius est) syn-
cope incumbit, itemque pulsus inordi-
natus est, & magis quàm in aliis febri-
bus inæqualis, itemque tardus, parvus,
ac debilis. Is ipse vix magni fieri, in-
crescente accessione potest, quanquam
tandem creber esse incipit, sed minus
quàm sub aliis febribus, æquè tamen at-
que in quartana velox. Ventriculus af-
fidue dolet, alvus liquida, cruda, pi-
tuitosaque est. Urina initio vel alba te-
nuis, vel crassa ac turbulenta: post ru-
bra, crassa, turbidaque est, totum cor-
pus hebescit, atque grave redditur: ipsa

accessio magna ex parte horis octodecim, pauculo sudore finitur: totus morbus quatuor & sexaginta diebus. Hoc genus febris rarissime incidit, rectiusque fortè est, cum quotidie aliquis febre conflictatur, duplum hanc tertianam, non quotidiam esse putare. Magis autem quotidiana pituitosis insidiatur hominibus, quieti, cruditi, ac somno deditis: utique si senex quis, vel puer, vel fœmina est: si tempus hybernum cœlumque nubilum est: si sœpè è capite pituita in ventriculum destillat: si denique cùm primùm febris hominem adoritur, tumida præcordia vel inflata intentata sunt: si principium accessionis in vesperam incidit: si antè, & in ipsa febre, facies sublivida, ac subtumida est, stomachus diu imbecillus, cibi fastidium, & frequens ructus fuit. Omnis autem quotidiana ægerrimè remediis cedit, tædii, ac periculorum plena.

Tutior est ea quæ incipiente accessione, pituitæ vomitum ultro ciet, & declinante plurimum sudorum fundit, & posthæc ex toto intermittit.

His ita animadversis, implicationes Fe-
quoque febrium inter se mutuas observa- brium
re non inutile est. Scire itaque licet, implica-
tiones.

rariſſimam dupliſem quotidianaſam eſſe; tertianaī autem dupliſem frequentem, cui principiuſum ferē ſimplex präbet. Una etiam conquiescere manente altera ſolet: accessiones quotidie, ſed non iuſdem horiſ fiunt, quæque paribus diebus incidunt, inter ſeſe ſunt ſimiles, & hiſ diſimiles quæ imparibus. Æquè frequens duplex, atque etiam triplex quartana eſt, utraque ē ſimplici naſcitur, accessioneſque raroſ pares habet.

*Semi-
tertia-
na.*

Magna quoque dignum obſervatione id genus compositæ febris eſt, quam nos Semitertiana, Græci *ἱμιτεταῖον* appellant. Ea incipiens horrorem movet, & ſudorem declinans, neque poſthæc tam en integra eſſe à febre corpora ſinit. Quoniam verò ex tertiana conſit intermittente & quotidiana continua, uno die alperior horrorem, ſæpèque aliquid etiam rigoris exhibet, itemque bilis vomitum quendam vel dejectionem: adhæc magnum ardorem, madidique vaporis halitum: altero autem die frigus potius quam horror incidit, ac neque ſitis, neque ardor multum infestant. Pulus con-tractior eſt, totaque mitior febris. Quin etiam altero die duarum exhibetur febrium ſpecies, altero unius duntaxat.

Ra-

Rara profecto febris semitertiana est, ac grave periculum, ubi occupat, minatur. Est autem ea exquisita, ubi paribus ferè portionibus & intermittentis tertianæ, & quotidianæ continuæ subsunt materiæ. Ubi autem non sunt, ibi pura esse semitertiana non potest, tumque facilius remedius curari posse malum volunt.

Sed cùn observationes proposuerim *Com-*
singulis generibus febrium proprias: nunc munis
eas quæ omnibus, aut certè quām plurimis in fe-
communes sunt, sequar. Fuerint bribus ani-
autem hæc quidem istiusmodi, ut vel mad.
metu terreat, vel spe miseros consolen-
tur. Ergo febrem satius est distentioni
supervenire nervorum, quām distentio-
nem febri. Corpus quoque pro febris
vel spacio, vel acumine parum emacruif-
se, aut rursus præter rationem, præter-
que modum extenuatum esse, malum est.
Illud enim indicium morbi longioria,
hoc imbecillitatis est. Si sub acuta fe-
bre caput repente ac vehementer dolet,
ipsaque tamquam revulsa præcordia sunt;
insaniæ ostendunt metum, nisi si sanguis
è naribus fertur. Per eandem febrem
aures obsurduisse, pestiferum atque fu-
riosum est, nisi id quoque cita alvus,

vel certè crux è naribus fusus solvit. Frigidi sudores in acuta febre, mortis nunci: in mitiori, longæ invaletudinis sunt. Magnam quoque febrem inesse, dentes testantur lenta sorde onerati. In febribus spiritus offendens, malum, itemque ex somno pavor, aut nervorum disten-

Pericu-tio. Mali etiam morbi notæ sunt, folosæ febris no-ta- por, vigilia, caligo oculorum, singultus, lassitudo, exudatio, novusque post hanc exortus calor, inquietudo diebus nata judicialibus, simulque ex rigore ci- tra sudorem judicationemque refrigeratio, aut rigorem exiguis secutus sudor. Malæ item sunt sanguinis stillæ pusillæ, & atra bilis per initia febris sursum vel deorsum erumpens. Sed & vultum intueri oportet, qui, si in acuta febre ni- mium torvus est, aut minus, quam par sit, pro acumine morbi fœdatus, aut præter rationem benè habitus, tutus non est. Malus etiam censetur esse vomitus sinceræ vel pituitæ, vel bilis, magisque si viridis humor aut niger prodit.

Nocet etiam alvus ex toto suppressa, & rursus adeò soluta, ut conquiescere æ- grum in cubili non patiatur, maximè si eadem hæc perliquida, aut albida, aut pallida, aut spumans est. Mala etiam

judicatur exigua, tenax, levis, alba, vel quæ
livida est, aut biliosa, aut cruenta, aut
pinguis, aut insueti foetoris. Ejusdem
notæ alvus est varia, quæ strigmentum,
cruorem, bilemque viridem fundit; aut
quæ post longam ægritudinem sincera
est. Lumbricos quoque per febres de-
jici, tutum non est, præcipue ante mor-
bi declinationem. Sed sub acutis febri-
bus vivos eos excludi haud juxtā pericu-
losum est, potissimum ad meliorem jam
valetudinem inclinante homine; at vitæ
cassos exisse, prorsus inutile est, idque
declinante morbo. Per principia tamen
febrium mortuos eos esse præstat: vivi
enim pestilentiae injiciunt suspicionem.
Mala quoque in febribus potissimum a-
cutis urina diluta, atque alba est, ut quæ
periculum insaniæ prælagit. Æquè inu-
tilis est ea, in qua quod subsidet, sub-
rubrum, aut lividum est: aut tenuibus
filamentis furturibusve quid simile repræ-
sentat. Non bonum quoque signum est,
post appetentiam, postve longas febres,
cibum fastidiri cœpisse, aut multos su-
dores esse, maximèque frigidos, aut eos
ferri non toto corpore æquales, sed circa
caput, & circa cervices. Adhæc sudo-
ribus febrem non finiri, aut post hos

horrorem incidisse. Auriginem denique febre exceptam esse, utique si dura præcordia sunt. Æquè horrendum est febricitantem multum atque crebrò spirare, itemque sexto die cœpisse inhorrefcere, difficulter ferre morbum, præterque rationem sine vasorum inanitione imbecillum esse, immoranteque febre insudare, aut modò frigidum, modò calidum esse variisque sæpe coloribus affici. Tum etiam quod aliqua parte corporis abscessit, id non maturescere, sanitatemque non consequi, aut ipsum inter hæc ægrum passis manibus, pedibusque supinum cubare, somnum totis noctibus non videre, quantumvis interdiu is accedat: pejusque est, nequè per noctem, neque de die quietem esse ullam potuisse, sed continuam urgere implacabilemque vigiliam, aut contrà jugi ægrum somno sopiri. Atque hæc quidem sunt quæ terrere metu periculosæ febris possunt.

*Longæ
febris
nota.*

At longam fore hanc existimandum est, ubi tumida præcordia sunt, præsertim, si dura quoque hæc & dolentia, & inflammata, & intenta sunt. Talia enim non modò longum vicium, sed periculo quoque esse opportunum, denunciant. Febris etiam inveterascit, ubi tuberculæ aut

aut labores incumbunt in articulos: Ubi dolor inguina & glandulas exercet: Ubi frigidus sudor in febre non acuta circum caput tantum oritur, & circum cervices: Vel ubi aliquis sudor alias febrem neque levat, neque finit. Ubi exortus abscessus non sanescit. Ubi urina alias alia mejitur. Ubi corpus variè, modò calore, modò frigore, modò hoc colore, modò alio afficitur. Ubi idem pro morbi spacio, parum emacrescit. Ubi multo tempore posteriores accessiones eadem qua priores hora incipiunt, æqueque sunt, & vehementes, & durabiles. Ac his quidem notis cognoscere longas febres licet, quæ si jam diutius secutæ *Abscess-* trahunt, neque vitam adimunt, scire *sus* licet expectari abscessum oportere, eum *præfa-* que in articulorum aliquem, præcipuè *gia.* inferiorum, cum tumore, atque dolore decubiturum. Id tamen junioribus tan- tum accidere consuevit, & per febres non intermittentes quæ jam vigesimum diem superaverunt. Portò senioribus autem & febre occupatis intermittente, & incerta, non quidem abscessus, sed ferè incidere quartana solet: utique si in proximo quoque Autumnus est. Ut enim iis qui infra trigesimum sunt an-

num,

*Salutis
in fe-
bribus
præsa-
gia.*

num , potius abscessus fiunt , ita quarta na eos magis excipit , qui eum gradum ætatis superaverunt . Nosque oportet abscessum magis hyeme consuesse fieri , longiusque durare , & minus reverti . Hactenus ea signa posuimus quibus malæ febris pericula , vel longæ tædia significantur . Itaque proximum est eas modò notas sequi , quibus salus promitti ægro potest . Ergo hanc expectare quam dico salutem , non sine causa licet , si aurigo vel septima febris die , vel nona , vel undecima , vel decimaquarta mollibus præcordiis oritur : si æger morbum facile sustinet , nulloque conflictatur incommodo , si mente constat : si neque somno , neque vigilia nimium urgetur , noctu dormiens , & vigil interdiu : si post somnum firmior est : si non difficulter spirat , quod certè signum omnibus in febribus , quæ intra diem finiuntur quadragesimum , principem inter bona locum habet . Si denique constat appetentia , vel ab initio servata , veletiam post cibi orta fastidium . Si præcordia sine ullo sensu doloris æqualiter mollia , parte dextra , sinistraque sunt . Jam etiam ubi vomitus incidit , si mistus ex bile & pituita fuit : si id quod in urina , vel subsidet , vel in me-

medio suspenditur, vel superius innatat, album, leve & æquale est: præstabiliusque fuerit nubeculas ad imum matulæ consistere. Si insuper dejectio alvi mollis est, & probè figurata, & ruffa, neque supra modum foetens, ejusque moles modo assumpti cibi respondet & eruptio eodem penè fit tempore quo per secundam valetudinem. Si totum corpus æqualiter molle & calidum est, æqualiterque infudat. Si sudore febris conquiescit: si æger facile convertitur: si decubitus ei naturalis est: si ea quæ corpore efferuntur, sine multa molestia, & post concoctionem efferuntur. Si post eandem concoctionem, labra, nares, aut linguæ extremum leviter finduntur, pustulisque minutis exulcerantur: si denique concoctio citò fieri incipit cum pulsu constanter bono.

Tempora etiam febrium sic ex modo accessionum distinguuntur. Quum plures accessiones æquè vehementes, & æquè sunt diuturnæ, eademque hora repetunt, scire licet principium febris nondum transisse. Quod si sequens accessio *Principium febris.* tempora solita prioris antevertit, eadem que magis, & diutius affigit jam tum esse febris incrementum cœpit. Status au-

*Decli-
natio.*

autem ferè esse solet , cùm accessio ve-
hementissima est , neque antevertit tem-
pora prioris , neque post sequitur : ve-
rūm omnia ex toto penè sunt æqualia ,
quæ ad duos circuitus pertinent. At ve-
rò quoties hic cunctari accessionem dico ,
aut etiam antevertere , magis id ita in-
telligo fieri , quām exigat circuitus fe-
brilis proportio. Qui enim sic non fiunt
motus , ferè naturam febris sequuntur ,
non tempora definiunt. Id quod haud
rarò contingere solet tertianæ febri , &
quotidianæ , & quartanæ , quæ semper
donec ex toto solverentur , anticipave-
rint. Cæterūm , si cunctatur accessio ,
breviorque ac mitior superiore est , con-
stat utique tum febrem cœpisse declina-
re. Pro materiæ quoque ratione unde
febris fit , tempora ejus captantur , item-
que ex iis casibus quæ præter naturam
incidere per febrem solent , συμπτόματα
Græci vocant. Siquidem principium
febris cruditas materiæ facit : incremen-
tum , fieri cœpta concoctio : statum ,
eadem absoluta : declinationem , concoctæ
materiæ vacuatio , vel translatio. Casus
etiam quos modò dixi , omnes per prin-
cipia febrium atque declinationes mitio-
res ; per incrementa , perque status atro-
ciores

ciores sunt. Illud etiam his addi quæ hactenus comprehensa sunt , aliquo modo posse videatur. Quæ febris die non judiciali sine bonis signis subitò finita est, ea ferè revertitur , multòque magis, si commissus aliquis in vietu error est. Sed ne hoc quidem etiam præteribo, mitif- simas febres , notisque fretas securissimis, quarta die vel antè solere conquiescere : pravissimas autem & casibus terrentes horrendissimis , eodem spacio temporis, vel antè occidere,

His ita animadversis , proximum est *Febris pesti-*
febris pestilentialis observationes propo- *lentia-*
nere. *lis.*

Ubi autem ea nondum quidem est, verùm ut ne incumbat , metuitur , talia contingunt. Ver atque æstas calida , humidaque , austros sine ventis exhibent, cœlum frequenter eodem etiam die mutatur , fitque modò calidum id , modò frigidum , modò nubilum , modò serenum : sæpius tamen nubilum , pluvioque proximun , at nihil pluens tamen. Accedit multa infectorum animalium copia, multusque quadrupedum interitus. Insueti etiam ignes per noctem in aëre cernuntur , ortique subinde Cometæ calamitosam hanc portendunt luem. Ubi raptus

raptus aliquis jam morbo est, hæc incidunt. Bubones sine causa manifesta, vel ponè aures, vel sub alis, vel frequentius in inguinibus, aut certè carbunculi variis corporis locis, purpureave exanthemata subitò exoriuntur. Inter hæc febris invadit continua, atque acuta, sub qua extimum corpus vix incalescit, & sensu interdum frigoris afficitur, interiora autem gravi incendio uruntur, ipse homo cum animo mœsto ac pleno malæ spei lassus, segnisque fit, & ineluctabili dormiendi urgetur necessitate. Ejus ferox vultus, & qualis temulentorum esse solet incertus, atque turbidus est, spiritus malè olet, ac difficulter trahitur, dejicitur cibi cupiditas, os amarescit, ingens oritur sitis: Fitque frequens & nausea, & vomitus, quo optimi etiam alimenti speratus frustus corrumpitur: Pulsus exiguus, languidus, celer, frequens, & inæqualis est: Alvis fœtida atque grave olens. Urina alias sicut jumentorum turbida, cruda, crassa, fœtidaque est, alias qualis in homine sano sine vicii nota mejitur. Siquidem ubi simplex hæc febris è sublimi mundo mortalibus immissa est, neque putridæ implicatur, ferè obscuris

in-

Innititur signis, sic ut neque vehemens
vel incendium, vel sitis, vel inappeten-
tia afficiat, sed & urina concocta, omni-
busque absoluta numeris sit. Etenim
homo ad speciem non admodum æger
crebra animi defectione, vomituque la-
befactatur, ac tandem, subita raptus
synope, inopinanter extinguitur. Porro
omnis pestilens febris, ut per se semper
tota perniciosa est, sic tum demum, &
celerem, & certam mortem affert, cum
opproso intus corde, nihil foris, vel
bubonis, vel carbunculi, summo corpore
efflorescit: aut si quid efflorescit, inde
tamen neque morbus, neque æger leva-
tur. Quinetiam æquè mortiferum est
semel natum bubonem, vel carbunculum
rursus intrò delatum, repente delituisse,
itemque fœtente spiritu, ac frigescen-
tibus extremis creberrimum vomitum, at-
que ipsam syncopen incidisse. Illud quo-
que novisse non inutile est, satis incerta
sub hoc morbo salutis esse præfigia, a-
deò ut propter bonas notas plenum spei
atque promissi medicum mors sæpe ino-
pinata decipiat.

Quoniam acutis magnisque morbis Signa
plerisque omnibus febris jungitur putri-
da, adeoque judicatio accedit ea quam ^{judica-}
^{tionis.}

Græci dicunt , (longi enim morbi itemque alii febris expertes , & parvi paulatim sine iudicatione solvuntur) non abs re facturus videor , si febribus observationes quoque iudicationum addidero.

Ut cœli variæ tempestates , sic etiam morborum iudicationes signis quibusdam (Græci dicunt) prämonstrantur. Ea quidem hæc sunt , Delirium , sopor , vertigo , oblivio sensuum , inusitatus error , dolorque capitis , cervicis , stomachi , præcordiorum , aliarumve partium insignis ; adhæc aurium susurrus , falsi oculis objecti splendores , invitæ lachrymæ , frequens nausea , æstus , sitisque solito vehementior , pulsus repente ordinis redditus expers , & inæqualis , urinæ suppressio , alvi insueta murmura. Inter has turbas ipse æger totus angitor , & in omnem partem corporis sese varie jactat , idemque vociferatur , exilit è cubili , omnia furioso similis. Id temporis accessio febris vehementissima est , ferè horæ spatio priorem antevertent , incidentque magnus & insolens quidam ipsa cum accessione rigor , hinc subito (si quidem bona futura iudicatio est) profus erumpit sudor , aut sanguis ubertima è naribus fertur , aut vomitus multi humoris

moris incidit , aut alvus multùm solvit
tur , post quæ febris incipit tota con-
quiescere. Horum autem signorum ali-
qua præbetur significatio superiore nocte,
quum postridie febris judicatione solvi-
tur , idemque de die fit , si proxima nox
finem morbo aliquem imponet. Inqui-
tam enim esse noctem oportere , quæ
cum antecedit diem , quo die futura ac-
cessio , omnisque absolvenda judicatio
est , vetustissimus autor Hippocrates pro-
posuit. Illud quoque novissime licet , noctur-
na signa diurnis esse atrociora , itemque
ipsorum adeò signorum alia esse judica-
tionum duntaxat , alia harum , & signa ,
& causas putari. Sub his sudationes ,
vomitus , dejectiones alvi , mictiones ,
& sanguinis profluvia sunt : sub illis del-
iria , vigiliæ , sopores , lachrymæ &
hujusmodi. Utrisque signis ita compa-
ratum est , ut post notas concoctiones
salutem promittant , substante cruditate
perniciem minentur. Quare bona ea
esse non nisi vigente morbo , aut paulò
antè possunt. Scilicet eo tempore hu-
moribus maturitas accesfit. Itaque non
sine causa Hippocrati placuisse video ,
judicationum celeritatem concoctionibus
significari. Eadem signa , incipiente

morbo, penitus exitiosa sunt, iacrescentे autem eoque maligno morbo, mortem quoque minantur, at sub levioris morbi incremento, imperfectam fore *judicationem* ostendunt. Natura enim corporis, ubi ex morbo quis penitus convalescet, *judicationem* omnem tantisper linquit, differtque donec absoluta materialiæ sit concoctio. At si morbo fractus homo succumbet, semper multò ante tentare natura *judicationem* conatur, ejusque exhibit non obscura indicia. Adeò apparet semper bonas notas concoctionis esse, certæque nuncias salutis: verum *judicationis* signa parum firma habere, diversaque (prout cruda, concoctave morbi materia est) ab iis & significari, & effici. Porro observare operæ pretium est, quo demum genere vacuationis, quave via futura febris *judicatio* fit, ut hac quoque parte instructum, probatumque sit medici *judicium*. Ergo si febris acuta est, propterque celerem concoctionem, primis *judicatio* fit cir-

Signa è cuitibus, scire licet excretionem potius *naribus* aliquam quam expectari abscessum opor-fluxuri tere. Primùm itaque ubi futura aliqua *vacuatio* est, incidere fluxus sanguinis è *sub ju-* *dicatio-* *ne san-* *naribus* solet, si præcordia, vel dextra, *guinis.* vel

vel læva sine dolore intenduntur, simulque spiritus sit difficilis, & caput pulsante, atque distendente affectum dolore exardescit, & facies tota, potissimum oculi, nares, ac malæ rubescunt: si hebes sit visus, vel objectis quasi splendoribus eluditur: si collum dolet, & tinniunt vel obsurdescunt aures: si illachrymant repente oculi, & rubescunt: si venæ in temporibus vehementer agitantur: si nares velut extenuantur, & pruriunt: magisque, si dolor juxta faciem atque tempora tum quoque gravis versatur: adhæc, si pulsus præterquam quod ut in omnibus vacuationibus altus & vehemens, ita hic etiam undosus est. Frequens hæc vacuatio febribus est ardentiibus, & ei insaniæ, quam græcè φρενίτιη dicunt, itemque acutis, continuisque, vel sine febre etiam, capitis doloribus, præcipue si frontem hi atque tempora occupaverunt, adhæc omnibus quæ sub præcordiis fiunt, calidis & acutis inflammationibus, maximèque jecinoris & lienis. Cujus rei certior fuerit eventus, si æstas est, ipseque ætate florens homo nondum quintum & trigesimum annum superavit. Ut verò acutis maximè febribus, atque ei quam proximè dixi in

saniæ, sanguinis è nare profusio familia-
ris est: sic minimè aut lethargo, aut
pulmonis inflammationi, quam πεπνευ-
μονιαν Græci vocant. Inter hos morbos
anceps, mediaque est lateris inflammatio,
πλευρῖτις græcè dicta, minus quām prio-
res profusioni sanguinis opportuna, ma-
gis autem quām posteriores.

*Signa
vomi-
tionis.*

Cæterum expectari vomitus debet, si
toto capite gravi, ac vertiginoso, oeu-
lisque caligantibus, afficitur doloris mor-
su stomachus, & crebrò nauseat; idque
cum ore ferè amarescente, & multæ,
tenuisque salivæ sputo, & labri inferioris
tremore. Tum quoque hypochondria
anterius, veluti suspensa tenduntur, spi-
ritumque premunt, ipse pulsus contra-
ctus, atque durus est. Certior autem
vomitus erit si febris tertiana subest, ho-
moque quintum & trigesimum ætatis an-
num excessit, si æstas est, si rigor inci-
dit, simulque loca inferiora præcordiis
refrigescunt. Jam verò alvus profluet, si

*Signa
proflu-
vii alvi.*

humor ad interiora corporis movetur,
neque tamen vomitus aliquis sequitur,
aut plenior urina fertur, magisque si al-
vus tum & biliosior, & fusior cūt, quām
antè judicationem fuit: si denique æger
rarò cruorem per secundam valetudinem

è naribus fudit, raroque insudavit, sæpe
alvo cito fuit, & potare frigidam aquam
consuevit. Ubi jam autem in propinquuo
dejectio est, venter murmure quodam
fluctuat, rugitque & pungitur: mox
gravitas, vel dolor intus oritur, primùm
circum lumbos, hinc ad imam partem
ventris delapsus. Hoc ipsum non male
observasse Hippocratem constat, qui per
febres in dolore præcordiorum submurm-
urante, si lumborum dolor superve- *Sudoris
notā.*
nit, alvos ut plurimum humectari solitas
esse scripsit. Cæterū sudores erum-
punt alvo & urina sub firmis viribus
compressa: maximè si tum etiam nulla
vomitus nota antecessit, quæ si est, tum
eo ipso vomitu, tum sudationibus judi-
catio perficitur. At etiam certior fue-
rit sudor, si cum superioribus signis in-
crescens accessio (ut in febri ardente, si-
milibusque gravibus morbis incidit) deli-
rium intulit, simulque summa corporis
magis incalescunt, atque rubent, vapo-
remque quendam emitunt calidum, qui
antè non fuit. Tum pulsus simul undo-
sus, & insigniter mollis fit, urinaque
crassior, & penitus biliosa. Firmior quo-
que sudoris prædictio fuerit, si æger sub
judicationem balneis se proliui sub in-

somnio putat, id quod mihi quoque per acutam febrem sudaturo contigisse memini. Sudores omnibus febribus familiares sunt, maximèque acutis perurentibus. Insania etiam, quam græcè φρενῖτιν appellari dixi, sudores, si boni sunt, expetit. Bonos esse sciendum est, qui ex capite uberes calidique feruntur, reliquo simul infudante corpore. Non inutiles quoque sudores esse (si boni sunt) prohibentur omni acutæ inflammationi quæ sub præcordiis consistit. Porrò utrum fusis, vel hæmorrhoidibus, vel fœminarum mensibus, judicatio futura sit, ex utriusque affectionis propriis signis innotescet.

At verò abscessu quoque nato, solvi febris potest: ubi is generabitur, hæc serè incidentur. Morbus diu trahens, paullatim non solvitur, sed permanet eodem febris & doloris tenore: ita tamen ut alia salutaria signa adsint, nihilque de ægri vita dubitetur. His accedit quòd nulla evidens facta vacuatio sit, quòd cunctentur concoctiones, quòd subitus dolor, & lassitudo, & debilitas, & sudatio alicujus fuerit particulæ vilioris, quòd ipse morbus non lethalis, tardè moveatur, vigesimumque jam egressus diem

Abscessus præsagia.

sit

sit, quòdque pulsus sit bonus, & virium robur non infirmum. Inter hæc autem certior etiam futurus abscessus est, si cruda diu urina atque tenuis fertur. Sub his autem casibus abscessus metum detrahit urina multa, crassa, alba, in qua quod residet, perquam multum est. Scilicet tum malum paulatim concoctione solvit, tandemque sine vacuatione alia evidente, sive abscessu conquiescit.

Qui juxta aurem abscessus inhærescit, (Græci παρωτίδες vocant) his notis futuris esse cognoscitur. Spiritus repente, nec tamen diu difficilis est, hinc protinus capit is sequitur gravitas, atque dolor, altiusque sopor, & surditas.

Est hic casus febribus acutis, atque non valde longis frequens, soletque interdum, & lethargum, & insaniae genus, quod φενίτης dicunt, similiaque capit is vitia iudicatione finire. Quum vero morbus multa occupatur vetustate, & certis de causis expectatur abscessus, notaque desunt parotidis, quæ tum profecto penè nunquam incidit; sed & in partibus corporis inferioribus dolor aliquis, vel gravitas, vel tensio, vel ardor est: scire licet abscessum his locis oritum ad articulum esse. Illud quoque hic

repetere , quæ superioribus locis dixi , operæ pretium est , protinus de abscessu haberi opinionem oportere , ubi vicesimum diem febris exegit : tum hunc magis hyeme fieri , tardiusque cessare , & minus reverti consuesce : adhæc frequenteriorem junioribus esse nondum annos triginta natis , senioribus autem minus sub febre quantumvis longiore accidere , sed his quartanam potius sub hujusmodi casu imminere , utique si quæ urget febris , non continua , sed vago incertoque intermittens circuitu , diu ad Autumni usque tempus traxit . Hoc etiam rectè notatur , febrem etsi diuturnam , quæ tamen ab rigore incipit , & sudore solvitur , qualis tertiana , aut quartana est , raro in abscessum desinere . Purgatur enim singulis accessionibus morbi materia . His adde abscessum omnem in parte corporis inferiore tutiorem esse , qui lentam , longamque febrem sequitur , quam is qui in superiore corpore ponè aures emergit . Talis enim ferè proprius morbis acutioribus est . Jam verò si orto abscessu , aliqua febris manet , isque foras non resolvitur , scire licet , hunc non ante vi gesimum diem , sed totum intra eum ipsum , & sexagesimum suppuratum iri .

Quod

Quod si illud quoque incidit , ut prius-
quam suppuret abscessus , immorante e-
tiam solita febre subsederit , periculum *Absces-*
facit primum furoris , deinde interitus , sus opti-
utique si is ponè aures fuit. Tutissimum
autem existimare abscessum oportet , qui
inferiorem partem corporis occupans ,
quàm longissimè à morbo , & à vitæ ab-
sistit penetralibus , & qui amplio inclusus
loco , materiam morbi omnem continet ,
qui que maximè foras emergens , non æ-
grè erumpit. Talis enim minimè reverti
priorem morbum sinit. Bonus quoque
est acutus & fastigiatus , & æqualiter
maturescens , deorsum vergens , non ob-
durus , non bifidus. Pessimus is est qui
interius tendit , sic ut hic nullus exterio-
ri cuti accedat color. Jam si foris quo-
que prominet abscessus , scire licet pessi-
mum esse qui maximus , qui que planissi-
mus est. Aliiquid etiam affectus animi
facere ad iudicationis modum solet. Me-
tus enim proclivem alvi dejectionem ,
aut vomitum , aut urinam reddit. Læ-
titia contrà magis sudores fundit. Illud
quoque observatione dignum videatur
sæpe iudicationem pluribus vacuationi-
bus , non semper unica perfici consuesse :
ut si ea fortè per febrem fieri ardētem ,
fan-

sanguine è naribus fuso, cœperit, quam
mox effusi sudores complent, absolu-
vuntque.

Porrò iudicationem perfectam esse
Optima decet, & fidam, & certam, & secu-
judica- ram, & evidenter, itemque prius in-
tio. dice die nunciatam, bonam denique &
salutarem. Hanc profectò concoctiones
comitantur, potens dies judicialis,
& quod morbo convenit, excretionis
non obscuræ genus. Proximè autem
antecedit pulsuum inæqualis motio: in
qua plures ictus sunt magni, quam par-
vi: plures celeres, quam tardi: plures
moderati, quam crebri: plures vehe-
mentes quam languidi, cum rythmis pa-
ribus moderatis, vel celeribus. Sequi-
tur autem melior vultus, expeditiorque
spiratio, & major in convertendo levan-
doque corpore vis, & pulsuum ad justam
mediocritatem, æqualitatem, ordinem-
que redditio. Bonam quoque sperare ju-
dicationem facit genus morbi, quod sæ-
pius, faciliusque per eam ipsam finitur,
qualis febris est ardens, qualis tertiana,
& hujusmodi.

Utrum

futura

sit ju-

dicatio,

necne.

An verè per febres futura omnino ju-
dicatio sit, nec ne, sic habetur. Si
magnus est morbus, multumque semper
&

& anticipantibus, & increfcentibus accessionibus moverit, si inter hæc viribus natura valet, & concoquitur promptè morbi materia; si denique ætas, & natura hominis, & ipsum tempus anni, & morbi genus futuris judicationibus consentiunt: scire licet ingentem morbi mutationem fore, idque eò citius, quò hæc ista fuerint potentiora. At si sub infirmo corpore magnus est morbus atque pravus, hujusque diu persistit cruda materia, reliquum est oppressâ naturâ mortem sine judicatione sequi oportere. Ferè autem sic incidit, ut ubi notæ judicationis adsunt, ibi judicationem seu bonam, seu malam fieri necesse sit. Has notas dico, non eas quidem omnes, quæ morbo succedunt, sed quæ incipiente judicatione, vel paùlo antè apparent. Quòd si hoc etiam fit, ut cùm signa judicationis existunt, ipsa tamen non protinus sequatur judicatio; scire licet, vel hanc post instare difficultiam, vel hominem interitum. Magna verò ex parte futuræ judicationis bonæ certiora præfagia sunt, malæ non perinde firma, utraque in acutis morbis semper dubia. Quinetiam signis bonis, ubi morbus viget, rutò

In quæ licet fidere, malis non item, nisi ~~cor-~~
~~tempo-~~
~~ra, judi-~~
~~catio,~~
~~itemque~~
~~ipsa in-~~
~~mors.~~ pus viribus careat. Nemo profectò mor-
bum acutum sine judicatione evasit,
multi repente sine hac interierunt. Ut-
que judicatio salutaris non nisi juxta vi-
gorem morbi est : ita mors incidere, &
incipiente, & incremente, & consisten-
te morbo potest. Declinatio autem ma-
li cuiusque nulli unquam exitium, aut
judicationem attulit, quoniam qui mor-
bus semel vigorem superavit suum, is si-
ne judicatione permanet, sensimque (nisi
quis incidit error) solvitur. Moritur au-
tem aliquis interdum incipiente febris ac-
cessione, ut per mortiferas internarum
partium inflammations, perque febres
è crastia natas pituita, oppresso intus,
præfocatoque naturæ calido : tumque re-
frigeratus æger non recalescit, pulsus
vermiculans fit, totusve deficit, ipseque
æger profundo oppressus somno, exani-
matur. Interdum etiam incremente (quod
rarò fit) acessione, interitus accidit,
frequentissimè eadem consistente : scili-
cet magno morbo naturam superante:
delirat autem id temporis æger, animo
ac manibus violentus, exilitque cum im-
petu, & maximo æstu extorretur : his-
que magnis victus malis, accedente tan-
dem

dem animi defectione atque syncope extinguitur. Rarò aliquis declinante febris accessione moritur , quod tamen ubi incidit , anima deficit , toto naturæ calore cum febrili unâ exspirante; ipse æger paucō , ac tenaci exorto sudore surgens , vel etiam quiescens , protinus emoritur. Illud ubique perpetuum est , eo tempore accessionis , ægrum mori confuesse , quod omnium est difficillimum.

Videar modò omnem iudicationum absolvisse observationem , nisi dierum superest explicanda animadversio , quibus vis obtigit febres iudicatione finiendo. Unde ipsi etiam ab Hippocrate (quorum is author est) *μητρος* nominantur *Dierum judicantium ratione*. Sunt autem hi qui sequuntur , tertius & quintus , & septimus , & nonus , & undecimus , & quartusdecimus , & septimus decimus , & vicesimus. Explent hunc numerum vicenarium tres septimanæ : sic ut dies octavus secundæ septimanæ principium , quartusdecimus autem terminus secundæ , exordiumque tertiae (sic judicante Hippocrate) habetur. Jam quoque hi septenarii dies per quaterniones digeruntur : estque quartus dies primi quaternionis novissimus , & secundi primus. Tertius autem

tem quaternio à septimo orsus die, clauditur undecimo, quartus hinc incipiens quaternio quartodecimo finitur die, hic ipse dies initium quinti quaternionis est & decimus septimus finis, ab hoc sextus quaternio incipit, & vicesimo terminatur: adeò apparet hunc ipsum vicesimum, & sexti quaternarii, & tertii septenarii novissimum esse. Porrò eadem proportio dierum est judicial um in secundo vicenario: hoc est, à vicesimo die ad quadragesimum, quæ in primo fuit. Post exactum autem quadragesimum diem, ut non sunt amplius morbi acuti, ita nec amplius etiam imparibus diebus, sive quaternariis, sive septenariis, sed omnino partibus judicatio perficitur, singulos dico vicenarios, sexagesimum scilicet, octuagesimum, centesimum, & sic deinceps. Illud quoque novisse oportet, non eandem diebus judicialibus vim esse omnibus. Etenim septenarii omnium sunt efficacissimi, post hos quaternarii, qui singulis septenariis suis sunt: inde illi, qui in medio sunt utrorumque, Medicci intercurrentes vocant. Ex judicialibus autem boni hi sunt. Septimus, decimus quartus, nonus, undecimus;

vigesimus , septimus decimus , quintus
quartus , tertius . Mali autem , & pa-
rum tuti , minimèque judiciales sunt
sextus , octavus , decimus , duodecimus ,
sextusdecimus , undevigesimus . Ter-
tiumdecimum quidam ancipitem esse ,
mediumque inter bonos & malos volunt .
Jam verò , etsi non æquè potenter , om-
nes tamen judicare acutum morbum im-
pares dies possunt , qui primo continen-
tur vicenario , quoniam eo spatio mor-
bus vehementius movetur : post autem
is ipse magis remittitur , mitescitque .
Ex quo incidit , ut in secundo vicena-
rio vix ulli dies præter septenarios , pu-
ta vigesimum septimum , & trigesimum
quartum , & quadragesimum , judicare
aliquid possint . Porrò judicialium die-
rum , alii aliorum sunt judices , quos
ideo contemplatorios Hippocrates vo-
cat , quoniam hi quid proximis judi-
cialibus futurum sit , certis antè notis
ostendunt , prænunciantque . Itaque in-
dicem septimi quartum esse , is autor
observavit : itemque decimi quarti un-
decimum & vicesimi septimumdecimum .
Ergo si primo die sine ulla periculi su-
spitione protinus acuta febris est , &
urinæ evidens accessit cococtionis no-

ta, extendi judicatio non supra quartum diem potest. Ut contrà, si multa primo statim die concurrunt exitii signa verisimilia, æger utique infra quartum succumbit. Rectè enim Hippocrates judicavit, iis qui brevi perituri sunt, maxima quæque ab initio accidere oportere. Jam etiam si septimo die judicatio futura est, rubram urinam nubeculam quarto exhibet, cæteraque pro ratione signa sequuntur bona, nisi tamen errore aliquo, vel medici, vel ægrotantis, judicatio cunctetur, cadatque in nonum, vel in undecimum. Propter errorem enim, in iis quidem morbis, quibus periculum deest, judicatio tardatur: in lethalibus, constitutum anticipat diem. Adhæc, si nihil etiam judicatum die undecimo est, fieri judicatio ante vigesimum non potest: sin moderationiora ad septimum usque contingunt, potest. Qui verò morbi ad decimum usque quartum omnino cruditatem habent, & lentè admodum moventur, non ante quadragesimum iudicatione finiuntur. Quamadmodum enim dies judiciales potentiores sunt; ita & indices. Illud quoque notare non inutile est, ad quartum usque decimum

magnos esse morborum impetus, minores his à decimo quarto ad vicesimum: morbos autem qui ab hoc die ad quadragesimum immorantur, paulatim vim omnem remittere, ut qui quadragesimum superaverunt, prorsus languescere, longaque potius concoctione, vel abscessu, quam solvi iudicatione posse. Postremò Hipocrates post diem centesimum, alios quidem morbos conquiescere dixit septem mensibus, alios totidem annis, alios, ut verisimile est, binis annorum hebdomadis & ternis.

Proximum est post febres quæ humorum vitio fiunt, earum quoque proponere observationem, quas *intus* *Græ-^{Febris} heistica* ci dicunt. His præsiccus, squalidus, & perennis calor est, sineque dolore constanter æqualis, sic ut ne in febri quidem esse se, æger existimet. Tamen si increscere aliquo modo calor horâ unâ, aut alterâ post sumptum cibum solet, quo concocto, ad pristinam æqualitatem febris redit: ut primum injecta corpori manus est, calor occurrit obscurus: sed tandem sub longiore mora acris fit, atque mordax. Pulsus debilis, parvus, ac frequens: sed sumptis epulis, altior atque major est. Ferè

etiam arteriis plus caloris (si has tangas) quām proximis locis subest. Cutis vehementer arida, corpus ipsum imbecille, & languidum est. Atque hic quidem primus esse gradus hecticæ febris censetur; quæ curationem non difficilimam habet; verūm haud ita facilè cognoscitur. Secundus esse gradus potest, ubi siccitas major corpori dominatur, sic ut vehementer id liquefcere, consumique incipiat.

Tum urina pinguitudinem habet, telis araneorum persimilem: Pulsus durus tensusque est, debilior tamen atque minor, quam primo febris gradu: Cutis quoque corporis magis dura, aridaque est. At verò ultimi gradus hæ noscunt: Cavantur oculi, & quæ juxta sunt ossa prominent. Idem oculi arida sorde onerantur: palpebræ ægrè motantur, crebróque, ac si homo dormiret, sine somno tamen connivent: cutis in fronte sicca duraque est: tempora collapsa sunt: ipse vultus vividi coloris gratiam amisit: capilli celeri incremento inaugescunt: hypochondria sursum videntur ad thoracem convulsa: venterque totus contractus, & inanis, sic ut, eo denudato, neque intestinum su-

superesse ullum, neque viscus existimetur. Pulsus maximè durus est, itemque debilis, & frequens: Urina velut oleum suprà pinguis: Ipsum corpus adeò contabuit, ut ossium ubique extrema, maximè autem in scapulis, promineant, ac veluti grandescant: Cutis instar corii dura est, non mollis atque rugosa, qualis eorum esse solet, qui aliis de causis extenuantur. Ferè etiam pediculorum per hunc morbum molesta copia est. Hujus ordinis hecticam ut facillimè quidem noscere, ita verò nunquam sanare est. Ea enim planè est marcida (*μαρασμαδης* Græce appellata) certamque perniciem afflictis affert. Rarò autem simplex esse hæc, sic ut alteri febri non misceatur, solet. Sæpè ab acuta febre incipit incendio humorem corporis infitum depascente fitque tum id genus febris, quam colliquantem dixerunt. Repentè autem satis ea & nascitur, & occidit, id quidem brevi efficiens, quod simplex sensim, longoque spatio: Lentè enim hæc ipsa movetur, pervenitque lentè ad summum. Itaque ægrè quoque per initia, antè quām huc ventum sit squaloris, cognosci solet. Ferè autem quibus hectica infecta est, calida,

siccaque natura obtigit : multique vel mœrores , vel labores , vel inedia , vel sitis antè fuerunt. His enim ferè causis levioribus , febris ephemera : vehementissimis , hectica movetur.

*¶ 78 σά.
μαρος
επεργία.* Proximum hic malum est τῆς ἀτροφίας , sub quo , quia homo sumpto alimento non alitur , summa oritur macies , sensim , ac sine evidentibus causis corpore exarescente. Id vitium in primis grave est , & quia vires vehementer atterit , tandem tollere etiam hominem , nisi curatione occurritur , potest. Ferè autem hecticæ jungitur febri , & cordis affectibus , & pulmonis exulcerationi , itemque gravibus , iisque calidis ventriculi , lienis , aut jecinoris vitiis.

Facilè tum ex hoc ipso morbo tum ex hectica , in corporis transitur marcorem , quem Græci μαρασμόν appellant , quod ubi incidit , nulla curationis reliqua via est.

Ut verò in hoc isto maciei vitio , prorsus non alitur corpus : ita in alio , quod Græci καχεῖαν , nos pravum habitum dicimus , male alitur : Idem corpus subrumidum , laxum , molle , grave , segne que est , & vividi coloris gratiâ caret , virore quodam albicans : ipsum adeò impotens

petens est , crura etiam interdum eundo vacillent: Incipiente morbo vitiatur cibi concoctio , incolumi etiam appetentiâ , spatio tamen hæc quoque offenditur. Spiratio debilis ac rara , alvus varia , & inæqualis est. Suntque hæc signa ei ferè cachexiæ propria , quæ à substante humore , cruda , seu pituitosa nominatur , quæque sæpiissimè id hydro- pis genus antecedit , venturumque prænunciat , quod *λευκοφλεγματίαν* Græci nominaverunt. Hoc ipso vitio maximo capiuntur pueri & senes , at verò adolescentes , & juvenes rarius sic laborant & citius curantur. Magis autem ita afficiuntur hi , qui ex longo morbo convalescunt : utique , si id quoque temporis , duro tumore , quem *συρρόν* Græcè dicunt , viscus aliquod , maximèque je- cur , aut lien obsidetur. Idem morbus non rarò etiam longa excidere tormenta , & levitatem intestinorum , & hæmor- thoides , menstruaque sœminarum , vel fusa nimium , vel compressa solet. Est autem præter hanc crudam , alia insuper ex corrupto sanguine , melancholica ca- chexia , quæ ferè elephantiam , tum antecedit , tum præsagitat. Alimentum quod assūmitur intùs vitiatur , indequè tum spi-

ritus, tum os, tum alvi, & vesicæ excrementum, itemque sudores, gravem odorem habent: fœdus, squalidusque toto corpore, maximèque in vultu color est. Quibusdam etiam cutis per assiduas pustulas, aut ulceræ exasperatur. Totum corpus infirmum est, & interdum tubera quibusdam partibus habet.

*Magni
lienes.*

Ex hoc profecto cachexiæ genere, eum esse morbum judico, quem expressissime Hippocrates sub magnis lienis videtur. Siquidem interdum bilis atra ita pestilens fit corruptione, ut cum in corpus extra lienem diffunditur, planè ejus habitum universum corrumpat. Id vitium his signis sese prodit. Os, ipseque spiritus male olet, gingivæ vitiantur, sublividæque, & nonnunquam subatræ redduntur, ac digito, vel leviter pressæ, atrum cruentem emittunt: Eadem sic laxæ sunt, ut à dentibus discedant, facileque eos, vel omnes interdum eximere liceat. Aliquis etiam capiti, itemque præcordiis dolor est, urgetque cibi fastidium: Crescente morbo, haec quoque crescunt, & maculæ quædam lividæ, tanquam vestigia fugillationum, variis corporis locis efflorescunt, in brachiis scilicet, in coxis, in cruribus, sæpe

pèque per universi corporis cutem , adeò ut hæc quasi arquato videatur foedata. Inter hæc magna imbecillitas oritur , præcipueque in cruribus , quorum impotentes compages fiunt. Nonnullis , ac potissimum junioribus , crebrò sanguis è naribus fertur : quod ni fiat , in cruribus hæ maculæ , quas dixi , & interdum ulcera fiunt. Is morbus Batis , aliisque populis , qui humilia , atque palustria loca incolunt , frequens est , utique si his quoque alimenta crassæ duræque materiæ sumuntur. Rarissimus siccis regionibus atque editioribus est. Omnem ætatem quolibet anni tempore nullo discrimine impetit : Senibus tamen gravior , sed frequentior juvenibus esse creditur : Quibusdam tamen locis frequentissimus pueris est : Idemque Autumno , atque Vere maximè recrudescit.

Grave in primis , & horroris plenum vitium Elephantiæ est : ut primum id invasit , summa pars corporis crebris maculis inspergitur , crebrosque tumores , maximè juxta summam frontem , ac mentum habet : Maculæ modò subnigræ sunt , modò subflavæ , modò subalbidæ : Cutis inæqualiter crassa , horrida , duraque , qualis anserum est , eademque quasi

Elephantia.

squammis quibusdam exasperatur, potissimum in facie, in manibus, & in pedibus. Pili rariores omnibus locis corporis fiunt, spiritus difficulter trahitur, & male olet, vox obscura, atque subrauca est, crassescunt malæ, mentum dilatatur, amboque ruborem exhibent, non floridum quidem illum, sed livore quodam turpem: urina, qualis jumentorum, crassa, turbidaque est. Mores denique accedunt & somni, & insomnia melancholicis familiaria: Quidam etiam fese præfocari inter dormiendum rati, cum impetu expurgiscuntur, atque exiliunt. Plerique Veneris quoque ingenti desiderio capiuntur. Increscente autem morbo, hæc ista etiam increscunt, ipsumque corpus male fœdum emacrescit, os, suræ, & pedes intumescunt, hique ut plurimum frigidi, torpidique sunt. Varicosæ venæ, subnigræ, ceu verrucæ quædam, aut grandines, in linguae radice, sub palpebris, ponèque aures cernuntur. Ubi vetustatem morbus accipit, eroditur narium media cartilago, tandemque aliquibus corrupta partibus decidit, ipsæ nares simæ fiunt, & alarum crassamento obstructæ. Itaque per has sic impeditas, ipse ferri spiritus, verba-
que

que proloquentis hominis videntur, La-
bra etiam crassa sunt, & inversa, oculi
juxta angulum interiorem rotundiores
sunt, quod in iis album esse oportuit,
flavescit, crassumque fit, ac quasi un-
gue obtectum. Ex superciliis autem
præduris illis, ac penè callosis, itemque
ex palpebris, & mento pili decidunt,
aliisque horum loco longè quām antē ra-
riores, ac tenuiores exurgunt. Aures
etiam per hæc ferè tempora acutæ fiunt,
extenuantur, & eroduntur. Manuum,
pedumque digiti siccis fissuris dehiscunt,
atque non raro sic attolluntur, ut sub
tumore condantur. Musculi toto cor-
pore consumuntur, maximèque juxta
pollicem: ipse vultus horridus, ac, qua-
lis Satyrorum esse singitur, deformatur.
Ad extrema ventum esse vox docet sum-
mè rauca, & cava, virulentaque ma-
nuum, ac pedum ulcera, quibus subin-
de hæ partes vitiatæ cadunt. Eodem
penè tempore cutis quoque sensu propè
in extremis pedibus caret, adeò, ut ne
doleat quidem, si quis hanc, vel intro-
missa acu pupigit, vel ferventibus undis
aduissit. Novissimè febricula oritur, quæ
facilè tot modis obrutum hominem tol-
lit. Signa hæc alia in aliis, non omnia
ta-

tamen observari in omnibus solent. Scire tamen licet, inveterascentem morbum hunc depelli remediis non posse: Neque enim sola cutis, sed totum etiam corpus intus, forisque afficitur, sic ut ipsa quoque vitiari ossa credantur. Contagione etiam id malum contrahi, (non solum sponte,) intimoque corporis vitio potest; idemque a parentibus transire ad natos, vel ab ipso etiam natali solet.

Haud multis ante nostram memoriam *Morbus annis, horrendum, atque novum genus venereus.* morbi mortalium valetudini tot alioqui casibus opportunæ, cœpit insidiari; quod, quia consuetudine Veneris contrahitur, venereum appellari posse videatur. Primùm, juxta naturalia crutostæ pustulæ oriuntur, hæque lentam saniem reddunt, & malignè exulcerantur. Accedit venereum seminis profluviū, vel inguinum venenati bubones. Hæc omnia, nisi altius intrò ad viscera subeunt, nondum cœpisse morbum, at in proximo esse testantur. Ut primùm verò is ipse incipit, tum levissimus est, cùm solummodo pilos, caput, ac mentum remittunt ægri, cætera rectè habent. Paulò gravius est summa corporis maculis frequentibus, iisque more lenticinīs

ginis exiguis , aliàs rubris , aliàs flavis
imbui , quæ maculæ non nisi resoluto
quoque morbo tolluntur. Id vitium tum
quoque majus est , certumque sui argu-
mentum præbet , cùm in fronte , & in
temporibus , & ponè aures , maximè
circa radices capillorum , dein in capite,
vel etiam in universo corpore , malignæ
pustulæ , tumoresque non unius coloris
efflorescunt , quæ sponte sine medicâ-
mento sanantur , iterumque passim ex-
pullulant. Pustulæ modò flavæ , modò
rubræ sunt , rotundæ omnes , siccæ ,
puris expertes , & aridam crustam ha-
bent , ex his deinde in ambitum ferpen-
tibus pustulis , cutemque cavantibus ,
ulcus oritur virulentum , & Fordidum.
Quibusdam etiam tum manuum , pedum-
que cava finduntur siccitate , & squamas
remittunt. Eoque propè tempore pala-
tum , atque intimum anguli oris , nigris ,
fœtidisque pustulis impeditur , adeò sub-
inde ulcere cavatis , ut ejus rei causâ ,
potio per nares reddatur. Qui casus ta-
men rarissimus incipiente morbo , fre-
quens tum veteri , tum bis terve reverso
est. Exulcerantur quoque & lingua , &
fauces , & partes quæ ad nares , & ad
podicem sunt. Tum quoque caput præ-
grave

grave esse incipit, cervicibus, humeris-
que dolor inest, qui interposito spatio
ad brachia, & ad crura pervenit, no-
ctemque molestam magis, quam diem ex-
hibet: maximè à tertia noctis hora ad
nonam infestus. Idem mediis artubus
profundè inhærescit in quibus sèpè tu-
mores oriuntur, qui ægre vel dissolvun-
tur, vel suppurant. Interdum etiam in
tophos vertuntur hi, maximèque in fron-
te, in capite, in claviculis, in medio
humeri osse, itemque in cubiti radio,
& in parte tibiæ priore, & juxta alia
nonnumquam ossa, quæ pessimis inde or-
tis ulceribus corrumpuntur. Tum pro-
fectò gravissimum id malum esse judica-
tur: Nam solidæ quoque partes labefiunt,
ossa, vincula, membranæ, nervi, cir-
ca quæ coëunte maligno humore, im-
manissimi doloris tormenta, maximèque
per noctem incidunt. Atque his quidem
ærumnis, mistisque vigiliis, ac febri op-
pressus, subinde homo perit. Cæterùm
meminisse convenit, non omnia semper
in omnibus ægris signa, verùm alia in
aliis deprehendi. Modò enim solæ pu-
stulæ, modò dolores, vel nodosa tube-
ra, vel exulcerationes sunt. Sub solis
pustulis expeditior curatio est, sub aliis
nul-

nulla, aut certè difficillima: præcipue si his multa vetustas accessit. Porro constat morbum hunc penitus contagiosum esse, ac solo vitiati corporis adhæsū contrahi, tum à parentibus quoque ad liberos more Elephantiæ transire, eique contagioni fœminas opportuniores, quām viros esse. Recens morbus non difficilimè curatur, vetus vix unquam. Aequè inanis medicina est, si sub hoc vitio corpus marcore occupatur, aut orta Anhelatio, quam Græci *στρεψις* vocant, fuit. Post morbi curationem alii mirè corpulenti fiunt, aliis raucitas infesta est, aliis fœdæ cicatrices manent, profundorum, turpium ulcerum vestigia.

M E D I C I N A L I U M

O B S E R V A T I O N U M

L I B E R I I.

Q U O V I T I A S I N G U L A R U M *partium corporis proponuntur.*

VI X ulla pars corporis humani æquè doloribus opportuna, ut caput est: *Dolor capitisi:*
Huc

Huc enim facile aliquid ex inferiore corpore aspirat. Ipsa quoque pars, propriae constitutionis, atque temperamenti occasione impotens, non difficillime doloris causam in sece tum admittit, tum gignit. Ergo si multis jam annis crebro, levique de causa caput dolet, scire licet aut cephalæam, aut hemicraniam esse: sub illa proprio caput affectu labefactatur, ipsumque universum, aut certè maxima ejus pars dolet: sub hemicrania autem, alterum tantum capitidis latus consensu præcordiorum, subditarumque partium dolor afficit, ferèque à temporum oritur pulsatione. Uterque dolor, ut quivis etiam aliis, sub appellatione τῆς Κεφαλαλγίας continetur. In dolore autem capitidis omni, eò periculum vertitur, qui continenter excruciat, & somnum tollit. Quod si vomitus etiam accedit æruginosus, & surditas, in proximo insaniam esse significat. Jam etiam ubi ingentem capitidis dolorem distentio nervorum comitatur, vel inflammatio juxta oculos, aliamve corporis fixa partem, vel denique oculorum inflatio, aut subversio, summum periculum ostenditur. Illud quoque veterum observatione constat, vehementem dolorem

rem capitis, qui curatione non sanescit, sed magis etiam exasperatur, assidueque tenet, periculum insaniae per febrem minari: sine febre autem, cum hanc quoque insaniam, tum magis cæcitatem prænunciare. Per acutos capitis dolores, si sonitus incidit aurium sine febre, & vertigo, & impeditus tardusque sermo, & manuum torpor, vel morbum expectari attonitum, vel comitialem, vel lethargum posse non alienum est. Ad hæc si vetus in capite dolor est ex frigida natus materia, difficillimè sanescit, maximeque in senibus. Quum caput parte aliqua, aut circum circa dolet, si pus, vel aqua, vel sanguis naribus, ore, aut auribus exit, scire licet malum solvi.

Nunc ea capitis vitia ordine sequar, quibus mentis error jungitur, incipiamque à delirio, Quod Græci *ἄγροπεντην* *Delirium.* dixerunt. Majoris ferè id terroris, quam periculi est, scilicet per acutarum febrium vigentes accessiones, sæpè contingit desipere ægros, & loqui aliena, verùm levato accessiones impetu, protinus mens redit. Novisse tamen oportet, illud penitus non leve esse, neque incidere, nisi in vehementi febre

posse. Ferè autem hoc represso ; gravis profundusque somnus obrepit. Sed imminentis quoque delirii non ambiguæ notæ sunt. Expeditor sermo ægrotanti est , quām sano fuit , ac subita oritur loquacitas , eaque ipsa solito imprudenter. Stridor quoque dentium , firmo etiamnum corpore incidit , & gestus incontinentior est , & oculi frequenter moventur , hisque dolente vehementer capite , quasi tenebræ offunduntur , vel sine dolore somnus non accedit , fitque continuata per noctem , perque diem vigilia. Spiritus rarus , mirèque vehemens est , & pulsus citatus , ipsumque corpus prostratum in ventrem jacet , nisi si hunc decubitnm tamen aliquis ventris dolor fecit.

Horroris autem , periculique plenissimum id genus infaniæ est , quod inflammatu*σπειρίτις.* cerebro , ejusve membranis excitatatur , Græci *φρενίτις* vocant. Id his signis notescit : Febris urget acuta , atque continua , continuusque mentis error , modò his , modò aliis animæ vitiatis actionibus: expeditus in omnem audaciam homo est , & vicissim tum vigiliâ , tum somno diffcili , turbulentoque impeditur , sic ut interrupta quiete protinus

cum

cum impetu è cubili prosiliat, vocifetur, ferociat, ac modò ploret, modo cantet, verbaque sine sensu, sine ordine certo proferat, interrogatus ab alio omnia aliena respondit. Quæ quidem omnia eo plus ostendunt periculorum, quò quis initio morbi (ut ferè sit) pacatior fuit. Sub eodem vitio oculis insolita mobilitas accessit, hique cruenti, flammei, squalidiq[ue] sunt, quos æger crebro perficit, modo siccis, modo lachrymâ perfusos, lingua autem aspera, & nigra est, dentes stridore quatuntur, sæpèque crux è naribus aliquis fertur, & interdum posteriora capitis dolent. Adhæc vehementer sitit æger, & multùm garrit nugarum, atque altè quidem, verùm raro tamen spirat. Idem manibus tremit, digitisque floccos vellit, & festucas è stragulis legit. Urina huic tenuis, flammæ, interdum etiam (quod pessimum esse judicatur) tenuis, albaque est. Hoc istud genus insaniæ longè acutissimum est, brevique hominem, nisi matutinè malum tollitur, tollit. Moriferum id esse testatur continua, tum dementia, tum vigilia, alvus & urina pertinaciter compressa, aut urina prius abundè colorata: post alba, tenuisque

reddita, itemque distentio nervorum; difficilis crurum extensio, atque contractio, syncope.

Sequitur tertium insaniae genus, quo diu aliquis sine febre desipit, Græci *Melan-cholia* vocant. Tristitia, metus, *cholia*. atque vigilia longo tempore afficiunt, itemque humanæ consuetudinis odium, idque perpetuo cum luctu, atque lachrymis, quanquam nonnullietiam continenter rident. Omnes autem exercent vanæ, intentæque animi cogitationes, adeò ut persæpè humi fixis oculis, veluti stupidi consistant, subitòque falsis imaginibus exempti, celeriter cum suspirio procedant. Qui gravius laborant, sese vel pecudes esse, vel testaceos, vel etiam vitâ defunctorum credunt; quare alii gallinacei cantum voce imitantur, alii occurrentibus cedunt, veriti ne (testacei cùm sint) diffringantur, alii epulas pertinacissimè recusant, amisam esse vitam rati.

Qui hoc morbo laborant, ut mortem quam maximè pertimescunt, sic hanc ramen sibi ipsi quam sæpiissimè desponso animo consciscunt. Omnibus autem caput, oculi, totaque facies calet: Somnus, ut præcipue necessarius, ita maximè difficilis est. Ex eodem genere morbi,

bi , melancholia flatuosa habetur , quam *Melan-*
Græcè ὑποχονδρία appellamus. Est ma- *cholia*
 lum affecti jecinoris magisque lienis fo- *flatuo-*
 boles, modò cum lienis tumore , modò *sa.*
 sine eo , non solùm lienis , sed neque
 etiam mesenterii : Soletque tum sævius
 esse , vel exigua etiam adustæ bilis atræ
 atque pernicioſæ portione , omnia suo
 halitu labefactante.

Iisdem penè notis hic morbus , quibus
 prior , deprehenditur : nisi quod hîc præ-
 cordia sursum convellantur , & interdum
 præter gravitatem calore ferveant. Sub
 his arteriæ vehementer , & molestè pul-
 sant. Accedunt capitis vertigines , au-
 rium sonitus , cruditas , acidi ructus ,
 multatenuis salivæ sputatio , qua de cau-
 fa nihil etiam sititur , vomitus pituitæ ,
 modò bili permistus est , modò acidus ,
 ex quo dentes etiam stupent. Dum epu-
 las stomachus concoquit , medio loco
 scapularum dolor inhærescit , qui illis
 concoctis , protinus conquiescit ; Ven-
 ter sæpè adstrictus est , & intùs rugit ,
 flatibusque turbatur. Quin etiam subin-
 de cordis fit palpitatio , & quædam quasi
 suffocatio . Cruditate maximè crescit
 morbus , concoctione summè levatur ,
 estque eo morbo , quem priore loco po-

suimus , longè mitior. Nonnulli autem , quibus hujus malī vis cerebrum penitus occupavit , in furorem aguntur , febremque patiuntur hecticæ non absimilēm , & quæ in marcorem promptè vertatur. Melancholia omnis familiarior viris & senioribus , deterior fœminis est. Rarò quisquam tumorem effugit lienis , qui hoc morbo capitūr. Si vel hæmorrhoides , vel varices , vel (ut quibusdam placet) aqua inter cutem accedit , solvitur malum : versam etiam melancholiā in morbum caducum fuisse , & rursus hunc in illam , quorundam observatione compertum est. Ferè autem sic incidit : ut , quæ melancholia recens est , curationem non difficillimam habeat : quæ inveteravit , vix unquam remediis tollatur.

Efuror. Sequitur modò ea insaniae species , quam nos furorem , seu rabiem , Græci *μανίαν* appellaverunt. Ad sunt quidem delirations eorum quos Melancholia exercet , at his tamen insuper jungitur effrenis iracundia , clamoribus , minitationibus , torvo oculorum intuitu , violentoque corporis impetu formidabilis. Si sanguis magis subest , assiduus , & dissolitus oritur risus , jucundis ante oculos

los objectis imaginibus. Si verò magis in causa bilis est, omnia inusitatae temeritatis, atque crudelitatis plena continentur: Adeò constat rectè judicasse veterem Hippocratem, insaniam quæ cum risu sit, tutiorem esse, quæ dato studio, pejorem. Ut plurimum autem hic morbus sine febre est, tametsi ea quoque interdum accedere, atro humore putrescente, solet. Salutem promittunt, fusi menses, aut hæmorrhoides, aut natæ varices. Non tuta sunt ulcera in facie & in pedibus orta, aut amissa prorsus appetentia.

Huic furoris vitio id finitimum est, quod à morsu rabiosi canis infertur, Græci *υδροσίαν*, nos aquæ metum appellamus. Miserrimum genus morbi, quod hominem rabie, & siti & aquæ formidine cruciat. Ergo ut primum morsus aliquis est, moderato omnia pro vulneris modo fiunt; at interposito spatio, dolores ingravescunt, ipsaque incipit vitiari mens alienis cogitationibus impedita. Homo autem morosus fit, ferox, atque iracundus, multum secum obmurmurat, & quasi ab alio interrogatus, crebra responsa reddit. Post hæc conspectum me tuere aquæ incipit, canemque in ea oc-

*Aquæ
metus*

culi existimans , metu exclamat , atque
inhorrescit.

Ipsi adeò mens errat , ut ne familiares
quidem agnoscat . Tum perfecta oritur
rabies , atque aliis morsu nocendi cupidi-
tas , inter quæ alii sicuti canes latrant ,
alii semen sine desiderio Veneris emit-
tunt , alii cùm quid biberint , præfocati
moriuntur . Omnibus autem somnus
turbulentus , horroris , furorisque ple-
nus est . Accedit nervorum distentio ,
singultus , sitis implacabilis , & (quæ fe-
rè extrema esse solent) frigidus sudor , &
syncope : quamquam non rarò prius siti
homo enectus sit , quam hæc ista eve-
niant . Porrò hoc genus insaniæ , ubi
confirmatum spatio est , adeò sanari non
potest , ut neminem constet inde unquam
fuisse expeditum : Confirmatum esse di-
co , cùm simul mentis usus non est , si-
mul timeri aqua cœpit . Quos casus ac-
cidere aliis post quadragesimum , aliis
post sextum , aut septimum mensem ob-
servatum est .

Nec defunt Authores , quibus placuit ,
septem etiam annis occultari id vitium
posse . Illud quoque constat , multos ita
morsos , factum id à rabioso cane esse
nefcisse , vulnerisque curatione , ac ni-
mia

mia secundæ valetudinis fiduciâ , hujus sibi calamitatis authores extitisse. Itaque utilis etiam experimento locus est. Nam accipitur panis frustum , imponiturque vulneri : id hinc detractum , alterique integro vorandum exhibitum cani , si rabiem ei non moverit , scire licet , qui momordit , eum non fuisse canem rabiosum . Ferè autem qui sic est canis , hæc habet : esurit , sitit , nihil tamen cibi vel potionis sumit , oculos flammeos , trucesque habet , auriculas demittit , linguam exerit , multum ore spumat , umbræ suæ oblatrat , saepe sine omni latratu tristis , atque anxius discurrit , crebro tanquam cursu fatigatus spirat , caudam gestat intortam , nullo discrimine in quaque obvias animantes impetu , ac morsu fertur , præcipite atque incerto oberrans cursu. Integri canes , & conspectum , & latratum ejus qui furit exhorrescunt , ac fugiunt.

Nunc ea capitis vitia proponam , quæ frigidis innixa causis , mentem etiam vident . incipiamque à Lethargo , cuius *Lethargus* hæ notæ sunt ; Marcor , & penè inex-

pugnabilis adest dormiendi necessitas , febrisque lenta , neque caloris admodum mordacis. Accedit dementia , rerum-

que omnium tanta oblivio , ut quum ob-
scitant ægri , (quod ipsis per frequens est)
claudendi oris obliviscantur : aut cum
mejendi causâ matulam petunt , mani-
busque tenent , mictionis tamen omnem
amittant memoriam . Adhæc claudun-
tur oculi , iidemque ubi voce compelli-
tur æger , palpebris ægrè diductis , vix
adaperiuntur , rursumque protinus coëunt ,
ac pristino fæse sopori dedunt . Is sopor
interdùm adeò pertinaciter immoratur ,
ut æger vulsis etiam capillis non doleat ,
sed totus stupore oppressus , veluti trun-
cus cùbet . Universum ipsi corpus se-
gne , graveque est , & ante omnia caput .
Nonnunquam singultus etiam incipit .
Ipse pulsus æquè magnus , mollisque , ut
inflammatis pulmonibus est : at tardior
tamen , & rarer , & minus inæqualis ,
magis autem intermittens , quàm inter-
currens , interdùm bis pulsans , semper ,
ubi sopor dominatur , undolus . Spira-
tio rara , & imbecilla est ; Alyusque aliis
liquida , aliis compressa . Urina , qualis
jumentorum esse solet , turbida mejitur .
Ipse æger supinus cubat , & ab aliis in
latus conversus , ultrò in dorsum revol-
vitur . Hoc certè genus morbi acutum
est , & cùm parum in tempore succur-
ritur ,

ritur, promptè interficit. Summi periculi nuncius tremor est: itemque vi gente malo frigidus circum caput sudor. Qui ex hoc morbo convalescit, huic ferè in pectore suppuratione nascitur. Sæpè lethargus, abscessu pone aures exorto, solvitur,

Caros notis lethargo persimilis, febrim non facit, sed sequitur, eamque non levem: quamquam etiam, & compresso cerebro, accessionibusque comitalibus succedit. Lethargus ipse per se morbus, propriâ quadam nititur conscientiâ. Neutrum vitium repente accedit. Jam quoque in lethargo, etsi sit molestè, sit tamen omnìa ad interrogata responsio. In Caro spiritus illæsus est. Nihil verò istorum in attonito observatur morbo. Solutum quoque Carrum ferè secunda valetudo excipit: attonitum morbum, resolutione nervorum.

Catalepsis autem, quam detentionem interpretantur, sic cognoscitur. Homo repente mente, ac sensu, motuque corporis destituitur: itaque in ea quoque figura, qua percillebatur, manet, sive federit, sive cubuerit, idque vel clausis, vel apertis oculis. Qui hoc morbo capiuntur, nisi mature carentur, stupidi

di ac velut frigore quodam enecti moriuntur.

Kōμa. Kōμa autem, quod Soporem, & profundum somnum appellamus, hic notis observatur: Æger demissâ inferiore mandibulâ obdormit, & exerges factus, rursus in somnum repente delabitur, ideoque Græci id *ὑπνάδες* appellaverunt. Quod si ad somni proclivitatem, vigilia simul accedit (*ἀγρυπνίαν κῶμα* Græcè dicunt) mens, sensusque omnes sopitam omnem actionem ostendunt: homo ramen vigilantis formam, figuramque retinet. In eo malo impeditus sermo, & spirantibus auditum in gutture murmur, & difficilis poculorum deglutitio, & puita tenuis à naribus stillans, & urina, alvique retentio, promptaque resupinatio, periculum in proximo esse denuntiant.

Morbus comitiales. Incipiam nunc de morbo dicere comitiales, quem Græci *ἱπνάτην* dicunt. Istim maximè timeri potest, cum caput grave est, & dolet, præcipue permoto ad iram homine, cum mentis error incidit, & sensuum stupor, simulque vertigo oritur, & tenebræ oculis objiciuntur; & horrenda insomnia sunt, & linguis sine ordine orationis moyetur, eamque

queloquens æger commordet; cùm vultus inter hæc pallet, spiritus difficulter trahitur, venter flatibus tumescit, urina præter solitum tenuis & cruda, cùm aliæ, tum si quis etiam dolor, aut convulsio summum humerum, aut cervices, aut caput occupet, aut torpor corporis, aut turbulentum insomnium accedat. Ut primùm verò morbus invadit, homo subito convulsus concidit, vociferatur, stertit, spumat, interdum circumagitur & tremit: dein interposito tempore ad se redit, perque seipsum consurgit. Quibusdam stercus, aut urina, aut semen præter voluntatem in ipsa accessione elabitur. Si à ventriculo vitium fuit, mordetur is antè, magisque per inediā, idemque palpitat, & fluctuat: quumque in propinquō accessionē est, nausea oritur, & stomachi dolor, aut animi defectio, qua finita, vomitus incidit, modò pītuitam, modò bilem trahens, inter quæ frequens sibilus aurium est. Porrò si ab aliquo loco corporis exteriore malum oritur, inde fieri raptus velut auræ cujusdam frigidioris per continuatas partes ad caput sentitur. Morbus autem comitialis tum pessimus est, cùm continenter recurrat, atque intervalla accessionum

habet quam minima ; diuque , ubi inva-
sit , immoratur ; præcipue si simul mul-
ta vertigo est , & difficilima spiratio , &
vehemens , longaque corporis agitatio ,
& post hanc succedens alta , plurimaque
quies catochæ similis , sub qua amisisse
homo quasi vitam credatur . Quod si
inter hæc nihil juvare etiam videbuntur
remedia , quæ movendis sternutamentis
utilia sunt : scire licet , in pessimo rem-
statu esse , magisque ubi ab ore detersa
spuma sæpius redit , simulque vehemens
tremor , & vociferatio , & stertor est :
neque finita accessione meminit quicquam
æger , pudorve movetur factorum . Idem
morbus magna ex parte esse longus solet ,
ad usque diem hominis supremum , ne-
que vitae tamen periculosus , tametsi in-
terdum , cum recens est , hominem tol-
lat crebris , gravibusque accessionibus .

Quomodo cunque autem incidat , ma-
gis familiaris esse viris , quam fœminis
confuevit : magis pueris , ac præcipue
nuper in lucem editis , quam adultiori-
bus , minimèque senibus , atque ætate
confectis . Nihil æquè ad depulsionem
vitii hujus , ac processus ætatis facit .
Nam pueris ferè post fœminæ consuetu-
dinem solvitur , & puellis post orta men-
strua .

ftrua. Quod si annum aliquis vigeſimum
quintum jam ſuperavit, ægerriſè, aut
certè nunquam ſanefcit, per omnem vi-
tam morbo opportunus, magisque ſi co-
mitialibus natus parentibus, aut concep-
tus fluentibus menstruis fuit. Illud etiam
non perperam anima dverſum eſt, præ-
gnanti fœminæ ſi morbus acceſſit comi-
tialis, hunc, facto partu, ſolvi: & ſi
quid inde vitii foetus traxit, id magna ex
parte conuiescere, ubi editus in lucem
infans protinus evomuerit, multumque
ejecerit aquosi excrementi: ſin minus,
manere morbum. In eodem ipſo Alphos
albus in capite natus, puerisque crufosa
ſcabies, ſpem curationis aliquam facit,
maximè ſi morbus non ita diu traxit, &
vitæ ſolummodo ſecutus intemperantiam
eſt: aut ſi ab una parte corporis, ſenſus
venientis accessionis incipit, idque à ma-
nibus, vel à pedibus potius. quām à
lateribus aut ab ipſo (quod pefſimum
eſt) capite. Nam contrà, ubi totum ſi-
mul afficitur corpus, neque antè in par-
te aliqua accedentis mali ſenſus eſt, ſed
homo ex improvifo concidit, cujuſcun-
que iſ ætatis fit, vix ſanefcit. In eodem
morbo ſi mens læſa eſt, & nervorum
facta reſolutio, medicinæ locus non eſt.

Illud quoque constare judicio quorundam video, prorsus pro valetudine esse, si morbo comitiali longa febris, ac præcipue quartana accesserit.

Incubus.

Incubus, quem ἱφιάλητην Græci dicunt, notis cognoscitur. Per somnum mole aliqua sese opprimi homo, & ab alio urgeri credit: ipse totus torpidus, ac difficulter mobilis, imaginatione præfocationis edere vocem non potest, aut eam certè admodum incertam, exilem, & malè discretam edit, tandem hoc casu vehementer anxius, perrupto somno, repente exergiscitur. Malum hoc familiare est hominibus crapulâ, & multa sæpè cruditate oneratis. Deterius est, ubi per noctem etiam vigilantibus incumbit. Si verò ubi idem dormientes occupat, post expegefactionem frigidioriuntur sudores, & cordis tremor, pessimum est. Vix unquam incubus accidit in latus cubantibus. Qui hac ægritudine multo jam spatio temporis, ac frequenter occupantur, huic grave aliquod capitis malum, puta vertiginem, morbum tum attonitum, tum comitialem, maniam, nervorum distensionem, aut subitam mortem impendere sciendum est. Scilicet hoc modo reper-

tos

tos mortuos , in ipso etiam cubili , mul-
tos esse constat.

Attonitum morbum , qui Græcè *Morbus*
ἀποπλεξία dicitur , etsi interdum nulla fe- attoni-
rè signa præcurrunt , magna tamen ex tus.
parte antecedunt , capitis subitus , acutus-
que dolor , & vertigo , & oculorum ca-
ligo , & dentium in somno stridor , &
totius corporis , maximèque extremorum
frigus. Tum repente homo , velut at-
tonitus , cum clamore corruit , moxque
clausis oculis stertit , & magna spiritus
orta difficultate tantum non præfocatur ,
perinde laborante pectore , ac si vinculo
quodam adstrictum , attolli prohiberetur .
Adhæc sensus motusque omnis perit , u-
nica miseris à spiritu spes vitæ reliqua.
Is spiritus , prout aut facile , aut moleste
trahitur , morbi modum , omnemque
magnitudinem ostendit. Quare etiam
pestiferum esse sciendum est , si vel in-
termittitur multum spiritus , aut summa
difficultate trahitur. Minus horrendus
casus est , ubi cum spiritu non difficilli-
mo , sumta pocula non resiliunt per na-
tes , sed penitus descendunt.

Quicunque verò morbus attonitus
magnus est , sanari non potest : qui le-
vior , ægrè potest. Idem raro sine al-

tero corporis resoluto latere , conquiescit, idque fere primis fit quatuor diebus , quod spatium si morbus transit , occidit. Sæpe tamen adeò leviter aliqui sic laboraverunt , ut solo distorto ore, sensuque , ac motu lapso , neque spumaverint , neque sterterint , remediisque curati, nulla orta nervorum resolutione, convaluerint. Morbus autem attonitus ei magis familiaris est , qui annum jam quadragesimum , nondum sexagesimum excessit , utique si idem frigidæ naturæ homo est , crebraque gravitate capitis , & sopore , oculorum caligine afficitur , si brevi & angusta cervice est , si ipse totus sine negotio deses , potationibus , atque ingluvie perditam vitam ducit. Adolescens autem , & eo ætate paulò grandior , sic laborare , non nisi maximis de causis potest , aut quivis etiam alias , quum tempus æstivum est. Sub his enim casibus ferè mors sequitur. Opportunior morbo hyems est : utique si præfrigidivi venti spirant , densæque nebulæ cœlum obsident. Cæterū utile est in hoc morbo hæmorrhoides patefieri : inutiles sunt frigiditates , & torpores : mortiferi propter impeditum spiritum orti sudores. Per eundem morbum sæpè , quod multis vi-

detur

detur extinctum corpus , vitam habet , præcipueque fœminarum , & horum quoque virorum , quibus frigidor est natura . Rem omnem pluma detegit coram naribus , atque ore suspensa , aut certè vasculum aquæ plenum , atque sic supra pectus impositum . In his si motus fieri aliquis videtur , superest æger : si summa immobilitas est , periit . Minimè alienum id videatur , quod Hippocrates memoriæ prodidit : sanum hominem subito dolore capitis captum mutumque redditum , ac stertentem , intra septimum diem interire : servari autem , si ante eum diem febris venit , possè .

Proxima modò videatur observatio , quæ nervorum debetur resolutioni , Græci παράλυσις appellant . Ea autem , cum morbo attonito successit , παραληγία Græcè dicitur , ac modò omne corpus , quod capite inferius est , occupat , modò alterum ejus latus duntaxat . Cum autem nullo antecedente morbo incipit , interdum & comprehensa quoque loca tènet , interdum unam quampliam partem , ut linguam , ut oculum , ut maxillam , ut labrum , ut brachium , ut crus , ut hujusmodi . Hujus itaque resolutionis nuntius stupor est , ex quo scilicet sensim

*Resolu-
tio ner-
vorum.*

crescente illa nascitur. Prius autem genus plus periculorum habet, sæpèque in morbum attonitum revertit, posterius hoc et si æque ferè diuturnum, longè tamen esse mitius solet. In utroque aliàs sensus integro motu perit, aliàs illæso sensu motus, nec raro (ubi consummatum id vitium est) simul utrumque. Ubi hic mòrbus alterum latus affecit, id nonnunquam frigidum deprehenditur, altero, quod integrum est, ardescente. Oculus quoque, è directo lateris ejus, quod morbum sustinet, minuitur. Per eundem morbum pulsus languidus est, & parvus, & tardus, & rarus, & mollis: interdum etiam creber, inæqualis, sed nonnihil sine certo ordine intermittens. Urina tenuis ferè, atque diluta est, tametsi nonnunquam propter imbecillos renes rubea sit. Idem malum semper longum esse solet, sæpèque, alias mòrbos excipiens, finit: puta mòrbum (ut proximè dixi) attonitum, itemque longas febres, coli dolorem atque ab utero factum strangulatum. Crebrò etiam per hyemem incidit, ægerrimèque in sene tollitur, præcipue si jam in vetustatem incidit. Idonea ad medicinam tempora sunt, primùm æstatis, dein veris: vix
quic-

quiquam sperari hyeme, vel autumno potest. Quæ verò pars resoluta est, ea facile refrigerescit, gravisque est, mollis, & laxa, tandemque ubi morbus inveteravit, macie consumitur. Tum profectò vix unquam ad pristinum statum revertitur, præcipue si motu penitus caret, similemque colorem reliqui corporis non exhibet. Quælibet autem nervorum resolutio mediocris vix sanatur, vehemens sanari non potest. Eadem ubi ex rupto nervo, aut transversim incisa nata est, non curatur. Pro valetudine est, febrem accedere, vel tremorem fieri.

Quoniam de vitiis agere cœpi nervorum, non videtur omittenda eorum distentio, quæ Græcis σπασμός appellatur. Membrum sic contrahitur, ut reduci ad pristinum habitum non possit, nervis, musculisque versus suam originem, præter voluntatem, convulsis, idque cum vehementissimo dolore, qui vires subinde hominis consumit. Quod ad pulsum attinet, arteria tenditur, & undequaque sese colligens cōit, eademque veluti chorda, qvæ stringitur & laxatur, sursum, deorsumque fertur. Hic morbus rarus quidem, at multum acutus est, ci-

tòque adeò occidit. Quum repente sanum hominem adoritur, repletionis sequitur causas, utique si necessariæ vacuationis facta suppressio est, si intermis- sa exercitatio, & continuata pocula fure: ubi vero magna febris, aut superflua vacuatio, aut nimius labor, maximèque vigilia, atque inedia antecesserunt, scire, licet id ipsum vitium ab inanitione profici, atque in primis horrendum esse, vixque ulla medicinæ ope sanabile. Itaque rectè id ab Hippocrate animadversum video, post acutas febres, & effrenatas, præcipueque veratro tentatas purgationes, & post gravissima vulnera, aut post quamvis aliam sanguinis profusio- nem, semper mortiferam nervorum distensionem esse. Scire autem licet, saepè hunc morbum febricitantibus subito, sine ullis præcurrentibus signis, accide- re, factoque bilis vomitu, protinus con- quiescere: proin ejus causa ad stomachi affectum, non ad febrem referenda est. Porro est etiam levis quædam nervorum, muscularumque distentio, quæ à flatibus oritur, Græcisque σπασμὸς φυσιῶν appellatur. Nam etsi maximum dolorem, eum tamen per brevem, ac non magis horâ durabilem exhibet, sola frictione

mi-

mitescerentem. Id vitium s^epe manuum, pedumque digitos, interdum & crura tentat, summo ea cruciatu extendens, vel in sese contrahens. Iis autem familiare est, qui crapulæ dediti desidem vitam agunt. Distentio nervorum semper in pueris, præcipue nuper natis, frequentior, & curatu facilior esse consuevit: quanquam interdum in iis ipsis periculum habet, maligna febre captis. Scilicet post septimum ætatis annum, nemo puer distentione afficitur nervorum per febrem, nisi hanc acutissimam, & malignam.

Opportunus autem dum febricitat, huic morbo is puer est, cui alvus diu compressa est, cui vigilia, & terror, & coloris mala mutatio accesserunt. Novisse autem oportet, eundem morbum aliàs uni membro infectum, ut oculo, cuti quæ in fronte est, linguæ radici, maxillæ, labris, brachio, manui, cruri, sed eum gravissimum in cervicibus esse: aliàs loca omnia capite inferiora obfidere, aliàs tota corpora convellere. Priora genera duo, *πτερόν* appellatione Græci comprehendunt, quem Latini rigorem nervorum vocant. Novissimum genus in morbo comitali est, sub quo, *Rigor nervorum*.

quia caput quoque ægrotat , simul & mens , & sensus vitiantur , fitque non continuata , ut in superioribus afflictio : sed ex temporum recurrens intervallis . Ergo , quoniam hujusce morbi observationes suo loco proposuimus , rectè modò de rigore nervorum agemus . In hoc flecti cervix vel corpus non potest , sed recta intenditur , id τέταρον dicunt : quum in priorem curvatur partem , sic ut mentum pectori jungatur , tum Græcè ἡμέρας θόρον esse dicitur : quum autem in posteriora convellitur , caputque committitur scapulis , οὐραθόνον vocant . Præter has notas aliæ etiam sequuntur , Nam facies rubet , atque dolet , maxillæ , ac si ligneæ essent , obrigescunt , os vix patefit , oculi distorti illachrymant , riget dorsum , vix contrahuntur crura atque manus , præcipue in tetano . In opisthotono autem vociferatur etiam æger , & ingentibus doloribus excarnificatur : crescentibus his exilit è cubili , & magnas nugas dicit : mitescentibus , melior mens , & tranquillitas redit . Idem pollicem pugno includit , neque crura contrahit , neque manus extendit : interdum etiam accidente morbo , vocis usum amittit , & omnia similis homini fari-
bundo

bundo redditur : sub quo easu certum exitium est , magisque si viribus æger caret , & insudat , & pocula per nares rejicit. Rigor nervorum omnis hominem intra quartum diem tollit , quem si is transit , convalescit. Ubi moritur aliquis , potionem , & sorbitionem , & pituitam per nares extundit.

Nunc de destillatione loquar , quam *Destilatio.* Græci communi nomine *άταππον* appellant. Leve est , è capite humorem in nares labi : pejus , in fauces , & in asperam arteriam ; pessimum in pulmonem. Si in nares materia fertur , eaque frigida , & ignava est : tenuis per has pituita stillat , caput leviter dolet , sed multum grave est : ex somno oculi caligant , frequentia sternutamenta sunt , extima pars narium friget , sæpe gravedo has intus obstruit , vocemque offendit . Inter hæc ferè urina cruda , atque turbida est. Si materia in fauces & in asperam arteriam ruit , raucitatem , & tussiculam movet. Si in pulmonem , gravem tussim , ac spirorandi difficultatem : atque hinc eam sputo expurgari intra vigesimum diem , observatione Hippocratis constat : quod nisi sit , ferè in Anhelationem , quæ Græcè *ασθενία* dicitur , transit. Porro si cap-

loris causa subest, rubet facies, humorque acris, salsus, & tenuis destillat, vehementer cibi fastidium est, sonant aures, arteriæ multum moventur in capite: tumque magna ex parte febris oritur, ex qua malum tamen nihil levatur. Sæpè etiam eo tempore proclive periculum inflammationis laterum est, quem morbum Græci ~~αλευρίτην~~ vocant, maximè si tum quoque is ipse passim in populum grassatur. Jam verò si in fauces, asperamque arteriam humor hic decumbit, præter tussiculam, & raucitatem, etiam hæc loca exasperat. Si in pulmonem irruit, præter sternutamenta, & difficilem tussim, adsunt capitis gravitas, sitis, lassitudo, æstus, biliola urina. Ut cætera genera destillationis ferè sine metu, sic hoc illud periculosum est, itemque certò pestiferum, ubi pulmonem exulceravit, unde gravis oritur tabes, quæ hominem spatio consumit.

Hinc tabem vel esse, vel instare, inter cætera indicat urina oleacea, magisque id vitium timeri debet, si jam vetus destillatio corpus tenue, atque procerum tenet. Nonnunquam autem & loca septo transverso inferiora humor impedit, nempe ventriculum, cuius appetentiam concoctio-

coctionemque subvertit, & quæ in eum ingesta sunt, corrumpit: nec raro etiam ubi is acrius est, ventriculi tunicas eredit, atque alvi profluvium movet. Interdum etiam & venas mesenterii, & Colon convellit. Destillationibus ii magis expositi sunt, quibus, cum subjecto viscere intemperanter calido, puta Corde, vel jecinore, vel renibus, caput naturâ imbecillum est. Idem, quem dixi, morbus ægerrimè in sene maturescit, itemque in eo, cui simul continuò caput dolet. Nullum anni tempus æquè opportunum dcstillationi, atque Autumna-le est: tum enim varie, sæpèque cœlum mutatur, quæ res, judice Hippocrate, maximè destillationes movet. In eodem morbo, pro valetudine est ad nares, vel ad os fluxionem verti.

Magnis & variis casibus oculi nostri patent. Ex quibus magis in usum venire medicis consuērunt suffusio, & lippitudo. Incipiam itaque à suffusione, quam Græci *πνόχυμα* nominaverunt. Visio paulatim hebescit, primùmque assiduè observari oculis videntur quasi pusilli culices, vel muscæ, vel alia lucentia, cæliginosaque rerum simulachra, incerto motu huc illuc acta.

In-

Interdum veluti tenuia quædam filamenta, aut telæ araneorum offeruntur. Aliis lucernam intuentibus, cingere eam tanquam circuli quidam obscuriores videntur: post hæc pupilla turbida esse incipit, & tenebrosa, & malè serena.

Denique pro suffusionis ob pupillam figura, variæ offeruntur rerum imagines: tantisper autem hæc ista interposito tempore crescunt, donec crassescente materia, totus aliquis cœcus fiat. Ferè autem id vitium, neque incipit simul in utroque oculo, neque simul, vel similiter modo cernitur: interdum alterum occupat duntaxat. Semper autem ubi natum est, immoratur, assiduis rerum simulachris oculos illudens. Quibus nominibus ab eo suffusionis differt genere, quod ab stomacho proficiscitur: id enim & intermittit, & remittit, si curata concoctione prospectum stomacho est: invalescit autem, vel revertit, si is cruditate labefactatur. Quinetiam eodem tempore, eodemque modo ambos afficit oculos, quod si quis intuetur, nihil in se habere obscuritatis, vel concreti humoris comperiet. Vera oculorum suffusio, si longa vetustate occupatur, curari non nisi acu potest: quod tamen

au-

auxilium , nisi eo quoque tempore adhibetur , quo id quod concrevit , satis firmum sit , ut subjici acui possit , anceps esse solet . Ergo si quid accrescit , perfrictum diducitur , & sic manens , iterum non contrahitur : tum si æger quoque visione penitus non caret , sed quædam etiamnum rerum simulachra cernit , itemque si malum nondum tertium annum , vel quartum , vel quintum superavit , scire licet , nimis recens id esse , & acui inidoneum . Propter vetustatem autem curationi reluctatur , semelque ablatum , protinus recurrit , quod clauso oculorum altero nullis aut compressionibus , aut perfrictionibus dilatur , simulque omnem semel visum abstulit . Cæterum id tutò curari posse videatur , quod , ubi perfricatur , diducitur , iterumque rediens jungitur , coloremque exhibet obscurè album . Nam quod nigrum , vel lividum , vel vehementer flavum est , id neque medicinâ curari , neque acu potest . Porrò quæ suffusio oculis propria , nihil unquam concrecentis materiæ intuentibus exhibet , sed penitus serena est : ea perpetuam cœcitatem invehit , nullumque remedio locum præbet .

Lippitudo autem , Græcis οφθαλμίᾳ di Lippi-
cta , tudo .

Etia, sic cognoscitur. Vehemens oculos urget inflammatio, cum multo dolore, & tensione, & tumore, & ardore, & rubidine: interdum tanta etiam cum punctione, ut oculi tanquam ab infixâ acu, aut spina stimulari videantur. Idem fervente lachryma implentur, sequiturque pituita modò paucior, modò uberior. Sed & sordes quædam majoribus angulis oculorum inhærescunt, & ubi gravius malum est, vicina etiam loca ad malas usque attolluntur, circum circa arteriæ vehementer pulsant, ipsa inflammatio ex oculorum angulis in omnem adhærentem membranam diffusa est. In hac tenues oculorum venæ turgent, conspicuæque redduntur hæ, quæ per sanitatem in oculorum albo fuerant obscuræ. Ferè autem quod toto oculo album esse debebat, rubescit. Hic morbus tum maximè metui solet, cùm secunda valetudine sæpè tempora dolent, noctuque corpora insudant, & frons prurit. Principium autem morbi esse ostenditur, quamdiu tenuis ex oculo pituita fertur: ubi ea crassescit, albaque fit, incrementum esse: ubi tota crassa, multaque est redditæ, perque somnum oculos veluti glutine oblinit, venisse jam statum significat:

cat : declinatio est , ubi & pituita , & signa morbo propria minuuntur. Optimum autem est simul & lachrynam , & pituitam , & tumorem esse cœpisse , sic ut lachryma non multum calens pituitæ albæ , ac molli permista sit , & tumor levis , non tamen perdurus. Tum namque palpebræ per quietem conglutinantur , neque dolores æquè afficiunt vehementer : ipse morbus tutus , ac minimè diuturnus est. Quod si autem lachryma multa , & fervida est , paucissimaque pituita , tumor tamen exiguus , vitiumque in altero oculo est : scire licet , dolore id atque periculo multo carere , sed casuum in vetustatem esse , neque solvi antè vigesimum diem posse , multis ad quadragesimum usque durare , quibusdam etiam ad ipsum extendi sexagesimum consuesse. Itaque tanto spatio formidari etiam exulceratio solet. In omni autem lippitudine , pituitam , quæ fertur , albam esse oportet , & mollem , & lachrymæ perfusam , maximè ubi in propinquuo judicatio est. Pituita aridior dolorem quidem abundè movet , ac citius , nisi si quid exulceravit , definit. Nullum verò habere periculum tumor magnus solet , si expers doloris , & siccus est.

Quum

Quum dolorem exhibet , malus est , si siccus est , metusque fit , ne exulceretur oculus , ac concrescat . Sed & male securus tumor est , cui lachryma jungitur , atque dolor . Ubi enim lachryma fertur calida , ac falsa , periculum exulcerationis , & pupillæ , & palpebris affert . Jam si tumor quidem confedit , at copiosior diu profluit lachryma , scire licet , eversionem palpebrarum viris instare , foeminis autem , atque pueris etiam , exulcerationem . Lippitudine affectum alvi corripi profluvio , bonum . Si lippientibus caput assidue , longoque tempore dolet , futuræ cœcitatis metum denunciat . Interdum lippitudo ex uno oculo in alterum , quadam veluti contagione transit , idque ominis non mali esse creditum est .

Sanguinis è naribus fusio. Ab oculis ad nares descendam . Ex his cruor tanto impetu interdum fertur , ut hominem inanitione exanimet . Tum certè color corporis pallidus fit , aut lividus , aut subviridis , extrema vehementer refrigescunt , & mortis proximæ nuntia oritur syncope . Quibus sæpè è naribus sanguis fertur , his ferè aut lientumet , aut caput dolet , aut caligines oculorum , suffusionesque fiunt . Si pueris

ris sanguis è naribus fluxit, dein fluere procedente ætate desit, necessem est eos vel gravi articulorum exulceratione affici, vel gravi demùm morbo debilitari oportere. Cui fauces sanguine interdiu, noctuque replentur, sic ut neque caput, neque præcordia doleant, sed nec tussis, nec vomitus, aut febricula antecesserit, hujus in naribus, aut in faucibus ulcus est. Sanguinem ex contraria regione erumpere, malum: ut in liene magno, si dextra nare emanat: aut in jecinoris inflammatione, si sinistrâ.

Nunc de faucium morbis dicam, primumque de tumore tonsillarum, qui de- *Ton-*
glutitionis molestiâ plus terroris, quâin *fillæ:*
periculi exhibet. Is tumor intuenti, tangentique intus obvius est, moleque sua impedit, quominus homo poti-
nem, salivamque possit suam devorare.
Qualiscunque hoc loco rubor, aut nul-
lus ardor est. Sæpè hic tumor inflam-
mationem adsciscit, tumque dolor & ar-
dor, & major rubor, & sitis, quorum
nihil in superiore vitio animadvertis-
tis. Facta, ruptaque suppuratione,
materia in fauces fertur, oriturque ulcus
fordidum, cuius putri nidore ipse quo-
que spiritus fœtet.

Columella etiam , ubi vel laxatur , vel (quod rarum est) inflammatur , animadversione non indigna est . Ea è palati extremo propendet , inque fauces , & gulæ caput fertur . Itaque hæc loca titillatione quadam afficit , metuque præfocationis sollicitat . Crescente inflammatione , ima ejus pars grandescit , summa tenuis est , tumque malo Hippocrates *τῆς σαφυλῆς* , id est , uvæ nomen dedit . Rarò hic morbus , si protinus ab initio tectè curari cœpit , hominem tollit . Columellam ita , ut dixi , tumidam , & rubentem , magno periculo incidi , Hippocrates scripsit : gravior enim hinc inflammatio , & sanguinis profusio sequuntur , maximè si succis plenum corpus est . Quibus præfecta est Columella , his pulmo facilè læditur , ferèque eos homines tabes perdit .

Angina.

Proximum est , observationes anginæ , quam Græci *συράγχη* dixerunt , propонere . Sub hoc malo fauces , id est , extremae gutturis , gulæque partes , quibus cibus , spiritusque introfertur , inflammantur : fit spiritus hoc nomine difficilis , molestaque deglutitio , sic ut interdum sumta pocula per nares resiliant : accedit autem acutissimus dolor , tumor ,

ru-

rubor, calor, & febris, aërisque frigidi cupida attractio. Levissimum malum est, ubi tumor tantummodo, & rubor in sola cervice, ejusque musculis insunt, cætera non sequuntur. Eò gravius est, tum in hisce locis, tum in faucibus interioribus, tumorem, calorem, ruborem, doloremque versari. Penè gravissimum est, foris nihil horum esse, omnemque morbum intus consistere, ubique (validè depresso lingua) speciem ruboris, tumorisque esse, semper aut vehementissimum dolorem, ac summum strangulatus metum accedere. Porro mortifera est, atque omnium horrendissima angina, citissimèque incidit, & necat, quæ neque in cervice, neque in faucibus quicquam conspicui, vel tumoris, vel ruboris exhibet, simulque summi doloris tormentum, & vehementem febrem, atque tantum non præsentem suffocationem infert. Tum profecto oculi vertuntur, & rubent, & veluti iis qui strangulantur prominent: vox impedita nihil significat, & qualis catulorum est, tenuis editur: os apertum hiat, frigidi aëris cupidum, ex eoque spumans saliva movetur: lingua exeritur, crebroque, ut in anhelis propter laboris impe-

tum equis , agitatur : potui datus liquor per nares remeat : labra liveſcunt : cervices rigidæ contractæque ſunt : ipſe æger totus inquietus eſt , crebrò è cubili exilit , moleſtè ſupra dorsum , commodius recto collo atque capite cubat ; videt , auditque obtusè , & præ ſuffocatione non intelligit , quid audiat , quid dicat , aut gerat : tandem verò strangulatu , atque syncope oppreſſus , perit : id quod horis à cœpto morbo octodecim , integra mente atque ſenu quibusdam accidiſſe , doctorum virorum obſervatione conſtat . Semper autem ſub hoc caſu , mors vel primo die , vel ſecundo , vel ad ſummuм quarto occupat . Salutis in angina ſignum facilis ſpiritus eſt , facilis que ſalivæ , ac potionis deglutitio , febris non vehemens , quies , ſomnus , levamentum doloris , cæteraque iis contraria , quæ ſuperius comprehenſa ſunt . Æquè bonum ſignum eſt , ruborem , tumoremque quam maximè foris in collo , & in pectore conſistere . Tum namque extrà ferri morbum ſciendum eſt . Pernicioſum autem eſt , tumores ſine bonis ſignis , ſine maniſta cauſa deſiſſe , itemque præcordii dolorem ſine judicatione ſub infirmis viribus , atque corporis

ris torpore coortum esse: si quidem tum latenter mors adoritur, tametsi perquam rectè habere se æger existimet. Omnia autem in eodem morbo pestifera sunt, quæ non manifestum dolorem exhibent, neque in collo (ut modò proposui) neque in faucibus evidenter tumorem. Si autem tumor, atque faucium rubor est, ingens quoque periculum ostenditur: sed morbus longior erit, utique si major rubor est. Morbus quoque producitur, ubi & fauces, & cervix, & pectus simul rubent: quem casum ferè secunda valedictio sequitur, modò rubores non intrò recurrent, id quod tum metuendum est, cùm subitò hi evanescunt, simulque pectus grave fit, ac difficiliorem homo habere spiritum incipit. Tum profecto malum ad pulmonem vertitur, & delirium movet, & pulsus facit undosum, intraque septimum diem occidit, aut certè aliqua parte suppurat, nisi subinde puita tussi educatur. Suppuratio autem pectoris ex prægressa angina ita noscitur. Faucium dolor sine certa ratione subitò desit, febrisque multum remissa est, insolita gravitas pectori juxta septum transversum accessit, vehemens etiam tussis, ac ferè per omnia sine sputo sicca est: A-

Aliud genus oritur febris inordinatum ; languidum , atque hecticum . Jam autem cùm in angina repente evanescit rubor , idque die non judiciali , ac neque tumor extrà vertitur , neque pus tussi exscreatur , æger autem quietus , ac sine dolore esse cernitur , scire licet , aut mortem instare , aut reversurum ruborem esse . Periculosum etiam est , non citò concocta exscreari , sputumque violenter educi , idque viscosum , crassum , vel valde album esse . Aequè malum est subaridum , multumque tussim , ac lateris dolorem movens , & quod inter potandum per tussim subemergit . Angina omnis , per iudicationem alterius morbi orta , lethalis est . Observatur autem & aliud esse genus anginæ , quam notham dicimus , neque acutorum accensemus numero morborum . Ea frigidum humorem secuta , febris est expers , nullum autem neque ruborem , neque ardorem , aut febrem , aliquem tamen dolorem exhibet . Illud vitium , ut longius , sic & tutius esse consuevit .

*Vulne.
rati
mem-
brana-
rum.*

Vulneratis cerebri membranis , sequitur bilis vomitus , & dolor incidit non levis , qui intento spiritu , & adductis maxillis crescit . Ipsæ cruorem nares , & in

interdum aures fundunt : aliis trux vul-
tus , aliis oculi , quasi rosoluti hac illuc
moventur , sensusque omnis , velut atto-
nitus , stupet : nec parum multis , ner-
vorum accidit distentio. Accedente post
hæc inflammatione , febris oritur , item
que delirium , sub quo multi fascias , qui-
bus deligatum est caput , lacerant , &
nudum vulnus frigori exponunt , omnia
citæ mortis præfigia. Ipso autem per-
cussio quoque cerebro (quod facilius ple-
nâ incidunt lunâ) hæc ipsa , quæ propo-
suimus , graviora sunt omnia , oriturque
ingens delirium , vel tertio , vel quinto
die. Quinetiam ipsius interdum excidit
cerebri particula. Quod si ad huius quo-
que partis ventriculos telum , maximè-
que per transfossos oculos penetravit ,
protinus homo vitam amittit. Nemo
eorum quibus vulneratum cerebrum est ,
redire ad sanitatem potest. Ubi aliis
partibus caput iectum est , optimum judi-
catur febrem non esse , neque auribus
cruorem , vel naribus , vel ore proma-
nasse , neque inflammationem , neque
ullum simul dolorem accessisse. Si au-
tem quid horum inciderit , tutissimum
est inter ipsa incidere initia , neque diu
tamen immorari. Conducit etiam sub-

acutis doloribus inflammationes apparere, & pus in sanguinis eruptionibus ferri. Cæterum pessimum est stuporem, aut delirium accessisse: itemque lethale, febrem die quarto, aut septimo, aut undecimo esse cœpisse. Itaque pereunt plerique omnes; si quarto die febris orta est, ad undecimum: si septimo, ad decimum quartum, aut ad decimum septimum: si undecimo, ad vigesimum.

Observationes in vitiis pectoris, & cordis utiles.

Pectus lateribus cingitur, intus pulmo. Atque cor sunt. In his varia genera morborum fiunt, quæ nunc proponam. Incipiam autem à laterum inflammatione, quam Græci πλευρῖτιν dixerunt. Ea has notas habet: Pungens atque distendens dolor latus exercet, isque modò ad jugulum, & ad claviculam, modò ad præcordia, pro situ morbi, procurrit: febris adest acuta, & continua: & spiritus difficilis, frequens & parvus: accedit etiam tussis, initio quidem sicca, quanihil expectoratur, sed mox ferè humide ea fit, ex locoque affecto ducere aliquid incipit. Id primò flavè coloratum,

postea rubrum , ac cruentum , dein ma-
turata inflammatione , purulentum est.
Pulsus autem frequens est , & inæqualis,
durus , tensus , neque nimis magnus.
Hunc morbum (ut si quid aliud) sputa
bona citò , facileque rejecta , & salubrem
fore , & brevem ostendunt. Itaque esse
id malum in principio statuitur , dum ni-
hil exscreatur de latere affecto : sed te-
nuis solummodo è pulmone pituita , vel
crassum quid , & tenax , & rotundum ,
idque cum difficillima tussi fertur.

Incrementum morbi dicitur , ubi spu-
tum jam utcunque concoqui cœpit , ma-
joriique copia , & facilius flavum educi ,
& ex liquido magis crassescere , & ex
cruento magis album fieri.

Status autem ex plurimo cognoscitur
sputo , eoque albo , levi & æquabili ,
quod & promptè rejiciatur , & maximè
dolorem levet. Declinatio deficiente do-
lore , & sputo , & febri , similibusque a-
liis animadvertisit. Sed sputi ubique
intueri notas oportet. Optimum enim
id esse judicamus , quod modò in statu
esse hujus morbi propositum est. Proxi-
mum est id , quod statim flavo admodum
mistum est. Quod si non protinus , at
longè post dolorem educitur flavum ,

vel non mistum, multaque tussim mo-
vens, malum est. Flavum autem san-
guine mistum non multo, in principio
quidem, salutare est, septimo vero die,
aut post, minus tutum. Subcruentum
ab initio malum non est. Sincerum
autem, vel cruentum, vel flavum, pe-
riculosum est, sic, ut hoc tamen dete-
rius illo sit. Malum id etiam ex cru-
da pituita album: tum viscosum quo-
que & rotundum inutile est. Eò de-
terius est id, quod ex virore valde pal-
lidum est, itemque quod spumosum,
& quod lividum, vel æruginosum est.
Muscosum autem, quod ad concoctio-
nem citò colatur, idque intra quintum
diem, tutius est. Vehementer autem
cruentum periculosum est. Sic autem
se res habet: Omne sputum quantò ma-
gis commistos, non inter se deductos
colores habet, tantò deterius est; &
tamen nihil pejus est, quam sincerum
id exscreari, sive flavum est, sive cruen-
tum, sive glutinosum, sive spumans.
Quod si ita meracum est, ut etiam ni-
grum sit, præcipueque si unâ etiam
fœtidum, hoc ipsum omnium pessi-
mum est.

Omnia verò mala sputa sunt, quæ
do-

dolorem non sedant : optima , quæ sedant. Quicunque incipiente hoc morbo sputum exscreat omnino purulentum, is tertia die , aut quinta perit : quod spatium si transit , haud multò melius valens septima die , aut nona , aut certè undecima , incidere in suppurationem potest : Etsi perquām raro obser-vatum est , quenquam supra diem durasse quartum decimum , qui purulenta septimo , aut antè spuerit. In omni lateris inflammatione , dolores magis fe-re interdiu , quam noctu leviores sunt. Eundem morbum in nervorum rigorem , vel distentionem (illum *τέταρτον* dicunt , hanc *σωματικὸν*) verti , pestiferum est : æ-què ut in pulmonis inflammationem , quæ Græcè *πεπιπνευμονία* vocatur. Ad cerebrum etiam aspirare materiam , ibi-que delirium , amentiamque facere , mortiferum est. Idem exitium denun-ciatur , si morbus dorso inhærescit. Tum autem rigor invadit , & febris , & mo-lestissima tussis , ipsum dorsum , tan-quam illatâ plagâ verberatum , dolet , cumulataque fit cum suspirio respiratio : pauca autem tussiendo eliduntur , modò ex virore pallida , modò etiam sub-cruenta : dolor in inguina incidit : ter-tio

tio quartoye die urina mejitur cruenta,
totum corpus velut ex itinere lassum
est : mors occupat die quinto , aut cer-
tè septimo : quem diem si morbus (quod
tamen rarò fit) superat , sanescit. La-
teris inflammatio omnis senibus , & fœ-
minis uterus ferentibus perniciosa est ,
itemque iis quibus secundò jam , ter-
tiòve recurrit. Occidit autem hic mor-
bus , aut magnis symptomatis , aut præ-
focatione , aut materiæ translatione ad
alium locum , unde inflammatio pulmo-
nis , tabes , syncope , insania. Dixi sub
quibus casibus certum exitium est : nunc ,
in quibus grave periculum vertitur , pro-
ponam. Ergo si sputuñ multum intus
in pectore strepit , & tristior vultus est ,
oculi colore auriginis imbuti , ingens
esse vitæ discrimin significatur. Peri-
culosum quoque est nihil expui , neque
quicquam à pulmone extundi , sed ple-
num fervere in gutture. Æquè malum
est hominem ante probè spuissè , ac de-
inde ex toto spuere desissè , sic ut sub-
inde neque gravitas in pectore , neque
dolor cessent. Metum quoque non le-
vem facit pectus vehementer calens ,
extremis multum frigentibus , itemque
increscens dolor , cùm in latus vel in-
fir-

firmum , vel sanum cubatur , sic ut supinum esse ægrum necesse sit : adhæc longè post morbi principia infirmis jam viribus fusa alvus , ex qua non corporis inquietudo , non ipse spiritus levatur.

Æquè grave discrimen est , si morbus dolores supernè exhibit , aut in posteriorem corporis partem , aut si siccus is , & sine sputo est : nisi ipse tamén per se levis sit , ut parum materiæ videatur expurgandæ. In sinistro etiam latere plus periculi quam in dextro habet : verùm in sinistro citius maturescit , & solvitur. Omne verò morbi hujus periculum , ferè maximum esse , vel septimo die , vel nono solet. Atque hæc omnia terrere aliquo periculi metu possunt. At securitatis indicia sunt , protinus à primo die facile expuissé , & flavum sputo mistum esse , eoque dolorem levari , non ægrè hominem ferre morbum , facile respirare , ac sine siti esse , itemque strepitum in pectore non fieri : adhæc somnum , sudorem , urinas , alvumque probè habere : totum denique corpus æquali calore temperatum , ac molle esse.

Ubi hujus morbi dolores non conqui-

quiescunt, neque missò sanguine, neque sputorum exscreatione, neque victu, neque fomento, aut medicamentis; & tamen non lethaliter affectus æger videtur: scire licet suppurationem, seu abïcessum fieri. Qui casus certissimus fuerit, si intra dies quatuordecim morbus sputo non depurgetur. Orta autem suppuratione, si ea post ruptionem omnis intra dies quadraginta exscreationibus tollitur, sanitas redit: si non tollitur, tabes sequitur. Quæ verò suppuratione sputo etiamnum bilioso orta est, sive id sincerè biliosum, sive unà cum pure est, majus periculum minatur, præcipue si, quum septimum jam diem morbus attigit, suppuratione ab hujusmodi fieri sputo cœpit. Metus enim est (nisi quid subinde intervenerit boni) mortem die decimo quarto secuturam. Verum operæ pretium videatur, notas, quibus incipere suppurationem quis intelligat, proponere. Nihil, aut certè parum tufsi, cuius magna tamen cupiditas est, exscreatur, simulque febris, & cum nova, insolitaque gravitate, dolores acrius urgent, idque cum aliàs semper, tum maximè per noctem: spiritus etiam admodum difficilis est: venæ sub lingua inal-

inalbescunt : malæ rubent : perit cibi cupiditas : crescit potionis desiderium : vigilia exerceat : juxta claviculam & collum sudores fiunt. Quod si fortè malum in vetustatem incidit , oculi etiam cavi redduntur , & in manibus adunci unguis , summique digiti refrigerescunt: multis denique sudor toto corpore oritur , & in pedibus tumor. Quod suppurat ea quam afficit parte, inflammationem , doloremque movet , multoque quam proxima loca , calidius est: & si in partem aliquis non infirmam decubuit , onerare ægrum , veluti pondere videtur. Confecto jam pure , paulum quid & febris , & dolor remittunt , saepè etiam , prout sensus judicat , desinunt : verum gravitas loci increscit , tussis vehemens , sicque est , etsi ad hanc interdum humidum quid accedit , ex quo levari subinde homo videtur.

At verò ubi jam turgens abscessus perrumpit , horror fit , ac vehementior febris , cor intremescit , hominisque robur quasi labi videtur , spiritus debiliter trahitur , ipseque æger in sermone conturbatur , offensus inspiratione : pulsusque debilis fit , & tardus , & rarus. Sed ne hæc quidem , etsi horrenda videntur ,

tur, terrere protinus debent, dummodo causâ perrumpentis abscessus, non vi-
rium radicitus afflictarum contingent:
utique si signa quoque in sputo & simili-
bus cernuntur bona. Ferè enim sequi-
tur, ut hæc ista turba paulò post ulti-
quiescat. Quo autem temporis articulo
abscessus rumpitur, tum transfluere ali-
quid profundo in pectore, prout variè
corpus reclinatur, apparet, atque hinc
pus educitur modò purum, modò fæcu-
lentum. Ruptiones raro fiunt decimo
quarto post cœptam suppurationem die,
rarissimè septimo, plurimæ in vigesim-
um incidunt, aliæ ad quadragesimum,
nonnullæ ad sexagesimum etiam perve-
niunt. Supputandum autem ab eo die
est, quo quis gravitatem loci affecti pro
dolore sensit, cæteraque suppurationis
habere signa cœpit. Hæc signa (inter
quæ præcipua potentissimaque, febris
est, & post hanc spiritus difficilis, &
dolores) quò plus exhibent afflictionis,
hoc eruptio fuerit celerior, quò illa mi-
tiora sunt, eo hæc ipsa fuerit tardior.
Itaque ferè sequitur, ut si ab ipso prin-
cipio, vehementior tum dolor, tum tuf-
sis, tum spiritus difficultas fuit, absces-
sus circa diem vigesimum, vel antè e-
rumpat,

rumpat. Rarò quidem, at interdum tamen, abscessus tum lateris, per intestina & alvum, tum pulmonis, per vesicam cum urinis expurgari visus est. Sæpiissimè autem, ac tantùm non perpetuò, sese inane exonerat pectoris spatium, ex quo materia intra diem quadragesimum tussi rejicitur, quod ni sit, tabes, ut proximè dixi, succedit. Ex rupto abscessu maximè sine metu est is, cui febris, eodem quo ruptio facta est die, conquiescit, ægerque appetere cibum incipit, & venter mollia, compacta, ac probè figurata reddit: & pus facilè educitur, album, leve, inodorum, & ejusdem per omnia coloris, & pituitæ omnis expers. Contra vero is perit, quem febris non defecit, aut quem, cùm semel ea defecisse visa est, iterum crescens invadit: item cui cibi cupiditas amissa est, sitis manet, alvusque ex toto liquida est, & pus extussitur ex virore pallidum, vel lividum, vel pituitosum, vel spumans. Quodcunque pus sub imbecillis viribus copiosum est. Æquè metuendum id quoque fuerit, quo specillum, veluti ab igne, coloratur. Atque hactenus veram lateris inflammationem secuti sumus, quæ ex sanguine, eo-

Pleuri-
tis no-
tha.

que potissimum bilioso inter costas, & has succingentem membranam, aut certè in musculis intercostalibus orta est. Verùm, non ut hæc, genuina, sed notha est ea ~~πλευρίτις~~, quæ vel ex destillatione, vel ex flatibus, vel alioqui, etsi vera inflammatio quoque ut prima est, musculos tamen occupat pectoris exteriore. In hoc morbi genere omnia insunt mitiora, quam in vera lateris inflammatione. Verùm dolor externa compressione ingravescit, molestè æger in partem sanam decumbit, in affectam facilius: pulsus, quamquam frequens, & inæqualis, nequaquam tamen (quia non afficitur membrana) aut tensus, aut durus est. Porò dolor lateris acutus, tum ex destillatione pituitæ, tum ex flatibus, quantum in se est, febre caret, Flatus immanissimi doloris tormentum excitat, quod tamen fomentis, atque frictionibus levatur, & saepius etiam discutitur. Is dolor non uni inhærescit loco, sed ferè huc illuc per latus vagatur. Ubi autem destillatio humoris frigidi causam morbi dedit, evidens causa prægressa est. Nam primùm cervices, vel scapulæ doluerunt, hinc materia ad pectoris externos musculos delata ibi do-
lorem,

lorem, quem dico lateris, movet, qui & pressu crescit, neque, ut is qui ex flatu est, fomentis auscultat. Non raro autem observatum est, ex his quos fieri dixi, tum ex destillatione, tum ex flatu doloribus, si nimium vel graves, vel diuturni sunt, ortam etiam veram lateris iuflammationem esse. Dolere quoque latus tumidi vel jecinoris, vel lienis causa potest, horum scilicet viscerum pondere membranis retractis. Sed haec via propriis signis suo loco discernenda, aestimandaque sunt.

A costis ad pulmones veniam. Horum inflammatio Græcis ^{περιπνευμονία} dicta est, quæ his notis cognoscitur. Febris continua, atque acuta est, difficilis spiritus, frequens, & calidus, itemque tussis, & præcordiorum totiusque pectoris gravitas, atque distentio, idque sæpiissime sine dolore: mala cum tumore rubent, in has subinde quidam veluti igneus fervor aspirare ab inferiore corpore videtur: nares autem simæ in summo sunt: venæ temporum grandescunt: oculi eminent: lingua sicca est, prius ex flavo rubescens, dein procedente morbo, crassa, nigraque redditur, tandem etiam finditur, digitoque admoto

adhærescit: aliquis etiam medio spacio scapularum dolor versatur: ingens cibi fastidium, frigidique tum fontis, tum aëris hauriendi cupiditas est: pulsus undosus, mollis, magnus, celer, raro bis pulsans, saepe intermittens, & intercurrens est. Si quid tussi rejicitur, spumosum id est, ac modò cruentum, modo flavum. Ipse æger lubenter supinus cubat: nam in latus reclinatus, quasi enecari præfocatione videtur. Ubi gravius malum est, continua oritur vigilia, simulque soporosi, sed tamen breves somni tenent, sputum admodum cruentum, ac floridum sequitur, incipiunt frigere extrema, unguesque lividi curvi- que fieri. Sub hoc casu, si sanguis è naribus ubertim fluit, ac fusus venter multa biliosa, & spumosa reddit, exspectari bona valetudo potest: sin minus, non potest. Quarto enim die, aut ad summum septimo, certa mors venit. Ferè autem quæ in lateris, eadem & in pulmonis inflammatione, & mitiora esse signa, & graviora solent. Morbus tamen pulmonis plus periculi, quam doloris habet: utque alijs semper, sic tum potissimum lethalis est, cum insaniam movit. Idem si natus ex angina est, ferè intra diem

diem septimum occidit, aut transit in tabem. Destillationes autem, & sternuntamenta, tum antecessisse morbum hunc, tum secuta esse, periculosest, multoque magis si subita inter hæc accesserit dejectio. Erectum sedere ægrum cupe-re, atque decubitum omnem odisse, ut in acutis morbis malum, sic pessimum in inflammatione pulmonis & lateris est. At verò tutius esse malum judicatur, quod expeditam per sputa non mala purgationem habet. Neque inter initia terreri oportet, si protinus sputum ruffo quodam, & sanguine imbutum est, dummodo statim id exscreetur. Quinetiam si sputo ipse levatur dolor, quamvis id purulentum est, æger tamen facile spirat, facilè exscreat, morbum ipsum facilè sustinet, potest ei secunda valetudo contingere. In eodem modo si abscessus ponè aures oritur, & ad suppurationem, maturitatemque pervenit, aut si idem inferioribus locis corporis enascitur, & fistulam abit, spes esse multa vitæ debet. Jam verò ubi sputum pro ratione non prodit, & febris dolorque manent, neque alvus bilem multam profudit, neque urina multa cum multo sedimento mixta est, & nullæ tamen exitii notæ sunt,

scire licet morbum suppurare. Ex quo casu homo servatur , si (quod raro fit) transsumta in venas materia , per urinas , aut per alvum exturbatur , aut si (quod saepius incidit) disrupto abscessu , pus in pectoris cadit spatium , indèque totum quadraginta diebus expectoratur . Hujusmodi depurgatio nisi fit , alterutrum sequi necesse est : aut ut exulcerato pulmone tabes occupet , aut ut pure acervatim in spiritus instrumenta ruen- te , protinus homo præfocetur : quod ubi incidit , semper æger difficilius indies spirat , tractoque spiritu stertit , tandem autem obturatur à sputo , & moritur . Quòd si abscessus ne multo quidem disrumpi tempore possit , sive sponte , sive ope medica ; consumitur profectò æger , vehementibus doloribus , nutri- tionis defectu , tussi & febre debilitatus . Äquè verò etiam perit , si cùm sic extenuatus aliquis est , abscessus in lectum reclinato erumpit . Jam verò si id quod suppurat erumpit quam citissimè , ex toto maturum , & plurima sui parte ad septum transversum effunditur , protinus levatus esse æger videtur . Atque hinc sanè , ubi totum tussi rejicitur , ipseque in quo pus erat ventriculus resiccatus sa- nescit ,

nescit, ipse & er imbecillus non exscreat: scire licet certò hunc ipsum peritum. Itaque tum etiam si usus vel fectus fuit, pro tempore quidem moderatius habet, at nihilominus tamen interposito spatio extinguitur. Suppurationes à morbis pulmonum ortæ ferè senes tollunt, aliæ juniores.

Erysipelate etiam capi pulmo solet. Erysipelas Tum febris oritur longè ardentissima, pulmo- dolorque antè, & retrò acutus, maximè nis circa spinam, tametsi pectus non æquè grave & angustum est: spiritus erecta cervice trahitur, & præ ardore æger, veluti equus à cursu, nares expandit, & linguam ut æstuans canis exerit: vomitus fit modò subcruentus, modò lividus, idemque alias bilem, & pituitam trahit: adest etiam frequens (quod familiarissimum hujus morbi signum est) animi defectio: tussis vel sicca est, vel flavum sputum trahit non multo imbutum sanguine. Illud malum citissimè ac ferè semper hominem tollit. Evadere aliquis potest, si desertis interioribus, foras versus Erysipelas est.

Non omittendum autem id vitium pulmonis est, quod ex tenui, acri, multaque destillatione è capite confectionum &

in hunc ipsum illapsâ oritur. Scilicet hinc multus ardor, & febris excitatur, quæ febris, quia lenta est, paulatim hominem consumit. Ad hanc & tussis & spiritus difficilis accedunt, sic ut nullum tamen vel ulcus pulmonis, vel sputum cruentum adsit.

Cru-
dum
pulmo-
nis tu-
bercu-
lum. Interdum etiam crudo tuberculo pulmo impeditur. Initio dolor exilis est, tussis sicca, cum magna inspiratione, subdifficilique spiritu, calores item oriuntur, doloresque obscuri antè & retrò fiunt. Ferè autem eadem hîc quæ in Astmate signa apparent, nisi quod crudum tuberculum pulmonis sensim crescit, non prægressâ destillationis aliquus notâ, quodque sub hoc ipso difficilis respiratio sine ullo stertore, ac sibili est. Si altius intra pulmonem in vitium insedit, pulsum exhibet varium, inæqualem, intermittentem, vel etiam intercisum, qualis in Antipatro medico fuit. Tum certè non sine causa (quia vitium levibus arteriis inhærescens propius ad cor accessit) animi quædam defectio, & palpitatio cordis incidere consueverunt. Itaque mortiferum esse id malum, ubi ita promovit, solet. Expectari autem salus potest, si asperis in-
fidet

sidet vitium arteriis , citoque maturescit , & erumpit , simulque pure exscreato universo , penitus resiccatus , quo id tenebatur , ventriculus sine ulcere manet . Quae omnia ni fiant interposito spatio , consumtus homo perit .

Occultum profectò vitium , & quod *Vomica* sæpè fiducia secundæ valetudinis fallit , *pulmo nis.* vomica pulmonis est . Hanc abscessum dicimus exiguum , aliqua in pulmonis parte inhærescentem , atque arctè membranulâ clausum suâ . Id malum tabidos maximè exercet , & eos , quibus patefacta , aut erupta in pulmonibus vena est . Spiritus autem , multo antè , quam rumpitur vomica , male olet : interdum crux extus situr , semper grave corpus est , & tussis difficultis diu multumque tenet , quam nonnunquam ipsius etiam sequitur vomicæ expectoratio : quod ubi fit , febris corripit non levis , sputumque sequitur cruentum , & ingens corporis perturbatio : quem casum sequi etiam bona valetudo potest . Non raro , vomica , ubi subitò disrupta & in cordis arcem lapsa , celerem inopinatumque exitium attulit .

Varii casus , variaque pericula fieri à *Sanguinis* sputo possunt , (quod vitium *nisi spu- tum.*

Græcis ~~αἰρόστοιος~~ appellatur,) utique si
è pulmone aut pectore sanguis fertur. I-
taque videre oportet, anne is aliunde e-
tiam ducatur. Ergo à capite hunc de-
scendere credendum est, ubi titillatio in
palato, frequensque screatus est, ubi
tussiendi quidem cupiditas, sine multa
tamen tussi est, ipso cruento ad guttur il-
lapso, iterumque sursum screatu per os
rejecto: si quidem is se in linguam pro-
tinus infert rotundus, subniger, ac satis
multus, itemque lenis cum pure & pi-
tuita mistus, cujas subinde pars per na-
res emungitur muco delibuta: magna
autem ex parte, capit is dolor, aut gra-
vitas, ubi destillantem inde cruentem an-
tecessit, levatio secuta est. Cæterum,
qui ex faucibus & gurgulione sanguis fer-
tur, is screatu pellitur: qui ex ipso ore,
simplici sputatione: qui ex ventriculo,
vomit: qui ex gutture, tussiculâ: qui
ex thorace & pulmone valida tussi: ubi
de ventriculi teritur substantia, non mul-
tus vomitur. Abundantior esse is folet,
qui ex jecinore, aut liene deductus in
ventriculum est, tumque spumare etiam,
si horum aliquod viscerum inflammatio-
ne obsidetur, consuevit: estque is casus
tum hic, tum in quavis acuta febre le-
thalis.

thalis. Jam si sanguis spumans tenuis, ac floridus, ex intervallo per tussim sine dolore educitur, hunc profectò è pulmone ferri sciendum est. Quod si factum à disruptâ venâ, præcipue grandiori fuit, ubertim sanguis quasi vomitu quodam prorumpit, adeò, ut interdum pelves etiam implexè visus sit. Magna sanè pericula hic casus affert, vel enim nimia exanimare profusione hominem potest: vel ubi intùs cohabetur, etiam præfocare, nimiaque mole cor opprimens, inductâ syncopâ subitò occidere. Et ut quam maximè hæc absint, vitaque maneat, gravissima tamen ulcera (nisi maturè succurritur) & insanabilia in pulmone facit. Quamquam recens ruptio non posse sanescere videatur: compertum est tamen, fuissè servatos non paucos, quibus adhibita curatio primo triduo fuit. Verùm ubi vetus malum est, medicina omnis inanis est. Minus cruentæ profusionis, minusque periculi ruptio parvæ venæ exhibit. Ubi ab erosione contractum vitium est, ejus evidentes causæ, atque notæ antè fuerunt: acri scilicet destillatio, febris, sputum purulentum, aut aquæ persimile, qua caro animalium, quæ recenter sunt mactatæ, ablu-

abluta est : his accedit , quod ipsius etiam pulmonis putrefacta particula subinde tussi redditur : ipse sanguis paulatim sputo miscetur , isque exiguus est , pulmonis exesis carnibus , at uberior erosâ ejus venâ , quæ si , ut modò proposui , grandis est , abundantissimus sequi crux solet . Eodem tempore quod exspuitur , id parvi & coloris , & odoris est . Magnam intus esse erosionem sic licet animadvertere . Superioribus temporibus sanguis particulatim modicis intervallis extus situr , sequentibus hinc diebus cumulatior venit , sic ut neque casus aliquis , neque superfluus aut cursus , aut quid aliud externæ accesserit injuriæ . Porrò cum neque erosâ , neque exesa pulmonis venâ , sed reclusâ (Græci id *άνεσόμασιν* vocant) sanguis fertur ; is certe initio paucus rejicitur (quod disruptâ venâ non fit) idemque spissior est , ac magis rubeus , quam qui à pulmonis vulnerata substantia , aut exesa proficitur . Siquidem hic tenuis est , subflavus , floridus , spumosus , atque ei qui arteriis inest simillimus . Ferè autem sic incidit , ut patefactam venam repletio corporis atque gravitas antecesserit , nullus comitetur dolor , agilitas

tas effuso cruro sequatur. Etenim hæc
vacuatio sæpè fœminis, quæ compressis
menstruis ægrotabant, levamen, auxi-
liumque mali attulit, sine ullo vel ulce-
ris, vel tabis metu. Sanguis, quem pul-
mo fundit, omnis spumam, ut proximè
dixi, habet, & sicuti multa tussi, ita
nullo dolore effertur. Qui ab aspera du-
citur arteria, etsi interdum etiam spu-
mat, dolore tamen non caret, idemque
exiguus est, & parva tussi, mojoreque
screatu pellitur. Multa ac vehemens
tussis est, si sanguis è locis trahitur pe-
ctoris profundioribus, ut in lateris & pul-
monis inflammatione: minor autem, si
à superis. Jam etiam qui à substantia
pectoris sanguis venit, subniger est, cras-
sus, & grumosus cum paucula spuma,
isque non abundanter, at sensim vehe-
menti sollicitatus tussi prodit: ipse locus
qui afficitur dolorem habet, qui dolor
per somnum etiam increscit. Minus iste
casus periculorum, quam crux à pul-
mone redditus, habet. Expeditor enim
sanatio est, quæ si non fit, ulcus inde
non æquè malignum nascitur: quod i-
psum si in pulmone est, & tabem, &
hecticam febrem, & marcorem, & mor-
tem affert. Verùm nigricans atque gru-
mosus

mosus sanguis tussi rejectus, non semper profici sci a thorace videtur. Potest enim is, ubi nuper è naribus in fauces, & hinc in pulmones lapsus est, formam hic grumi adipisci. Qui sanguinem spuit, is si in latus infirmum decumbit, impensius id facere consuevit. Ubi vena intus sauciata est, probèque coaluit, sæpè iterum iisdem causis rumpitur, quibus rupta prius fuit: quod ubi incidit, protinus crux prodit, isque affatim sæpè veluti vomitu quoddam profusus hominem repente strangulat: aut certè in pus crassum atque multum putrefactione versum, tandem tabe occidit. Rectè enim judicavit Hippocrates, si sanguis in superiore funditur ventriculum, debere non necessariò in pus verti. Nullus medicinæ locus est, si sputum cruentum ab erosio esse pulmone cœpit: à venæ autem ruptione, si quidem inter principia occursum est, dum recens vulnus, & inflammatione & pure caret, observatum est secundam sæpè valetudinem contigisse. Neque enim simplex venæ rupti tabem excitare (modò reliquus pulmo sit integer) potest. Is enim propter dimanantem ex rupta vena in se sanguinem (ubi tamen facit) afficitur. Semper au-

tem sanguinis sputum , si diu tenet , in tabem transit. Itaque rectè Hippocratem animadvertisse video , post sanguinis sputum , puris sputum sequi.

Proximum est pectoris suppurationem , quam Græci *επωύημα* vocant , propone te. Ea has notas habet. Febricula as fidua , languida , incerta , sicca , ac ve rē hectica tenet , eaque interdiu levior est , noctu increscit : frequens tussis , validaque est , qua nihil tamen excluditur : multus etiam sudor toto corpore funditur , post quem interdum æger inhorre scit : dolor item varia loca pectoris afficit : frequens spiritus , & vehementer impe ditus est , sic ut præceps sermo & multis partibus intercitus sit. Itaque nares etiam inter spirandum arctantur , fitque per has ducti aëris sibilus. Adhuc maxillae rubent , manus pedesque calent , & *Resolu-*
tio ner.
vorum. in his adunci unguis fiunt , summique digitii (ubi malum promovit) pallent. Semper autem cibi urget fastidium , quo assumto gravius esse corpus incipit. Tussis , ut proximè dixi , sicca est , nisi quod , ubi suppuratio erupit , humida fiat , pusque fundat modò purum , modò fæculentum. Talis esse etiam solet , tibi pus ab ulcere pulmonis intus colligitur.

tur. Pulsus incipiente suppuratione inæqualis est, & sine certo ordine, & per omnia hecticus. Confecto pure, fit paulò æqualior. Rupta suppuratione, latior, tardior, rarer, languidior. Ubi verò sub hoc morbo ad extrema ventum est, totum corpus sudoribus diffuit, in pedibus tumores fiunt, iis similes quos facere hydrops solet: aut certè toto corpore pustulæ oriuntur. Quæ suppuration ab angina, vel à pulmonis inflammatione nata est, ferè utrumque pectoris simum (qui mediastino distinguitur) occupat. Quam autem latus inflammatum fecit, ea illam solummodo quæ afficitur regionem prehendit. Sed quoniam de hisce suppurationibus abundè dictum suo loco est, nunc eas sequamur, quæ fieri etiam aliis de causis possunt. Ergo si è capite pituita destillavit, & initia huic in valetudini præbuit, primùm quidem ea ferè latenter in pulmonem lata est, tenui cum tussi, & sputo liquido, præterque morem falsiore: inter quæ levis interdum jungitur calor. Interposito tempore exasperatur pulmo, & ab inhærente ac putrescente pituita exulceratur, simulque gravitas oritur in pectore, dolorque antè, & retrò, jamque magis

cor

corpus incalescit, totumque impotens fieri & extenuari incipit. Spiritus etiam tum cum sibilo quasi per arundinem trahitur. Et quidem quo magis inveterascit morbus, eo pus sincerius exscreatur, magisque febris invalescit, & tussis, fitisque vehementior est. Interdum ingens cibi aviditas, interdum vini meraci est. Nec raro sudoribus æger diffuit. Tandem autem pedes intumescunt, alvus infernè turbatur, sputum retinetur, atque homo moritur.

Qui sic laborat, is ferè intra annum corruptus perit. Sub eo tamen casu, expectanda bona valetudo est, si prius pituita, quam ad pus ventum sit, expulitur, aut si intra vigesimum diem (ut ferè sit) intus maturata tum quoque sputo eliditur. Nisi enim hæc ista continentur, vel tabes exulcerato pulmone sequi solet, si acris est humor, vel certè Asthma, si ignavus atque expers mordacitatis est. Porro fit etiam non raro, ut pituita de capite illapsa ad latus, membranis interclusa, adglutinetur, atque suppuret. Quo casu latus, ut plurimum, exardescit: spiritus multus est: vox rauca fit, qua parte corporis morbus est, ea pectus paulum incurvatur: tandem pe-

dcs, genuaque intumescunt, interdum horrores incidunt, sœpè copiosi sudores. semper imbecillus homo est, & modò calidus esse, modò frigidus deprehenditur: unguis etiam contrahuntur, & alvus caleficit: ortaque præfocatione, vel certè viribus exhaustis, mors incubit, nisi rupto abscessu multò priùs, quām hæ notæ cernuntur, pus omne sputo vacuetur.

Cæterū si propter ruptam venam facta exulceratio pulmonis, atque puris collectio est, hæc signa comitantur. Sanguinis pars confestim spuitur, pars in pulmonem fusa computreficit, & in pus vertitur. Post sanguinis namque sputum, ut superius retuli, puris sputum est. Interposito spatio, aliàs pus sincerum, aliàs cruento mistum aliquo per tussim fertur. Quod si autem grandior, repletiorque vena est, sanguis interdum magnâ copiâ effunditur, atque hinc crassum pus exscreatur. Hujusmodi casus juniores citius prehendit, gravius afficit, & citius tollit quam seniores: tametsi, utrosque succumbere juxta necesse sit, utique si vetus jam malum est, simulque incipit affici caput, & corpus tabe consumi. Similis etiam suppuratio fieri à vul-

vulnere potest , quod aliqua parte in pectus illatum est. Sanguis enim in vacuum pectoris illapsus , non potest in pus non verti. Itaque idem incommodum non sine causa etiam metuitur , ubi sauciato pectore foris tantum , non item interiore parte sanatum vultus est. Haud sæpè venæ pulmonis atque lateris , quibusdam veluti varicibus occupantur , tumique primum quasi acutus quidam incidit tractus , quem tenuis dolor & tussis arida sequuntur. Ubi jam diu vitium (ut fit) neglectum est , modicum sanguinis , ejusque sanguinigris (si è pectore morbus est) exspuitur : hinc idem majore copia sincerissimus venit , & post hunc , pus ipsum , unde tolli hominem , ut in superioribus casibus monstratum est , interposito tempore contingit. Nunc in genere de suppuratis hæc addam : Si eo qui sic laborat concusso , multus intus auditur strepitus , scire licet , hunc ipsum minus habere puris , faciliusque spirare , & melioris coloris esse. Cui autem nullus fit strepitus rupto jam pridem abscessu , verum ingens spirandi difficultas est , & unguis livescunt , is pure scatet , ac brevi perit. Quod latus pus habet , id & gravius , & calidius est : ubi in id quod

fanum est cubatur, major tussis, majorque angustia, & gravitas est: ubi autem in infirmum aliquis decubuit, tum hæc ista, quæ proposui, minuuntur, tum melior sequitur somnus, magisque materia & maturescit, & exspuitur. Febres intermittentes suppurationem fecutæ, cum multis esse sudoribus consueverunt. Suppurare dolores juxta præcordia & pulmones, periculosum est. Ferèque sequitur, ut cùm omnis longus tumor ad suppurationem spectet, tum is maximè, qui his locis inhærescit. Si quum uritur aut secatur aliquis propter hunc morbum, pus universum, semelque effluxit, certa mors sequitur. Quod si paulatim moderatis portionibus emissum, subcruentum est, vel lividum, vel nigrum, itemque coenoscum pariter ac fœtidum, æquè certum perniciei indicium præbet, magisque, si unà etiam syncope comitatur. Sperare salutem id jubet, quod sub viribus non infirmis purum, album, & æquale est. Sollicitato in pectori per multam tussim pure, si nihil tamen ejus redditur, homine jam tum imbecillo, mortiferum est. Per eundem morbum, si, cum quis rectius habere videtur, sputum exscreat graveolens,

maxi-

maximèque ubi carbonibus injectum ignitis est, hunc mali recidiva occidit. A puris sputo tabes & fusa alvus, mortifera sunt. Ferè autem qui reliqua parte anni vitam infirmam traxerunt, eos Autumnus tollit.

Proxima his vitiis tabes est, ea scili- *Tabes* cet quæ exulceratum sequitur pulmonem, & cruentis exscrectionibus succedit, Græci φθίσις vocant: ubi ea incipit, frequens tussis est, & sputum sine dolore cruentum, idemque post sordidum, ac mox verè purulentum redditur. Tum corpus extenuari incipit, assiduaeque, atque hectica febre affici, quæ sumptus epulis, & per noctem invalescit; per vehementes labores, aut tusses, vel iram, sanguis nonnunquam inter puris sputa exscreatur. Ubi crescit malum, perniciemque propinquam minatur, sumum urget cibi fastidum, crescit potionis desiderium, oculi concavi fiunt, & nares acutæ, & tempora collabuntur: scapulæ foras veluti alæ prominent: summa pectoris gravitas est: pus injectum carbonibus, vel per iē fœtet: curvi, pallidique unguis fiunt: capilli excidunt: profluit alvus: pedes intumescunt: pars subinde aliqua putrefacti pulmonis

exit : sputum tandem penitus supprimi-
tur , homoque perit. Longum hoc ma-
lum est , & certam ægrotis perniciem
affert , eique magis opportuna ea ætas
est , quæ anno decimo octavo , & trice-
simo quinto intercedit. Corpora autem
citius afficiuntur gracilia , pressi pecto-
ris , & colli longioris , magisque si sca-
pulæ macræ prominent , si intortæ tibiæ
sunt , si frēquentes destillationes. Au-
tumno id malum & nascitur maximè , &
occidit. Pueri facilius cæteris liberantur.
Ex aliis minus convalescunt , & virgi-
nes , & hæ fœminæ , quibus principium
morbi retenta menstrua dedere. Ferè au-
tem is homo , de quo sub hoc morbo
spes haberi aliqua potest , sputum ex-
screare debet album , per omnia æquale ,
tum substantiâ , tum colore , simileque
etiam esse id debet , quod à capite in nä-
res destillat. Optatissimum est , febrem
non esse : secundum est , tantulam hanc
esse , ut neque cibum impedit , neque
crebram sitim faciat. Bonum itidem est ,
coactam indies dejectionem esse , atque
iis quæ assumpta sunt mole respondere.
Pestifera contrà citâ alvus est , itemque
vomitus frequens , ac præcipue cruentus.
Cum in omnibus morbis incommoda tu-
mida

mida præcordia , tum maximè horrenda
in tabe sunt. Signum quoque esse solet
non bonum , si post lubricam alvum cor-
pus prurigine afficitur. Jam etiam spu-
tum mistum purulentum , idemque fœ-
tidum , quod halitus etiam contagione
imprudentes alias labefactat , assiduaque
febris , & quæ opportuna cibo tempora e-
ripit , & multam sitim movet , in tenui
corpore certum esse periculum ostendunt.
Æquè pestiferum est pus aquæ , potissi-
mum marinæ , non innatare , sed proti-
nus ad imum sedere : aut id anteà expui
solitum , nunc spui ex toto desisse. Tum
enim errare mens incipit , ac primo ferè
abhinc quatriduo mors occupat , perit-
que æger à cita alvo , ipso loquente , at-
que res omnes intelligente. Quare satis
anceps fallaxque in hoc morbo novissi-
mus vitæ articulus est. Idem malum
magna ex parte à parentibus ad liberos
transit : sic ut integras etiam familias ve-
luti quodam hæreditario jure oppugnet.
In his autem , alii prius cruentum ex-
spuunt , inde pus : alii humorem diu li-
quidum & sufflavum , ac tandem sanguinem
cum pure exscreant : alii latenter
etiam , sine sanguinis sputo , sine signis
momentaneæ destillationis prægesatis con-

tabescunt. Tabe verò , vel post sputum cruentum , vel sine eo tandem consumitur , quisquis infirmos naturā pulmones , mollesque , & tenellos , & languidos , & vitiatos habet.

Tussis. Aliqua etiam tussi debetur animadversio. Ea si ex illapsu fit humoris ex capite in asperam arteriam , pulmonemque ruentis , sentitur ipsis faucibus quædam quasi titillatio , & saepè molestus ardor : ipse fit subinde difficilis spiritus : & , si quidem tenuis humor est , nihil aut certè quām minimum tussi eliditur. Solet etiam eadem sicca esse compresso septo transverso , aliisque partibus , quæ respirationi inserviunt: sequiturque alias etiam affectum jecinoris , lienis , ventriculi , atque uteri : alias frigus externum , aut tuberculum , aut ictum pectori illatum. Ut autem humor præter modum tenuis , sic & nimiū tenax , atque crassus siccam tussim facit : estque id deterrium tussis hujus genus , quod virium sequitur infirmitatem. Permotâ enim intus materiâ , neque educitâ tamen , nihil mirum hominem , sub imbecillis viribus latisfactatum , mori. Quæcunque tussis modico fit conatu , celerique ac facili materiæ educatione , cum multo levamento , &

& sine dolore, sive oculorum rubedine, optima esse censetur: quæ contrà fit, pessima. Si, cùm prius humida tussis fuit, nunc subitò sicca redditur, sic ut pectoris grave maneat; scire licet febris vel putridæ, vel hecticæ, aut pulmoni exacerbationis periculum instare. Omnis tussis mala, quâ somnus aufertur. Inutilis etiam, quæ longo tempore frequens, gravisque hominem exercet, idque cum destillatione. Hinc enim sanguinis sputum, & tabes sequi consuêrunt. Ferè, ubi vitiosus pulmo, aut vetus intra pectoris obstructio est, continua exercet tussis, nullis intermittens temporibus.

Quæ verò à destillatione est, ea quibusdam intervallis, prout humor irruit, bis tercè per annum molesta est. Si lents intus humor est, vehementissima, eaque sicca fit tussis, qua nihil ferè rejicitur: spiritus difficulter trahitur, idque cum quodam stertore ac sibili, qualis audire in ipsa anhelatione solet, de qua nunc agendum est.

Difficilis spiratio multa sequi pectoris *Diffici-
lis spi-
ritus obser-
ratio.* virtia potest, quorum observatio superioribus locis proposita est. Nunc notas ejus affectionis sequar, quæ propter humorem pituitosum pulmonibus infartum,

spirationem difficilem facit. Græci, ubi
leve id vitium est, *σύστασις* vocant: ubi
vehementius est, & spirare æger sine
sono ac sibilo non potest, ipsi *άσθμα*,
Anhe- nos Anhelationem dicimus. Quod ma-
latio- lum si ita crevit, ut spiritum difficilli-
mè, ac non nisi rectis trahi cervicibus
sinat, rectè *օρθόστασις* dicitur. Ergò in
Anhelatione pectus grave est, & crebra
veloxque sine febre respiratio: quæ adeò
molesta est, maximèque inter laborem
corporis, ut homo, ac si cursu agitatus
esset, ob angustiam pectoris propè suffo-
cetur, ejusque rei metu, toto subinde
recto corpore, rectaque cervice nitatur,
ad trahendum spiritum. Quinetiam is
ipse spiritus, quoniam angustis itineribus
effertur, quendam veluti sibilum tenuem
movet. Præter hæc dolor aliquis in pe-
ctore, & in præcordiis versatur, inter-
dum etiam in scapulis, isque modò inter-
mittit, modò revertitur. Quibus omni-
bus tussicula etiam intervenit. Id vi-
tium longâ vetustate pulmones primùm,
concretâ in grandinem pituitâ, & dein
veris subinde calculis implet: quos tum
septo corpore deprehensos, tum à vivis
per exercitationes validâ tussi præduros
rejectos, hordei, aut pisí magnitudine
esse,

esse, quorundam observatione comper-tum est. Dispnoea sine omni incommo-do trahere diutius potest. Anhelatio ve-rò, atque Orthopnoea, etsi longa quo-que sunt, gravia tamen esse possunt, sæ-pèque, ubi inveteraverunt, subito stran-gulatu hominem tollere. Eædem qui-busdam temporum intervallis graves ac-cessiones habent, quæ magis cœlo fieri humido ac frigido, maximèque inter multam crapulam solent. Quod si nova inter hæc quoque destillatio irruit, ferè hominem præfocatione occidit. Ex quo ipsa quoque præfocans appellata est. Semper meliori utuntur valetudine, qui anhelationem patiuntur, per quietem corporis, per jejunium & sereno cœlo. Anhelationi magis expositi sunt hi, qui-bus frequens destillatio ac tussis est, præ-cipuèque si senes sunt, & angustos pul-mones habent. Plerisque etiam aliis ac-cidere hic morbus solet, maximè his qui vel naturâ, vel otio, vel victus intem-perantiâ redditi sunt obesiores. Anhel-a-tio magna ex parte senes tollit: in aliis difficillimè sanescit.

Periculosa tremula spiratio est, & pul-fus inæqualis, inordinatus, intermittens, deficiens: & quidem quò gravius malum est,

est, eò magis sit languidus & magis tardus. Pessima inter hæc syncope est. Ad extrema ventum esse testatur spiritus parvus, tardus, & frigus: itemque pulsus ex tardo factus nimis creber, & languidus, cætera ei, quem mox retuli, similis. Interdum observatum fuisse constat, Anhelationem in pulmonis inflammationem transisse. Ex eodem morbo si factus aliquis gibbosus est ante puberem ætatem, perit.

*Vulne-
ratio
pulmo-
nis..*

Ictus pulmo his signis innotescit. Sanguis ex ore spumans, ex plaga rubeus fertur: spirandi cum sono quodam difficultas est: commodius in vulnus ipsum cubatur: etenim tum nonnulli loquuntur, qui, in contrariam conversi partem, obmutescunt. Ex vulnere nisi quis primis temporibus extinctus est, febre atque marcore sensim consumitur, ac perit.

*Vulne-
ratio
pe-
ctoris.*

Transfosso pectore, cùm quis exspirat, flatus è plaga exilit, vulneri si indica Aloë est, ejus percipit os amarorem.

*Animi
defe-
ctio.*

Nullum vitium terrere leviter debet, quod cordi accidit. Tolerabilis videri potest, modò brevis sit, animi defectio, quam Græci *μυωθυμία* dicunt. Scilicet non omnes semel (ut in syncope fit) vires

vires collabuntur: sed spirituum tantummodo resolutio, ipseque ferè, qui sic afficitur homo, præsentes audit, videt, agnoscitque.

Gravior cordis is morbus est, quo ipsum veluti concussum intremit, & palpitat. Græci ~~ταλπόν τῆς καρδίας~~, nos Palpitationem appellamus. Arteriæ tota corpore vehementer pulsant, nec raro etiam dilatantur, maximèque hæ, quæ supra jugulum sunt. Idem morbus frequenter, ac præcipue per quietem corporis intermittit: at superfluis laboribus, meraciore vino, concubitu, balneis atque irâ recrudescit. Palpitationis cordis si diutius trahit, periculum ostendit repentinæ mortis. Æquè ea horrenda est, si crebrò incidit, idque post solutos morbos, cum multa nausea, & bilis vomitu, qui vomitus neque nauseam, neque palpitationem cordis finit. Quibus autem hic morbus post menses aliquod, vel etiam post annum recurrit, eos ante senectutem omnes morte præveniri observatum est: alios quidem febribus fractos acutis, alios præcipite syncopâ raptos. Idem vitium ijs familiarius est, qui intra quadragesimum annum & quinquagesimum sunt, & quos flatuosa me-

melancholia fatigat, & quibus atrâ bile ipse lien tumet. Syncopen autem palpitatio cordis, & antecedere, & in eam verti solet.

Syncope.

Syncope, quæ præceps est virium lapsus, pulsus abolet, aut certè summè rarum, & obscurum, penitusque formicantem facit. In ea vultus, qualis hominis est emortui, fœdus ac pallens apparet, vis fentiendi, movendique deficit, tempora, cervices, & pectus gelido sudore madent, extremæque corporis partes refrigescunt. Quæ syncope novam sequitur stomachi, multamque nauseam movet, tutior est, adeoque *στομαχίη* appellatur. Quæ verò sine causis manifestis, sine stomachi vitio, sed & crebra cum palpitatione cordis accidit, grave perculum minatur, & ipsi cordi primitùs inhærescit, Græci *οὐρανοῦ καρδιῶν* nominaverunt. Hæc, & senibus, & convalescentibus, & quacunque de causa vehementer debilitatis familiarior est: soletque mortem, si frequenter incidit, repentinam referre. Quisquis enim scepè, multumque, sine evidente occasione animo deficit, hunc rectè Hippocrates scripsit subitò mori confuesse. In eo morbo præsentis nota exi-

exitii est, facies livida, viridis, aut nigra: vel si naribus acre inditum medicamentum nullam movet sternutationem; adhæc si spiratio, atque ipse arteriarum pulsus proflus abolentur, simulque caput in humeros, vel in pectus delabitur. Ut cordis palpitatio, si syncopem infert, mortifera est: sic multo magis syncope, si cordis secuta palpitationem est.

Vulnerato corde sanguis multus extra *Vulne-*
fnnditur, utique si quæ majores vel ar-
teriæ, vel venæ in eo percussæ sunt: *ratio*
pulsus elanguescit, color fit pallidissimus,
sudor frigidus ac fœtens oritur, extre-
misque multum frigidis protinus mors ir-
ruit. Si sola cordis icta substantia, non
item interior sinus telo violatus fuit, vita
modò diem, modò noctem durasse visa
est. At si in sinum quoque cordis ada-
ctus mucro est, protinus refrigercentibus
extremis, præceps mors incumbit.

Ubi septum autem transversum vul-
nus accepit, sanguis spumans fertur, spi-
ritus fit difficilis, & rarus, præcordia *Vulne-*
ratio
septi
trans-
versi.
spuma dolet, spu-
tum editur cruentum, accedit delirium,
& interdum tussis, novissimè febris, &
tabes (ut fit sauciis pulmonibus) hominem
(nisi is inter initia periit) consumit.

Ob-

*Observationes in ventriculi vitiis, &
intestinorum utiles.*

*Imbe-
cillitas
ventri-
culi.*

INfirmum ex calore ventriculum sitis arguit assidua, qua frigida pocula expertuntur, itemque cibi fastidium, æstus, ructus nidorosus, & noxius calidorum, utilis frigidorum usus. Si frigiditas subest, contraria his quæ sunt comprehensa, incident. Humiditatis autem notæ sunt, nulla vel pauca bibendi cupiditas, multa saliva, commodus siccorum usus.

Contrà res habet, ubi siccitas imbecillitatem fecit. Si vitiatus intus humor versatur, nausea urget, & vomitus, & ructus, maximèque sumptis epulis Cùm flava intus coit bilis, supra ea quæ inesse calido ventriculo dixi, os etiam amarescit, ipse ejicitur vomitu amarus humor ventriculus roditur, maximèque per inediām, unde syncope etiam sequi stomachica potest, potissimum si os ventriculi acuti admodum sensus est. Quod si puita molestat, nunquam ea ventriculum, nisi cum falsa esse cœpit, mordet, neque sitim facit, sed multum salivæ sine tussi screatum exhibet. Tum quoque acidus fit ructus, & infirma concoctio,

&

& inflatio , tensioque ventriculi. Id profectò vitium , si multùm increvit , magnas tensiones , gravesque dolores , aliquot à cibo horis , ventriculo infert , & sæpè maximis valetudinibus initia , ut hydropi , & volvulo præbet. Jam autem , ubi atra intus luxuriat bilis , crescit cibi cupiditas , sputum malè piscem olet : palpitatio esse in mesenterio sentitur , ex qua modò morbus Melancholiæ , modò comitialis nascitur : somnus item absurdis ac vanis imaginibus turbatur , summoque dolore surarum musculi contrahuntur : animus denique tristitiâ , atque metu concutitur.

Aliqua etiam animadverti circa appetitum , aut fastidia ciborum possunt. Optimum signum est omnibus in morbis , benè sese ægros , ad alimenta quæ offeruntur , habere. At cibum adversari coepisse per longos morbos , & post eos , malum est : itemque post cibi cupiditatem fastidio ejus affici. Nullum leve malum timeri in longa appetentiæ amissione potest , maximè si contractum à frigore id vitium fuit. Æquè periculosum est , boulimo aliquem , aut caninâ Canina urgeri appetentiâ coepisse. In hac ipsâ appetentia desiderium plurium epularum est , mul-

tumque voratur : quod quia onere ventriculum gravat, iterum vomitu extunditur : atque sic levatus homo, vorare denuo nova cupiditate incipit, rursumque ut canis, quod assumtum est, vomit. Sæpe hoc vitium boulimum, & altum soporem, & lævitatem intestinorum, & hydropem, & atrophiam, ipsamque necem intulit. Cæterum in boulimo, primùm ægri multa fame urgentur, quæ tamen non omnino immoratur. Quin animus subinde iis deficit, simulque concidit spiritus, extremaque refrescantur. Tum profectò in propinquó syncope est, quam ipsa excipit mors.

*Bouli-
mos.*

*Singul-
tus.* De singultu etiam dici quædam possunt. Hic pueris familiarior est. In aliis quoque ætatibus interdum per acutos incidit morbos, & per febres ardentes, maximèque pestilentiales, ac tum ferè esse lethalis solet. Idem post citam alvum, sanguinisque profusionem, & post quamcunque aliam gravem inanitionem periculum ostendit. Itaque post vomitiones etiam, præcipueque sinceras, singultum fuisse, grave est. Idem, si causa inflammationis jecinoris, periculum habet. Sternutamentum autem singulti accessisse, utile est. Ab illo enim hic

hic ipse absolvitur. Delirium autem intervenisse, aut nervorum distensionem, mortiferum est.

Instante vomitu, crebræ sputationes, *Vomitus.*
& naufragia sunt, stomachusque subvertitur, præcordia tenduntur, & inferius labrum tremit. Is ubi sit, minimè molestus est, ex pituita & bile mixtus, modò nimius non sit. Sincerus autem deterior est, magisque si simul vel singulatus, vel distentio nervorum adsunt. Præfinus item vomitus, & lividus, & niger malus est. Nigro pejor est is qui omnes colores fundit non bonos. Subitam perniciem denunciat niger maleolens, qui frequens in febribus pestilentialibus esse solet. Vomitus sine febre tum esse non malus potest, cum robur sequitur naturæ, quæ id humoris, unde gravatur, expellit: qui profecto humor ex jecinore huc derivari, vel ex liene, vel mesenterio, & intestinis, itemque è cerebro, totove denique corpore potest. Verùm eo tempore multum jecinori, aut lieni (ubi hinc humor fertur) tumorem esse præstat. Quæ fœmina, dum jejunia est, biliosa vomit per multos dies, si neque uterus fert, neque febricitat, scire licet hanc lumbricos rotundos simul

vomere , aut certè hos vomituram esse.
Vomitus , si rarus est , juvat valetudinem : assiduus , stomachum vitiat , & inducta imbecillitate , velut lacunam proluviei universi corporis facit. Sæpè profectò vomitus , præcipuè æruginosus , distentionem nervorum , & morbum comitiale , & profundum soporem , ve-
luti quadam judicatione finiunt. Vomi-
tus spontaneus , si id in quo vitium est , reddit , confert & facile fertur : sin mi-
nus , contra. Vomitioni singultum , aut
nervorum accessisse distentionem , ma-
lum est . maximè si sinceri humores re-
jiciuntur.

*Vomi-
tus
cruen-
tus.*

Sanguis etiam vomitione extundi so-
let , quod nunquam fieri , nisi malè af-
fecto homine , potest. Is sanguis cibo ,
vel potioni , vel pituitæ mixtus fertur ,
estque crassus , ac jam concretione ni-
grecens. Hujus subinde pars ex alvo e-
tiam fertur , ita nigricans , ut pici simi-
lis videatur. Sub eo casu mirum non est
à corrupto intus cruore crebram animi
defectionem esse. Qui ab jecinore pro-
ficiuntur sanguis , splendidior est , ac ma-
gis purus. Quem autem lien fundit , is
turbidior , & subniger , & interdum aci-
dus est. Cæterū qui à ventriculi sub-
stantia

stantia detritus sanguis evomitur , nunquam ferè dolorem aliquem non exhibet. Fœmina si sanguinem vomit , fusis menstruis liberatur.

Non sæpè ventriculus inflammatione *Inflammatio ventri-*
rapitur. Gravis & assiduus cum arden-
tissima febri incidit dolor , qui nullis fo- *culti.*
mentis mitescit : locus ingentem , tactu-
que circumscriptum tumorem , & inter-
dum visu conspicuum habet. Quicquid
cibi vel potionis assumitur , id protinus
vomitu , aut dejectione extunditur : nisi
tamen summa vel ima ventriculi pars tu-
more obsidetur , quo itinera sic arctan-
tur , claudunturque , ut nihil elabatur.
Accedit vehemens æstus , & fitis , &
nausea . & quum gravius malum est , de-
lirium , crebraque animi defectio. Quod
si præter hæc extremæ partes membro-
rum inalgescant , exitium in propinquo
esse significant.

Ubi ex hoc morbo abscessus fit , is in
vacuum abdominis , vel in ventriculi
spatium internum erumpit : moxque i-
psum pus vel ore , vel alvo effertur. Quod
si intus factum ulcus aliquod est , pro-
fus id lethale est. Tum profectò lentâ ,
affiduâque febre homo consumitur : ven-
triculus summè fit infirmus , & modò

dolorem habet, modò eo caret; frequens vomitus, frequentior liquida dejectio est, pulsusque creber, ac frequens: totum denique corpus alimenti fructum non sentit, sed paulatim ad novissimum usque vitiæ diem contabescit.

Nunc de intestinorum vitiis loquar, quæ & acuta esse, & longa possunt. Omnium id penè atrocissimum est, quod *χόλος* Græci dicunt. Bilis suprà, infràque magno impetu prorumpit, primum liquidior, pallida, & subflava: dein crassior, majoremque colorem exhibens, flavum scilicet, prasinum, cæruleum, aut etiam nigrum: acuti in intestinum superum dolores, & torsiones, & inflationes incidunt: ingens afficit bibendi cupiditas: pulsus celer, frequens, parvus atque concisus est: sæpè sudores tanto corpore moventur: ubi gravius malum est, pulsus propè totus concidit, crura manusque contrahuntur, frigidæ sudationes fiunt, anima deficit, & quum ad extrema ventum est, syncope accedit: quibus concurrentibus omnibus, mirum non est subitò aliquem extingui. Is morbus frequentior æstate, atque autumno, est pueris familiaris. Senioribus rarior, & formidabilior est. Vehe-

mens

mens in eodem morbo sitis inutilis est, optimus accedens somnus. Pars sanitatis est, suppressum vomitum esse. Sæpè etiam versâ in vesicam materiâ, ardor inde factus urinæ fuit. Summum in periculum res vertitur, si syncope comitantur, aut si quod evomit, malè olet, aut stercoraceum est. Qnod autem non olet, id tutum est.

Quum profluere alvus cœpit, fusis scilicet sinceroribus humoribus sine inflammatione sive exulceratione, vel sensu doloris vehementi, id vitium Græci *στρεψίαν* nominaverunt; sub quo alijs atque alijs vacuatur humor, modò pituita, modò bilis, vel flava, vel atra. Hujus origo fluxionis variis è sedibus manat. Si è cerebro pituita fertur in ventrem: ea per noctem magis & post somnum fuit, tenuis, authore Hippocrate, atque spumans. Intervalla etiam fluxionis quædam fiunt, itemque destillatio, & capitis dolores antecesserunt: maximè si subitus calor atque frigus fuere. Idem humor, si vitio funditur intestinorum, mesenterii, aut ventriculi, crassus est, atque mucosus, isque magis de die fine certis intervallis prodit. Ubi flava bilis, aut citrina, ardens, nec raro etiam

spumans è jecinore, aut etiam (quod sæpè fit) è mesenterio in ventrem delabitur, id sine magno ventris dolore, sive torminum opinione certis quibusdam intervallis, & per noctem incidit : sed brevior hic fluxus eò esse consuevit, quem affectus ventriculus movit. Idemque fere sequitur, si è liene, vel ab ipso fluere mesenterio atra bilis in alvum cœpit. Verùm hic casus, quoniam pejorem humorem sequitur, longè difficilior priore est. Sed discernere inter hunc convenit humorem, & inter sanguinem concretum longa immoratione, longoque dūtu præassatum, nigricantem, ac liquidæ pici simillimum. Itaque si hic ipse, non autem melancholicus humor est, cruentus vel adest, vel præcessit vomitus, quotincta lintea rubescunt. Nihil verò horum in dejectione bilis atræ subest. Uno die fluere alvum, sæpè pro valetudine est, atque etiam pluribus diebus, modò intra septimum conquiescat, neque denuo turbetur, ac neque febri hominem, neque vehementer siti afflictet. Verùm in spatio periculum vertitur. Interdum enim tormina ac febris concitat, viresque consumit. Febrem autem accessisse, aut semel quiescentem dejectionem re-

revertisse , eandemque diutius trahere cœpisse , periculofum est : sive biliosa ea fuerit dejectio , sive cruda , ac pituitosa. Æquè verò noxium est , inflammatio- nem ortam esse jecinoris , aut præcordio- rum , aut ventris , itemque alvum va- riam , cum dolore diu profluxisse. Cæ- terùm ante tempus compressam dejectio- nem esse , tutum non est. Incipit enim affici stomachus , febresque oriuntur & viscerum inflammationes. Quinetiam correptâ sursum materiâ , dolores in ca- put incidunt , aut insania sit , aut lethar- gus : prout humor est , qui huc fertur. Qum liquida dejectio hominem exer- cet , utile est neque stridere eam , neque nimis frequentem esse , sed paulatim fer- ri. Crebro enim desessu homo delassa- tur , & vigil manet. Jam si copiosa si- mul frequensque dejectio est , periculum ab animi defectione est. Cùm alvi pro- fluviu in vetustatem incidit , tum , si ultrò vomitus accedit , id ipsum con- quiescit. Alvi fluxio sine ulla noxa est , si mature desinit : quod quidem fit , ubi contracto jam ventre nullus amplius à su- perinjecta manu motus ejus percipitur , simulque novissimam alvum flatus secu- tus est. Profluente alve mutari excre-

menta , sed non in deterius , prodest .
Biliōsæ dejectiones accedente surditate
cessant : & contrà surditas iisdem deje-
ctonibus finitur . Longum alvi proflu-
vium balbis frequentius est , & vomitio-
nis interventu conquiescit . Ructus quo-
vis in fluxu ventris acidus , qui quidem
ab initio non fuit , sed post accessit , pro-
dest . Ubi pluribus diebus non descen-
dit alvus , docet aut subitam dejectio-
nem , aut febriculam instare . Malum
est fusa alvo cibi cupiditatem amitti , aut
singultum fieri . Quibus propter mor-
bum vel acutum , vel longum , aut pro-
pter vulnera , aliave occasione extenua-
tis , atra bilis ceu niger quidam sanguis
alvo profluit , hi postero die tolluntur .
Excrementa siquidem ventris more atri
sanguinis nigra , quæ & cum febre , &
sine hac ultrò dejiciuntur pessima sunt :
eoque semper pejora , quo eorum colo-
res plures repræsentantur non boni . Ea-
dem ut medicamentum eduxerit præstat ,
idque quando plures fuerint horum co-
lores . Alvus ustam bilem fundens per
morborum principia , mortifera est . Par-
que periculum ostenditur , si profluente
ventre , nausea , vomitus , & delirium
occupant : itemque si sic infirmus homo
est ,

est, ut pulsus ipsi assidue vermicularis & formicans, qui ne sumtis quidem epulis invalescat. Quum subito fluere alvus incipit, post longum morbum, aut si is etiamnum manens nihil inde mitescit, ægerquè hunc malè sustinet, in certo periculo esse sciendum est. Æquè horrendum censetur, citam alvum hydropi initia præbuisse, aut post ulcus accessisse melancholicum: itemque propter superiorum exulcerationem intestinorum ac præcipue jejunii incidisse: aut perseverante profluvio pustulas, quæ antè fuerunt, subito delituisse: aut denique infene fluorem inveterasse, aut hominem primò veluti aquam alvo excreuisse, deinde humorem more unguenti pinguem. Hoc ipsum excrementum, quod quasi adipe ut oleo perfusum videtur, pestilentibus febris, atque ardentibus, corpus colliquantibus, & hecticis, & tabi, & atrophiæ, & interdum viscerum inflammationibus familiare est. Persæpè tum à sincero alvi profluvio, tum à longo, nata fuisse tormina observatum est. Qui casus prægnanti fœminæ exitiosus esse solet, & ut ipsa quam maximè convaluerit, partum tamen corruptit, ac perdit. Ferè autem fit, ut quem longa

ga exercent alvi profluvia , his pedes intumescant.

Non leviter ea quoque terrere alvi fluxio debet , quâ non sinceriōres humores, ut in diarrhoea , sed epulæ , potionesque sine dolore crudæ , inæquales , aquosissimæ sic citò dejiciuntur , ut nihil ferè de forma amiserint sua , citra sanguinis aliquem aut bilis complexum.

Liente- Græci *λειτηπίαν* , nos lævitatem intestinorum appellamus. In hac ægri frumentum alimenti non sentiunt, & in malum incidunt corporis habitum : ardor totis hypochondriis inest , & ingens urget cibi fastidium. Hic morbus ægros interdum trahit , interdum præcipitat. Facilius à teneris depellitur ætatibus , utique si moveri abundantius urina , & ali cibo corpus incipit. Difficillimus provectioribus hominibus est , maximè si longis torminibus intestinorum successit. Sub eodem vitio periculum majus fit, si ita frequens dejectio est, ut venter omnibus horis noctu & interdiu fluens , somni tempora corrumpat. Adhæc si cruda prorsus ea est , aut nigra , vel more bulbili stercoris levis & fœtida : si cibi admittitur cupiditas , crescit bibendi desiderium : si pro modo sumtæ potionis æger

æger non mejit: si os ipsi exulceratur, rubetque facies, & quasi maculis quibusdam colorum omnium distinguitur: si venter emollitus, sordidus, & rugosus redditur. Sub his signis certa mortis adventatio est, si id vitium jam diu corpus senile traxit. Per longam intestinorum lævitatem acidum fieri ructum, qui antè non fuit, pro valetudine habetur. Pars speratae sanitatis est urinæ modum poculis respondere cœpisse, corpusque nutritri, ac sine febre, sine pravis coloribus esse. Ut in omni penè ventris fluxione, ita in hac quoque tumiali esse finis creditur, cum nullum amplius intus fit murmur, & extremam dejectionem aliquis secutus flatus est. Quicunque autem diu hoc vitio exercitus, animalcula quædam alvo reddit, multis torsionibus atque doloribus; is, finitis his intumescit. Ex eodem morbo si lateris oritur dolor, & spirandi difficultas, metus est secuturam tabem esse. Sæpè etiam hic morbus corrupto cœlo in populum grassatur, nec raro longa invaletudine confectos tollit. Interdum etiam pulmonis vomicam, vel abdominalis abscessum, vel pectoris aut renum suppurationem certo ægrotantis

tis periculo secutus est.

Quæ cruenta alvi dejectio , cum ulcere intestinorum , cum dolore & torsione est : hanc Græci ~~dysenterias~~ , nos *Tormina* , seu *mus*. Incipiente morbo primum biliosa dysente- est alvus , aut certè mucosam fundit in- ria. *Torminum* appellatione comprehendenda , modico cruore perfusa : post hæc stri- gmenta interioresve tunicæ intestinorum prodeunt excrementis cruentis ac puru- lentis mistæ : novissimè , ipsa deteritur , proditque cum purulenta intestinorum proluvie caro , quæ veram eorum com- plet substantiam. Inter hæc autem om- nia , crux paulatim , & brevibus inter- vallis per alvum manat , isque modò cum stercore aliquo semper (nisi inferius vi- tium est) liquido , modò cum quibus- dam , quæ proximè dixi , mucosis & purulentis , & carnosis corpusculis ex- cernitur : multus in ano dolor , multa- que ac frequens desidendi cupiditas est : cum utroque hoc exiguum quid exit , protinusque tormentum intenditur , ac rursus post paulum levatur : ipse æger quiete caret , & à somno interpellatur , dejectionibus & interdum febriculâ im- peditus. Si tenuibus intestinis vera de- teritur

teritur tunica, desperata utique ægri valetudo est : verum si crassa tantum sic afficiuntur intestina, superesse spes vitæ potest. Sed certis quoque uti notis licet, ad loca, quibus morbus inhærescit, cognoscenda. Etiam si tenuia intestina afficiuntur, dolor altius circum umbilicum versatur : inter hunc plus intervalli & inter dejectionem ponitur : sanguis & quicquid intestini detruditur, exactius alvi excrementis miscetur : vehementius & crebrius delirium incidit : fitis urget, & febris : ipsum autem sterlus crudum profluit, malè olens, loturæ carnium simile, biliosum, porraceum, varium, non sine multa ventris torsione, & multa virium infirmitate, quæ animi quoque defectionem minet. Atque cum quidem in jejuno intestino vitium est, cruda magis apparet dejectio, cum sanguine nigriore excrementis undique mixta, & cum bile abundè flava. Plus etiam hic sititur, & nauseatur : sed & cibi magis afficit fastidium, & interdum vomitus oritur : dolor autem superior umbilico est, isque malignam febrem movet : ipse æger vivido colore caret, & ad animi usque defctionem exfudat : quibus concurrentibus facilè is
ipse

ipse robore destituitur virium, ac perit. Cæterum ubi crassa intestina morbum sustinent, (qui casus tutior faciliorque superiore est), stercus sincerum, multum, densum, cruentis respersum guttis, & cum flatu prodit, nonnunquam etiam spumosum: semper autem quædam hic pinguis milcentur, ipseque sic jungitur cruor, ut his particulatim supernatet, non autem totus totis veluti immersus temperetur, idemque ut primùm quis doluit, protinus sequitur, prima propè alvo redditur. Quævis autem tormina longa & difficilia esse consueverunt: sub quibus, si firmus etiamnum homo est, rectèque curatur, reddi pristinæ valetudini potest: si verò invalidus aliquis est, ac vehementer morbo extenuatur, ipsumque intestinum profundo vetereque ulcere labefactatur, scire licet medicinam omnem inanem esse. Ubi hæc res incidit, dejectio gravissimè olet, eaque cruda, levisque est, & subnigri coloris: sæpè etiam inter hæc plurimus sanguis effunditur. Tormina, si ab atra bile esse cœperunt, mortifera sunt, itemque si sub his quædam quasi carunculæ dejiciuntur: aut si post longum morbum, homine jam infirmo, subitò orta sunt. Æquè

malum est, molestam ægro suppressionem dejectionis esse , à solutione non nisi paucissimo tempore malum levari , idque ipsum diutius incipere trahere. Non iuta quoque tormenta sunt , quæ cum febre adoriantur , & cum vehementi dolore, variaque vel etiam crebra alvi dejectione , tum etiam cum jecinoris , præcordiorum , aut ventris ardore , quæque cibos intercipiunt , & multam sitim , & cibi fastidium inferunt. Par periculum est , si venter assiduè , & quiescentibus , & vigilibus profluit , similiterque noctu , & interdiu : si cibi amittitur cupiditas , crescit bibendi desiderium : si pro modò sumtæ potionis æger non mejit: si extenuato jam corpore repente nigra alvus fluxit : aut si morbum hunc jam veterem lævitas intestinorum , aut hydrops excepit. Ferè ubi dejectiones alienis temporibus suppressuntur , abscessus juxta costas , aut in visceribus , aut in articulis fit. Tormina , modò non nimis diu trahant , utilia lienosis sunt : ubi inveterascunt , nocent. Quum fanguis per tormenta intus retentus concravit , venter flatibus impletur , extremaque corporis repente inalgescunt , vis ægri , simulque pulsus collabuntur.

Tene-
smus.

Proximus torminibus tenesmus est ; Græci ~~τενεσμόν~~ appellant , qui illa sæpissimè & antecedere & sequi solet. Frequens æquè atque in torminibus desideri cupiditas , dolorque in ano est , inter quæ mucolum quid pituitâque plenum , & modicè cruentum exit : hinc , ubi ulcus directi intestini increvit , purulentum quoque editur. Hujusmodi dejectioni nonnunquam id interponitur excrementum , quod ex cibo probè coactum figuratumque est. Hic morbus , ubi prægnantibus accidit , elidere etiam partum potest. Idem tamen non difficillimè tollitur , neque unquam per se occidit , præcipuè si sine febre homo cibum non fastidit : verùm in autumnum ubi incidit , contagiosus esse magna ex parte solet , utique si tum quoque in tormina vertitur : qui casus , ut cæteris hominibus non tutus , sic pueris maximè lethalis est. Tenesmus interdum ubi vetus fit , in volvulum , aut in coli dolorem (siquidem pituita subest) transit. Si bilis in causa est , potius torminibus excipitur. Sæpè ex neglecto tenesmo ulcus relinquì solet fordidum ac purulentum , idque in fistulam verti , quæ ægerrimè remediis tollatur.

Mor-

Morbus intestini tenuioris , quem
Græci ἐντέρου , nos volvulum dicimus ,
sic noscitur. Dolor acutissimus . modò ^{Volvu-}
suprà umbilici regionem , modò ^{lus.} infrà
versatur. Fitque ex alterutro loco in-
flammatio. Tumor autem quidam sic
prominet , ut ægrotans intestinum con-
volutum ad chordæ similitudinem videa-
tur : ventris itinera , quibus excrementsa
feruntur , sic impedita præclusaque sunt ,
ut neque injectus clyster ascendat , neque
cibus ore sumitus descendat , ipsaque al-
vus neflatum quidem emittere ullum pos-
fit. Itaque sursum protrusis omnibus cre-
ber vomitus cietur tum bilis , tum pitui-
tæ : hunc multa antecedit nausea , & ru-
etus inanis , & ventriculi humiditas. Spi-
ritus etiam fit difficilis , & , quicquid
cibi , vel potionis assumitur , tametsi id
intrò descendit , paulò tamen post , quia
transire inferius non potest , iterum vo-
mitu redditur impurum , ac malè olens.
Id ferè tum solum sine saburra per
os fertur , cum superior gracilis intestini
pars laborat. Ipsum autem quoque se-
quitur stercus , si paulo inferior morbus
est. Idem incommodum sub utroque
casu tum etiam accedit , cùm ad extre-
ma ventum est , subindeque lumbrici e-

vomuntur, urina difficulter redditur & maximè assiduus vomitus est, ipsa alvus ita clauditur, ut ne acus quidem admittat acumen. Novissimè os, quiue ructu effertur vapor, sed & totum corpus mali odoris est, acceditque singultus, & delirium, itemque nervorum distentio, & gelidus sudor, & extremorum frigus, & tremor cordis, & syncope, omnia certissimæ mortis nuntia. Hoc genus vitii omnium quæ intestinis insidiantur acutissimum est, &, nisi resolvitur intra septimum diem, occidit. Idem pueris familiarius, senibus rarius ac penitus exitiale est. Frequens sub eo vomitus, & surditas mala sunt. Sperare salutem licet, si purgans medicamentum ore sumtum, alvum perrumpens dejectio-
nis initium præbet: utique si reliqua quoque salutis concurrunt signa verifi-
milia. Minus etiam periculi esse solet,
ubi dolor locum mutat, quam ubi fixus
is unà in sede inhærescit.

Non admodum huic dissimile dolori
Coli do- tormentum in laxiore eo intestino est,
lor. quod Græci *κακόν* appellant. Gravissi-
mus cruciatus multaque inflatio incidit
per totum abdomen in profundo, idque
dextra magis parte, ubi affectum intesti-
num

num est : ipsum enim hinc incipit , & ad sinistriorem partem illorum in modum zonæ procurrit. Itaque juxta renes etiam hic coli dolor , & circa dorsum versatur , itemque supra infraque umbilicum , magnam occupans ventris partem , modò dextram , modò sinistram , vagus omnino , & instabilis: utique si à flatibus esse morbus cœpit , qui flatus sæpè intus quodam veluti rugitu obmurmurant , arctèque conclusi , neque ore , neque alvo erumpunt. Non rarò coli dolor uno in loco stabilis altè excruciat , eumque neque flatus , neque ructus lenit. Ipsum intestinum immannissime doloris tormento affigitur , ut terebello etiam pertundi videatur , ac penè spiritum elidere. Inter hæc autem vomitus crebrò movetur , quo pituitosa , varia , porracea , & æruginosa vacuantur. Verùm hoc doloris genus tum potius incidere confuevit , cùm pituita subest crassa , ac maximè vitrea : utrisque generibus commune est , cibi cupiditatem , magisque dulcioris ac pinguis amitti : ventriculum assiduè , ac si pungereretur , dolere : multam sitim , multumque aquæ bibendæ desiderium esse , quod ipsum tamen potationibus non

quiescit: ructum item fieri, & interdum hunc jamjam eructaturum protinus cohibere: alvum etiam adeo impeditam esse, ut nihil intrà, ac ne flatum quidem emittere aliquem possit: tum si quid vel sponte, vel arte redditur, id siccum esse, alias more ovilli stercoris in globulos intortum, alias, ut bubulum, leve, flatibus plenum, atque aquæ supernatans: urinam denique nimii doloris occasione bilescere, & interdum consentientibus huic malo renibus retineri: ubi ad extrema ventum est, frigidos sudores fieri, crebrumque singulum, & delirium, & nervorum distensionem, & extremorum refrigerationem, & syncopen incidere. Ubi salus futura est, excrementa non nimium retineri, dolorem mutari, atque etiam intermittere, ipsum ægrum post redditum stercus, aut post emissos fatus, levare, & in quiete esse, semperque facile durante morbo spirare, bonum est. Sæpè coli dolor in resolutionem nervorum, vel in morbum tum articularem, tum comitialem, vel in hydropem transit: interdum etiam in volvulum abit, idque intra septimum diem. Sed operæ pretium videatur inter hunc ipsum morbum,

bum, & coli dolorem, notis quibusdam discernere. Omnia intestini gracilioris morbus atrociora, quam coli habet. Utinque alvus comprimitur, acutissimi dolores, & frequentes vomitiones fiunt. At ubi tenue intestinum morbum sustinet, quoniam id magis sentit, saeviorem quoque doloris sensum exhibet, & celerius occidit, ejusque rei causâ hic ipse morbus acutus est, prior esse longus potest. Adhæc sub volvulo dolor magis tum dextrâ, aut sinistrâ parte vagatur, magis ab umbilico superius tendit, magisque curatur per os sumtis medicamentis, quam alvo injectis. Magis etiam subvertitur stomachus, & crebrieres vomitiones fiunt, promptiusque delirium est, & frigidi sudores, & syncope, quam ubi in colo vitium est. Jam vero multis etiam signis, & coli & renum inter se consentiunt, dissentientque dolores: adeò ut, nisi arenula vel calculus exturbatur, saepè renum cruciatus, specie colicorum, medicos etiam gnos artis fallant: Ergo his differentiis utilicet. Nausea, & vomitus, & cibi fastidium magis urgent laborante colo, dolorque ferè ab dextra parte inferne incipit, & sursum ad sinistram ascendit. I-

dem sæpè veluti circumire in omnem ventrem videtur , & plurima loca occupare , modò hîc , modò alibi violentior. Dolor autem renum eodem stabilis loco est , nisi quod interdum ad coxendicem , vel ad testiculum , qui è directo est , pervenit , ferèque alterutrum latus juxta renem occupat.

Idem , etsi perinde ut coli dolor , non æquè tam efficaciter ducta clysteribus alvo , & emissis flatibus , remittitur : urina denique primum tenuis , pauca , & aquosa est , & interdum hæc tota supprimitur : interposito tempore uberior fertur , & crassa , & arenosa , & bullans , Itaque hæc etiam urina significare genus morbi potest quale sit , quoniam dolor interdum etiam colicus , ex vitrea potissimum natus pituita , uno esse stabilis loco possit : ut autem emictis arenulis renum dolor conquiescit , ita coli quoque cessat tormentum , frigido humore per alvum excluso . Illud etiam addendum videatur : multis frequentem renum dolorem esse , coli non item . Præter hoc ipsum , quod proposuimus , colici doloris genus , quod verè proprium est , & crudæ causas pituitæ , aut fluctum sequitur , aliud nonnunquam posse

re-

reperiri fatemur, cuius acris materia, ipsaque effectrix fit bilis. Tum febricula oritur, & vehementior sitis, & æstus, & vigilia. Ipse dolor non in variam regionem ventris divagatur, sed unicam ferè occupat duntaxat, idemque semper dejectione intenditur: urina admodum biliosa, atque acris est: noxius etiam est calidarum tum epularum, tum potionum usus. Magis stabilis uno in loco dolor esse coli solet, ubi id intestinum inflammatione cingitur, estque hoc genus morbi atrocissimum, soletque non raro *Coli inflammatio.* in volvulum transire. Valida febris multo æstu, ardoreque afficit, intus juxta morbum pulsatio est, oriturque sitis, nausea, ac vomitus, præcipue biliosus, ex quo tamen nihil dolores levantur. Alitus nihil reddit, & ipsa interdum retinetur urina.

Observatum à doctis hominibus vi- *Perito-*
deo, gravissimis etiam doloribus urgeri *næi*
peritonæum consuesce, vel certè has *dolores.*
membranas, quæ abdomini ventrisque partibus obtenduntur. Hi dolores, etsi nullo jure ad coli tormentum pertinent, quoniam tamen æquè graves sunt, ac penè similes, neque etiam spatiis locorum multum dissident, eos hīc quoque

ponere rectè posse videor.

Sunt autem hi, ut gravissimi, sic admodum diuturni, neque ullis remediis, quæ coli debentur doloribus, mitescunt; sive datum medicamentum fuit, sive adhibitum fomentum, sive subtus injectus clyster. Ferè autem longas febres, & ea genera excipiunt morborum biliosorum, qui non facilè solvuntur. Sæpè que veluti quadam judicatione visi sunt continuas febres, & tertianas, & quartanas hi dolores finivisse: idque ita tamen, ut longo post tempore, qua die febris esse accessio solet, eadem hi dolores quoque increaserent.

Lumbrici.

Lumbricorum, quos Græci communiter *λυμπίτες* appellant, non una omnium forma est. Alii longi & teretes sunt. Alii breviores & ad speciem feminis concubitæ lati. Alii exigui sunt, tenues simulque teretes, *ασκάριδες* Græcè dicunt. Communes hæc notæ sunt duorum priorum. Per somnum dentes strident, multaque saliva ex ore defluit, quam homo sæpius tum quoque devorare, quasi mandens aliquid, videtur: vigilanti sæpè pruriunt nares: & multa infesta sitis est, quæ poculis non sedatur: interdum venter distenditur cum mur-

mu-

mure, atque multa torsione, idemque non raro, ac si hydrope affectus homo esset, inflatur: acceditque subinde lævitas intestinorum, oculorum suffusio, pallor faciei, sudorque frigidus ac male o-lens. Nonnunquam ipsa etiam incipit affici mens: verum æger tum festucas non legit, ut in acutis accidit febribus, neque gravem dolorem capitis sentit. Ipsa subinde lumbrici modò per os, modò per alvum, & interdum naribus etiam redduntur, iidemque noctu esse molestiores, quam de die solent. Per inediā autem maximè sursum repunt, tumque intestina, & præcordia, & stomachum morsionibus sollicitant, simulque animi subinde inferunt defectionem, vel præfocationem, vel tremorem, vel morbum comitiale, vel ipsam denique syncopen: quibus malis sæpè pueri oppressi, extinctique fuerunt. Præter hæc quæ proximè dixi vitia, etiam & coli dolorem, & caninam appetentiam, & boulimon, & cordis palpitationem à lumbricis fieri animadversum est. Ferè autem longis proprium est, ut in gracilibus intestinis gignantur, utque hæc morsibus per inediā impetant, & interdum in ipsum procurrant ventriculum, tumque

que dolorem moveant, & nauseam, & vomitum, & singultum, siccumque tussim, & tenuem brevibusque molestam intervallis. Idem, cum fortè ad stomachum perveniunt, difficilem deglutitionem reddunt. Inter hæc autem alii per somnum edito clamore exergiscuntur, & exiliunt è cubili, iterumque protinus sopiuntur. Alii inter dormiendum linguam exerunt, aut dentibus strident, aut aliena loquuntur, simulque vario decubitu corpus jactant. Pueri etiam sic formant os, ut quasi eo tenere mammæ papillam, ac devorare aliquid videantur. Multis oculi sanguineo rubore imbuuntur, itemque malæ: verùm is rubor post paulò perit livore è novo victus.

Pulsus inæqualis est, obscurus, deficiens, & recurrens. Nonnullis venter corruptum cibum dejicit, & flatibus intumescit, reliquum corpus sine probabili causa extenuatur. Si febris incidit, ea sine ordine, ac certe lege increscit, ac ter quaterque die vel nocte temerè recurrit, non sine ingenti extremorum frigore. Minus in longis lumbricis periculi, quàm in latis est, solentque his etiam illi esse frequentiores: præcipuè verò pueros ab ipsa exercent infantia ad puberem usque

statem. Lati autem lumbriei, qui vel in cœco intestino, vel in coli cellulis nascuntur, ut multa quoque habent, quæ esse familiaria longis dixi; sic soli assiduis morsibus hominem fatigant, & ingentem, insatiabilemque cibi cupiditatem inferunt: ut primum enim assumptum alimentum est, id ipsi continenter depascunt, quo jam consumto, mordere intestina protinus incipiunt. Sæpè hi intus magna mirabilique inter se serie cohaerent. Corpus autem quod occupant, macrum, imbecillum, atque inæquale reddunt. Porrò ubi tenues lumbrici, quos Ascarides nominari dixi, intus versantur in ano scilicet, ac recto intestino, multis in his locis pruritus est, ex quibus interdum emergunt, & in femora, natesque quoquoversus prorepunt: sæpius indejecto stercore cernuntur, id quod adulatis etiam hominibus non infrequens est. Inter hæc assidua oritur desidendi cupiditas: homoque post redditam alvum retius habet. Communiter autem omnis generis lumbrici pueros sæpius exercent, utique si multa cruditate onerantur, vitiisque cibis longo ante tempore, ut caseo, fructibusque fugacibus usi fuere.

Nunc de eo ani vitio loquar, quo venæ,

næ , quæ in eum explicantur, sanguinem
 sine modo fundunt, Græci ἀμορφοῦδες no-
 minaverunt. Tametsi æquè etiam præ-
Hæ-
mor-
rhoïdes. ter naturam sit, sanguinem in hæc loca
 delatum , pro consuetudine inde vacuari
 non posse. Itaque cæcam hanc esse hæ-
 morrhoidem dixerunt, quæ intuentibus
 non patet , ac vehementem in ano dolo-
 rem , maximè ubi durum alvi excremen-
 tum exprimitur , movet. Is dolor inter-
 dum adeò gravis est , ut ani inde sequa-
 tur inflamatio : ubi verò aperta hæmor-
 rhois est , sanguinem semper in conatu ,
 maximèque post extremam alvum , inter-
 dum etiam ultrò fundit. Is sanguis seor-
 sim primùm melancholicus , dein purus
 ac rutilus exit , interdum , quia in vacuo
 recti intestini concrevit , formam grumi
 rubentis habet. Itaque ab eo quoque dif-
 fert , quem vel mesenterium , vel jecur ,
 vel loci superiores fudere. A mesenterio
 enim non multus fertur , ab jecinore in-
 firmo verus sanguis non defluit , sed dilu-
 tus atque aquæ , qua carnem quis laverit
 animantis nuperrimè maciatæ , similis. A
 ruptis aut patefactis superiorum locorum
 venis sanguis manat picis specie retorri-
 dus , ac niger. Externa hæmorrhoidis ex
 ano conspicua utcunque prominet : quæ
 verò

verò intus occulitur, ea sine omni ferè dolore, sine tumore cruorem exprimit, isque cruor simul cum ejectione exit, excremento alvi nequaquam mistus. Hic fluor si nimius est, ingens periculum habet: tum vires hominis consumuntur: vividus faciei color perit, gravitas in coxis, & multa in cruribus imbecillitas est: ipse qui profunditur cruor, non jam amplius ater, atque crastus, sed purus ac rutilus est, necessarius naturæ thesaurus. Itaque si hoc vitium vetus esse cœpit, principium hydropis præbet. Nihilo leviora pericula fiunt, ubi in iis hæmorrhoides suppressimuntur, qui sanguinis profluvio imbecilliores non fiunt, quique purgationis vice id, non morbi habent: scilicet inclinatâ in præcordia aut in viscera materiâ, subiti gravissimique casus incidunt, maximèque aut aqua inter cutem, aut tabes. Quare rectè etiam præcepisse Hippocratem video, sic curandas hæmorrhoides esse, ut ex multis una maneat aperta. Cui maturè fluunt hæmorrhoides, hunc neque lateris aut pulmonis tentare inflammatio, neque ulcera exedentia, neque lepra, vel elephantia, neque vitiligo, ac neque melancholia, aut quartana febris solet. His autem ferè morbis rapi-

rapitur quisquis fluentes hæmorrhoides intempestivè curatas habuit. Melancholicis, vel renūm niorbo fluctuantibus, vel insanientibus hæmorrhoides fluere cœpisse, bonum est. Tum his etiam nimium suppressis, commodum est, aut menstruum erumpere, aut sanguinem è naribus ferri.

Ani inflammatio.

Anus etiam inflammatione cingitur, maximè si vel dura equitatio antecessit, vel cœcæ hæmorrhoides dolorem in eo nimium moverunt. Sub quo casu alvus propter ani tumorem difficillimè redditur, & interdum multis diebus retinetur: maximus dolor inest, qui & compresso ano, & dejectionis nixu summè exasperatur. Ex eo malo febricula interdum oritur, utique si longo jam tempore nihil alvo redditur. Qui abscessus ab inflammatione gignitur, his sæpius in recti intestini cavum erumpit, tum ulcus fit, ex quo jam tum sordido pus fertur.

Fistula ani.

Id ulcus propter loci naturam facile ac brevi in fistulam vertitur, quæ post difficillimè remediis cedit: verùm diutissimè dolore etiam sedato, manat, pusque fundit ante primā alvum, aut certè, si media id dejectione fertur, excrementis non mistum.

No-

Novissimum id modò superest videtur,
ut notas proponam, quibus vulnera to-
tius ejus itineris, quo cibus ab ore per
anum fertur, observari possint. Ergo ^{Vulne-}
ictâ gulâ, neque epulæ, neque pocula ^{ratiō} ^{ven-}
transeunt, sed ut primùm sumi cœpe- ^{triculî}
runt, vomitione redduntur: accedit fin- ^{& in-}
gultus, animi defectio, & interdum ner- ^{testinô}
vorum distentio. A percussione ventriculo,
frequens bilis vomitus, atque singultus
incidunt, quicquid cibi vel potionis sumi-
tur, id protinus vomitur, pulsus elan-
guescit, tenues sudores extremis frigidis
oriuntur, quos ipsa demum excipit mors.
Communia vulnerati tum ventriculi, tum
tenuis intestini indicia sunt, cibum, po-
tionemque per vulnus ferri, & in vacuum
labi abdominis spatium, inde ventrem,
præcordiaque intumescere, & subinde
bilem vomi. Cætera icta intestina, vel
stercus, vel ejus exhibent odorem.

Observationes in vitiis mesenterii, jecino-
ris, & lienis utiles.

NON levis mesenterii vitiis debetur
observatio. In hanc enim sedem fa-
cile defluunt venarum superflua, indeque
gravissimorum sunt principia morborum,

Tumor mesenterii sine inflammatione. cholerae, melancholiae, fluxionis alvi, torminum, mali habitus, atrophiae, languoris, lentarum & errantium febrium, aliorumque difficultis notae ægritudinum.

Ubi hæc pars tumore citra inflammacionem obsidetur, is ferè primum laxus est, ac mollis, inde prorsus spatio siccatus, indurescit. Idem quoniam (ut etiam ipsa pars) sine dolore est, tactu maximè pressoque exploratur: altè enim intus esse sepultus animadvertis.

Itaque ipsa quoque urget, arcta que intestina, & causam tardioris alvi præbet. Non ita tumor muscularum abdominis, non venter adipis mole prominens se habet. Neutrum enim intestina, vel alvum sollicitat: adeps etiam manu apprehendi, & distingui ab abdominis musculis potest: hi ubi tumorem sustinent, primo contactu occurrunt, tumque semper, ubi premuntur & interdum non pressi dolent. Foras item horum prominet tumor non pressu, sed blando tractu perceptibilis, & figuram, qualis est recti in abdomine musculi, oblongam habet.

Inflammatione mesenterii.

Inflammatione etiam rapi mesenterium. solet. Tum gravitas quidem intus, & nullus manifestus dolor inest: febris originatur levis, nullis molesta casibus gravioribus,

bus, ita ut sub ea vitæ etiam obire munia homini liceat: incipiente morbo, fanius paralvum rubra quædam fertur: orto abscessu, pus album defluit, sæpissimè alvi permistum excrementis, interdum etiam sine mistione sincerum magnâ copiâ dejicitur, utique si morbus versùs novissima vergit intestina. Certissimum est, id genus puris à solo ferri oportere mesenterio, quoniam ab aliis locis descendere sine dolore, vel sine mistione, vel sine febre vehementiori non potest.

Nunc jecinoris proponam vitia, quæ generis varii, & multæ esse observatio-
nis solent. Si id viscus impensius calet,
ut inedia inimicissima est, ita tamen cibi
amittitur cupiditas, maximèque carnis;
frequens etiam ac multa sitis est: ipse ho-
mo toto corpore calet, præcipue palmis,
& plantis pedum: quæ partes etiam, si
ad calorem siccitas accessit, inarescunt:
si humor, madent. Ferè autem contra-
ria his contingunt, si jecur frigidiore,
quod raro fit, intemperie labefactatur.
Et quidem si materia etiam qualitatum
intemperantiis (quod fit ubi hæ diutius
immorantur) accessit, si jecur calore ur-
getur, bilis est, quæ subinde vomitu vel
alvo extunditur, primùm tenuis ac pal-

lida, dein crassa, flava, ac fœtida. Inter hæc autem os amarescit, vehementior, & inappetentia, & sitis oritur.

Interdum & febris movetur, quæ ferè intermittens est tertiana, vel incerta, vel si jecinoris quoque radicus vitiata substantia est, lenta, per quam corpus interposito spatio sensim contabescit. Frigidii humoris notæ sunt, alvus nec frequens, nec multa, sine fœtore, sine multa coloratione: rara febris tertiana: corpus quidvis potius, quam macrum, cæteraque alia contraria superioribus signis hic signa esse possunt.

Imbecillo jecinore multa observari possunt, in quibus color corporis maximè que faciei, & alvi dejectio facile principem locum tenent.

Jecinoris imbecillitas. Facies tristis quodam pallore, aut viatore foedatur: dejectio, si quidem parum jecur trahendo valet, liquida ut cremor est, tametsi co tempore nullum vitium ventriculus, vel mesenterium sustinent. Id enim si hic esset, vix ullum concoctionis rudimentum, quod dejicitur, haberet. Quod si jecur non retinet, jam tum varii, difficilesque incidere casus à profusione alvi possunt. Eoque yitio raptos, fluxusque factos, Græci

ci propriè ~~hæmatinōē~~, nos jecinorosos appellamus. Dejectio primum similis est aquæ, qua nuper mactatæ animantis carnis ablutæ sunt, saniosa scilicet atque subcruenta. Interposito spatio, eadem variè mutatur, prout jecur variè intemperatum est. Quum enim id caloribus urgetur, fæculentus atque ex astigatione crassus, ac melancholicus sanguis dejicitur, novissimèque ipsa etiam atra profluit bilis. Inter hæc totum corpus liquefcit, febris oritur, & cibi fastidium, & sitis, estque pulsus celer, & urina biliosa. Cæ-
terū si sine calore infirmum jecur est, dejectio cr-
parumque ea occasione retinet, dejectio uenta
sequitur sanguinis limosi, ac veluti in qnæ je-
grumos coacti, eademque neque assidua, vitio fit
neque multa est, diversis excrementorum
ferè coloribus imbutis, certis tamen tem-
poribus cumulatior est, ac semper haud
multūm fœtens: ipsum diutius trahitur
malum, ac sine febre incipit: quanquam
interdum languida ea oritur, putrefacto
in viscere sanguine. Porrò siccitas cras-
siorem & magis aridum humorem qui
effunditur, facit: humiditas magis te-
nuem, & dilutum. Facile jecinorosa de-
jectio hæc, qua cruenta redduntur, à
torminibus distingui posse videtur: in his

enim sanguis cum dolore, rosione, & strigmentis sensim, brevibusque intervallis paucus exprimitur. Contra autem jecinore male retinente, cruenta feruntur sine dolore, sine ramentis, idque cumulatim, & majoribus intervallis, duorum scilicet & interdum trium etiam dierum. Si ruptâ intus venâ, aut adapertâ sanguis dejicitur, is ab inferioribus locis ferè purus fertur, parum nigrescens: à superioribus autem protinus ater, ac liquidæ pici simillimus, quo tamen tintæ linteæ rubent: ut hac nota is quoque facilè dissidere ab altra bile possit. Si mutilato membro grandiori, aut propter necessaria solitæque vacuationis compressionem ex alvo sanguis diffuit, is multâ copiâ purus subito prorumpit, subitoque definit, longissimis spatiis temporum recurrens. Qui autem ab ulcere jecinoris crux manat, is perexiguus admodum est: sensimque descendit multo virulento, turbidoque pure imbutus. Leviculus etiam doloris tractus juxta jecinoris sentitur regionem, atque ejus ulceris quod illuc inhærescit, aliquæ ante notæ fuerunt. Eodemque modo propriis nosci signis inflammatio jecinoris debet, quæ saniosam subcruentamque alvum fecit.

His

His animadversis omnibus, facilè constat, quæ discrimina inter dejectiones sanguinis jecinorarias & has quæ proximè sunt comprehensæ, haber i ponique oporteat. Cæterum per hanc jecinoris imbecillitatem, quæ modò proponitur, sæpè ultro sanguis vel è naribus, vel ex utero, vel per hæmorrhoidas, vel cum sputo effertur. Idem morbus, ubi spatium temporis accipit, aut in malum corporis habitum, aut in ipsum vertitur hydropem. Quòd si prius atra dejici bilis incipit, quam hi morbi nascantur, scire licet ægri vitam in præcipite esse. Huc modò referenda quoque ea jecinoris videtur imbecillitas, qua tametsi id sat probè trahit, retinetque, at debiliter concoquit tamen & imperfectè sanguinem creat. Itaque sub eo vitio cruditates humorum oriuntur, dein pedes, & mox reliquum corpus intumescit. Est id genus noxæ his per frequens, qui à morbo vel gravi, vel longo convalescunt, & quos hydrops, aut durus jecinoris aut lienis tumor, aut longa aurigo labefecerunt.

Nullum æquè viscus obstructionibus, *Jecinoris ob-*
ut jecur, patet. Ea sic noscitur. Quo *strunctione*
loco jecur est, in hunc gravitas (maxi-
mè cum quis protinus à cibo exercetur)

& distentio incidit, cui ut obscurus quidam dolor, sic nullus tumor, nulla febris accedit. Sub eo vitio fœdus in vultu color est: spiritus interdum non facile trahitur, utique si homo iter facit, altior remque superare locum contendit, urina tenuis, diluta & aquosa est: alvus, si sima pars jecinoris obstruktionem sustinet, liquida est tremoris specie, & multa, interdum (ut quidam volunt) etiam subcruenta: eadem, si gibbum visceris laberat, compressa, siccaque est: si utrinque vitium est, alvus modo adstricta est, modo liquida. Multos hoc malum gravesque casus infert. Ferè enim qui morbus jecinoris causâ incidit, sive inflammatio sit, sive durus sine dolore tumor, sive hydrops, sive febris, sive atrophia, vel alvi fluxiones, ita fieri prægressis visceris hujus obstruktionibus videtur.

Jecinoris durus sine sensu tumor. Inveterascente jecinoris obstruktione, interdum durus insensibilisque in eo gigni tumor solet, quem Græci *σκιρρὸν* dixerunt. Is tumor visceris situ & figurâ circumscriptus tangenti renititur semper (nisi si durius premitur) doloris omnis expers. Facilius autem sentiri, si quis in dextrum latus decubuit, potest, quam si idem sit supinus: tum enim tumor non

non nisi pressu deprehenditur. Magis etiam is sese prodit, si nondum principium hydropis esse cœpit, simulque gracile atque expers adipis abdomen est. Semper autem commodior dextra parte decubitus, quam sinistra est: vultus obscurum, fœdumque colorem habet: spiritus difficuler trahitur: languet appetentia: sumtis epulis homo gravatur, detractis rectius habet: ubi jam vetus fit malum, maxillæ quodammodo laxantur: urina non æquè largiter, ut ante, profluit, tandemque totus venter, crura, pedesque intumescunt, pectus atque humeri extenuantur. Itaque tum (quoniam initio parum occursum fuit) hydrops nasci incipit, qui ut primùm jam accederit, nulla ægrum medicina periculo subtrahit. Æquè horrendum est, durum jecinoris tumorem aurigine initia præbuisse, aut vicissim hanc ex illo esse cœpisse. Tum enim id hydrops sequitur genus, quod ~~ασκιτην~~ Græci appellare suo loco dicemus. Quum frigidus autem humor jecinori impactus longo temporis spatio durum tumorem fecit, is ferè nullo vitæ incommodo diu immoratur: aut certè si in hydropis speciem aliquam vertitur, primùm in vitium mali habitus,

dein in leucophlegmatiam , quam sic
Græci vocant , transit.

*Fecino-
ris in-
flam-
matio.* Quum jecur inflammatione tentatur , febris sit ardens & acuta , dextro præcordio tumor inest , cui dolor jungitui , qui ad nothas ejus lateris costas pervenit . Itaque levis quoque tussis , & crebra , & sicca oritur , spirandique difficultas : accedit ingens sitis , cibique fastidium : tum lingua scabrosa redditur , & lentore one- ratur , primùm flavo , dein nigricante : quin etiam frequens movetur singultus , & nausea , & vomitus sinceræ bilis , tum vitellinæ , tum æruginosæ , & sub vehe- menti morbo , ipsius etiam atræ . Idem humor ita subinde violenter per alvum erumpit , ut grave ejus profluviū , aut tormina concitet : urina crassa est , rubi- cunda , ac turbida : totum corpus sæpè auriginis colore imbuitur . Quidam ur- gente accessione desipiunt , simulque a- cerrimum mejunt . Si gibbum visceris afficitur , tumor evidens , qui injecta ma- nu , & interdum viſu deprehendatur , dextro hypochondrio , ubi jecur situm est , inhærescit : mox etiam frequentior tussis , majorque oritur spirandi difficul- tas : ipse perstringit non solūm nothas costas dolor , verum etiam ad jugulum usque ,

usque, & ad ejusdem partis humerum pervenit. Interdum manus quoque dextra torquetur: adhæc gravitas in affecto loco major est: parum urinæ mejitur, atque, cùm grandior est tumot, etiam nihil: rarer, minorque incidit singultus: tota corporis cutis novo colore imbuitur. Molestius in dextrum latus decumbitur, premitur enim tum pars infirma, magisque dolet. Porrò ubi in cava parte visceris magis consistit inflammatio, minor quidem gravitas subest, at fastidium cibi, sitis, nausea, vomitusque biliosus vehementius urgent: ipseque homo singulu penè strangulatur. Tum lingua etiam nigrior est, promptiorque biliosa dejectio, & summi corporis refri geratio, & syncope. Magis etiam aliquis, si in sinistram partem decubuit, urgetur. Quæ h̄ic inhærescit inflammatio, securior est eā, quæ gibbum jecinoris occupat: hæc sudationibus aut fusis urinis, aut manante ē naribus sanguine tollitur: illa sudoribus quoque, sed & cito alvo, aut vomitu conquiescit. Hanc tenus ea signa posuimus, quæ vehe matori debentur jecinoris inflammationi. Verūm hæc tamen (quod nos frequenter usu medendi observavimus) adeò interdum

terdum levis, parvaque est, ut dolor, gravitas, totusque morbus magna potius respiratione deprehendi, quam tactu debet. Omnia sub hoc casu mitiora sunt, ipsumque vitium multis saepè mensibus trahitur. In quavis jecinoris inflammatione, si crudo etiamnum morbo & viribus infirmis, alvi oritur profluvium, malum est. Inimica etiam corporis liquatio, præcipue si vel raucitas, vel multa simul tussis accedunt. Mortiferum est spumantem sanguinem exscreari, vel sputum statim subputridum, vel sincerè biliosum esse. Haud raro morbus, ubi non solvitur, suppurat, oriturque abscessus prorsus exitialis. Is ubi jam fieri incipit, febres increscunt & dolores, nihilque ferè de loco affecto defluit: decubitus in omnem partem corporis molestus est, ipse æger saepè sine ordine, sine certa causa inhorrescit, moxque majoribus caloribus urgetur. Facto pure, dolores quidem, ardoreisque minuantur: at homo longè fit imbecillior, id quod pulsu frequenti, parvo ac languido, crebraque animi defectione cognoscitur. Hæc defectio, ubi rupto abscessu pus effluit, increbescit, & penè in syncopen transit, ex quo casu servatus vix unquam quis-

quisquam fuit. Quod si vita tum quoque manet, pus modò per alvum, modò per urinas defluit; & interdum vomitione quoque redditur. Non sæpè etiam exerto viscere in abdominis excidit cavum spatum, fitque extialis hydrops, quo venter manifestè intumescit, & inguina, pubesque gravitatem multam habent. Ulcus autem si jecinore relinquitur, nunquam sanescit, hominemque spatio extenuatum consumit: tum alvus putrida est, & saniosa, & nonnunquam subcruenta, ac si ex cadavere esset tacta colliquatio: ipsa quoque urina sanie perfusa est, maximè si in gibbo jecinoris vitium fuit.

Jecur quoque corruptionem totâ patre substanciali, ut pulmo, solet, unde homo spatio contabescit. Is morbus sensim oritur, sensimque crescit: quare per initia hominem lecto non afficit, sed obire etiam munia vitæ sinit, tumque febris esse nulla deprehenditur, quæ tandem tamen crescente admodum malo lenta oritur, qualem primo libro proposuimus. Non ingens sitis, non tumor in hypochondrio est: summum vini meraci optimique desiderium, maximum carnis, & præcipue calentis fastidium afficit: totus ho-

mo languet, tum animo, tum corpore;
sæpè anima deficit, idquè ubi tandem
violentius fit, sudor frigidus crumpit,
sub quo æger perit.

Tumor lienis. Lien sæpius quàm jecur tumore, tum
laxo, tum duro oneratur. Creber ac dif-
fícilis spiritus est, maximè currentibus,
vel intentè laborantibus, vel in dextrum
cubantibus latus. Ferè manet appeten-
tia, sed malè cibus concoquitur, unde
fluctuatio gignitur, & multa oris saliva,
rugitus etiam in sinistro hypochondrio
auditur, & status suprà infrave plurimus
editur. Interdum morbi materia ita cor-
rumpitur, malignaque fit, ut totum quo-
que impetat corpus, idque vel ictero,
vel malo habitu turpe reddat. Sub eo
malo habitu os malè olet, gingivæ ex-
duntur, & à dentibus discedunt: loca sub
inferiori palpebra tument: sanguis aliqua
parte, præcipuè è naribus funditur: dum
intus epulæ concoquuntur, acidum quid
evomitur, tametsi vomitus in eo morbo
semper difficultis est: alvus sæpissimè esse
adstricta solet: venter sinistra parte inten-
ditur: aliquis etiam vesperi cruribus est
tumor: vultus pravo obscuroque colore
sœdatur: per quietem turbulenta, & a-
liena fiunt insomnia. Jam si neque sán-

guis uspiam erumpit, neque os fœtet, ulcera in tibiis fiunt, quæ aut omnino non sanescunt, aut ægerrimè cicatrice teguntur. Et quidem si durus lienis sine sensu tumor est, quem Græci ὄκρηπον appellant, is alias ipsius visceris obsidet corpus, situ, & partis figura circumscriptus, alias totum undique sinistrum occupat hypochondrium. Idem longiore tempore, quam is qui laxus est, contrahitur, duritiem, omniaque graviora & majora habet. Nihil æquè significare lienis, aut jecinoris vitia, atque color hominis potest, adeò ut ex eo quidam solo non exploratis tactu visceribus, morbum deprehendant. Tumor autem lienis iis insidiari solet, quibus crebro incisâ venâ sanguis profunditur, & quibus vagæ & incertæ febres, maximèque pestilentiales fuere. Solet autem is plus habere spatii, & minus periculorum, quam si jecinori inhæresceret. Sub eodem vi-
tio si pedes intumescunt, in proximo hy-
drops est. Periculoso est sæpè tenta-
tam medicinam non protuissse: urina e-
tiam tuta non est, quæ diu tenuis & a-
quosa fertur: tormina non longa in eo-
dem morbo utilia sunt, sæpèque malum
ex toto finiunt: verùm ubi hæc inven-
rave-

raverunt, nocent: & quidem tum si eadem hæc vel in lævitatem inversa sunt intestinorum, vel in hydropem, nulla succurrere medicina potest. Quilibet lienis tumor curationem per initia difficillimam habet: at si is trahere incipit, nunquam, aut ægerrimè tollitur. Decremente liene, salutiferum est urinam, amissio aquo lo colore, ad sanguineum vergere cœpisse, aut crassam, fæculentam, multamque ferri. Quo magis grandescit lien, eò impensius corpus emacrescit, corrupti intus humoris argumentum. Varii eventus esse tumidi lienis solent: aliis enim per intervalla modò grandescit, modò minuitur: aliis assiduè magnus manet, neque ulla curatione extenuatur, atque hi majore in periculo versantur, hydropi magis opportuni: non paucos etiam videre memini, cum duro liene vitam omnem nullo incommodo exegisse.

Inflammato (quod rarò fit) liene, durus tumor, ac pulsans, dolorque sinistrum obsidet hypochondrium, cum assidua vehementique febre. Ingens etiam æstus atque sitis est, linguaque subnigro lentore oneratur, cibi amittitur cupiditas, spiritus fit difficilis, ac velut imperfectus, qualis esse per iram ejulantibus
pue-

pueris solet. Si abscessus fit, itemque
ulcus, iisdem propè notis hic deprehen-
di, quibus in jecinore potest.

Proximum est de atra bile dicere;
quem morbum miror (tam frequens cùm Atra
sit) non nisi ab uno, & altero nostro-
rum hominum agitatum literis esse. Si-
nistrum hypochondrium neque tumet;
neque distenditur, opprimiturve, nec
unquam, nisi fortè obscurè, dolet, ve-
rūm præcordia æstuant, præcipue vino
aut calidioribus epulis assumtis. Siqui-
dem hæc non facile concoquuntur, fit-
que plurimus tum ructus, tum flatus.
Arteriæ in præcordiis supraque umbili-
cum vehementer moventur, ipsaque ori-
tur ingens, crebraque cordis palpatio,
quam animi subinde excipit defectio,
quo tempore pulsus etiam protinus mu-
tatur. Inter hæc quibusdam incipit aliena
esse mens, vanaque tristitia, ac metu
concuti. Longus hic morbus est, sæ-
pèque victus errore revertit.

Nunc de communibus vitiis loquar,
quæ tum jecinoris fieri occasione, tum Aurigo.
lienis possunt. Incipiam ab Aurigine,
quam Græci *intrepòs* dicunt. Sub eo mor-
bo bilis vel flava, vel atra in summum
corpus effusa, suo id colore inficit. Hic

color maximè in oculorum albo , & circum tempora cernitur. Ubi à flava bile morbus oritur , fit capitis dolor , & fitis , venæque sub lingua plenæ tument, ingens corporis , maximè cùm id moveatur , segnities , ac mentis hebetudo est : aliquis etiam pruritus tota cute vagatur : ipsum tamen vix sudat corpus. Semper autem , quacunque de causa natus morbus est , accedit membrorum laxitas : & ubi vehementius homo movetur , spirandi difficultas , multo autem interposito tempore , totum corpus cum pallore quodam inalbescit : febris aut nulla aut admodum lenta inhæret : urina turbida , crassa , & crocea est : alvus , si quidem bilis intus cumulata morbi causam dedit , penitus bilioſa est : si verò quæ ad bilis folliculum pertinent itinera obſtruuntur , dejectiones albican , nulla amari humoris in alvum illapsa parte : descenditque paucum sterlus , & subviscosum , idque paulatim , & crebro ad desiderandum progestu : tum quoque urina adeò rubra , crassaque est , ut propè nigrefcat : sensus etiam gravitatis aliquis , at nullus evidens tumor dextra præcordiorum parte percipitur. Porrò icterus si lienis sequitur affectum , obscuriore primùm colore cor-

pus inficit, dein sublivido & subnigro: tum ferè sinistro hypochondrio gravitas inest, & subdurus interdum tumor: tristior & animus, atque alienis cogitationibus præpeditus: corpus minus grave, quam in superiore vitio est: dejectio atque urina, modò pro natura sese habent, modò subnigra sunt: saepius tamen alvus comprimitur. Hoc genus icteri superiore gravius est, & magis in vetustatem cadit. In eo ipso hæmorrhoides fluere cœpisse, bonum est. Nunquam lien flavum icterum fecit, jecur saepè nigrum, tametsi hic iste non æquè per omnia niger est, ut is qui propter affectum liennem gignitur. Undecumque autem is esse morbus cœpit, periculum hydropsis minatur, si urina prorsus alba, aut certè multum diluta diu fertur. Idem hydrops iis etiam insidiatur, quibus gravis aurigo, longaque fuit. Etenim spatio niger quoque lapillus in bilis concrescit folliculo, quem casum nunquam ferè non hydrops sequitur. Perniciosissimum est durum fieri jecur, aut ex hoc prius duro natam auriginem fuisse. Ea enim res extra omnem opem humanæ medelæ est. Periculum etiam habet orta inflatio, maximèque si ea curationibus non

solvitur. Tum quoque non est nimiam vigiliam esse, itemque penitus amissam cibi cupiditatem, aut linguam resolutam, sic ut vix formare æger sermonem possit suum: metumque auget, delirium si his intervenerit. Grave etiam est post natam auriginem, febrem sequi, utique si dextra præcordia dura manserunt. Præter hanc auriginis speciem, quam veram esse perhibemus ac simpli-
cem, alia atque alia est, quæ simplex non est, quæque multò rarius incidit. Siquidem ubi jecur inflammatione tentatur, corpus interdum præ sanguinis incendio undique torrefacta bile suffunditur: sub quo casu præter dextri hypochondrii gravitatem, tensionem, & dolorem, vehemens ardensque febris oritur: & accedit biliosa tum urina, tum dejectione: cæteraque signa sequuntur, quæ jecinori inflammatu jungi suo loco demonstravimus. Aliud quoque auriginis genus fit per febrium biliosarum judicationes, cum flavus humor vi naturæ in summum corpus extruditur, suumque cuti imprimat colorem. Subitò hæc aurigo nascitur, &, si non alieno tempore fit, febrem absolvit. Tempestivè eam fieri Hippocrates scripsit, die septimo,

aut.

aut nono , aut undecimo , aut decimo quarto , modò tamen mollia præcordia sint : ante septimum febris diem si ori- tur , periculum ostendit.

Grave in primis malum & observatio- *Hy-*
ne non pauca dignum , aqua inter cùtem *drops.*
est , Græci ὑδρωτικὰ vocant . Tria ejus
numerantur genera. At primum qui-
dem est , cùm toto eo spatio quod inter
peritonæum & intestina vacuum est ,
multa aqua coit , unde totum abdomen
distenditur. Græci id αστυίτην appellant.
Secundum est , cùm hæc loca quæ dixi
plurimus intus flatus onerat , quod vi-
tium τυμπανίτης Græcè dicitur. Novis-
simum genus aquæ subter cùtem est ,
quod Græci λευκοφλεγματιαν nominant. λευκο-
φλεγ-
ματια.
Corpus molli tumore grandescit , maxi-
mèque tibiæ ac pedes , cùm aliæ tum
vesperrimè & post exercitationem , aut
quam diu declives hæ partes fuerunt. Is
tumor si premitur , fossulam quæ tardè
rursus impletur , habet , impressi digitii
vestigium : idemque sæpè tumor & ad
femora , & ad scrotum pervenit , qui que
vesperi ingens in pedibus erat , mane o-
mnem penè molem depositus . Venter ad
contactum crassus est , nihilo tamen fe-
rè plus tumoris huic , quam cæteris par-

tibus inest. Corpus siquidem æquabiliter molle, laxum, ac pallidum est, idemque enerve, ac languidum minimis laboribus frangitur. Ipse trahitur acer-
vativim spiritus, maximèque sumtis epu-
lis, febris item lenta continenter afficit:
pulsus undosus est, & parvus, & cre-
ber, & inæqualis: dejectio cruda, &
non sœpè subcruenta est: urinæ albæ
tenues, aquosæ. Hoc genus hydropis
ferè diuturnas febres excipit, vitiosum-
que ventriculi habitum, & nimium com-
pressos nimiumve fluentes tum menses,
tum hæmorrhoides; ad hæc spiritus lon-
gam difficultatem, & immodicam vigi-
liam. Idem pueris sœpius quàm adultis
infidiatur, solaque magnitudine à pitui-
tosa differt cachexia, quod in illo plus
in hac minus tumoris insit. Ferè autem
fit ut qui sic laborant, modò rectius sese
modò pejus eodem etiam die habeant.
Morbo autem incipiente, si alvus spon-
te profluit, principium secundæ valetu-
dinis facit.

*Acri-
tus.*

Proximum est notas, quibus Ascites
deprehendatur, proponere. Venter, to-
tumque abdomen cum quodam gravititis
sensu intumescit, & quum impellitur,
sonum collectæ permotæque intus aquæ
præ-

præbet, qualis ab utre non omnino aquæ pleno redditur. Hic humor totus modò intra spatum abdominalis includitur, modò pars ejus aliqua in scrotum, & in femora, & in pedes delabitur, maximeque post corporis exercitationem. Sæpè etiam & ad pectoris penetrat spatum, intra ipsum etiam uterus, utique cùm jam magnus morbus, & vetus esse cœpit. Ubi premitur tumor, spiritus fit difficilis : Ferè autem semper vehemens adest sitis: pulsus parvus, frequens, subdurus, atque tensus est: urina per pauca mejitur, eaque ferè crassa & rubicunda est, utique si ab jecinore ortum primò malum fuit: totum autem corpus demto ventre, extenuatur, ac veluti liquefcit: subinde etiam febricula, corruptâ intus aquâ, nascitur. Hic iste hydrops ferè duras veteresque mesenterii, jecinoris, lienis, vel uteri excipit tumores, itemque ardentissimas febres, & ex viscerum noxa contractam, diuque immoratam auriginem. Idem infrequentior pueris est, quàm adultioribus, ferèque eos etiam adoritur, qui propter viscerum ruptam vel exesam venam, crebrò sanguinem vel vomitu, vel alvo reddunt.

Supereft modò novissimum hydropis genus qnod à flatibus oritur, & ob id

Tympanias.

Tympanias Græcis appellatur. Venter, et si minus quam in Ascite habeat molis, ita tamen tenditur vehementer, ut digito percussus tamquam tympanum sonet: idem parum fluctuat, sed leve murmur ac quendam veluti rugitum exhibit: frequens ructus desiderium est, eoque edito levari aliquantulum homo videtur: pedes non usque adeò ut in cæteris generibus hydropis tument: reliquum corpus extenuatur. Sæpè hoc malum ventriculi & coli inflationibus, itemque longis febribus successit. Illud rectè ab Hippocrate animadversum video: quibus tortiones, & circa umbilicum, circaque lumbos dolores sunt, qui neque medicamentis, neque ullo alio modo solvuntur, iis in hoc ipsum genus sicci hydropis ista consueisse firmari. Ascites atque Tympanias sic à Leucophlegmatia differunt. In hac totum corpus laxa mole æqualiter crescit, venterque nihilo plus hujus, quam cæteræ partes habent. At in illis prioribus solus venter attollitur, estque aliquis pedibus tumor, sed reliquum corpus emacrescit. Pulsus sub Leucophlegmatia undosus est, mollis, & latior. In Ascite parvus, creber, subdurus, ac tensus. In Tympania longior, celerior, creber, non imbecillus,

Ius, subdurus, ac tensus. Illa ferè omni hydropi communia sunt. Ubi his nondum quidem est, sed ut fiat metuitur, solitas naturæ vacuationes præter modum compressas esse, potissimum hæmorrhoides atque menses, aut contra aliquid ex his ipsis æquo plus vel diutius ferri; adhæc vel durum in jecinore atque liene tumorem, vel auriginem, intestinorum ve lævitatem inveterascere, neque idoneis tolli remediis potuisse; præterea diu malos succos, malumve corporis habitum fuisse, (illud Græci *κανοχυμίαν* hoc *καχεζίαν* dicunt). Sed & inter hæc vel testiculos interdum intumescere, appetitiamve modò ingentem, modò nullam esse. Ubi verò morbus invasit, inferiora corporis à ventre ad pedes usque tumorem exhibere, spirandique esse difficultatem, & colorem hominis vitiari ex virore scilicet albican tem: adhæc cibi incidere fastidium, itemque sitim, ac siccum tussim, tametsi prior illa magis peculiaris sit Asciti, & tussis arida Tympaniæ. Æquè communia sunt semper in hoc morbo jecur affici, & humoris nimiam abundantiam esse, ob quam ne ulcera quidem in corpore facile sane scunt. Hydrops sæpè per se incipit, sæ-

pè alteri vetusto morbo , potissimum quartanæ , supervenit . Ferè autem eum aquâ repletum iri timor est , cum sanguis ubertim suprà infrâve erupit , itemque febris accessit : ex quo casu vix quisquam evadit . Tutius laborant hi , quibus magni modò fiunt tumores , modò rursus occuluntur . Verùm decipit ea sàpè res ægrotos , penitusque facit , ut curationes negligant medicorum , ac pereant , fiduciâ secundæ valetudinis falsi . Securior censetur hydrops , qui lienis , quam is qui jecinoris secutus tumorem est . Securissimus , qui nullo antecedente morbo cœpit : utique si firma viscera sunt : si spiritus facile trahitur : nulla aut tussis , aut sitis , aut linguæ ariditas est , præcipue a somno , quo tempore incidere illa maximè solent : adhæc si nullum cibi fastidium , coque sumto , nulla homini molestia est , si venter mollis est vel extenuatur : si is ipse accepto medicamento , movetur : aut si excrementum fundit molle ac figuratum : si urina , mutatione potionum , aut epotis medicamentis , ipsa protinus demutatur : si homo expers doloris , & caloris , & laffitudinis est , morbumque facile sustinet . Qui omnia hæc habet , is tutò laborat . Bonum

num autem est, tumores in extremis tan-
tum partibus esse: optimum est nusquam
esse. Cita quoque alvus quæ levat mor-
bum, utilis est: quæ gravat, prorsus in-
utilis, atque perniciosa est. At verò sum-
mum periculum significatur, si is mor-
bus calidum siccumque corpus, ac simi-
le jecur occupat: si ex acuto morbo cœ-
pit: si durum jecinoris aut lienis secutus
tumorem est, sic enim nunquam, aut
certè vix unquam sanescit. Metus au-
tem augetur, ubi in eodem morbo sicca
tussis oritur, aut fluxio sanguinis, alte-
riusve qui hominem non levat humoris,
maximè si spiritus manet difficilis, &
ipsa vertitur in tormenta dejectio. Tum
enim ægrum proximus ferè tertius dies
tollit. Tutum quoque non est comitia-
les affectiones accedere, malè olere spi-
ritum, itemve sputum, aut sudorem,
aut universum denique corpus: adhæc
ubi febris quoque accessit, urinam modi-
cam atque turbatam esse, aut ubi aqua
jam medium corpus implevit, sanguinem
sursum, deorsumve aliqua parte proru-
pisse. Præterea sublatum morbum sæ-
pius, & brevibus intervallis revertisse,
multòque magis idoneis agitatum reme-
diis remittere non potuisse, stabilemque,

&

& inconcussum corpori inhærescere. Ad extrema ventum est, ubi sub infirmis viribus incipit profluere alvus, simulque ingens spirandi difficultas urget: ubi prava ulcera grandiaque in ore, gingivis, tibiis, aut alia denique corporis parte oriuntur, ubi veluti concretus sanguis ab alvo dejicitur: ubi urina diversis matulæ regionibus diversos colores exhibet, sic ut infernè rubra sit, supernè livida, aut contrâ. Cita quoque mors occupat, si, cum quis secatur, aut uritur, aqua ex ventre simul semelquè omnis effusa est.

*Vulne-
ratio
jecino-
ris &
lienis.*

Jecinoris atque lienis vulnns, si summa tantum parte acceptum est, hæc infert. Ad spinam præcordia reducuntur: sanguis vomitione, atque dejectione redditur: in latus dolor pungens incidit, qui in nonnullis ad jugulum etiam pervenit: inter hæc sæpè anima deficit, oriturque febris, atque alvi profluvium. Si æger primis diebus non moritur, spatio consumitur, egensque nutritionis contabescit. At verò quum altius intra viscera mucro descendit, sanguis, qua parte præcordiorum vulnus illatum est, copiosè profluit, sequiturque bilis vomitus: ipse æger lubens, ac quadam voluptate in ventrem cubat. Hinc ani-

animi oritur defectio, quæ sæpè gravis
recurrens, orto frigido sudore occidit.

*Observationes iu vitiis renum, & ves-
cæ utiles.*

Renes, ubi affecti sunt, diu malè ha- *Renum inflam-*
bent, præcipuèque in senioribus. *matio.*
Eorum inflammatio, quæ tamen admo-
dum infrequens est, his sece signis pro-
dit. Assiduè febris tenet, & sine certo
ordine ea modò increscere, modò minui
videtur: dolor gravis ac pulsans cum ve-
hementi ardore, paulò nothis costis al-
tior, in dorso versatur, ejusque tractus
inde ad jecur usque, si dexter ren labo-
rat, pervenit: deorsum verò ad vesicam,
ad naturalia, ad pectinem, & ad femo-
ra pervenit, magisque si vitium in rene
sinistro est. Hic ipse dolor sternutamen-
to, atque tussi intenditur. Idemque a-
liàs continenter hominem fatigat, aliàs
intervalla, quibus mitescit, habet. A-
deò verò in quibusdam effrenatus est, ut
animi occupentur defectione, & fusis
sudoribus labefiant; Inter hæc ingens
est cibi fastidium, itemque nausea, &
stomachi dolor, & crebra bilis vomitio:
venter arctissimè comprimitur, ex quo
is

is etiam inflatur, & rursus sursum per os assiduè extundit: urinæ reddendæ difficultas, at assidua cupiditas est, eaque frequenter quodam cum ardore promanat, primùm tenuis, & aquosa, in quâ nihil subsidet, hinc magis rubra, tandem autem crassa, & mucosa. Sæpiissimè autem extremæ partes, maximèque pedes refrigerescunt, propinquo cruri stupor inest, ac vix erigi homo potest, vel pedibus incedere. Facilior etiam ægris in latus infirmum decubitus est, facilior supinis, quam pronis. Id profectò genus morbi concoctione probâ maturuisse, jamque penitus sanatum esse, finitis doloribus cognoscitur, & urina multa, crassaque, in qua quid subsidet, bonum est, vimque finiendi morbi habet. At verò periculum nuntiatur, si frequens bilis vomitus est, longèque magis delirium terret, si simul etiam extrema inalgescunt. Certa mors est, quum ren prænimio tumore disrumpitur. Jam autem ubi inflammatio adhibitis remediis non cessit, dolorque in loco pulsans & gravitas manent, febrisque non minuitur, imò potius increscit, sed & crebrum simul mejendi desiderium, magnaque difficultas est: scire licet suppurationem intus fie-

fieri, quæ ubi jam consummata est, manet quidem gravitas in rene, at dolor miteſcit, minorque redditur febris. Ubi erupturus abscessus est, homo inhorreficit, sequitur vehementior & febris & dolor. Ut primùm is erupit, protinus hæc ista conquiescunt: tum urina crassa, turbida, subcruenta, & multa profluit: cum qua si pus album, leve, æquale, & odoris non mali fertur, certam bonæ valetudinis spem facit.

At si id ad intestina quoque divertit, aut alioqui cum urina redditum malè ollet, lividumque est, & inæqualiter mucosum; scire licet malum esse, ex eoque gravem intus exulcerationem significari. Ferè tum quoque carunculæ quædam perexiguæ ex putri renum substantia quasi capilli cum urina effteruntur. Jam autem non sæpè, curata perperam inflammatione, elapsis maturationis temporibus, febris omnis dolorque cessant, durus autem tumor cum multa loci gravitate relinquitur. Cujus rei peti indicium inde debet, quòd sine resolutione materiæ, sine suppuratione dolores conquererunt, & quòd diu urina aquosa, & pauca fertur, quòdque coxa, & quæ his sunt partes inferiores, stupent, im-

potentes fiunt, atque emacrescunt. Is profecto catus extra spem omnem medellæ est. Itaque interposito spatio, in hydropem vertitur, & occidit.

*Renum calcu-
lus.* Tormentum à calculo renibus illatum sic innotescit. Acerbissimus atque more infixi aculei pungens dolor in renem incubit, eaque sede stabilis inhærescit, nisi quod interdum per ilia versus coxendicem, vel ad testem proximum exurrit: Nullus foris tumor est: spina ægræ flectitur: crus quod è directo est affecti renis, aliis stringitur, aliis quasi obtor- pescit: frequens est ructus, & ingens cibi fastidium: sub maximis doloribus vomitus fit, primum pituitæ, mox bilis flavæ, ac tandem etiam æruginosæ, post quæ dolores mitescunt: alvus astringitur, eademque, quia renem fece vel flatibus premit, dolorem auget: quod si fortè ea solvit, cum spiritu excrementum subbiliosum reddit. Cùm quis aut in ægram decumbit partem, aut cibo vacuus est, dolores leniuntur, cùm in contrariam cubat, aut cùm sumtæ epulæ descendere jam ad intestina incipiunt, omnino exaugentur.

Urina, veniente accessione, pauca, tenuis, & diluta est, moxque crescente tor-

tormento, tota subinde cohibetur: at excusso è meatu urinario (quem ^{ερυτρη} Græcè dicunt) lapide, urina copiosa, crassaque profluit, in qua resident arenulæ multæ & subinde grandiores, & inæquales calculi, aut horum confractæ partes. Eadem interdum bullat, & male olet, quodamque sensu ardoris crebram mictionem facit: non raro etiam quasi sanguinem trahit, maximè si labor aut equitatio durior antecessere. Qui huic morbo obnoxii sunt, his multo tempore urina ferè crassa, subrubra, cum densa, tenacique spuma redditur; quæ alias sedimentum habet rubrum, subviscosum, arenosumque: alias turbida permanet, quæ si panno percolatur, in eosimilem propositi sedimenti formam deponit. Hujusmodi urina sæpe multis annis nullo vitæ incommodo fertur, sine renum dolore, sine ulla alia calculi nota: verum tandem subito præter omnem opinionem acutissimus dolor in renem incidit, simulque alvus adstringitur, & crus quod è directo est, stupet. Is dolor ex intervallis sat longis sæpius redit, idque interdum sine calculi excretione, tuncque urina crassa, ac turbida est, properque prægressam duram fortè equita-

tionem, interdum cruenta. Scilicet sola sanguinis mictio s^epē renis calculum patet: qui neque dolore, neque ullo alio indicio significabatur: adeo, ut ne subesse quidem putaretur. Quum autem renis dolorem calculi sequitur excretio, is ubi in caput impegit ductus urinarii, penitus efficit ut urinæ mejantur tenues, paucæ, subaquosæ, & haud rarò etiam totæ cohibeantur: ubi verò vel remeat hinc in cavum renis calculus, aut certè ubi foras in vesicam excutitur, protinus ea reditum urina, quam modò proposui: ut rectè dixisse Hippocratem existimem, repento renum dolore, cum mictionis defectu, calculorum, aut crassarum urinarum excretionem portendi. Non rarò calculus adeo grandis est, ut è renum substantia, in qua gignitur, pelli in cavum non possit. Itaque id temporis vix ullus dolor inest, sed urina fertur crassa, turbida, subrubra, qualem descripsi. Et quidem si validus labor, aut dura inciderit equitatio, non solum hujusmodi urina redditur, sed etiam verè cruenta, in qua quod subsidet, quasi sanguis est in grumum concretus. Ubi propulsus in vacuum renis calculus est, is, si grandis est, deorsum latus meatum obstruit urinarium, ipsamque adeo intercipit urinam,

nam , vel certè reddi paucam facit, eamque solito tenuiorem , & subaqueam : simulque acutissimum dolorem movet : ubi minor est, quam ut multum impingere in iter urinæ , cùm in hoc descendit, possit , itemque ubi grandis est , & in cavo renum contentus , hucque recens è substantia trusus , nondum ad urinæ meatum impegit , urina fertur crassa , turbida , rubra , aut sublivida , obscura . Porrò leves calculi , & rotundi non æquè difficulter , ut oblongi , & asperi , excluduntur . Non omnibus autem eadem magnitudo , vel forma , vel asperitudo est . Quibus vetusti jam renum dolores sunt , quoniam urinæ itinera magis patent , hi grandioribus calculis potius torquentur , mediocribus non item . Quibus novum id vitium est , aut certè rari ejus dolores fuere , hi minimo etiam calculo cruciantur . Omnibus autem renum calculis ferè color subruber est : quanquam purulenti renes albos etiam calculos elidunt : sed & alias nigros & pallidos fuisse ejectos constat . Quò urina sub hoc morbo magis aquæ similis est , & quo diutius sic fertur , minusque sedimenti habet , eo duriores in rene calculos , & magis confirmatos , magisque rebelles esse

sciendum est. Tametsi urina vix unquam clara ab his mejitur, qui gravioribus renum doloribus sunt opportuni. Idem tormentum frequens est pinguioribus corporibus, itemque senioribus, vix unquam autem pueris accidit, raro ad adultam ætatem proiectis. Infrequens etiam est iis qui saepius vomunt, & alvum non impeditam habent. Ut omnia renum vitia in sene difficillimam curationem accipiunt: sic hoc ipsum quod proponitur, planè nullam. Idem omnium est maximè hæreditarium, adeò ut vix unquam calculi effugiat tormentum, quisquis parentum occasione huic expositus morbo à naturæ ortu fuit.

*Renum
exulce-
ratio.*

Cùm aliis de causis, tūm maximè propter calculum exulcerari renes solent, id quod his notis ostenditur. Urina crassa, turbidaque est & per labores plus coloris habet, in hac sedimentum per quietem fit crassiusculum, tumque reliqua urina ferè inclarescit. Si recens ulcus, simplexque est, cruor cum urina fertur: si cavum ac sordidum est, crassior urina fit, & alba, & foetida, verèque purulenta, lacti non admodum dissimilis: in hac autem ipsum subsidet pus: ubi altius ulcus infedit & sine modo sordidum in fistulam

lam abit, in hac ipsa quam proximè dixi urina, crassamentum quoddam subsidet viscidum & cohærens, narium muco, aut ovi candido persimile. Inter hæc ipse sæpè ren ita pereditur, ut pus, membra na ejus ambiente tanquam marsupio, multique item calculi obvoltantur.

Hinc etiam in venas pus delatum, malum efficit corporis habitum, qualis antecedere Leucophlegmatiam consuevit. Interdum etiam inter peritonæi fluctuat membranas: non sæpè etiam eo ipso tota ventris, lumborumque regio impletur, & subinde vomitu, vel alvo sincerum redditur. Jam verò per omnem penè morbi pecursum urina modo non ægrè mejitur, modo guttatim destillat, assidueque ad mingendum quodam irritamento invitat: dolor lumbos exercet cum aliquo gravitatis sensu. In hoc autem vitio si post mictionem puris, sanguis mejitur, indicium gravis erosionis præbet. Ulcus renum & vesicæ, ubi longa (quod ferè fit) vetustate occupatur, nunquam sanescit.

Est etiam animadversio in mictione Cruentatione à re- fanguinis è renibus profecti necessaria. Semper is universæ urinæ sic temperatur, ^{nibus} mictio, ut hâc quasi dilutus esse putetur sanguis,

idemque protinus subsidet rubicundus, liquidus, ac minimè concretus. Quod quidem vesicæ causâ dico, à cuius musculo qui crux dimanans, & in cavum vesicæ lapsus inde emeitur, urinæ non æqualiter miscetur, idemque, ubi subsedit, in grumum mutatur: si calculus in causa cruentæ mictionis est, (id quod ferè semper, nisi casus aut ictus intervenit, incidit) notas attendere oportet civitio peculiares. Tametsi sæpè cruenta mictio calculum sola detexit, sine renum dolore, aliove ejus morbi indicio. Si rupta intus vena est, sanguis ubertim, & subito, iniopinanterque profluit: simul casus violentus antecessit, sive ictus aliquis est, sive grave onus levavit, sive ex alto cecidit, aut quid hujusmodi perpessus injuriarum est. Rarior omnino ea sanguinis est mictio, quæ à renum pendet imbecillitate, vel quæ venarum in iis adapertione sequitur, vel jecinoris vim infirmam, vel consuetæ inanitionis defectum, vel vitam summi otii compotem, vel membra alicujus amputacionem. Non raro crux ab erosis exulceratisque renibus destillat, tumque paulatim is, & cum pure aliquo mistus exit, idque diutius durat. Itaque cùm à ru-

pto renum abscessu is etiam cum pure descendit, propterea ab ulcere renum non reddi iutelligitur, quod ejus mictio non diu trahat, sed ferè intra tertium diem cesseret. Sanguinem sæpius minxisse cum febre, & dolore, malum esse Hippocrati placuit: tum autem præfagire licet futuram puris mictionem, eodemque tempore febres dimissuras. At raro cruentum cum urina ferri, idque sine dolore, sine febre, non usquequa esse periculosum, idem autor judicavit: quod per lassitudines ferè incidit, quæ inde protinus solvuntur.

Urinæ fluor, qui Græcis *στραβήτης* appellatur, tum subesse dicitur, cum potio non multo post quam sumta est, nihil ferè demutata, immodicè sub aquæ specie cruda mejitur. Ingens sitis continuo afficit, quæ potatione sedari nulla potest: quod bibitur sæpè id majore copia mejendo redditur, quam quam sumtum fuit. Itaque totum etiam corpus eomo do consumitur, ac veluti liquefit: quamquam nonnullis lumbi, & coxae, & testes, maximèque pedes, leviter intumescent: visceribus etiam aliquis inesse aestus videtur. Id genus mali, ubi incidit, diuturnum est, & à renibus pendet.

Cùm recens est curari interdum potest, cùm in vetustatem incidit, nunquam potest, sed corpus liquefacit, atque marcore consumit. Idem vitium rarissimum esse volunt. Nobis per omnem vitam non nisi semel apud Nervios, quum illic Medicinæ artem exerceceremus, observatum fuit.

*Renum
vulne-
ratio.*

Vulneratis renibus dolor ad inguina, & ad testiculos descendit, & urinæ difficultas est, eaque cruenta redditur: Interdum etiam crux fertur.

*Tabes
dorsalis.*

Priusquam vesicæ attingam vitia, tamen hoc loco dorsalem proponam. Grave genus morbi, quod nostri homines non animadverterunt, ipse luculenter memoriæ prodidit Hippocrates: nos inter curationes ægrorum non semel observavimus. In caput vehemens & acutus incidit dolor, ex coque nonnullis superne descendere veluti formicæ videntur. Dolent etiam collum, & lumbi, eorumque musculi, & crurum articuli, sic ut inflecti interdum non possint: alvus pigra atque impedita nihil reddit, & urina difficulter mejitur: quum autem vel alvus, vel urina redditur, profluit genitale semen multum ac liquidum, idemque fit per somnum, sive utitur aliquis fœ-

ſœminæ consuetudine , ſive caret : ſemen etiam in utero non manet : per vehementes itineris labores , maximèque ſi altior locus ſuperandus eſt , corpus ſummè la- befactatur , ſpiritus fit diſſicilis , caput- que grave eſt , & aures ſonant. Qui ſic laborat , febre caret , & , quanquam nul- lo urgetur cibi fastidio , ejus tamen nul- lum fructum ſentit , penitusque conſumi- tur : idem incipiente morbo quietius ſeſe atque rectius habet. Quò autem magis iſi ipſe morbus inveteraſcit , eò magis omnia homo dolet : & crura velut ab a- qua inter cutem intumefcunt : nonnullis ulcera à lumbis emerġunt , quorum alia ſanefcunt , alia rursus enaſcuntur : tandem orta gravi ſuffuſione , homo penitus occœcatur. Exercet hic morbus præcipue cùm recentes ſponſos , tum alios qui ni- miūm Veneri indulſerunt. Illud quoque à nonnullis obſervatum eſt , intermittere aliquando hoc vitium , & denuò redire conſuēſſe : quod per ſeptennia fieri qui- dam medicus , quem hoc affectum occœ- catumque morbo novi , tum in ſeſe ipſo , tum in plerisque aliis animadvertit.

Grave imprimis tormentum calculi vesicæ eſt , quod & diu trahit , & qui- busdam intervallis ſæpius recurrit. Ubi

id autem incubuit , gravitatis ingens sensus (si grandior calculus subest) magisque ad motum corporis , vel quædam quasi titillatio circa pubem & perinæum versatur : urina cum mictionis assidua cupiditate difficulter redditur , fitque quodam veluti stillicidium , sic ut vix posse cohiberi urina videatur : quæ tamen , ut primum cœpit perrumpere , mox tota intercipientur , indicique hoc modo intercisa mictio . Inter hæc dolor toto colis meatu versatur , sæpèque is sola in glande est , post extremam mictionem gravissimus . Id temporis alvus dejici velle videtur : promptius in nonnullis si recti sunt , quam si supini cubant , urina exprimitur , utique si grandior intus calculus hæret : alii inclinati emingunt , columque contrectando atque extendendo remedium doloris quærunt . Fœminæ extrema pudenda manibus crebrò scabunt , & , admoto ad vesicæ cervicem digito , calculum subinde sentiunt . Multi etiam mediis doloribus pedes inter se iteratis vicibus implicant . Si urina prodit , ea alba , crassâ , & turbida redditur , cui sedimentum inest purulentum , vel mucosum . Interdum etiam sanguis , aut quid cruentum concretum trahitur . Hoc
ge-

genus morbi sæpius pueris accidit quam adultis: sæpius viris quam fœminis. Calculus vesicæ magis albicat, itemque grandior, & durior est eo quem renes extruderunt. Minor facilius in vesicæ impingit cervicem, urinamque pertinacius retinet, quām is qui major est: hic enim, vel pro corporis positu, vel intromisso instrumento, inde non difficilimè depellitur.

Non leve periculum in quovis calculo vertitur: immensis enim fractus dolibus, & propter obstrictum iter suppressâ nimium urinâ extingui homo potest. Haud rarò animadversum est, à vesicæ calculo data vel tenesmi, vel procidentis infimi intestini principia fuissè. Multos constat esse repertos, qui sine dolore calculum diutissimè intus foverunt.

Nullus æquè metuendus casus incidere in vesicam potest, ut inflammatio, *Vesicæ inflam-* quæ non in hujus partis, (ut fortè ali: *matio.* quis existimet) substantia: sed potius in cervicis defigitur musculo. Febris acuta cum multo æstu movetur: infrà perinæum, suprà pecten atque pubes latè dolent: interdum his locis rubor, ardor, atque distentio accedunt, quæ omnia à pube ad ipsum usque perveniunt umbili-
cum:

cum : frequens desidendi cupiditas, summaque difficultas est : urina ægerrimè excluditur , sæpè tota diutius cohibetur, maximèque cubante ægro : interdum guttatum maximo conatu destillat. His accedunt vigiliæ , delirium , vomitus biliosus , & extreñorum frigus. Perrara est vesicæ inflammatio , pueris magis familiaris , à calculi scilicet tormento illatis injuriis. Metum minuit urina purulenta , cui sedimentum album ac leue sit. Si dolores in hoc morbo non solvuntur, neque vesica mollescit , periculum est ægrum primis circuitibus moritum. Nulla etiam evadendi spes est , ubi febris acuta diu immoratur, simulque urina , & alvi dejectio prorsus retinentur: aut ubi urina nullam exhibet notam concoctionis, unaque dolores magis indies ingravescunt. Inter quæ sæpè ultrò lethalis oritur gangrena , ex qua vix unquam quisquam evasit. Ubi suppurare malum incipit , (quod certè grave est) omnia fiunt atrociora. Quod si antè erumpere id , quām pereat æger , contingit , dolores cæteraque mitescunt omnia , ipsaque ubertim urina cum pure fertur, Visus est hic abscessus viam sibi per perinæum patescisse , qua parte urina elapsa per anum

anum omnis ferebatur.

Cùm multis de causis, tum maximè propter vehementes in excludendo calcu-
lo nixus, cruor è vesica ferri consuevit: is ^{Cruen-}
^{ta à ve-}
^{fica mi-}
^{stio.}
urinam non totam undique perfundit, & quum per quietem subsedit, concrevisse in grumum cernitur: ejus subinde cruo-
ris pars aliqua sine urinæ mictione elabi-
tur. Ferè autem sub eo vitio urina pau-
latim veluti stillicidio quodam exprimi-
tur, eademque dolorem exiens movet,
ac veluti colis radicem adurit. Cæterūm
gravissima quæque incidere, sanguine in-
tra vesicam concreto, solent: nam cre-
bro anima deficit, ipsaque fit exigua spi-
ratio, & pulsus obscurus, parvus, &
frequens: oritur etiam multa nausea, a-
nimi anxietas, & frigidus sudor. Hinc
totus homo fit imbecillus, & pallet, &
extremis partibus refrigerescit. Ut pluri-
mūm autem aliquis antè incubuit in ve-
sicam violentus casus, quem aliquamdiu
sanguinis secuta mictio est, subitòque si-
ne certa causa desit. Tum vero subin-
de rigor incidit, cæteraque protinus post
hunc sequuntur signa, quæ modo pro-
posuimus. Tardius cruenta mictio, ve-
sicæ affectu nata, curatur, quām quæ
à superioribus locis profecta est.

Com-

*Vesicæ
exulce-
ratio.*

Comprehensis vesicæ malis, haud raro ejus succedit ulceratio: major quidem atque gravior in cervicis musculo, post abscessus ruptionem ab inflammatione relieti: levior autem in vesicæ corpore, quam fortè exulcerationem, vel acrior urina, vel offendens calculus fecit.

Si ex abscessu ulcus mansit, id cavum est, ac sordidum, unde alias sanies, alias multum foetidi puris cum urina crassa fertur, in qua id ipsum per quietem subsidet. Jam verò si interior vesicæ pellicula leviter abraditur, crassa quoque urina est, quæ exiguum modò puris, modò cruoris trahit: &c, cùm paulò altius ulcus insedit, pelliculas, & furfuracea quædam dicit. Hæ pelliculæ magis crassæ, albæ, magnæque sunt, si ulcus in altiore vesica est: si juxta urinæ ductum atque fistulam, minus albæ, magisque tenues, & parvæ redduntur. Ingens in proposito casu mingendi cupiditas est, sic ut teneri urina vix possit, tumque gravis dolor pubem & perinæum exercet, maximèque hic novissimam sequitur emictionem. Idem etiam dolor, ubi quis sese erigit, augetur. Quod si serpens fit ulcus atque depascens, aliquis etiam subinde cruor cum sanie, pureque fœ-

fœtido in urina cernitur. Sæpiissimè quoque ulcere admodum fôrdido, maximè si à Venereo seminis profluvio id natum fuit, quædam veluti filamenta in urina versantur, primum tenuia, mox ita crassâ, ut spissam quoque urinam faciant: tandem crassus & viscidus veluti mucus, quale candidum ovi est, subsidet. Quæ proximè dixi filamenta, longo post tempore, quanquam ulcus curatum est, cum urina feruntur.

Inter renum & vesicæ ulcera sic distinguitur. Renibus ita affectis, non æquè difficulter urina redditur, & quod ex his deteritur, rubet, seu tenues trahuntur carunculæ, seu filamenta capillis similia: minor etiam incidit dolor, sæpiusque cruor, & majore copia mejitur, magisque toti urinæ permistus est. At verò exulceratâ vesicâ, major fit urinæ tum cupiditas, tum difficultas. Quicquid decedit, album est, (nisi id tamen à renibus huc descendit) & dolores magis urgent: minus sanguinis, minusque urinæ misti fertur. Cæterùm si is urinæ meatus, quem ἐπιτῆρα Græcis appellari dixi, exulceratur, urina subcrassâ est, particeps modi cruoris, vel certè puris, quod capillorum specie natat in urina. Æquè etiam

etiam sub hoc casu pelliculæ , ac quædam quasi furfuracea redduntur : sed dolor inter renem , & pubem versatur. Ulcera renum, aliorumque urinæ itinerum promptius , quam vesicæ sanescunt. In senibus nullam penitus hæc ipsa curationem habent , in aliis ætatibus difficillimam.

*Urinæ
reten-
tio.*

Varia fieri noxa in reddenda urina solet. Ea enim aut paulatim destillat , aut summa difficultate redditur , aut denique prorsus cohibetur. Primum Græci *επαγροπιαν* , alterum *συσπιαν* , postremum *ισχουπιαν* nominaverunt. Priora duo leniora esse possunt. Tertium gravissimum , ac , si diutius immoratur , mortiferum est. Ubi superioribus inhærescit urinæ ductibus obstructio , in lumbis doloris est aliquis vel gravitatis sensus , notævc affectorum renum antecesserunt : vesica inanis nihil vel dolet , vel tumet , neque quicquam urinæ adhibito instrumento reddit , quare ne ullam quidem mictionis urget desiderium. Contrà hoc ipsum maximum est , cum vesicæ obstructæ cervix urinam impedit , tumque pubes tota intumescit atque dolet , multumque urinæ intromisso ferro prorumpit. Ad suppressam urinam

Si tenesmus accedit, intra septimum diem occidit, nisi febris intervenerit, quæ liquefactione iter urinæ expeditat. Ceterum in eo malo, quod *συστοργιαν* vocari ^{Urinæ difficultas.} dixi, urina difficulter magnoque dolore redditur, idque interdum affatim, interdum paulatim. Stillicidium autem Urinæ esse urinæ dicitur, cum ea guttatum semper conatu quodam, at dolore alias nullo, alias vehementi, exprimitur. Id vitium si dolore caret, retentioni urinæ finitimum est, sin minus, difficultati. Si urinæ stillicidio volvulus accesserit, primis diebus septem hominem tollit, nisi febris quoque interventu fluere ubertim urina cœperit. Omnino autem id malum senibus diuturnum est, junioribus brevius, neutrīs (nisi quid accedit) lethale. Quod si id à sanguinis grumo qui intus impegit, oritur, horrendum esse gravissimis casibus solet: nam nativus homini color perit, pulsus fit parvus & frequens, & languidus, idemque totus subinde concidit: accedit rigor, febricula, nausea, defectio animi, frigidi sudores, & id genus alia, quæ concreto intra vesicam sanguine fieri diximus. Porrò nonnunquam invitis urinæ sine acrimoniæ & doloris sensu pro-

^{Urinæ incontinencia.}

fluit, quod vitium in senibus curari non potest. Idem, si per febres incidit acutas, viribus infirmis, pestiferum est.

*Vesicæ
vulne-
ratio.*

Ubi vesicæ illatum vulnus est, dolent inguina, quæque juxta pubem sunt loca intenduntur. Ex vulnera urina fertur, aut certè pro urina sanguis mejitur. Accedit vomitio bilis, singultus, delirium, & horum sequax comes mors.

*Observationes in vitiis naturalium
utiles.*

*Proflu-
vium
semi-
nis.*

SEmper tædiorum, sæpè etiam plenum periculorum vitium, humani feminis profluvium est, *γονόποτα* Græci vocant. Semen præter voluntatem, præterque modum, sine pudendi tentagine, sine Venere, aut nocturnis imaginibus elabitur: idque adeò interdum diu & impense fit, ut interposito spatio, hominem consumat. Paulatim enim corpus labefit, cùmque indies aliis id locis omnibus, tum maximè circa lumbos emacrescit. Ipsum verò quod ita fertur semen, crudum, aquosum, liquidum, tenue, nec prorsus album est. Maximè autem id vitiæ eos adoriri solet, qui puberem ætatem Venereis libidinibus

cor-

corrupere. Idem nostro seculo contagiosum esse cœpit, dignissimum scortatoribus flagellum; à quo recta ad morbum Venereum via est. Sub eo casu virus quoddam album aut subcitrinum per colem noctu atque interdiu latenter sine sensu elabitur: id interposito spatio admodum fit putre, atque acre, ideoque ipsum etiam intus exulcerat penem. Id verò jam factum esse, dolor ostendit, qui colem; cum is erigitur, sic afficit, ut veluti fune substringi videatur. Idem dolor per mictionem, maximè cum ea fieri vel incipit, vel desinit, sese prodit, sic ut vel difficultas subesse urinæ, vel calculus putetur. Is morbus tum viris accidit, tum fœminis: sed in his frequentius est, ægriusque quàm in illis tollitur. In eo autem, cum uterino convenit fluore, quòd humor assidue promanat: verum dissidet contrà, quod multo hic sit crassior, quodque vix unquam desit ulcus ab acri virulentoque natum excremento: adhæc quòd fusis menstruis, hæc ista fluxio non desinat, quum uteri fluor in ipsis menstruis, & paulò post cessare sit solitus.

Quodvis colis interioris ulcus diu trahere consuevit: interdum ita fit cavum,

maximèque per Venereum seminis pro-
fluvium , ut foras etiam ad ipsam usque
penetret , emergatque cutem. Si id ul-
cus negligitur , non raro carnosum tu-
berculum urinæ ductui innascitur , item-
que ex aggestis fordibus quidam veluti
callus verrucæ similis : tum urina vel re-
tinetur , vel non pleno impetu fertur ,
ipseque homo sic ad omnem corporis po-
situm urgetur : compressio pene , item-
que intromisso instrumento tuberculum
deprehenditur.

*Zalugia-
σίας, καὶ
ηπιατε-
ρίδος.*

Est etiam in cole vitium , quo is con-
tinenter erigitur cum lasciva quadam pal-
pitatione , multaque opinione libidinis ,
σαλυγιάσιν Græci nominaverunt. Est &
ejus penè generis aliud , quod *πειρωτιοῦ*
vocant : in eo arrestum assiduè pudendū
dum , sine Veneris desiderio , præter na-
turam increscit , quodam quasi tetano
distentum. Raro id malum incidit , quo
tolli etiam hominem posse nonnullis pla-
cere video.

Ramex.

Proximum est scroti vitia proponere ,
in quibus inflammatio est , & sine hac
durus tumor , maximèque ramēx , quem
Græci *κῆλην* , nostri etiam Herniam vo-
cant. Ejus multæ formæ , multæque ei-
se causæ possunt. Quum rumpitur aut
etiam

etiam relaxatur ea tunica, quæ diducere ab inferioribus partibus intestina debuit, Græcisque ~~περιτόναιος~~ appellata est, protinus devolvitur aut omentum, aut intestinum, ac sensim ab inguine (nisi in eo tamen immoratur, vitiumque ~~της~~ ~~βεβαρωκήλης~~ gignit) in scroti dimittitur finum. Commune est evidentem in scroto, vel in inguine tumorem, eumque non permanentem esse, sed cursu, labore, satietate, & retento spiritu crescere: iterumque resupino, homine, vel sponte, vel per lenem digitorum impulsum, eo quod intus est remeante, perire. Si id quod descendit omentum est, ægerrimè intrò revertit, sive inedia fueris, sive varius corporis positus, atque figura: ubi verò remeat, id penitus sine murmure fit. Idem hic tumor si tangitur, inæqualis est, & mollis, & lubricus. Græci id genus ~~περιτόναιος~~, nos Ramicem omenti nuncupamus. Quod si intestinum illapsum scroto est (quod vitium ~~έγχεροντος~~, id est, Herniam intestinorum appellant,) tumor sine dolore, sine inflammatione, modò minuitur, modò crescit, idemque, quiescente homine aut etiam vigili, sed tamen diutius resupino, interdum ex toto perit: verùm clamore,

satiestate ; violentoque corporis motu , propterve grave tollendum pondus nixu crescit , frigore omni contrahitur , calore laxatur. Id temporis rotundum est scrotum & tactu læve. Quod intus est , ubi premitur , lubricum est , & modò sponte , modò si leniter digito impellitur , quodam veluti rugitu ac flatulento murmure recurrit. Ubi grave id vitium fit , intestinum accepto stercore vastius tumet , sic ut retrò compelli non possi , ex quo casu gravis oritur volvulus , qui tollere etiam hominem solet. Inter quæ dolores magni , & scroto , & inguinibus & abdomini accidunt. Incipit subinde affici stomachus , sequiturque bilis vomitus , primum rufæ , dein viridis , ac interdum ipsius etiam atræ. Cæterùm , sit ne ex ruptione ejus , quam dixi membranæ Ramex ortus , an verò ex laxatione , certis internosci notis potest. Nam si intestinum ab initio protinus , atque universum devolvitur , prægressa solâ violentâ causa , tumorque prægrandis est , si compressum intestinum multo rugitu sursum recurrit , iterumque recto corpore protinus , vel tussi , vel retento spiritu delabitur , scire licet factam ruptionem esse. At laxationis hæ notæ sunt :

Lon-

Longiore temporis tractu intestinum paulatim magis magisque quamlibet ob causam descendit, tumor æquabilior & magis esse in profundo deprehenditur, neque aliquo murmure id quod descendit recurrit, neque ita facile, ubi erectus homo est, elabitur. Quin etiam ramex ex laxatione, vix unquam extra inguina procedit: ex ruptione autem, prope semper in ipsum promovetur scrotum. Ramex ex ruptione per initia, primus fortè septem diebus, non difficillimè tollitur, maximèque in pueris: ubi inveteravit, vix unquam curari, nisi manu, potest. Quod tamen auxilium anceps, & plenum periculorum est. Porrò scire licet, interdum simul, & omentum & intestinum posse descendere, quod vitium Græci ἐπεπλοέντερονήλην, id est, Ramicem omenti, atque intestini vocaverunt. Jam verò sine peritonæi offensa aliqua, scroto accidere alia genera ramicis solent. Nam interdum aquosus humor intus collectus, interdum caro increscens, nec rarò varicosus tumor causam morbi hujus dedit. Cum aqua subest (quod vitium Græcis ὑδογκήλη, nobis aquosus ramex dicitur) tumor, quantum in se

est, dolore omni caret, & firmus in intento scroto inhæretcit, fame quidem, aut febriculâ, aut etiam de die, (maximeque si puer), is utcumque extenuatur, at nunquam ex toto tollitur. Idem tactui cedit, si paucior intus humor est: verum ubi is multum crevit, æquè ut uter repletus, & strictus digito renititur, & opposito lumine, ut cornu, pellucet. Quòd si in utraque parte scroti, hæc ipsa quæ proponimus, cernuntur, constat utique duplicem ibi ramicem aquosum esse. Ubi diutius retenta intus aqua vehementer computruit, ipsum etiam subinde corrumpit testiculum. Infidiatur autem magis hoc genus ramicis iis corporibus, quorum succi non boni sunt (Græci hæc *καροχύμικα* nominaverunt) & his etiam multò magis, quæ in hydropem inclinant. Quare extracto per ferri usum humore, facile novus denuo ingeneratur, nisi toti quoque corpori adhibita curatio est. Ad hanc ramicis aquosi speciem non alienum sit, hunc quoque referre, qui ex flatibus ortus, nimia distensione gravem dolorem movet. Flatulentum appellari eum à quibusdam video. Rarò quidem, sed aliquando tamē dura

dura caro intra testium tunicas increscit idque vitium Græcè σαρκοκήλη, id est carnosus ramex dicitur: cuius tumor etiam perpetuus, ut in superiore est, sed pondere gravior, itemque durior, obscurior, coloris ubique ejusdem, neque pulsatus resonat, idemque longiore spatio temporis paulatim increvit. Superest modò ramex varicosus, qui Græcè κυρτοκήλη dicitur, durus, & ad modum virgarum oblongus tumor, quem scire licet ægerrimè tolli remediis posse.

Inflammatione etiam affici nonnunquam testiculus solet: tumque acutus dolor, rubor, calor, atque durus tumor subest: eaque omnia magis sese foris produnt, si inflammatio in scrotum effunditur: obscuriora autem sunt, magisque tangendo, quām intuendo explorantur, si vitium solum occupans testem in profundo occulitur. Prout autem gravis est inflammatio, febris etiam modò est aliqua, modò nulla. Post malè curatum morbum, durus sæpè manet tumor sine dolore, sine calore, atque rubore, qui tumor nunquam ferè auferri ex toto potest.

Proximum est ad uteri morbos transfere, qui & varii esse, & pleni tædio per-

riculisque solent. Gravissimum ejus malum inflammatio est, ea quidem quæ totum uterum non autem solam (quod sæpius fit) ejus cervicem occupat. Vehemens dolor atque pulsans locum urget: isque, si anteriora magis afficiuntur, ad pubem pervenit, & urinæ difficultatem aliquam, vel stillicidium parit: si posteriora magis inflammantnr, alvus cohicitur, & dolor lumbos fatigat. Jam si in latere plus vitii est, protinus inguen intenditur, cruraque gravia difficulter moventur Semper autem acuta febris inest, & multus capitis dolor, magisque anteriore ejus parte, & circa radices oculorum. Dolent quoque cum distensione atque gravitate imus venter, pubes, coxæ vicinæque his id genus partes. Lumbis etiam multus infestus ardor est. Incipit affici stomachus, doloreque & nausea, & singultu sollicitari. Ipsa autem fœmina adeò parum commodè in omnem partem corporis movetur, ut non sedere, non surgere, nisi summa difficultate, non pedibus ingredi nisi quadam claudicatione possit. Eadem molestè in id latus cubat, quod morbo caret. Porrò si uteri cervix inflammationem sustinet, id quod frequentius fieri dixi, abdomen dolet, ipsum.

ipsumque uteri os, admoto dígito durum occurrit, fervidum, atque præclusum. Atque is sanè casus reperi realiquam curandi viam potest, prior ferè nullam potest. Nonnunquam uteri inflammatio in durum, sensuque carentem tumorem defiscit: rarius in cancrum: sæpius in abscessum, qui, simul atque fieri incipit, pulsantem dolorem atque febres exauget, hæque cum horrore crebrò sunt, & nullo ordine exasperantur. Confecto pure, protinus hæc ista paulùm increscunt: ac tum quidem aliàs urina cohibetur, aliàs alvus: interdum tumor juxta pubem attollitur, & quasi inundatio profluentis rei alicujus intus sentitur. Id temporis pus erumpit aliàs in uteri cayum, aliàs in abdominis spatiū, ibique inter intestina subsistens, copiâ imum ventrem distendit, ac veluti pondere onerat. Quod autem pus per uteri cervicem foràs excluditur, id si album est, leve, æquale, & odoris non mali, sanitas foeminæ redditur: si verò virulentum est, malè olens, & multis coloribus variegatum, scire licet rem in periculo esse. Rupto atque exinanito abscessu, sordidum ulcus manet: sub quo acer mordaxque oritur dolor, sanies, & colluyies fertur, non eadem usque copiâ,

*Uteri
exulce-
ratio.*

sub-

substantiâ, atque colore: odor huic modo gravis adest, modò etiam nullus, sic ut ab albo uteri fluore, id quod ita exit, profectum esse credatur. Si in uteri cervice malum inhærescit, ipso etiam deprehendi tactu potest: sīn altius insedit, eorum quæ efferruntur utendum notâ est. Ergo ubi simplex ulcus non à rupto natum abscessu, interiorem uteri, aut ejus cervicis pelliculam abrasit, aut modicè excavavit, humor paucus, æqualis. crassus, albicans excernitur. Quod autem ulcus è rupto abscessu sordidum est, plus quidem humoris fundit, at minore dolore. Uteri ulcus ita interdum malignum fit, ut serpendo proxima quæque loca erosione violeret. Id Græci ~~νομήν~~ appellaverunt, estque hoc tum multò magis sordidum, fœtidum, ac rebelle, quàm prius fuit. Tum sub hoc casu, tum sub duro, longoque uteri tumore proclivis esse cancer solet. Dolor eo tempore circa inguina, & imum ventrem, & abdomen, & lumbos versatur: moles intus gravis esse quasi pondus aliquod videtur, jungiturque febris, non æquè tamen ardens ea, ut in uteri inflammatione: ipsum denique malum maximè diuturnum est. Quum exul-

exulceratio quoque cancro accessit , ulcus , præterquam quod dolet & durum est , etiam labris est prætumidis , & ex concreta sorde lividis atque horridis . Quod ex eo manat , id graveolentissimum est , tenui , nigrum , vel etiam fulvum . Hoc genus vitii , vel ipso judice Hippocrate , inanem omnem medicinam experitur .

Interdum ex inflammatione neque resoluta , neque in abscessum versa , itemque aliis de causis durus nasci uteri tumor potest : idque modò totius hujus , modò alicujus in eo partis . Is tumor tactu durus , atque retinens deprehenditur , cui nullus aut certè obscurus inest dolor , sed difficulter vel urina , vel alius redditur : & ubi recta fœmina est , grave pondus pudenda urget , quasi foras prolapsurum : totum corpus fit impotens , ægrèque mobile , maximè inferioribus ejus partibus , sic ut difficilis admodum hoc nomine omnis incessus sit : non nunquam venter inflatur , & speciem hydropis (qui subinde tamen sequitur) præbet .

Uterus quoque certis de causis inflatur , id quod durasse nonnullis per omnem vitam observandum est . Venter imus ingentem tumorem habet , & ten-

*Uteri
durus
sine do-
lore tu-
mor.*

*Uteri
inflatio.*

ditur : & dolore urgetur : hic dolor ad septum usque transversum , & ad stomachum pervenit. Idem latera etiam utrimquè perstringit , sæpèque alterum inguen , interdum utrumque : adhæc umbilicum , lumbos , pectinem , ipsumque subinde afficit per consensum caput. Non raro flatum manifestò elidi per naturalia fœminarum contingit , itemque murmur intus , strepitusque , ubi corpus flectitur , exaudiri similes omnino his sonis , qui cieri sub terminibus solent. Ipse autem venter digito percussus , tanquam tympani sonum edit , utique si capax uteri spatium flatus implevere. Quod si is ipse rarioribus substantiæ meatibus inhaerescit , dolores movet longè atrocissimos , & ægrius remediis tollitur. Sollet hic morbus puerperas magna ex parte tentare , non sine magno periculi metu.

*Uteri
hydrops*

Est etiam aliquis uteri hydrops totâ ejus capacitatem aquarum plenâ. Venter inflatur , magnamque gravitatem , & conversus in aliquam partem , sonum fluctuantis intus humoris exhibet. Eum humorem quibusdam ex utero singulis membribus , nullo vitæ incommodo esse expurgatum , doctorum hominum constat animadversione.

Se-

Sequitur modò id uteri vitium , quod *Mola*.
Græcis μωλη , id est , mola , appellatur ,
quodque nulli accidere fœminæ sine viri
consuetudine potest. Informis in utero
consistit caro , cute , vel membranis cir-
cumdata , venasque intus multas habet ,
sine visceribus tamen , sine intestinis , at-
que ossibus. Ea caro assumto per ve-
nas suas alimento , indies crescendo , ute-
rum omnem ingenti mole implet , ut vel
octimestris etiam subesse partus existime-
tur. Hæc verò moles non sæpè per om-
nem vitam intus tutò manet : paucis e-
tiam quarto anno , aut quinto excidit :
plerique omnibus tertio quartove exclu-
ditur mense , spemque prægnationis o-
mnem falsò conceptam ludit. Siquidem
in hoc vitio , menstrua retinentur , main-
mæ intumescunt , urget cibi fastidium ,
facies decolor est , venterque indies ma-
gis ac magis grandescit. Verùm ut his
notis imprægnationi consentit , sic rur-
sus ab ea distat , quod durior hic est tu-
mor , & quod nullo id quod intus est
motu proprio cieatur , sed stabile inhæ-
rescat , gravitate fixum sua , neque un-
quam , nisi ubi vel premitur , vel ubi se-
se fœmina in latus convertit , moveatur.
Tum enim , non ut fœtus , leni blando-
que

que impulsu , sed impetu quodam , in quam partem corpus inclinat , provolvitur. Quam etiam subinde informis hæc caro , aut multus sanguis cum humoribus cumulatis , nec raro etiam fatus excluditur. Quibusdam quales inter parendum esse solent dolores atque pressiones , ab eo , quem dixi , fatus oriuntur. Omnibus autem inter hæc corpus extenuatur : incessus fit difficilis , sic ut propendere pondus aliquod ex utero videatur : tandem verò cùm jecur quoque unà jam affici cœperit , ipse sequitur hydrops. Mola omnis , nisi inter initia curetur , ægerrimè tolli potest. Qum menses sine certis imprægnationis notis retinentur , simulque venter sine hydrope intumescit ; scire licet aliquid in utero , quod præter naturam sit , inesse , irritum videlicet conceptum , vel molam , vel fatus.

*Uteri
ascen-
sus at-
que de-
scensus.*

Uterus etiam ferri è sua sede potest , isque modò ascendere , modò descendere , vel prolabi , & interdum in alterutrum latus inclinare. Ascensio adèò in quibusdam vehemens est , ut ad ventriculum etiam uterus velut globus aliquis afferratur , eumque graviter premat , indeque manu depelli suum in locum possit. Ubi

id

id vitium incidit, fœmina præcordiis dolet, & spirandi urgetur difficultate, & animi defectione, idque illæsa penitusque incolumi mente. Ubi autem descendere incipit uterus, mulier, si recta est, gravem in pudendum molem sentit in- cumbere, quæ digito etiam explorari, tangique, quoniam pudendo occurrit, potest: si supina est, vel alvum dejicit rectum urgeri intestinum sentit: si pro- na, difficulter mejit. Idem morbus lon- gè gravior redditur, cum eversus uterus (quod tamen rarius incidit) foras provol- vitur. Quo tempore ingens dolor pè- ctinem fatigat, oriturque subinde nervo- rum distentio atque tremor. Uteri fun- dum magnitudine ovi anserini aut stru- thiocameli foras prominet admisso digi- to obvius. Is si sic diu persistit, vix ul- lum auxilium periculo fœminam subtra- hit. Jam verò si convulsus uterus in in- guen dextrum vel sinistrum contorque- tur, crus totum maximèque femur tor- porem atque frigus habet, inguen, & interdum coxendix gravi dolore confli- ctantur. Is dolor vehementius incre- scens, nervorum infert distensionem, & quandam (ut vocant) uteri furorem:

Haud leye vitium est ab utero factus

*Uteri
convul-
sio.*

Q

stran-

strangu strangulatus, qui Græcis πνιξ ὑσπεντή vo-
latus. catur Eo incipiente nausea multa fit ,
ferèque sine vomitu : sequitur cibi fasti-
dium , cum ventris quodam rugitu , ta-
metsi hic iste non semper comitatur ;
post hæc incipit esse difficilis spiritus ,
creber , ac brevis : idemque post paulum
ita arctatur , ut veluti vinculo præstrictæ
fauces videantur , magno metu præfoca-
tionis , inter quæ leviter anima deficit ,
ex qua tamen re vix pulsus immutatur.
Tandem vero incipit affici caput , mentis
sedes , quæ tum iracundiâ , tum metu ,
similibusque passionibus turbatur. Sæ-
pius autem altus incidit quasi sopor , sub
quo obmutescit fœmina , totaque palle-
scens atque oculis clausis corruit , ac ve-
luti attonita jacet , sensus , motusque ex-
pers , sic ut comitali morbo videatur
prostrata. Spiritus huic summè parvus ,
rarus , & obscurus est , adeo , ut vix su-
peresse ullus credatur : pariterque ipse
propè concidit pulsus , tametsi etiam is
(ubi levius malum est) interdum con-
stet : cum remittit accessio , uterus pau-
latim laxatur , & humoris quippiam e-
mittit : tum obmurmurant intestina : o-
culi aperiuntur : malæ rubescunt , pro-
tinusque mens , sensus , ac motus fœni-

næ redeunt: sic ut eorum quæ inciderunt, penè omnium suppetat memoria, Diflert hoc istud vitium à morbo comitiali, quoniam neque oculi vertuntur, neque spuma ex ore movetur, neque admodum nervi distenduntur. Strangulatus causâ uteri genitus, multis crebro revertens perpetuus est: aliis protinus in ipsa est accessione, aut paucis post eam horis lethalis: quo tempore hæc ferè comitantur. Diu immoratur accessio: fit summè spiritus difficilis, pulsusque creber & ordinis expers, tametsi interdum totus etiam aboletur: perit insuper sensus & motus: summum corpus frigido sudore imbuitur: post quæ syncope incumbit, & mors. Minus grave vitium est, in quo hæc quæ proposuimus insunt omnia, solo illæso spiritu. Eò rursus minus grave, in quo sensus etiam, motioque, non tantum spiratio integratatem habet, cætera adsunt. Morbus hic quibusdam intervallis quasi circuitibus ut comitialis movetur, inciditque magis hyeme atque autumno, maximè calidis atque humidis puellis, ac viduis etiam quæ præter morem consuetudine viri diu caruere: itemque his etiam fœminis, quibus sterilitatem

medicamenta, non ætas, conciliaverunt.

*Men-
strua.*

Proximum nunc est ad eas observatio-
nes quæ de menstruis haberi possunt, transire. Ergo ubi hæc opportunè justo modo, & æqualis, bonique coloris singulis temporibus, & iisdem propè mensium diebus feruntur, optima, ac pro natura esse putandum est. Hisce autem erumpentibus horrores incidunt, & lassitudines, & capitis gravitates, & colli dolores. At verò periculum gravissi-
morum afferunt morborum, quæ nimium vel cohibentur, vel profluunt. Neque enim illud ab Hippocrate dictum ratione caret: utrisque his, quarum menstrua plus justo vel retinentur, vel fluunt, ab utero morbos fieri. Ubi præter modum, præterque ætatem retinentur, totum corpus fit grave, doletque caput cum gravitate, præcipue anteriore parte: hic dolor ad cervices etiam pervenit, ad scapulas, ad lumbos, & ad fundamenta oculorum. Sæpè fœmina, ac si concepisset, inhorrescit, sæpiissimè nauseat, ac cibum fastidit: nec raro etiam febriculâ urgetur: ipsa tota tristis, & inquieta est, subindeque viri consuetudinem concupiscit: urina crassâ est, turbida, rubescunda & interdum nigricans. Longa men-

*Men-
struo-
rum re-
tentio.*

menstruorum retentio , gravissimarum fomes ægritudinum est : ut furoris , melancholiae , morbi comitialis , resolutionis nervorum , caliginis oculorum , tussis , difficilis spirationis , præfocationis , dari viscerum tumoris , hydropis , podagræ , tremoris cordis , syncopes , & hujusmodi . Quæ fœmina lac habet , si neque peperit nuper , neque grava est , ea à menstruis defecta est : tum verò necessè est , si ea diu sic manet , acerbissimos in capite dolores fieri , vel morbo aliam quampiam partem infestari . Quod si inter hæc sanguis è naribus fertur , res omnis in tuto est . Quæ fœmina non peperit , gravius & citius retentione laborat menstruorum , quàm ea , quæ peperit : in hac enim venæ magis ad hanc fluxionem patent , in illa minus .

Æquè horrendum est , nimium menstrua fluere cœpisse , ex quo totum fit infirmum corpus , ejusque color vitiatur : labascit cupiditas , atque concoctio : crebri oriuntur febriles ardores , novissimè pedes molli tumore inflantur , indeque reliquum corpus , ex quo ipsa gignitur inter cutem aqua . Hoc genus fluxionis , si ob partum grandiorem incidit , ferè tutum esse , ac suaptè cessare sponte so-

let. Cum abortum sequitur, exanimare etiam fœminam, & præceps afferre exitium potest. Si rupta aut patefacta intus grandior vena est, crux profuse effluit. Si minor vena fuit, paulatim is ipse nec multus fertur. Ubi autem erosio venam afficit, non solum paulatim sanguis manat, verum etiam cum sensu doloris. Menstrua humidioribus fœminis diutius durant, citoque hæ, nisi illa profluunt, intumescunt.

*Fluor
mulie-
bris.*

Huic fluori is quodammodo affinis videatur, quem Latini muliebrem, Græci *πούντην* dicunt. In eo tamen non purus fertur sanguis, sed quid corruptum, idque assidue, nullove certo vel ordine, vel circuitu. Quod protmanat, alias liquidum est cremori simile, alias citrinum, aut pallidum, idemque acre, atque mordax, cui modò nullus odor, modò gravis adest: utrique autem vitio commune est, locos humoribus madescere, fœminam decolorem fieri, eamque neque appetere cibum, neque ejus fructum sentire, oculosque (ubi fluor inveteravit) habere prætumidos, & difficulter spirare. Uteri fluor non solum ætate maturas, verum etiam virgunculas afficit juiores, quas esse foedas tristis pallor facit.

Ul.

Ultimo hoc loco ea jam proponenda animadversio est, quæ de abortu, atque incommodo haberi partu potest. Sed prius quædam de conceptione dicere non alienum est. Primum itaque scire licet, *Imprægnatio-nis im-* non concipere fæminam posse, cui *nisi im-* mium frigidus ac densus est uterus, in *pedi-* quo nimirum viri semen extinguitur; nec *menta-* etiam, cui is ipse præsiccus atque calens est: nam semen, deficiente nutrimento, corrumpitur. Nec concipit, cui præter naturam crassæ os uteri ab omento comprimitur, nec cui nimis tenue corpus atque macrum est. Si finitis menstruis os uteri non siccatur, sed humidum manet, signum est, conceptionem fieri nondum potuisse. Quæ fœmina concepisse se rata, non concepit, & per multos fallitur menses, menstruis jam tum cessantibus, simulque ventre augescente; ea caput dolet & præcordia, neque lac, nisi modicum, & id aquosum habet. Verum quæ concepit, ea his doloribus (nisi si familiares sunt) caret, & lac non improbum habet. Fœcunda mulier sanitatem utitur firmiore, at citius est anus: sterilis autem diutius juventæ decorem servat, at non firmitæ valetudinis est. Concepisse autem fœminam hinc scire licet, cum ea simul-

cum viro aut paulò post magna voluptate semen emittit, idque intus, cum eo quod viri est, retinet, sic ut mulieres minimè madescant loci. Tum horrore mulier eo ipso afficitur die, aut veluti quadam titillatione contrahi uterus sentit: cuius deinde os ita clauditur, ut ne specilli summam admittat apicem: idemque, interposito tempore, interius retrahitur, ut vix explorari digito obstetricis possit. Inter hæc menstrua compressa sunt, nisi si primis aut novissimis mensibus, non ex ipso quidem utero, sed ex iis quæ ad cervicem ejus pertinent, venis, (ut in virginibus fit) sanguis nullo fœtus incommodo feratur. Post hæc mammæ grandescunt, latera, lumbique exporriguntur, ac venter totus sine ullo molesti ponderis sensu intumescit: ut hoc quoque discrimine, tum à mola, tum ab uteri hydrope verus differre conceptus possit. Per hæc tempora frons interdum maculis fœdatur, vel citrinis, vel lividis, ipseque oculorum ambitus aspectu languido aqueum livorem exhibet: urina citrea est aut sublivida, itemque crassâ ac turbida, quæ levi concussione bullat, vel granula è summa corona demittit: hujus sedimentum crassum est, atque in-

star

star carptæ lanæ non benè junctum : ea-
dem urina, si vinum album accepit, si-
milis fit juscule coctarum fabarum. Tan-
dem verò fœtus moveri incipit, certissi-
mum sui præbens judicium : id quod a-
liis citius, aliis tardius, plerisque omni-
bus media imprægnatione contingit. At-
que hæc concepti fœtus certæ notæ sunt,
qui, priusquam absolvatur, edaturque
in lucem, multis sollicitare incommodis
matrem potest. Ea enim, si alicui op-
portuna morbo, aut humorum vitio an-
tè fuit, id secundo, tertiove mente sen-
tire incipit. Itaque tum tota ea lassæ *Præ-*
redditur, lumborumque, & inguinum, ^{gnan-}
& femorum dolorem, gravitatemque pa- ^{tium} *incom-*
titur, ac gravi somno per diem urgetur. *moda*
Inter hæc cibi amittitur cupiditas, fit-
que ingens nausea, quæ modo irrita est,
modo bilis vel pituitæ vomitum ciet.
Hic ipse si non sequitur vomitus, fit
protinus difficilis spiratio, & vertigo,
animique tum anxietas, tum levis defe-
ctio : interdum etiam absurdâ oritur re-
rum alienarum appetitio, ut terræ, car-
bonum, testarum, & hujusmodi. Sed
perire hæc omnia post quartum aut quin-
tum prægnationis mensem confueverunt.
Cæterum ubi jam grava fœmina

cœpit, si subitò mammæ macrescunt, abortus periculum significatur. Si cùm eadem gemellos fert, altera mamma extenuatur, alterum abortit: marem quidem, si dextra emacruit: fœmellam autem, si sinistra. Hac enim parte magis fœmellæ, illâ potius mares gestantur. Æquè magnum abortus periculum est, mulierem utero ferentem acuto morbo rapi, aut sanguine per incisam venam inaniri, aut potentibus medicamentis purgari: utique si longo jam spatio grandior redditus foetus est. Quin etiam sine medicina partum elidere cita alvus potest Prægnantibus hæmorrhœis, valde malum: Erysipelas in utero, perniciosum: lac etiam ubi è mammis profluit, præcipueque aquosum, imbecillum esse arguit, quod prægnans intus gerit. Duræ mammæ, incolume id esse testantur. Si gravidæ menstrua solito more fluunt, sanus esse foetus non potest. Si febribus eadem conflictatur, aut vehementer sine causa manifesta emacescit, magno negotio periculoque patit: aut certe abortiens, in discrimine versatur. Ferè autem præter naturam tenuis tantisper abortit, donec facta sit habitior. Quæ autem mediocriter corpulenta

pulenta secundo aut tertio imprægnationis mense sine evidenti occasione abortit, huic acetabula (Græci ~~αστυληδόνες~~ vocant) plena lentoris sunt: sic ut fœtum continere nequeant, pondere gravem suo. Quicunque autem prægnanti inciderit casus, spem securitatis amittere non oportet, mammis nondum graci-
Signa
lescentibus. Cæterum si fœtus vitâ ca-
emortui
ret, nullus intus motus est, qui ante fre-
in utero
quens fuit: venter gravis est, & quasi
procidere velle videtur, nihiloque secius
ac si hydope urgeretur, intumescit,
distenditurque, & cadaveris pondere oneratur: idem simulque latera refrige-
scunt, quæ antè caluerant: ingens dolor
circa umbilicum versatur: stomachus
mordetur: spiritus malè olet: oculi mi-
nuuntur dolentque: nares atque aures
frigidæ fiunt: totus vultus pravo colore
fœdatur: ipsa mulier crebrò inhorreficit:
& in animi labitur defectionem: inter-
dum convulsionibus quasi comitialibus
distenditur: ferè autem semper gravi vi-
gilia urgetur. Porrò futuri abortus hæc
Abortus
signa traduntur. Mammæ sponte exte-
tus
nuantur, aut ex his lac aquosum fertur: *præsa-*
latera, superiusque venter arctantur:
lumbi, coxæque gravitatem insolitam
gia.
habent,

habent, & pigrè moventur: fœtus, si vitam habet, vix movetur: postremò aqua profluit saniosa, tenuis, dein sanguinea, post quam ipse sanguis, hinc grumus, atque tum protinus fœtus excluditur. Cæterùm quum hoc ipso incolumi partus incipit tempestivus, plus laboris esse solet in pingui muliere, quam in tenui: plus in puella edenda, quam in masculo. Ferè etiam plus negotii abortus, quam maturus partus exhibet. Prælagire autem difficilem partum lis par- licet, si totus ante fœtum aquosus humor tus no- effluit: aut longa, copiosaque sanguinis eruptio antecessit: si ipsa fœmina crebrò inhorrescit, & languidiore dolore, perque longiora intervalla urgetur. Rectè enim Hippocrates judicavit, partus sine debito dolore periculosos esse. Ubi mulier à partu haud commodè purgata est, venter, & interdum crura tument: dolor atque rigor lumbos atque imum ventrem occupat: fitque interdum animi defectio. Quod si ex partu febris cum ingenti continuoque dolore capitis infestat, scire licet in magno rem metu esse.

Uteri vulne- ratio. Ubi uterus vulnere percussus est, inguina dolent, & coxae, & femora: sanguis partim ex plaga, partim obfcoenit

Iocis effertur, sequiturque bilis vomitus. Novissimè, ubi in propinquo exitium est, eadem quæ corde vulneratis solent accidere, sequuntur.

Observationes in vitiis articulorum utiles.

MOrbus articularis Græcè *αρθρῖτις* appellatus, sub quo nomine *αρθρίτης*, *χειροαρθρίτης*, & *ισχιατίτης* comprehen-
dimus) diu trahere, & per intervalla re-
currens, gravibus tormentis dolorum af-
ficere hominem solet: neque ullus ferè
morbis est, qui magis à parentibus tra-
hatur. Is ipse interdum repente in o-
mnes irruit articulos: saepius paulatim ac-
cedit, oriturque levis chiragra, vel etiam
podagra, maximèque calidioris naturæ
hominibus: sic, ut hunc dolorem nemo ni-
si expertus, morbi esse articularis crederet.
Ab his partibus, multo spatio dolor ad cæ-
teros articulos irrepit, quibus ex more esse
infestus solet. Quin etiam cùm malum in-
valuit, vertebræ quæ in spina sunt, afficiun-
tur, genæque dolent, atque ipsum inter-
dum guttur, nec ulla ferè ossium connexio
hujus expers cruciatus est. Quæ pars
huic vitio patet, ex leve occasione fati-
gata, æquè frigido, calidoque offendit-
tur. Hic autem morbus, ubi ad sene-
ctu-

Etutem usque inveteravit, aut certè in ea esse coepit, itemque ubi extra hanc ætatem callum contraxit, nunquam ex toto sanatur. Dum callum dico, nodosam illam intelligo arthritidem, sub qua diducuntur articuli, distorquenturque, & motu pereunte curvi fiunt. Juveni autem semper facilius succurritur, si amans laboris est, & accurate vietitat, & facillem alvum habet: præcipue, si quæ morbum fecit materia, non ex diversis mista humoribus est. Quæ omnia tamen sic spem faciunt, ut interea nondum aliquis contractus sit callus. Nihil æquè propemodum hoc morbo affectos adjuvat, atquè tormina, vel quocunque modo fluens alvus. Nihil penè gravius est vi-
no, atque Venere, si modo carent. Propter febrem quoque, & fieri vitia articulorum, & sanari possunt. Salutiferum in his signum est varices nasci, aut urinam crassam & multam esse. Atque hæc quidem communia sunt in omni Arthritide. Nunc illa, quæ magis propria cuique vitio censentur, sequar. Χειράγρα in manu est, ejusque vel carpum affligit, vel partem externam, vel articulos ac vincula digitorum: circùm sæpè tumor, rubor, calor, pulsansque dolor est.

Xειρά-
γρα.

ποδαγρα autem pedes infestat, ingeritque tormentum, vel malleolis, vel plantæ, præcipueque pollicis articulo: eademque hic, quæ in priore inesse vitio diximus, sequuntur. Podagra raro castratos, vel pueros antè Veneris usum, vel mulieres quæ menstruis carent, adoritur. Quæcunque pars tum hic, tum in superiore vitio, morbo patet, ea debilior fit, & emacrescit. Podagræ dolores, cessante inflammatione, intra dies quadraginta conquiescunt: iideinque magis Autumno, atque Vere moventur. Coxæ autem dolor (Græci ἡσχία nominant) alius ad summum natum, non in magno ejus articulo defigitur, inde in femur quoque fere, & in suram, & in extremum pedem extendit. Idem interdum circa inguina inhærescit, & urinæ difficultatem lacefit vescicâ parit. Ipsum vero crus modo calidum, modo frigidum est. Rarò evidens emergit tumor, minus sœpè calor aut rubor. Id autem vitium graviorem præ cæteris generibus dolorem movet: ferèque post longum morbum, inclinatâ in coxam materiâ, gignitur. Porrò longissimum erit, atque nequaquam anno finiendum, si ingens torpor subest, & crus, coxaque, &

lum-

lumbi multum frigent, aliusque nūnquam, nisi ubi coacta est, respondet, & nil nisi stercoraceum mucum reddit: si denique arrigi pudendum non potest, hominisque ætas annum jam emensa quadragesimum est. Huic vitio succurrere Ver atque Aestas potest: parum sperare vel Hyeme, vel Autumno licet. Junioribus æquè graves dolores atque senioribus, at non æquè longa morbi hujus spatia sunt: ante quadragesimum enim diem juvenes liberantur: minus etiam vehe mentes his torpores fiunt, minusque crura, ac lumbi frigent. Jam verò si sub eodem morbo dolor lumbos, coxamque deserit, & ad inferiorem vertitur partem, sperare utique bene licet: sin contrà, coxâ, lumbisque non desertis ad superiora pervenit, rem difficillem esse testatur. Quòd si eo jam ipso in vetustatem incidente femoris caput elapsum extrà coxam est, protinus femur contabescit, homoque nisi ustus est, claudicat. Observatum haud rarò est, ex hoc coxae dolore natum hydropem esse. Sanata podraga, atque ischias facile reverti consueverunt: at cæterorum vitia articulorum non item. Ubi in humerum articularis doloris tormentum incubuit, nullus evi dens

dens tumor, vel calor, vel rubor est: ubi cubitum aut genu affigit, multum & doloris, & tumoris exhibet, at ruboris, colorisque perexiguum.

Observationes in vitiis cutis utiles.

VAriis incommodis tædiique plenis nostra exposita cutis est, quæ quamvis per se periculo vacent, fœda tamen esse, & propter malum fieri corporis habitum solent. Primo itaque loco scabies ponatur, ἔυστος Græcè appellata, durior *Scabies*: illa scilicet cutis aspretudo, levisque exulceratio pruriens, & interdum rodens. In hac pustulæ oriuntur modò humidiiores, modò sicciores: his ruptis, ulcus fit. Id purgata sanie crustula tectum obdurescit. Eo autem gravius malum est, quò magis cutem asperat, quòque prurit magis, & quò plures occupat partes, & quò somnum magis aufert. Pravis ea radicibus, quæ talis est, nititur, magnoque negotio tollitur. Itaque hanc Græci αγειαν, id est, feram nominaverunt. Scabies omnis aliis quidem ex toto definit, aliis certo anni tempore revertitur. Ægerrimè autem in senibus sanescit, pessimaque esse in capite solet.

Hoc vitio gravior impetigo est, dura-

R

ni:

Impeti- nimirum, aridaque cutis aspretudo, mul-
 gō. tā molesta prurigine. Ea ferè vel ma-
 nus occupat, vel pedes, habetque spe-
 cies numero quatuor. Ex his minimē
 mala est, quæ scabiem repræsentat, in
 qua asperata cutis rubet, subduraque est,
 & erodente pruritu laceſſitur. Id com-
 muniter pruriginem vocant. Pejor est
 ea quæ asperior, rubicundior, & majo-
 res pustulas exhibet, estque ea impetigo,
 quæ Græcè λειχή appellatur. Prorsus
 autem hīc varia cutis figura est, & ro-
 sio major, multæque squamulæ decedunt,
 tum ipsum etiam malum latius vagatur,
 celerius serpit, certioribus temporibus &
 fit, & ceſſat. Tertia autem longè hac
 atrocior, pejorque est, quæ circum tem-
 pora oritur, aut certè ibi esse definit, ne-
 que unquam ex toto posse tolli videtur.
 Præcraſſa cutis est, longèque durior,
 ac magis tumens, eademque ſiccitate de-
 hifcens, paſſim finditur: magis etiam e-
 roditur, ſquamulas ſubnigras remittit fur-
 furibus ſimiles: iſtud vitium Græci Ψεργά
 dicunt. Pefſimum, atque infanabile quar-
 tum impetiginis genus est, quod Græcè
 λέπρα appellatur: id erosine latius pro-
 cedit, totumque cum ſubjecto humore
 fulbalbidum eſt, ac ſpeciem recentis ci-

Ψεργά.

ca-

catricis repræsentat: adhæc cutis fissâ ac vehementer dura est, ex qua cum squamulis (quas ea habet subalbas vel pallidas) sanguis fertur. Facile Lichen negligetus in psoram, & hæc in lepram vertitur. Ferè paulatim emacrescunt hi quos semel vel psora, vel lepra contaminavit. Impetigo hoc à scabie distat, quod siccas pustulas habeat, omnis tum humoris, tum saniei expertes: contra scabies habeat.

Nunc de vitilagine dicam, in qua cutis alienis maculis, iisque non continua-^{80.}
tis, at variè disjunctis vagantibusque fœdatur. Sub hoc vitio sensus affectæ partis vel obtorpeſcit, vel totus amittitur. Est autem generum id duorum, 'Αλφὸς ^{αλφὸς.}
ſcilicet, & λεύκη. Sub priore summa tantum afficitur cutis, eftque maculis quibusdam ceu umbrâ obscurata, fitque hoc modo Alphus vel albus vel niger: itaque novissimus hic Melas appellatur. Porrò Leuce longè altius totam cutem, ^{λεύκη.} non tantum summam prehendit, magis que quam Alphos albet. Pili è cutè excidunt, & vicissim nascuntur novi, tenues, albi & omnia lanugine similes. Alphos vix unquam, niſi cum inveteravit, cutem penetrat. Leuce non ſolum hanc,

sed ipsam etiam ad ossa usque afficit car-
nem: ille curationem non difficultam
habet: adhæc vix unquam remediis tolli-
tur, aut si certè tollitur, semper eo lo-
co pravi relinquit coloris vestigium. In
Leuce cani pili sunt: in Alpho naturales.
Ex hoc, ubi quis locum acu pupugit,
cruor fertur: ex illa, sanies aquosa dun-
taxat, utrumque autem vagatur, verùm
in aliis citius, in aliis tardius. Experi-
mento discitur utrum sanabile quid ho-
rum sit, nec ne. Nam cutis inciditur,
aut intromissâ pungitur acu: tum si
cruor promanat (quod ferè in utroque
Alpho fieri diximus) sperari curatio po-
test: si tenuis subalbaque sanies, non
potest. Æquè inanis omnis medicina
est, si id vitium inveteravit: si magnum
spatium multaque occupat corporis loca:
si altè intra carnem demersum est: si lo-
cus ex toto colorem amisit suum, ac
quidvis potius quam ruborem habet: si
denique aspero panno perficta cutis, co-
lorem non mutat. Omni vitilagini ma-
lus jungitur corporis habitus, quem qui
habet, is huic vitio magis opportunus
est.

*Exan-
thema-
ta.*

Exanthematum quoque hoc loco pro-
ponenda observatio. Hæc ubi quidem
intus

intus immorantur, nondum tamen foras
emerserunt, talia fiunt. Totum corpus
sit grave, & punctionibus quibusdam af-
ficitur: dolor vehemens in capite, ali-
quis etiam in pectore, in faucibus, &
in dorso est: sicco ore crassum sputum
vix extunditur: oculi intumescunt, pru-
riunt nares: raucescit vox, spiritus diffi-
culter, crebreque trahitur: totus vultus
ardore, ruboreque quasi efflorescit: in-
ter hæc multa somni cupiditas est, ori-
turque febris Synocho non usquequaque
dissimilis. Ubi verò id vitium foris quo-
que sese in cute prodit, increscunt quæ
modò dixi omnia, præcipueque capitis
dolor, & spirandi difficultas: ipseque
pulsus æquè ut antè creber, velox ac ve-
hemens manet. Ferè autem iincipiente
eruptione, facies quibusdam maculis im-
buitur, quæ mox subeunte humore, vel
aguntur in altum, vel in latum exporri-
guntur: illa, sublimia exanthemata: hæc,
lata vocamus: priora exulcerant, & pru-
ritum movent, quo certè lata carent. Id
autem genus vitii, aut corrupti excre-
menti dejectione, aut copiosis sudoribus
conquiescit. Vix quisquam hominum
est, quin vel semel sic laboret ante legi-
timam ætatem. Magis autem exposui

exanthematis sunt infantes atque pueri: seniores rarissimè, & non nisi summo periculo ita ægrotant. Quanquam autem exanthemata in quælibet cadere anni tempora possunt, magis tamen Vere, & sub Autumni finem oriuntur, idque humidis magis, quam siccioribus corporibus. Tutiora autem sunt quæ citò emergunt, (aliis enim protinus id accidit, aliis tertio, vel quarto, & interdum quinto post infirmam valetudinem die) & quæ citò (si sublimia sunt) maturescunt, quæque rubra, magnaque sunt, minimèque si bi mutuo contigua: adhæc quæ febrem non vehementem movent, eamque egressa ipsa finiunt. Cæterùm mala sunt, quæ lentè prodeunt, magisque si violacea sunt, sub his enim frequens fit syncope. Commoda quoque non sunt, quæ vel lividi coloris, aut viridis, aut atri sunt, quæque iteratis vicibus modò rursus occuluntur. Æquè mala sunt ea quibus ingens accedit febris, vehemensque spirandi difficultas, & inquietudo corporis, & multa sitis, & infirmæ naturæ vires. Hisce ita concurrentibus, magna ex parte ægri pereunt, magisque si lata exanthemata sunt. Certæ

mor-

mortis syncope est index, itemque urina sub imbecillo robore viridis. Perniciosum etiam est post cruentam urinam, nigrat meji cœpisit. Nihil æquè attente observari, atque vox & respiratio debet His enim integris, magna spes est; violatis, dubia. Quisquis huic malo succumbit, ferè tanquam ex angina præfocatus moritur, aut certè propter tormina, alvique profluvium labascente naturâ exanimatur. Exanthemata sæpè sine ullo vitæ periculo, sine pestis nota in populum aëris vitio grassantur: sæpè hæc ipsa pestem, malasque judicationes sanguineæ febris comitantur: raro aliquis ex sublimibus moritur, multos lata tellunt.

Observationes in vitiis utiles, quæ non certam partem aliquam, sed variam occupant.

INflammatione, quæ Græcis φλεγμονὴ Inflammatio dicitur, his sese notis prodit. Pars *matio*. affecta tumet, prementi digito renititur, tenditur, calet, rubet, & pulsanti dolore urgetur: is morbus aut latente materiae resolutione finitur, quod probandum est: interdum citra hæc malignus.

esse incipit, quod pessimum est. Malâ etiam curatione, in durum, sensusque vertitur expertem tumorem, quod bonum non est.

Gan-
græna. Grandiorem inflammationem subinde gangræna, atque sphacelus consequuntur. In priore, pars emori incipit, tenditque ad innati caloris extinctionem: tum autem floridus inflammationis color perit, simulque dolor & pulsatio. In *Sydera-* sphacelo autem (qui Latinis Syderatio dicitur) pars sensum, motum, ipsamque vitam tota amisit, fitque prorsus nigra, mollis, putris, & malè olens, & cadaverosa. Hic casus (nisi corrupti membra amputatione mature succurritur) præcepit exitium affert.

Car-
buncu-
lus. Utilis quoque in eo vitio observatio est, quod Græcis ἄνθετος, nobis Carbunculus appellatur. Locus primùm prurit, dein rubore picis, aut bituminis more splendescente efflorescit, & maximo dolore urgetur: tum protinus pustula vel una, vel multa oritur, flagrantissima, non nimium eminens, eaque nigra est, & interdum livida, vel pallida. Hac erupta ulcus cum crusta gignitur, qualis inūri ferro candente solet, eademque inflammatione cingitur, atque vi ardoris extorretur. Itaque cutis eo loco sic infe-

teriori carni adstricta, affixaque est, ut
inde diduci ea, dividique non possit: quæ
in proximo sunt partes, caloris, doloris-
que incommodum consensu quodam o-
mnes percipiunt: præter hæc, horrore
subinde homo concutitur, ac febre per-
turbatur, cui multa accedit nausea, &
somni cupiditas, & cordis tremor: ipse
verò tumor nunquam suppurat, sed ex-
cidente tandem, corruptæ, propter ex-
ustionem carnis, particulâ cavum acci-
pit, & sordidum ulcus. Id genus mali
acutum, & ex toto mortiferum est, ma-
gisque si febrem excitavit, si non longè
a præcipuis absistit visceribus, in axil-
lis scilicet, & in inguinibus. Metus e-
nim est facilè id intrò reversurum: quod
ubi incidit, in certo vitæ periculo ho-
mo versatur, maximèque si plura etiam
signa comitantur non bona. Sæpè etiam,
cùm id vitium circa stomachum fauces-
ve ortum est, subitò spiritum elidit. Mi-
nus lethalis Carbunculus ruber est, at-
que hinc pallidus. Niger ex toto pesti-
lens ac pernitiosus est. Grave autem
pestilentiae tempus omnis penè carbuncu-
lus & antecedit, & comitatur, idemque
rum penitus est exitialis. Qui verò aliàs
oritur, is, etsi maximis quoque dolori-

bus terrere posse videatur, curationem tamen non difficillimam habet.

Erysipelas.

Erysipelas. quoque proponenda animadversio, tum simplicis, tum ejus quod exulceratum est. Utrique commune est, horrorem ferè, ubi incipit, & febrem movere, semperque minus inflammatione, tum dolere, tum intumescere, perque corporis summa latè diffundi, coloris esse ex rubro flavescentis eoque colore ubi digito urgetur privari, iterumque ubi laxatur imbui, ad hæc pulsationem non habere, multòque minus tensionem, itemque ex una sede in aliam serpendo migrare, & locum quem obsidet, mordere atque urere Simplex Erysipelas ardorem ceu quandam deflagrationem & ruborem sine ulcere exhibet. Hippocrates Aphorismorum libro, *ἐπιφλόγισμα* nostri similitudine coloris ducti, Rosam vocant. Quod vitium is author per anginam pestiferum esse scripsit, si postquam semel exortum in pectore est, subito rursus intrò revertit. Cæterùm ubi exulceratum est Erysipelas quod propriè facer ignis appellatur, cutis aliàs summa afficitur, in eaque crustulæ tanquam furfuraceæ oriuntur, aliàs tota ulcus sustinet, ruptisque pustulis saniem

*Ignis
sacer.*

pu-

purulentam reddit. Erysipelas sæpiſſime in facie versatur, eamque subinde fer-pendo, totam occupat, multūmque tum intumescit, tum expanditur, ac, niſi remediis succurritur, rapere etiam hominem strangulatu potest. Pravum quoque eſſe ſolet, quod propter confractum, aut nudatum os natum eſt. Semper autem utile eſt ab interiore parte ad externalm Erysipelas ver-ti: pestiferum ab hac ad illam demigrare. Ab eodem vitio putredo aut ſup-puratio inimica ſunt, id quod nunquam propè accidere ſimplici Erysipelati ſolet, ut quod magis perspiratione cuticulari latenter diſſipatur.

Nunc propter caufæ affinitatem de *Papu-papulis* dicam, quas herpetis appellatio-*læ.* ne ſignificari video. Earum duo gene-ra ſunt, alterum ſimplex, & mitius: al-terum exedens ac ferum, quod ideò Græ-ci *ἄγριον* dicunt. Simplex minimis pu-stulis ſummam cutem exasperat, levi-terque rodit, & rubore ſuffundit, & pruritu ſollicitat, in orbemque ferè pro-cedit, ac plerumque fanefcente medio extrema longius vagantur. Id vitium, quoniam pustulas exhibet milio ſimiles, Græcè ὁ τῆς αεγχίας θηρός appellatur. U-bi

bi verò ferè papulæ sunt quas Græci
~~τοθιμένας~~, id est, exedentes vocant, si-
 militer quidem, verùm magis cutis, non
 summa, sed tota exulceratur: magisque,
 & roditur, & rubescit: ex pustulis ru-
 ptis ulcuscula sunt arida sine sanie, sine pu-
 re. Ut hic quoque nomine id vitium ab
 igne sacro, cui alioqui omnia propè simi-
 le est, differat. Nam huic magnæ sunt
 pustulæ, exulceratae, humidæ, è qui-
 bus pus saniosum. Papula omnis mini-
 mè omnium ulcerum, quæ depascendo
 serpunt, periculosa est. Verùm cura-
 tionem difficultem & longam habet, ma-
 ximè ea quæ minus rotunda est. Talis
 enim in impetiginem, si sublata est,
 transit.

Laxus *Oidηπα*, tumor laxus & mollis, & al-
 fine sen- būs est, sine dolore, sine calore, idem-
 su tu- que dígito pressus fossulam quandam red-
 mor. dit. Frequens id vitium pedibus, inter-
 dum & toti corpori eorum est, quos a-
 qua inter cutem, aut tabes, aut malus
 habitus consumxit. Idem sæpiissimè re-
 solutum conquiescit, nec rarò in nodos
 quosdam & excrescentia tubera degene-
 rat. Promptius per hyemem crapulosis
 & senibus accidit.

Durus At verò i ~~ετιερ~~ prædurus ac renitens
 tu-

tumor est , ac sensus (si quidem exquisi- *sine*
tus est) expers , colore inter rubrum ni- *sensu*
grumque medio. Idem initio exiguis , *tumor:*
paulatim ad grandiorem molem insurgit.
Sæpè eo vitio jecur , sæpius lien tenta-
tur , non sine certo metu gravissimorum
ac lethalium morborum. Interdum aliis
etiam partibus accidit , quum perperam
curata in ipsis inflammatio , vel Erysipe-
las fuit. Recens scirrus , si premitur
doloris exhibet sensum aliquem , & lo-
cum medicinæ præbet. Consummatus
sensu penitus caret , neque tolli remediis
potest. Scirrus aliis resolvitur , aliis
perpetuò durus manet , quibusdam etiam
in cancrum vertitur.

Finitimæ huic vitio sunt strumæ ,
Græcis *χολεριδες* appellatæ , duri scilicet *Struma*
glandularum tumores , maximèque in
collo , in quo longa serie disponuntur:
unde interdum ad alas perveniunt , item-
que in pectus , & in mammas fœmina-
rum : inguinibus etiam quorundam infe-
stæ esse solent. Hoc ipsum vitium in-
terdum mitius est , tumque tumorem ex-
hibet æqualem , rotundum , circumscri-
ptum , non maxime durum , inflamma-
tione doloreque carentem , omnia scirrho-
similem. Porro ubi vetus id graveque
factum

factum est, malignum ulcus & serpens,
& erodens accipit; unde ipse quo com-
prehenditur ab eo locus locaque proxi-
ma exeduntur. Idem interdum mali-
gnitate adeo effriteratur, ut haud multum
a Cancri absit natura: tum febris etiam
movetur, tumorque est inæqualis, in quo
pulsantes dolores insunt, ipsæque venæ
eminent. Idem manuum contrectatione
fit pejor & per omnem vitam, quoniam
non maturescit, durat: ac sive ferro, si
ve medicamentis hæ strumæ curantur,
ferè juxta cicatrices resurgunt. Strumæ
omnes magno negotio tolluntur, acci-
duntque maximè (quibus etiam minus no-
xiæ sunt) pueris, præcipue si breve his
collum, & pressa tempora, & largæ ma-
xillæ sunt. Adultioribus, magisque ad
senilem ætatem provectis, raræ quidem,
at difficillimæ omnes sunt strumæ. De-
teriores etiam esse volunt, quæ dolore
carent.

Cancer. Periculorum, & propter longam du-
rationem plenum tædiorum Cancri vi-
tium est, Græci *καρκίνον* vocant. Tu-
mor est durus, rotundus, inæqualis, aspe-
ctu teter magis, quam inflammatio ni-
gricans, at non juxta fervidus. Idem
latè circum circâ dolet, qui quidem es-
se

se mollis intuentibus videtur, verum tamen occurrit durissimus. Circa eum venae interdum plenae, vel pallidæ, vel lividæ tenduntur, & quasi incurvantur: sic ut animantis cancri diductos pedes similitudine quadam repræsentet. Ubi id malum incipit, formâ ciceris exiguum est, durum, rotundum, obscuri coloris, idque alias aliquo cum dolore & calore, alias sine his: atque interposito spatio crescens, magnitudine fabam & hinc nucem juglandem, aut quid his majus æquat. Idem tumor modò sine ulcere, modò cum eo est. Ubi id est, suprà hæc quæ proposui, pars assidue exeditur, ejusque profundum rofione suffoditur, corruptæ carnis exhibens formam, exitque fantes pestilentissima, tenuis, nigra vel fulva, copiâ, & odore abominabilis: ulcus ipsum inæquale, labiis cum tumore præduris & inversis, concretâque humorum illuvie teterimum est: lenta febris assidue tenet, crebròque anima deficit: maximè si vitium non procul à corde est: interdum multus sanguis ex ulcere propter exesam venam fertur, semperque malum crescendo, donec occidat, ferbit. Scire autem licet, ut omnibus

cor-

corporis partibus inesse hoc vitium posse, ita saepius fœminarum accidere mammis consuesse, itemque ori, oculis, vulvæ, peni vel ano, magisque si menstrua diu suppressa sunt, vel si diuturnæ curatæ fuerunt hæmorrhoides, aut longa quartana febris afflixit. Ubi recens cancer est, neque adhucdum aliquo in membro vetustate penitus infedit, curationis aliquam viam præbet. Quum vero is inveteravit, aut penitus etiam inhæreſcit, nullâ medicinâ vincitur, magisque si simul etiam ulcus accessit. Sed & curationibus magis lacerſit, quam juvatur: nam si ferro quis adufſit, multò magis id tum concitatur efferaturque, & exitii causam certi præbet. Tum etiam etſi scalpello excisum est, tamen post inductam cicatricem revertit, crescitque donec vitam adimat.

Vulnus. Proxima nunc est vulnerum atque ulcerum observatio. Tutissimum vulnus est, quod lineæ modo rectum, & in carne, & tantum discissione illatum, non etiam collisione est: præstat enim acuto telo percussum aliquem, quam retuso esse. Malum autem vulnus est, ex quo aliquid excisum est, aut alia parte

re abscissum , aliâ dependet. Omnia-
que pessimum rotundum est. Lethalē
est quod cor accepit , vel cerebrum , vel
ventriculus , vel jecinoris portæ , vel
spinæ medulla , vel pulmo medijs , vel
tenuum aliquod intestinorum , vel cir-
ca fauces magnæ , tum venæ , tum ar-
teriæ. Æquè certum periculum , at
non æquè præceps affert , quod mem-
branas , quibus cerebrum continetur ,
violavit , aut jecinoris crassum , aut re-
nes , aut lienem , aut vulvam , aut ves-
cam , aut septum transversum. Anceps
etiam casus , & metu plenus est , in a-
lis , & in poplitibus grandes venas intus-
que conditas icta esse , itemque eas quæ
ad anum , & ad testiculos perveniunt :
tum enim periculum omne in nimia
vertitur sanguinis profusione. Non tu-
tò etiam loca inania , & articuli , &
quæ pars inter digitos est , itemque alæ ,
& fæmen , & caput muscularum , vel
nervus , arteria , membrana , os , &
cartilago vulnerantur. Periculo quoque
subjacet quocunque magnum est. Por-
rò ex omni vulnere facilius sanescit puer ,
vel adolescens , quam senior : firmus ho-
mo , quam impotens : quadratus , quam
nimis vel gracilis , vel plenus : tempe-

trans, quam vino, Venerique deditus. Vulnus citissimè sanescit Vere, tardius Æstate, atque Hyeme, tardissimè Autumno. A vulnera distentio nervorum lethalis est. Malum etiam esse vulneratis compressam alvum Hippocrates judicavit.

Ulcus.

Quædam etiam in genere dici de ulceribus possunt. Neque enim simplicia ea esse semper, sed & tumorem interdum collisionemque habere constat: eademque alias nimia carne, quæ super increvit, onerantur: alias varicibus implentur: nonnunquam duris labris ac decoloribus cinguntur. Non raro etiam ubi facta cicatrix fuit, interposito tempore rursus inflammatione lacescantur, ac disrumpuntur: maximèque iis casibus, ubi os subitus corruptum est, incidit, id quod hic sciri licet, quoniam os primum pingue fit, dein nigrum, vel cariosum. Jam etiam malignum esse ulcerus (*κακοῦς* Græci dicunt) atque ægrè admittere cicatricem solet, quod *συρπούλωτος* vocant. Id magis fieri per pravum corporis habitum, aut per jecinoris lienisque affectiones compertum est: ac tum ferè vel callosa labia sunt, vel varices juxta inhærescunt, ipseque

fœ-

fœdi homo coloris est. Fit quoque exedens subinde ulcus, quod sanas etiam carnes in vicino positas, non tantum corruptas, atterit, depascitque, Græcis *νομάδες* appellatur. Id verò oriri maximè post ea consuevit vulnera, quæ medici imprudentiâ, mordacibus agita- ta medicamentis sunt : aut certè post ignem sacrum, postque eas pustulas, quas acer bilis multo pruritu excitavit. Hu-
jus ipsius generis *φαγεδαινα* est, quæ φαγε-
latè vagando, cutem & primam tantum *δαινα*.
carnem exedit : ulcus etiam interdum
est cavernosum, cuius osculum angu-
stum est, fundum altè intrò descendit,
ac latè sese in varios sinus tanquam in
cuniculos diffundit, id modò intus du-
rum callosumque est, modò non est.
Ubi est, fistulæ nomen accipit, cuius *Fistula.*
multa haberi observatio potest : siqui-
dem alia curatu facilis, alia difficultis,
& quædam penitus incurabilis est. Ex-
pedita medicina est, cum id vitium sim-
plex atque recens intra carnem consistit,
magisque si juvenis aliquis ac firmo cor-
pore est. Difficilis esse fistula judicatur,
quæ os, vel cartilaginem, vel nervum
læsit : itemque ea quæ articulum viola-
vit, vel ad vesicam, ad pulmonem, ad

vulvam, ad grandes venas & arterias; vel ad inania loca, ut ad guttur, stomachum, pectus, aut intestina penetravit. Sub his enim casibus, modò periculum anceps, modò certa pernicies est: idque multò magis, si senex homo, si ægrum corpus, aut mali habitus est. Ex eodem autem ulcere si plus materiæ fertur quam quod simplici spatio convenit, scire licet, plures intus sinus esse: atque hinc, si sola erosa caro est, pus leve, album, & majore copiâ fertur: si locus nervosus, ejusdem quidem pus coloris est, verùm tenuius, & minus. Ab ipso nervo quod promanat, pingue, & oleo simile est, ad quod etiam dolores accedunt: si vena affecta est, crux subinde puri miscetur: si os, tenuis inde liquor fertur. Ferè autem, ut quodvis ulcus, ita etiam id quod altum, angustum, atque callosum est, si diutius anno duravit, os afficit. Id autem cognoscitur, si, quod ultimo specillo exploratur, renititur, sic, ut non elabatur idipsum, verùm æquali in loco fisti videatur: tum enim levis caries est. Si verò inæquale, atque asperum subest, vehementius os erosum est. Fistula omnis difficillimè sanescit, præcipue quæ

in-

inveteravit, quæque profundè inhæret, & multos sinus habet. Quodcumque ulcus inducta cicatrice semel curatum, paulò post iterum rumpitur, id ad fistulam inclinat. Cæterùm ulcus adeò interdum fit malignum, atque virulentum, ut partem putrefactione corrumpat. Id sanè viscidum quid, aut carnem intus mollem habet, aut malè olenti obsitum crustâ est, ex quo teter vapor fertur, qualis è cadaveribus corruptisve carnis spirat. Tale verò ulcus eripere etiam homini vitam potest, & cum ulterius efferatur, in exedentem sphacelum verti. Porrò scire licet malum ulcus esse, quod diu durat, quodque morbis succedit, itemque quod in ambitu glabrum est. Pilos autem, qui semel defuerunt, iterum innasci salutare est. Inimica etiam judicatur à forti in ulceribus pulsu, sanguinis profusio. Si tumores supra ulcera subito occultantur, idque in parte acciderit corporis anteriore, prorsus vel lateris acutus dolor, vel insania timenda est. Quod si id à tergo factum fuit, periculum è nervorum distentione, vel rigore est: optatissimumque inter hæc est, citam alvum suisse. Malum etiam signum est,

multam exulceratis vigiliam esse, & spiritum difficultem, & sitim, & cibi fastidium, & febrem: itemque pus habere nigrum, aut fæculentum, & fœtidum. Animam autem deficere, pessimum omnium est.

*San-
guis.*

Sanies.

Pus.

Sordes.

Proximum est quædam de sanguine, sanie, atque pure communia vulneribus ulceribusque dicere. Sanguis per se notus est. Sanies non solùm hoc tenuior, verum etiam omnium quæ defluunt tenuissima, minimè glutinosa, subalbida, aut subrubicunda. Græcis *ixōp*, dicitur. Quod hoc crassius, & magis glutinosum est, id nostri quidem virus, & ab eo ulcus virulentum, Græci autem (quoniam albo propè melli simile est) *μελόποι* appellant. Cæterūm pus omnibus his crassius est, & albidius: nequam tamen sic glutinosum ut sordes, quæ veluti concreta adhærefscit ulceri, unde torpidum esse ulcus dicitur. Sanguis optimus est calidus, rubens, modicè crassus, non tenax. Malus est, nimium tenuis, aut crassus, lividus, niger, aut pituitâ imbutus, aut varius. Sanies inutilis est multa, nimium tenuis, livida, pallida, nigra, glutinosa, fœtens, calida, erodens: utilior non mul-

multa, modicè crassa, subrubicunda, aut subalbida. Meliceria improbatur multa & præcrassa: huic contraria, tolerabilior est. Pus inter hæc est optimum, meliusque habetur quo minus est, & quo crassius & albidius. Idemque probatur quod leve & æquale, & coloris unius est, & nihil olet: quodque modo & magnitudini vulneris, ut temporis convenit. Siquidem plus ejus ex majore vulnere, & nondum solutis inflammationibus fertur. At verò malum pus esse sciendum est, quod tenue atque dilutum seri colorem refert: magisque si protinus ab initio tale est: æquè ut si pallidum id alias, vel lividum, vel fæculentum, vel fœtidum est. Illud quoque observari posse videtur, cruorem ex vulnere ferri, vel recente, vel jam sanescente: pus verò ex eo ulceræ, quod ad sanitatem inclinat, saniem ex incipiente, atque crudo: virus ex maligno.

Novissimè venæ proponatur, aut arteriæ dilatatio, quæ in hac ^{ἀρεύτημα}, in illa nobis varix, Græcis ^{ὑπόστημα} appellatur. ^{πλούτημα} Utrinque sanguine multo vasa implentur: sed in vena crasso, in arteria spirituoso. Hic magna, turgida,

da, sæpèque molesta ineſt pulsatio: illic nihil horum: utrinque pars ſine dolore tumet, preſſaque cedit, reditque. Varici magis crura quām cæteræ partes patent, maximèque in fœminis, quæ utero gerunt: & in his quibus ſoluta quartana, aut curata longa hæmorrhoïs eſt. Aneurisma modò in externis eſt membris, circa jugulum atque pectus: itemque in manibus & pedibus: modo intus quoque inhæreficit, præcipuè ſub peſtore juxta lienem & mesenterium,

M E D I C I N A L I U M
O B S E R V A T I O N U M
L I B E R III.

*QUO HIC EVENTUS EAQUE PRO-
ponuntur judicia, quæ tam de universalis-
bus haberi morbis possunt, quam de par-
ticularibus.*

QUUM superioribus Libris morbos proposuerim, qui vel totis corporibus insunt, vel solam particulam occupant; proximum nunc esse videatur, in genere quædam de utrisque dicere. Neque enim parvi referre arbitror, quæ cùjusque morbi vis, aut acumen, aut duratio, aut eventus sit, observare: æquè profectò, ut in quem alium aliquis verti morbus possit, quibus ætatibus magis accidere, quibus temporibus anni, quibus cœli tempestatibus, quibus locis. Nec inutile quoquæ videatur, ipsius ægri mentem, mores, orationem, insomnia, vultum, præcordia, spiritum, pulsum, ap-

S 5 pe-

perentiam, victum, gestum, decubatum, ipsum denique habitum, omniaque corpore exeuntia in morbis omnibus intueri, & ex his observationes utiles petere. Quæ quidem singula, quoad possum, novissimo hoc libro proponam.

*Morbi
acuti
& le-
thales.*

Ergo acuti esse morbi, & perniciem afferre magna ex parte laborantibus solent, febris pestilentialis, morbus attonitus, cerebri inflammatio, quam Græci *φρενίτιν* dicunt, itemque vesicæ inflammatio, & nervorum rigor, quem

*Acuti
morbi
& an-
cipites.*

τέταρτον vocant. Acuti quoque morbi, at commemoratis minus sunt, minus etiam pernitiosi, verùm sic ancipites ut modò occident, modo sanescant, febris ardens, lethargus, uva, angina, inflammatio lateris, vel pulmonis, itemque ventriculi, jecinoris, lienis, renum, uteri. Cæterùm is morbus, quem *χόληπαν* dicunt, æquè ut hi quidem anceps, at longè tamen acutior est.

*Morbi
breves
& salu-
tares.*

Breves morbi simulque salutares sunt, febris diaria: & tertiana intermittens exquisita. Longi autem, & sine

*Longi
morbi
& salu-
tares.*

periculo sunt (nisi quid ipsis tamen accesserit) febris quartana, gravedo, resolutio nervorum, morbus articularis, siue totum is occupat corpus, sive partem: adhæc, scabies, impetigo, cæte-

ra-

raque penè omnia cutis vitia. Longi & ^{Longi}
 ancipites sunt, morbus comitialis, me- ^{morbi}
 lancholia, destillationes omnes excepta ^{&anci-}
^{pites.}
 gravedine: adhæc abscessus in pectore,
 coli dolor, alvi profluvium, tormina,
 tenesmus, lævitas intestinorum, hydrops
 subdurus in jecinore, liene, & in re-
 nibus tumor, ulcus & calculus renum,
 & vesicæ: itemque hæmorrhoides, &
 fœminarum fluor: ipsa demum Elephan- ^{Longi}
 tia, & Venereus morbus. At verò ut ^{Longi}
^{morbi} & le-
 longi morbi, sic etiam pestiferi esse fo- ^{thales.}
 lent, febris hectica obfirmata, ulcus
 pulmonis, itemque substantiæ tūm in
 hoc, tūm in jecinore corruptio: tabes,
 marcor, cancer tūm exulceratus,
 tūm occultus, & qui febrem acu-
 tam, aut durum jecur lienemve se-
 cutus hydrops est, quæque intestino-
 rum lævitas torminibus accessit. Lon-
 gus morbus, cùm penitus insedit, æ-
 què ut acutus difficilis est: & acu-
 tus quidem, quò vetustior, longus au-
 tem, quò recentior, eò facilius cu-
 ratur.

Morbi autem transfire alii in alios in- ^{Transf-}
 terdum solent, idque priore aliàs cessan- ^{tiones}
 te, aliàs manente. Itaque diaria febris ^{rum a-}
 in hecticam transfire, & in putridam po- ^{liorum}
^{test.} ^{in alios.}

test. Erratica autem , & ex variis na-
ta humoribus , sœpè in quartanam :
atque hæc interdum in quotidianam ver-
titur : itemque quævis alia febris in mor-
bum articularem, vel resolutionem nervo-
rum , vel in abscessum. Febris verò ar-
dens , & lateris inflammatio , & angina ,
transire in inflammationem pulmonis pos-
sunt : atque hæc rursum ad insaniam.
Morbumque quoque comitialem melan-
aholia , atque hæc illum interdum exci-
pit. Sœpè etiam lateris inflammatio ,
atque pulmonis , in pectoris abit suppu-
rationem : itemque hæc in tabem , atque
in alvi fluxionem. Adhæc post longas
destillationes, tabes : post sanguinis spu-
tum , puris sputum , & post hæc tabes.
Post morbum attonitum nervorum reso-
lutio , itemque post coli dolorem : post
hunc etiam , morbus articularis , vel co-
mitialis , vel volvulus , vel hydrops. A
lienis vitiis , & à sinceris dejectionibus
tormina : ab his lævitas intestinorum ,
post quam hydrops , idem etiam post
durum jecur atque lienem hydrops ,
& post auriginem , & post malum cor-
poris habitum , siquidem hic à pituita
crudus est : à melancholia autem natus
magis in elephantiam vertitur. Post
tor-

tormina, tenesmus, & vicissim post tene-
smum, si bilis subest, tormina: vel si
magis pituita, coli dolor, aut volvulus.
Post longum coxae dolorem, claudica-
tio, itemque hydrops. Post fluorem
etiam uterinum & profusas hæmorrhoi-
des, aut undecunque immodicè proma-
nantem sanguinem, hydrops: post cœ-
cas hæmorroides, ani inflammatio: post
grandissimam inflammationem, gangræ-
na, atque sphacelus: post impetiginem,
lepra, quam Græci sic nominant. Por-
rò qui morbus ex alio nascitur, is ferè
occidit: à priore enim fatigata natura se-
cundum sustinere vix posse videatur. Est ^{Qui}
tamen hujusmodi transitio iuterduum tu-
ta. Nam pro valetudine est, pulmonis ^{morbi}
inflammationem verti in abscessum ponè
^{commo-}
aures, qui suppuret: aut certè in parti-
bus inferioribus, qui ad fistulam perve-
niat. Febrem quoque continuam, quæ
vicesimum jam diem excessit, rectè ab-
scessus ad articulos natus excipit. Tuta
etiam est post acutam febrem aurigo, si
quidem molle præcordium & elapsus se-
ptimus dies est. Adhæc non incommo-
da febris post nervorum est solutionem,
itemque post horum distentionem, nisi
ea, siccitatem inanitionemque secuta est.

At-

Attonitum autem morbum, & coli dolorem, tutò nervorum excipit resolutio: lippitudinem, alvi profluvium: tormina, tenesmus: insaniam, varix vel hæmorrhoidis, vel tormina singultum, sternutatio: longas dejectiones, vomitio: surditatem; biliosā alvus: sanguinis in fœmina vomitum, profusi menses: lienis tumorem, tormina: dolorem præcordiorum, qui sine inflammatione fit, itemque volvulum ex urinæ natum difficultate, febris. Ac sub his quidem casibus ferè priorem morbum alter superveniens depellit. Jam verò à viliori parte morbum ad nobiliorem verti, adeoque ab summo corpore ad viscera, vitæque penetralia transire, periculosum est, æquè profecto, ut cùm ex calido morbo aliis sit frigidus: veluti si post acutam febrem hydrops oritur, aut post jecinoris inflammationem prædurus in eo sine sensu tumor.

*Morbi
diffici-
les, i-
temque
faciles.*

Qui morbi sub bonis signis non levantur, & sub malis remittunt, difficiles esse consueverunt. Semper verò benigniores sunt hi, quorum principia affecti spiritus dedere: pejores ex atra bile nascuntur: ex aliis humoribus ancipites.

Præsa-

Haud raro semel curatus morbus re-
ver-

vertit. Id verò hinc scire licet: quo-
niam depulso morbo, homo imbecillus
manet: aut certè assumptum cibum non
sentit: quoniam neque appetit, neque
concoquit, sed multâ nausea afficitur, &
ructu vel nidoroso, vel acido. Æquè
certum recidivæ præsagium est, si inter
hæc ista spiritus malè olet, si vehemens
sitis est, & multa vigilia: si præcordia,
quæque juxta sunt loca, tument: si de-
nique facies inflata est, maximè ad palpe-
bram superiorem. Quæ omnia eò certius
reversuram ægritudinem denuntiant, quò
evidentiora iis temporibus sunt, quibus
esse vehementior morbus solet. Sed & æ-
gritudinis genus aliquid ad prædicendam
recidivam facit. Facilè namque hæ febres
repetunt, quibus adfuit inflammatio,
tum cum hæ quidem finirentur, calo-
rem tamen æstumque in visceribus ali-
quem reliquerint. Ejusdem ordinis sunt
morbus comitialis, caligo, hemicrania,
pertinax capitis dolor, destillatio, an-
helatio quam ~~æraria~~ vocant, dolores
renum, dolor colicus, morbus articu-
laris & hujusmodi. Autumnus recidi-
væ opportunissimus est. Quælibet mor-
bi reversio tutior est, si malam victus
rationem tantummodo secuta est, non
etiam

etiam relictum à priore morbo vitium.
Quò quid citius revertitur, & quò vi-
res simul infirmiores sunt, eò pejus est.
Quicunque morbus subito sine ratione,
sine bonis signis finitus est, ferè redit.
Porro certis quibusdam ætatibus, & an-
ni temporibus, & cæli tempestatibus,
& locis, certi etiam morbi magis esse
familiares solent; quod cum aliis de cau-
sis, tum ideo quoque observatur: ut sci-
re liceat, minore in periculo versari æ-
grum, cujus naturæ, vel ætati, vel
consuetudini, itemque anni temporibus
morbus consentit. Ergo infantes, te-
nerosque etiamnum pueros vomitus ex-
ercent, tusses, vigiliæ, pavores, au-
rium humores, fervida oris ulcera, um-
bilici inflammationes, & cum illi denti-
re incipiunt, gingivarum pruritus, ner-
vorum distensiones, alvi profluvia, fe-
bres. Quæ omnia eò sunt graviora,
quò plenius corpusculum est, atque al-
vus magis impedita ac pigra. Ubi pau-
lum annis processum est, sic tamen ut
nondum per ventum ad puberem ætatem
sit, tonsillæ fiunt, & vertebrarum spi-
næ luxationes, anhelationes; itemque
lumbrici, urinæ stillicidia, calculi ves-
cæ, strumæ, verrucæ, pluraque alia

tu-

Primæ
ætatis
morbi.

tubercula. Ut primùm pubertas venit, *Puber-*
quæ comprehensa sunt, incidunt, & *febres longiùs trahunt, & sanguis è na-*
ribus fertur. Adolescentia morbis est *Adole-*
exposita acutioribus, itemque comitia- *scen-*
libus, & præcipue sanguinis sputo, & *tum*
post hoc tabi. Juvenibus autem lethar- *morbi.*
gus accidit, & lateris pulmōnisque in- *Juve-*
flammatio, & anhelationes, & insanias *num*
quam *φρενίτης* *dicunt, & ardentes fe-*
bres: adhæc longa alvi profluvia, chole-
ræ morbus, tormina, lævitas intestino-
rum, hæmorrhoides. Cæterum senes *Senum*
exercent spirandi difficultas, frequens *morbi.*
cum tussi destillatio, vertigo, morbus
attonitus, nocturna vigilia, aurium,
oculorum, & narium madores, & visus,
auditusque hebetudo. Accedunt renūm
dolores, urinæ tūm difficultas, tūm stil-
licidum, præcipuèque lævitas intesti-
norum, tormina, cæteraque hujusmo-
di citæ alvi incommoda. Sæpiùs etiam
incidunt dolores articulares, totiusque
corporis pruritus, ac malus habitus.
Magna autem ex parte minùs juvenibus
ægrotant senes: verùm semel diuturnis
correpti malis, ferè opprimuntur.

Longis morbis senectus, acutis ado-
lescentia magis patet, ætas media tutis-

*Quando
pueris
morbi
finiun-
tur.*

fima est. Pueris maximè judicantur morbi vel quadraginta diebus , vel septem mensibus , vel totidem annis , interdum etiam ad puberem ætatem trahunt. Post hanc autem ipsam qui manent , ac neque prima Venere , neque primis menstruis finiuntur , longi esse solent . Porrò omnis ætatis hominibus , gracilibus magis accidunt tabes , dejectiones , destillationes , laterumque & viscerum dolores , obesis spirandi difficultas , & præfocatio , cujus occasione interdum subita irruit mors : quem casum vix accidere gracilibus posse hominibus constat. Tenue verò corpus , imbecillum : obesum , hebes est.

*Morbi
verna-
tes.*

Jam autem quod ad anni pertinet tempora , scire licet , et si omnes morbi omnibus fieri temporibus possunt. Verè tamen eos magis incidere consueisse , qui humoris motu novantur : destillationes intelligo , tusses , sanguinis profusiones , pustulas , abscessus , omnia denique nervorum & articulorum vitia , quæ modò accedere solent , modò rursus conquiescere. Junguntur his lipitudines , insanias , tum ea quam φρενῖτις dicunt , tum quam μελαγχολίας : morbos item comitiales , angina , impetigo , lepra , & hujusmodi. Verè quantum in

se est) inter cætera anni tempora saluberrimum est, minimèque exitiosis morbis opportūnum. Multa ex his in Æ. *Morbi astiti.* statem incident: verūm habet etiam id tempus febres continuas, & ardentes, & tertianas multas, itemque lippitudines, vomitus, alvi fluxiones, aurum dolores, ulcera oris, naturalium putredines, & quicquid sudore hominem resolvit: quod novissimum quidem eò magis fuerit per febres proclive, quo Æstas Veri fuerit similior. Périculosior autem Æ. *Morbi autu-* *mnales.* *Hyeme,* Autumno tutior est. Idem Autumnus vix ullo horum vacat morborum: sed febres etiam adjicit incertas, & quartanas: itemque morbos comitiales, insaniam, melancholiam, spirandi difficultatem, lienis tumores, hydrozem, tabem, urinæ difficultatem, volumnum, tormina, lævitatem intestinorum, & coxae dolores. Autumnus plenus est periculorum, neque ullum æquè tempus morbis exitiosis & pestilentiæ patet. Ferè autem diutinis morbis fractos tollit, aliosque homines novis incommodis, iisque longissimis, ac potissimum quartanæ implicat. Idem *Morbi tabidis longè inimicissimus est.* *Hyeme capitum* fiunt dolores, vertigines, *les.*

Quando pueris morbi finiuntur. sima est. Pueris maximè judicantur morbi vel quadraginta diebus , vel septem mensibus , vel totidem annis , interdum etiam ad puberem ætatem trahunt . Post hanc autem ipsam qui manent , ac neque prima Venere , neque primis menstruis finiuntur , longi esse solent . Porrò omnis ætatis hominibus , gracilibus magis accidunt tabes , dejectiones , destillationes , laterumque & viscerum dolores , obesis spirandi difficultas , & præfocatio , cuius occasione interdum subita irruit mors : quem casum vix accidere gracilibus posse hominibus constat . Tenue verò corpus , imbecillum : obefum , hebes est .

Morbi vernales.

Jam autem quod ad anni pertinet tempora , scire licet , et si omnes morbi omnibus fieri temporibus possunt . Verè tamen eos magis incidere confuesse , qui humoris motu novantur : destillationes intelligo , tusses , sanguinis profusiones , pustulas , abscessus , omnia denique nervorum & articulorum vitia , quæ modò accedere solent , modò rursus conquiescere . Junguntur his lipitudines , insania , tum ea quam φρεγίτις dicunt , tum quam μελανχολία : morbos item comitiales , angina , impetigo , lepra , & hujusmodi . Verè quantum in

se est) inter cætera anni tempora saluberrimum est, minimèque exitiosis morbis opportunum. Multa ex his in Æstivis statem incident: verūm habet etiam id tempus febres continuas, & ardentes, & tertianas multas, itemque lippitudines, vomitus, alvi fluxiones, aurium dolores, ulcera oris, naturalium putredines, & quicquid sudore hominem resolvit: quod novissimum quidem eò magis fuerit per febres proclive, quo Æstas Veri fuerit similior. Periculosior autem Æstas Hyeme, Autumno tutior est. Idem Autumnus vix ullo horum vacat morborum: sed febres etiam adjicit incertas, & quartanas: itemque morbos comitiales, insaniam, melancholiam, spirandi difficultatem, lienis tumores, hydrozem, tabem, urinæ difficultatem, volvulum, tormina, lævitatem intestinorum, & coxae dolores. Autumnus plenus est periculorum, neque ullum æquè tempus morbis exitiosis & pestilentiæ patet. Ferè autem diutinis morbis fractos tollit, aliosque homines novis incommodis, iisque longissimis, ac potissimum quartanæ implicat. Idem tabidis longè inimicissimus est. Hyeme capitis fiunt dolores, vertigines,

morbi attoniti , lethargi , gravedines & rauicitates , tusses , & si qui in faucibus , in lateribus , & in imis visceribus contracti morbi sunt , eos exasperat . Idem tempus salubritate à Vere superatur : Æstate autem , multoque magis Autumno tutius est . Illud in genere novisse licet , constantibus temporibus , & naturam servantibus suam , constantes etiam morbos & judicii non difficilis nasci ; incertos autem esse , ac difficulter judicari inæqualibus temporibus . Tum etiam , si talis perget esse annus , qualem semel adeptus constitutionem est , scire licet similes penè morbos semper expectari oportere . Meminisse autem convenit pueros , & his ætate proximos , ipso Vere , primaque Æstate , melioris esse valetudinis : Senes , ipsa Æstate ad aliquam usque Autumni partem : reliquo Autumno , itemque proximâ Hyeme , eos qui in mediis sunt ætatibus .

*Præsa-
gia
morbō-
rum
sumta
ex cæli
variis
tempe-
statibus.*

Varios etiam præfigere morbos , prout variè à sua natura anni tempora deficiunt , licet . Nam si Hyems sicca , Septentrionalibus ventis perflatur , Ver autem pluvium cum Austris successit , prædicere licet febres acutas Æstate futuras esse , & lippitudines , & tormina ,

in fœminis potissimum, atque in his viris quorum humidior natura est. Si verò clementior Hyems Austros exhibuit, atque pluvias, Ver autem siccum cum Aquilonibus fuit; prægnantes, quibus Vere partus fiet, abortu periclitantur: & si quæ in tempore pariunt, imbecillum id quod excluditur erit morbosum, ac minimè vivax. Aliis hominibus lippitudines instabunt aridæ, & tormina, &c, si seniores sunt, destillationes, quæ subinde occidunt. Jam verò cum sicca & Aquilonaris Æstas, Autumnus pluvius, atque Austrinus est, tum quæ proxima est Hyems, capit is inferet dolores, tusses, destillationes, raucitates, & ipsam in nonnullis tabem. Quod si antecedente sicca & Aquilonari Æstate, ipse quoque siccus Autumnus Aquilonibus perstringitur; non inutile quidem hujusmodi tempus ad commodam valetudinem humidioribus fuerit corporibus, maximèque fœminarum: verum siccæ lippitudinis, & febres tum acutæ, tum longæ, & hi morbi quos atra bilis concitat, fient.

Porrò Cœli tempestates, prout serenæ *Quod* sunt, vel nubilæ, vel pluviæ, vel his *cœlum.* aut aliis ventis perflatæ, adventum va-

riarum ægritudinum denuntiant. Saluberrimum est cœlum serenum atque purum. Itaque præstare creditur rusticum urbano, agreste pratensi, mediterraneum maritimo, montanum palustri, terrestre fluviali, siccum pluvio, sudum nebuloſo, meridianum matutino, diurnum nocturno. Sub optimo cœlo certior valetudo est, prioresque morbi (ſi qui fuerunt) promptius sanescunt. Optimum verò Hyeme cœlum est, quod omni vento caret: Aestate quod Favoniis perflat. Post serenum cœlum, optimum est id quod æquale est, ſive frigidum, ſive calidum. Pessimum autem est quod variat maximè, eoque nomine multos Autumnus, qui cætera parte anni traxerunt, tollit. Rectè enim Hippocrates judicavit, ſi eodem die modò calor est, modò frigus, Autumnales morbos expectare oportere. Semper autem pluviis falubriores ſunt ſiccitates. In his tamen febres acutæ fiunt, & tabidi morbi & lippitudines, & tormina, & urinæ difficultates, doloresque articulorum. Pluviæ verò longas febres exhibent, alvi fluxiones, putredines, morbos, tum comitiales, tum attonitos, anginas, resolutiones nervorum, cancros.

Por-

Porrò ex ventis salubriores sunt Orientales, atque Septentrionales, quām vel Subiolani, vel Austri: etsi ea res tamen pro regionibus variat. Ubi Aquilo cœlo imperare incipit, prædicere licet do-
 lores lateris & pectoris, tusses, faucium asperitates, alvi & urinæ compressiones, & horrores: sanum tamen corpus is ven-
 tus firmat, & vegetius mobiliusque red-
 dit. Spirantibus autem Austris expecta-
 re convenit oculorum caliginem, aurium hebetudinem, sensus tarditatem, vertigi-
 nem, gravitatem capitis, alvi fluxionem,
 totiusque denique corporis imbecillitatem,
 atque pigritiem. Cæteræ tempestates cœ-
 li, prout vel Aquiloni, vel Austro pro-
 piores sunt, modò hos, modò illos po-
 tius morbos creant.

His ita animadversis, proximum est Offi-
 ad ipsum spectare ægrotantem: qui, si *cium*
 in propria curatione officio non deest suo, *ægroti.*
 & morem imperatis Medici gerit, neque
 quicquam proficit tamen, graviter uti-
 que ægrotat: omnino autem contrarium
 sit, si, cum nusquam in officio sit, me-
 diocriter tamen habet. Ejus quoque non
 constare mentem, imprimis grave est *Mens*
ægroti. Qui sic est, is, etsi parte aliqua corporis *atque*
mores. dolorem habet, nullo tamen ejus videtur

affici sensu. In omni autem morbo hominem compotem mentis esse, bonum est. Aliquid etiam spectari in moribus potest. Tumidum enim non est levi animo natum, asperum in morbo responsatorem esse cœpisse, aut quædam violentam manu facere eum, qui semper imperium in animum non difficile habuit. Turbulentus verò naturâ homo, etsi non modò ferociter loquitur, verùm etiam desipit per febrem ardente, non usque quaque tamen periclitari videatur. Si quis supra modum, supraque consuetudinem vel loquax, vel taciturnus est, malum significatur: tacenti enim soporis, aut melancholiæ principium est: garriti, delirationis. Jam verò falsis imaginibus propter vim morbi mentem turbari, sine magno metu non est: veluti cum quis digitis micat, aut floccos festucasve de strangulis legit, aut armatos adesse sibi hostes putat, malosve dæmones, vel quid spectrorum hujusmodi. Longeque gravius est, si judicio amissio necessarios, vel domesticos non agnoscit: aut si quæ animus concupiscit, eorum ipse protinus homo obliviscitur. Ad extrema autem ventum est, si inter hæc æger neque audit, neque videt, aut mo-

ve-

vetur, extremis jam tum frigescientibus,
& livore fœdis.

Haud levis etiam in somno animadver- *Præsa-*
gio est: ubi is enim auxisse malum vide- *gia ex*
tur, mortalis est: ubi levasse, non mor- *somno*
talis. Ab eodem itaque delirium sedari *atque*
valde bonum. Pessimum est, ex toto
ablatum eum esse: vis enim hoc modo
infirma consumitur. Eò minus malus
est, qui nocte non accedit, etiam si in-
terdiu venit. Qui autem tantum de die
sit, is melior esse matutinis temporibus
censetur, ad tertiam usque diei partem,
Æquè malum est somni nimietatem esse,
sic ut quidam veluti sopor interdiu no-
ctuque immoretur. Plenior per noctem
somnus qui delirio successit, qui que cum
frigore partium est extremarum, pericu-
lum ostendit. Altus sopor cum debili
pulsu, & delirio, & extremis frigescen-
tibus, mortalis est. Ut sine modo con-
tinuatus somnus, sic etiam nimia vigilia
malum significat. Hæc enim, nisi do-
lorem afflictionemque sequitur, delirii
metum ostendit. Quem longa vigilia
confecit, huic tussim accedere, admo-
dum periculosum est.

Aliiquid etiam in insomniis est. Nam *Præsa-*
si ea alia sunt, quam diurna negotia fu- *gia ex*

*info-
mniis.*

re , turbationem esse in corpore aliquam testantur. Itaque si incendia videri videntur , flava luxuriat bilis : si verò fumus aut densa caligo apparent , atra bilis abundat : si imbræ , itemque nix , glacieis aut grando objiciuntur , multa intus pituita est. Qui in sœtido se loco versari putat , putrem is humorem intus fovet : cum verò rubra quædam dormientibus per insomnium obversantur , ipsique cristas habere se gallinaceorum credunt , scire licet sanguinem intus abundantem esse. Luna , si apparet sub insomnio , eas potius affectiones notat , quæ in medio corporis cavis spatiis sunt. Sol , quæ in medio : cætera astra , quæ in ambitu. Si quid igitur horum offendit videtur , aut obscurari , suove circuitu sisti ; quæ pars singulis debetur , in ea morbus versatur : levis quidem , si vel aër , vel nebula luminibus cœlestibus impeditum dedit : gravior , si aqua. Quod si ea ipsa ita superari interjectis elementis videntur , ut penitus evanescant , metus est ægrum morbo succubiturum. Cæterum , si fugatis obstaculis , clara fieri signa splendidaque incipiunt , in multa spe esse homo potest : quum verò celerimo impetu feruntur , insaniae metum ostend-

ostendunt : si descendere ad occasum , i-
temque in mare præcipitare , vel in ter-
ram videntur , morbos etiam significant.
Turbatum mare ventris affectum notat.
Terram autem aquis inundari videri , bo-
num non est. Humidum enim id mor-
bum arguit , multòque magis , si quis
stagnis aut fluminibus mergi se putat. Pe-
jus est aridam terram , ac Solibus tostam
vidisse : magnæ enim id argumentum
siccitatis est. Si quis per somnum avi-
dè quid edere , aut bibere velle videtur ,
alimenti vel potionis significatur inopia.
Aquam puram , potari videri , bonum:
cætera pocula , malum. Monstra verò
apparere , aut armatos hostes , unde in-
gens terror dormienti incutitur , mor-
bum ostendit , & insanæ metum. Ex
æditissimo loco præcipitari videri , ver-
tiginem minatur morbumque vel comi-
tialem , vel attonitum ; utique si tum
quoque caput multo humore oneratur.

Sed missis nunc mentis erroribus , ex-
teriora ægri intueamur , in quibus vul-
tus locum habere præcipuum potest : is
enim signis minimè dubiis affectum prin-
cipium partium commonstrat. Ergò in
omni morbo benè sperare licet , si quis
non nimium dissimilem vultum sani ho-
minis

ostendit. Haud leve etiam malum portenditur, si æger ex morbo debilis nullum sustinere decubitum potest, sed ergi volens, sessionem expetit: aut si adstantes averfatus, sese in ultimum cubile convertit. Ex manibus etiam aliquid observatur, quas si sine causa æger saepius naribus admoveat, tanquam inde abstersurus aliquid, nihil tamen cum sit, malum id esse judicatur: parque periculum est, si digitis floccos de stragulis vellere conatur, aut quæ in proximo pariete minuta eminent, carpere.

Præsa- Jam verò quod totum corpus attinet,
gia ex id nimium celeriter per morbos emacre-
toto cor- scere: aut contrà æquè benè habitum,
pore. morbo quantumvis diutius trahente, vi-
deri, malum est: prius enim, magnam
naturæ infirmitatem, secundum longam
invaletudinem arguit. Æquè verò inu-
tile est, modò calidum esse corpus, mo-
dò his coloribus, modo aliis affectum.
Diuturni enim id judicium morbi.

Præsa- Sed corporis quoque ægrotantis in-
gia ex tueri facultates oportet, & ex his uti-
respira- lia præsagia sumere. Spiratio itaque
tione. bona cum in longis morbis, tum ma-
ximè in acutis, qui cum febre sunt, &
intra quadraginta dies conquiescunt,
promit-

promittere salutem solet : difficilis autem , periculum minari. Inprimis vero horrenda spiratio est , quæ inæqualiter interciseque dicitur , ut dupla videatur aëris intra pectus revocatio. Mala quoque & præfocans ea est , quæ hominem supinum esse non sinit , sed è cubili cogit consurgere : sub qua thorax atque scapulæ plurimum attolluntur. Ea autem difficilem destillationem , vel anginam , vel suppurationem , vel crudum pulmonis tuberculum comitatur. Magna autem & frequens , quâ fervidus vapor ore , naribusque efflatur , vehementis sine obstructione incendii argumentum præbet. Itaque hæc per ardentes febres maximè editur. Frequens autem , & parva , infirmas esse vires testatur , aut certè impedimentum , quo pulmo urgeatur , arguit. Proin inflammatis pulmonibus , aut lateribus , aut septo transverso , aut jecinore , aut liene , subinde talis esse deprehenditur. Magna autem , & ex longis intervallis rara , infaniæ nota est. Perniciem autem minatur ea , sub qua spiritus ex ore atque è naribus frigidus fertur : ubi spiritus vix ore , sed totus penè naribus emittitur : magisque si harum contrahi pinnæ , dilatarique cer-

cernantur, certum oppressarum virium judicium est. Incumbente per febres morte, spiratio alta, crebra, & diffilis est.

Præfigia ex pulsu. Nunc de pulsu dicam alteriarum, qui, quoniam cordis vitæque nuntius est, magnas ad recta præfigia vires habet. Is enim si per morbos haud multum à natura defecit sua, talisque esse perseverat, validum corporis robur, spemque secundæ valetudinis ostendit. Optimus censetur is, qui medius inter magnum est

Optimus pulsus. & parvum, inter celerem & tardum, inter crebrum & ratum, inter vehementem & languidum, inter molle & durum, inter plenum & vacuum, qui que bonam iactum inter se proportionem, æqualitatem, ordinemque retinet. Idem hic variis de causis suæ naturæ legem amittit, prout vis est ægrotantis, aut usus pulsationis, aut affecta arteria.

Magnus pulsus. Magnus pulsus usum sequitur inauctum, naturæque vim: sed priusquam à naturali statu in magnum degeneret, primum fit is, qui omnium naturæ facilimus est, creber, crescenteque magis usu etiam celer. Si imbecillus sub his casibus homo est, magnus esse definit pulsus, fitque cum crebro parvus & languidus.

guidus. Durâ etiam arteriâ pulsus non admodum esse celer potest. Contrariâ Par- autem ratione de parvo dicendum est: ^{vus.} sub quo vis infirma est, & nequaquam urgens usus: hîc primò rarus, dein, crescentibus imbecillitatis causis, tardus, & tûm parvus esse incipit. At tarditatem quoque & raritatem facere siccitas arteriæ potest. Durus etiam pulsus arteriæ notat duritiem, mollis humiditatem. Itaque hic peculiaris esse ^{Durus,} sopori, lethargo, pulmonis inflamma- ^{itemque} ^{mollis.} tioni, mollibus viscerum tumoribus, aquæ inter cutem, similibusque morbis solet. Robustus vehemensque pulsus, ^{Robu-} ægrotis spem secundæ valetudinis ostendit: languidus, exitii metum. Scire ^{stus.} ^{Lan-} autem licet, non tantum periculi in pul- guidus. su verti maximo, vel celerrimo, vel creberrimo, vel vehementissimo, vel mol- lissimo, quantum in eo qui minimus est, maximèque tardus, rarus, languidus, durus. Hi enim nunquam sine gravi periculo subsunt. Ex priore or- dine, optimus quidem vehementissimus est, dein maximus: pravissimus autem est, maximè mollis. Ex posteriore au- tem deterrimus, languidissimus: post quem tardissimus, & rarissimus, atque

hinc minimus. Languidus autem omnis semper naturæ significat imbecillitatem, quæ imbecillitates si longâ vetustate morborum contracta est, reddit eundem etiam pulsus parvum, rarum, atque tardum, si quidem febris deest: & crebrum, velocemque, si ea subest. Ubi imbecillitatem nimius dolor, aut vigilia, subitæve inanitiones intulerunt, pulsus supra languiditatem parvus est, & celer, & creber. Si autem non in se debilis, sed aliqua re impedita, oppressaque natura est, ut in magnis sit grandium vasorum obstructionibus, itemque in repentinis humorum in præcordia confluxionibus, & in ipsis denique pestilentialibus febribus: pulsus maximè continenterque est inæqualis, idemque præter languiditatem parvus, tardus, & rarus: tametsi subinde paucis ictibus, vel vehemens, vel magnus, vel celer, vel frequens apparet, qua in re maxima ejus deprehenditur inæqualitas. Semper autem major imbecillitas est, si pulsus intermittit: maximè, si is ipse deficit. Idem hic si non recurrit, sed ex toto deficit, (quod ἀσφύξια Græci dicunt) horrendissimus est, & certæ mortis index. Is plerisque omnibus vitâ defun-

eturis

Eturis sub novissimum spiritum accidit : quibusdam aliquot ante eum horis , & interdum , (quod mirum videri potest) pluribus etiam diebus. Minus autem periculi in eo vertitur , qui sensim gracilescens minuitur , (Græci μύωγας ap. μέου-
pellant). Hic aliàs reciprocus est , aliàs ^{eos .} non est : ut ut est , magno semper metu terret. Et quidem si non reciprocatur , deterior etiam deficiente reciproco ju-
dicatur. Haud leve quoque discrimen *Inter-*
intermittens pulsus habet , qui , quò diutius à motu quiescit , eò periculo-
sior est : & cum duarum tempus pulsationum intermittendo transigit , mortem denuntiat , nisi alicui tamen is pulsus se-
cundum naturam est : quanquam in se-
nibus , longa febre , vel anhelatione af-
fectis , itemque aliàs in pueris observa-
tum est , post intermittentem pulsum , vitam mansisse , id quod nulli contigisse juvenum credibile est. Longè hoc pulsu formidabilior , & certior exitii nuntius existimatur , qui in una inter-
mittens pulsatione est. Intercurrens au- *Inter-*
tem pulsus bonam judicationem morbi ^{cur-} pollicetur , & futuram salutem : utique ^{rens .} si cætera quoque signa respondent. Bis *Bis fe-*
feriens , seu intercisis , calidum humo ^{riens .}

*Undo-
sus.*

rem, eumque vehementer putrem & facultatem non penitus invalidam sequitur. Undosus, morbos denotat nimio humore corpus irrigantes, febres scilicet quotidianas, & continuas has, quæ perpetuis sudoribus hominem labefactant, *πύρωσις* Græcis appellatos constat: itemque id genus hydropis, quod ipse *ὑδραιγματιαν* dicunt. Tum in hisce febribus, tum etiam in aliis, undosus pulsus sudorem antecedit judicialem, si quidem plures sunt ictus alti, & vehementes, notæque concoctionis cernuntur. Sub undofo pulsu, neque viscerum subesse inflammatio, neque durus in his sine dolore tumor, minusque vel distentio nervorum, vel nimia ariditas potest. Eundem pulsum in vermiculantem (qui ab illo sola differt parvitate) verti tutum non est. Tum enim vis, et si nondum deficit, tamen paulatim labascit. Idem vermiculans attriculans tam vacuatione naturam comitatur, itemque pulmonis id vitium, quo ipse totus putris nimio scatet oneraturque humore: utique si jam tum quoque vires corporis infirmæ sunt. Quemadmodum de undofo dixi, ita quoque dicere de vermiculante oportet, quod uterque mollem

Iem requirit arteriam : neuter deprehendi in tabe , inflammationibus , & duris , sensuque carentibus viscerum tumoribus , & in suppurationibus pectoris , ne propinqua quidem jam morte , potest. Nulla febris , nisi quæ levissima est , ac lenta , vermiculantem pulsum exhibit : quoniam crescens calor , tardam esse arteriæ distensionem non permittit. Proin post intemperatam inanitionem ortus vermiculans , si febris accedit , tollitur. Ut verò undosus , si debilior fit , à vermiculante excipitur : ita vermiculans , à formicante. Quare hic quoque incommodi plus , quam ille portendit. In febribus autem lentis , quæ non vi , sed spatio , longaque vetustate vires exhaferunt , mortis est nuntius. Tum hic ipse , tum vermiculans , ubi ab iis causis fiunt , quæ vim corporis subito exsolvent , iterumque corrigi non difficillimè possunt , non æquè magnum metum inferunt. Ad quem casum expositi sunt ii , quibus propter balnei calores anima deficit , aut vires , ob profusum è vulnere , aut naribus sanguinem , subito collabuntur. Caprizans autem pulsus naturæ *Capri-* notat robur : & secundæ spondet valetu-*zans.* dinis expectationem : nisi tamen poste-

*Hecti-
cus.**Serra-
tus.**Vibra-
tus.*

rior pars distentionis fuerit languidior; tum enim anceps naturæ morbi que pugna est. Hecticus pertinacius immoratur, ac morbum longum, siccumque, ac malè sanabilem ostendit: peculiaris est rabidis aut aliqua demum ratione emaciatis. Serratus inflammations sequitur, præciquèque partium nervosarum: quare etiam lateris inflammationi familiaris est. Idem èò pejor, quò manifestior est: id quod nimia tensio & durescere facit. Est etiam comes crudorum intus tuberum, quæ hominem subinde tollere, ubi multæ vires non suppetunt, solent: nisi si ea tamen tempestivè suppurant. Rarò convulsissimus incidit pulsus, idemque periculum habet: præcipue si post magnam vacuationem, famem, febres ardentes, similesve ærumnas oritur. Tuitior est is, qui protinus inter morbi initia repente incidit. Accedit etiam ad inflammatorios cerebri affectus, & ad id maximè genus insaniæ, quod *egrotum* dicunt, itemque ad morbum comitiale, ipsis ægris (contra quam in syncopa fit) sub corporis calore morientibus. Vibratus autem, seu turbulentus pulsus in ægrotis, qui magnas inflammations, vel tenacissimas patiuntur

tiuntur obstruk^on^es, itemq^{ue} nervo-
sum distensionem, naturæ cum morbo
pugnam ostendit. Tremens pulsus, vel ^{Tremens}
qui verè est talis, vel ex trementibus
ad carpum musculis, si vi morbi, non
ex natura inest, syncopem præfigire,
& mortem solet. Idem semper langui-
dus est, ac parvus. Ordo in bonis pul-
sibus, bonum: in malis (tametsi quidam
non mediocres viri repugnant) malum
significat: tantòque semper ordo magis
improbatur, quò pulsus simul deterio-
res sunt. Illud in genere novisse opor-
tet, pulsus morientibus non eundem
omnibus esse. Aliis enim prorsus is an- *Pulsus*
te obitum cessat: aliis ad novissimum *moriens*
propè spiritum deficiens est: aliis non *tium*
talis, sed creberimus fit, & minimus,
& languidissimus: quibusdam *μύωπες* est:
nonnullis intermittens: aliis formicans:
aliis vermiculans.

His etiam animadversis, proximum *Præsa-*
est, appetentiam, aut fastidium cibo- *gia ex-*
rum, omnemque denique victus ratio- *appet-*
nem contemplari, atque inde præfigia, *tia &*
judiciaque morborum depromere. In *fastidio*
omni morbo, salutis nota est, bene ad *ciborum*
ea sese habere ægrum, quæ vice cibi
potionisque offeruntur: contrà male

habere, periculum est. Pravis assumtis, si nihilo æger habet deterius, tolerabilis morbus subest: verum omnibus recte oblatis, si non modò æger non juvatur, sed etiam offenditur, scire licet id difficilis morbi indicium esse. Si quis per initia morborum cibos aversatur, aut etiam juxta statum, viribus etiamnum sufficientibus, nihil tereri debet; verum quæ, declinantibus morbis, cibi oriuntur fastidia, aut alias etiam viribus admodum invalidis, periculo non vacant. Eadem sub longa in valetudine pessima sunt: sed & in convalescentibus recidivam minantur; magisque si unà frequens acidus ructus est. Post morbum, si expetitis & sumtis epulis, homo neque corpore, neque viribus proficit, malum est: nam plus estur, quam par est. Verum si idem casus modicè comedente accidit, scire licet inanitionis eum egentem esse: quo auxiliī genere nisi succurritur, metuenda recidiva est. Nemque ea scilicet tum demum proclivis est, cum quædam in corpore post iudicationes relinquuntur! Jam autem in ipso etiam morbo, quicunque initio probè comedit, nec proficit tamen, is tandem fe-

re ciborum urgetur fastidio : contrà qui magnâ prius usus inediâ , cibum postea concupiscit , is morbo faciliùs libera- tur.

Sequitur nunc eorum observatio , quæ corpore excluduntur : sputum dico , al- vi excrementum , urinam , sudores , quibus omnibus sic comparatum est , ut , cum imbecilliter & diminutè , par- vaque portione efferuntur , mala sint ; magisque , cum propinquè inter se invi- cem prodeunt . Quin etiam tum in- gentem ostendunt metum , cum pravæ quoque notæ comitantur : si minus , morbi longitudinem . Illud ferè com- Præfa-
gia ab
excre-
mentis.

mune est , quicquid exit cujuscumque sit substantiæ , aut molis , aut qualita- tis , etiam id fiat vel modo , vel tem- pore , semper salutem promittere , si post notas fertur concoctionis , si die judiciali , si cum ægri levamento : quod contra vacuatur , id pessimum atque mortiferum est . Sputi , atque ejus , quod vomitu extunditur , animadversio supe- riore libro proposita est , quare hoc loco dejectionem tantummodo , & uri- nam , & sudores exequar .

Ergò optima dejectio est , mollis , cohærens , compactaque , & subruffa ,

quæque odore similem alvum sani hominis non excedit : quæ denique justæ molis pro ratione assumtorum est , & eodem tempore , quo per secundam va-
Præsa-
gia ex
dejecti-
onibus. letudinem redditur. Mala autem est , nimium dura, aut liquida , citò diffluens , aut consistentiæ inæqualis. Bona quoque non est , vehementer vel ruffa , vel alba : hæc enim cruditatem arguit , illa morbum biliosum : tametsi ruffa non incommodè eodem declinante morbo editur , abscedente , quæ hunc fecit , materia. Viridis quoque dejectio mala est , æruginosæque soboles bilis. Nigra autem , atram bilem , livida validum notat in internis frigus. Pinguis item tuta non est : quemadmodum nec viscida , ac tenax. Sub utraque enim (nisi si talia assumta sunt) corpus liquefit. Quæ verò malè olet dejectio , commoda non est , ut quæ caloris magnæque putredinis habetur nota. Mala quoque spumosa est , aut quæ more stercoris bubuli flatibus plena ac lævis est. Spumosa quoque incommodum magni intus fervoris ostendit. Ad hæc noxâ non vacat , quæ vel pauca vel nimia est : varia item , qualis ramentosa est , & abundè biliosa , cruenta , & purulen-
ta :

ta : adhæc præssina , & nigra , mala est . Pejor est , si similem etiam odorem steroris infantis habet , Quocunque morbo incipiente , si atra dejicitur bilis , vel etiam per os evomitur , lethale est . Sub acuto morbo spumosa alvus , & undique biliosa , admodum mala est . Splendentem sanguinem dejici , maximè si qui antè dolores tenuerunt , periculosum est . Liquida dejectio vel acervatim , vel paulatim incidens nocet : altera enim nimis imbecillum facere hominem , altera vigilem solet . Mala quoque per morbos acutos alvus aquosa est : magisque , si sitis deest . Eadem opere detentis atque torpore , pessima est : itemque his , quibus unā venter in tumorem intenditur . Ex liquida dejectione refrigeratio cum sudore , malum : quæ verò in morem atris sanguinis nigra est , sive cum febre , sive sine hac , admodum mala est . Pestifera etiam esse consuevit , quæ sensum ægri fugiens elabitur , aut quæ subito præter rationem in eo homine ubertim profluit , quem longus morbus labefactavit . Obiter etiam aliquid de ventris flatu dicam , quem præstat sine strepitu elidi : nam si is acuto in morbo

bo strepit , dolorem arguit vehementem , vel ipsum certè delirium. Malum etiam est , flatum jam jam eruptum impeditum esse : pejusque , ad superiora revertisse.

Præfatio ex urina. Nunc ad contemplationem veniam urinæ , quam scire licet optimam esse , cuius subaureus color , substantia mediocris , justa secundum potionem molles , sedimentum album , leve , & in *Urina optima.* acutum fastigatum est Urina autem *alba.* alba , cruditatem , aut magnam esse in urinariis ductibus obstructionem docet. Eadem in acutis febribus delirium portendit : aut certè eam insaniam , quam Græcè ογενίτη dicunt. Ferè etiam si hæc ipsa diu nihil variat , frigida prænuntiat vitia capitis , ut vertiginem , ut morbum attonitum , vel comitialem , & hujusmodi : fastidia quoque arguit ciborum , & dolores in articulis , & nervorum resolutionem. Alba remissior , ut lactea , & glauca , incipientibus , & incrementalibus febribus reddita , copiam putris materiæ , naturæque laborem demonstrat. Quod si hæc diutius fertur , longi frigidique indicium morbi præbet. Tenuis autem urina , & diluta , verèque aquæa , morbi diuturni nota est :

est : & quidem sub hoc, si diu talis ea cernitur, cæteris signis salutem spondentibus, dolorem abscessumque in partibus fore septo transverso inferioribus indicat: eadem in pueris pessima est. Subaurea, seu ruffa, seu citrina, ut modò retuli, probæ concoctionis notam habet, omniumque (si ad colorrem species) est media. Hinc sequitur *Rubra*. flava, & mox rubra, exaucti caloris testes. *Rubra perspicua*, quæ etiam ignescens, flammeaque dicitur, ardenter indicat febrem, aut jecur immodicè calens: eadem si nihil habet sedimenti, vel nubeculæ, febris principium, cruditatemque materiæ commonistrat. Ac si quidem diutius per acutam febrem talis fertur, periculum etiam interitus, priusquam spatio maturoscat, minatur. *Rubra autem*, simulque crassa & obscura, qualis obstructo vitiatoque fieri jecinore, & decedentibus febrium accessionibus solet, flavam subesse bilem, aut rubram, aut vitellinam ostendit. In Synocho itaque putrida, nunquam penè talis mejitur. *Rubram* urinam sequitur vinea, & passæ: *Vinea* illa assati sanguinis, hæc tostæ bilis nuntia: ambæ similem uvæ nigræ color

Passea

rem

rem adeptæ. Magna autem ex parte, si sic diutius feruntur hæ, auriginem *Viridis.* prænuntiant. Viridis autem, corruptissimæ bilis nota est: ad quam si vehe-
Veneta. mens sitis, atque æstus accedunt, periculum à distentione nervorum est. Ve-
Livida. neta autem urina, humoris frigidi, sic cique soboles est. Livida pereuntis ex-
Nigra. hibet nativi caloris indicium: quamquam plagas interdum sequi, & acce-
*Cruen-*pta verbera potest. Nigra urina, si ru-
 bram viridemque sequitur, extremi caloris index est: si post cæruleam, & post
 lividam fuit, summæ frigiditatis. In utraque mortis periculum vertitur, idque
 eò majus, quò ea ipsa est paucior, quo-
 que id, quod in ea subsidet, nigrius est.
 Cæterum, ubi morbus ex atra bile na-
 tus præcessit, utpote lienis tumor,
 quartana, melancholia, & hujusmodi:
 tum profectò nigra urina (maximè sub
 istorum morborum decessu) certam spem
 secundæ valetudinis facit. Urina cruen-
 ta, quæ scilicet cum refixit, sedimen-
 tum veluti sanguinis concreti habet, re-
 nes à calculo atteri significat: utique si
 hi nullo iectu, aut casu percussi fuere.
 Quæ mali coloris urina est, quò ea co-
 piösior, hoc minus mala est. Post uri-
 nae

in æ autem colorem, ejus quoque obser-
vanda substantia est. Ea si tenuis est, *Tenuis.*
cruditatem, arctamque esse obstructio-
nem testatur: maximè si simul etiam di-
luta est, qualis spectari in quartana, &
ingravescientibus renum doloribus solet.
In febribus autem longis, & incertis, &
non magnis, si diu tenuis urina mejitur,
lienem esse affectum constat. Cæterum *Crassa.*
crassa urina, copiam ostendit crudorum
humorum; qui magna ex parte jecino-
ris cavum, itemque intestina & ventri-
culum obsident. Crudissima est tenuis
aquosa sic permanens: minus hac cru-
da tenuis est, quæ post crassescit: hanc
sequitur, & mixta, & persistens crassa:
quæ sub firmis viribus, morbi longio-
ris, sub invalidis, mortis præsaga est.
Rursus minus cruda censemur crassa red-
dita, quæ post sedimentum deponit: ea
nempe breviorem fore mōrum signifi-
cat. Omnia verò genera hæc crudita-
tem arguunt, & morbi principium, cum-
que ipsum (si quidem diutius hæc immo-
rantur) longum & judicationis non ex-
peditæ. Si accedente primum febre, u-
rina crassa mejitur: copiam materiæ, vi-
rium infirmitatem, & periculum osten-
dit. *Crassa* & alba crudæ soboles pitui- *Crassa*
alba.

tæ est. Ea si in longis laboriosisque febribus, quæ in abscessum essent abiturae,

*Crassa
subru-
bra.* copiosa profluit, ab accessu & à dolore liberat. Crassa & subrubra urina,

magisque si tale quoque nocta sedimentum est, tutum quidem morbum, at longum fore portendit.

*Crassa
rubra.* Crassa verò & penitus rubra qualis in febribus cernitur continentibus, multitudini sanguinis attestatur: tametsi ea res non usque certa perpetuaque est.

Nam sæpè non abundante sanguine talis urina fertur, tūm in quartana & tertiana intermittente, tūm in aurigine. Quod si sine hoc casu, urina crassa rubraque in febre ad quadragesimum usque diem manet; solvi profectò febris ante diem sexagesimum non potest. Crassa & nigra in totum exitiosa est: eoque magis, quò pauciore redditur mole. Tuta tamen esse interdum,

& salutaris potest, ubi declinantibus (ut superius retuli) atræ bilis morbis, noxious humor robore naturæ excluditur. Quò crassior in morbis acutis urina est, eo deterior est. Jam etiam cruditatis nota plus terrere in urinæ consistentia, quam in colore debet. Quæ urina lentore crassitateque oleum, vel etiam commota, refert, liquefcere corpus, vel tabe, vel he-

*Olea-
sea.*

ctica

Etica febre vel hydrope significat. Si urina prius splendida, externo frigore crassescit, & matulam alba lentaque sorte onerat, iterumque igne soluta, colorem recipit suum; in acutis morbis cœptam esse concoctionem ostendit, alioqui nullius præcipue notæ est. Si verò urina ex fefe, qualis jumentorum est, crassa turbidaque mejitur, neque igne solvitur, & huic multa innatant corpuscula ex pure aut muco conflata, quæ per quietem specie crassi sedimenti descendunt, reliquâ tum ferè inclarescente urinâ, scire licet in renibus ulcus, vel in vesica, maximeque calculi causa, esse: aut certè has partes crudo humore præpediri. Quod si integris his, sic turbida urina est, crassi humoris totis venis abundantiam, morbosque longos & difficiles ostendit: maximè verò capitis, judice Hippocrate, vel præsentes, vel imminentes dolores. Quin etiam hinc interposito tempore sequi, vel lethargus, vel altus sopor potest. Sæpè cum quartana solvitur, itemque jecinoris, & lienis morbi, & quum abscessus intus erupit, urina repente turbida mejitur.

Porrò si urina ita confusa est, ut nullis solvi ignibus, nulla quiete possit, sed nec suspensum habere ullum, nec sedi-

*Crassa
turbida.*

mentum videatur, continuas febres, easque periculosas, & malignitate graves monstrat. Cæterum molem quoque urinæ observare non inutile est.

Multa. Multa enim, aut copiam indicare serofaci humoris, (ut in hydrope & diabete) potest, aut corporeæ molis consumptionem, ut in colliquantibus febribus, aut certè exiguam alvi dejectionem. Re-

Pauca. Etè enim Hippocrates animadvertisit, ex multa per noctem mictione, paucam dejectionem sequi. Urina pauca redditur bibentibus pauca, aut alia parte corporis abundè vacuatis, aut nimio calore laboreve exhaustis atque siccatis. Sæpè etiam itinera impedita esse, vel crassissimum humore, vel calculo, paucitas urinæ docet. In acuta febre, quæcunque pauca redditur propter vim morbi, aut deficientem humido, aut expellendi facultatem infirma, certæ mortis indicium exhibet. Quæ modò pauca urina est, modo iterum copiosa, & interdum penitus prohibetur in acutis morbis, pessima: in longis multæ durationis nota est. Ali-

*Malè
olens.* quæ fœtet, simulque crassa est, & alba, cum sedimento purulento, renum aut pudendi ulcus ostendit. Quod si hæc

eadem

eadem mucum quietè deponit , & multo dolore excluditur , calculum esse in vesica monstrat . Qui fœtor non ab his locis proficiscitur , verùm ex altiore corpore venit , sive in rubra turbidaque urina est , sive etiam (quod rarius fit) in tenui atque clara , semper gravioris alicujus *Urinæ* nota putredinis est . Nunc ad urinæ *sedi-*
niam contenta , quæ generis non unius *men-*
sunt. Sedimentum quod *ιαστις* Græcè *tum*
dicitur , incolumem naturæ calorem ostendit : idque eò magis , quò citius in emicta urina cernitur . Sed discernere sedimentum , ab ea forde non difficillimum est , quæ à renibus , vel è vesica descendens , urinam turbat , & post in ea ipsa veluti crastamentum quoddam subsidet . *Suspensi-*
Quod in medio suspensum est , *ιντιγμα sum*
Græci dicunt) infirmiorem naturæ vim *urinæ.*
Nubes. arguit : nubes eò adhuc magis debilem . Imbecillissima ostenditur , si nihil urina vel sedimenti , vel suspensi , vel nubecularum habet : estque ea res in ægrotis approximè horrenda : sanis autem accidere interdum citra magnum incommodum potest . Porrò optimum sedimentum est , quod mole substantiâque mediocri ad *Sedi-*
imum matulæ subsidens , album , leve , *men-*
& æquale est , idemque latum inferius , *tum op-*
timum,

que sus- & superius acuminatum. Optima quo-
pensum que , & suspensum , & nubes sunt , al-
& nu- ba , levia , & æqualia. Minus bonum
bes. suspensum est , quām sedimentum : utrum-

Content- que melius nube est. Quodcunque au-
tum te- tem tenue contentum est , cruditatis &
nue. incipientium argumentum morborum

Craf- præbet : crassum autem multum esse ma-
sum. teriæ non coctæ docet ; tametsi id quo-

Ru- que judicationem comitari longarum æ-
brum. gritudinum solet. Contentum rubrum ,

Vene- bilis calorisque soboles est. Venetum &
tum,

itemque lividum , magisque etiam nigrum , op-
livi- pressi naturæ caloris. Contenta bona ,

dum & ni- quò magis ad imum sidunt , matulæ ta-
grum. men non contacto fundo , hoc meliora

sunt. Quibus per morbos citò contenta in
 urina cernuntur bona , hi citò quoque ju-

dicantur. Omnia autem contenta inferio-
 ra , potiora sublimioribus sunt. Quæ quarto

die in febribus nubeculam subrubram uri-
 na exhibet , septimo liberat : modò reliqua

etiam pro ratione respondeant. Tenuis au-
 tem urina ac biliosa , quæ vicissim modò

melior fieri , modò pejor videtur , longio-
 ris mali nota est : quæ si diutius sic fer-
 tur , periculum non leve habet. Urina

præter rationem colore , & substantiâ ,
 & contentis matura , semper in morbis ,

potif-

potissimum acutis, suspecta est. Si quid boni in urina subsedit, idque repente non amplius sequitur; dolores & mutationes significantur. In febribus incertis nubeculæ nigrae quartanam prænuntiant. Proximum nunc est ea intueri, quæ urinæ permiscentur. Si semen ^{Semen} in urinæ est, id tenue ac leve est, semperque ^{in urina.} urinæ innatæ; pituita autem crassæ, tenaxque, & cohærens est. Pus permotum ^{Pituita.} urinâ dissolvitur, ac quoquoversum fertur. Utrumque hoc quietè subsidet. Porrò si quædam in urina quasi ramenta cernuntur, tostos esse in venis succos docent. Si similia capillis sunt, ex torrentem in renibus calorem, tenacemque esse humorem testantur. Quamquam filamenta albis capillis similia sæpè in Venereo seminis profluvio, & fœminarum albo fluore cernuntur. Si veluti exiguae innatare carunculæ in urina crassa cœperint, renes docent exultceratos. Scabies autem vesicæ significatur, si cum urina crassa quædam furfuri non dissimilia feruntur. Eadem si intenui apparent, colliquantem ardorem febris notant. Arenarum autem mictio, calculum in rene, aut in vesica arguit. Si in urina foetida pus aut squamulæ sunt,

Pinguia.

Urinæ corona.

Bullæ.

vesica exulcerata est : sin minus , extor-
rens ex squamulis febris significatur.
Squamulæ tamen tutiores , quoniam te-
nuiores , quàm furfuracea sunt. Si in u-
rinæ superficie quædam pinguia , ac ara-
nearum telis quid simile , innatant : aut
si (quod levius est) divulsa , & quasi ex
oleo injecta puncta sunt , scire licet ar-
dentissima febri , vel certè hecticâ , vel
tabe corpus liquefcere. Si verò cumu-
latim hæc , brevique esse cœperunt , ca-
lore renes occupante , eorum subest col-
liquatio. Pessima ante rigorem oleacea
urina est. Corona quoque urinæ obser-
vari non sine causa debet. Nam si hæc
meliorum , quàm reliqua urina colorem
exhibet , salutem prænunciat : si deterio-
rem , periculum. Tenuis , albaque co-
rona , pituitosi : ruffa , temperati : ru-
bra , itemque ignea , biliosi & vehemen-
ter tosti : livida atque nigra , melancho-
lici. Itaque utraque hæc peculiaris , tum
morbo comitiali , tum melancholiæ est.
Si bullæ in corona multæ integra serie
circumsistunt , caput dolere ostendunt: id
que cò magis , quò illæ coloratores sunt:
& minus , quò magis albæ. Bullæ per
urinæ sparsæ superficiem , nihil super ca-
pite significant , solius cruditatis , obstru-
ctionis,

ctionis, imbecilli caloris nunciæ. Quibus in tenui urina, & sedimentis vacua, bullæ cernuntur ferè hi longa, magna que renūm obstruktionē affecti sunt. Tum autem bullas has in crassa urina esse cœpisse melius est. Majores bullæ, latèque per urinæ coronam fusæ, dolores minui, qui prius fuerant, docent. Subesse autem destillatio creditur, si bullæ instar exigui grani parvæ in corona hærentes, agitatâ urinâ, deorsum pelluntur, iterumque ad coronam ascendunt. Illud in genere novisse oportet, urinæ colore intemperiem significari: substantiâ crassâ aut turbulentâ, humoris vitium: confusione, putredinem: admistis, certam loci affecti cognitionem.

Novissimè de sudoribus dicam, quos Praefas esse bonos constat, si post notas concoctio-
nis toto corpore erumpunt: itemque si per febres intermitentes, decedentibus acces-
sionibus, aut per iudicationes continuarum febrium ubertim effluunt, morbumque vel finiunt, vel multum levant: tum, qui veluti guttis quibusdam effunduntur, & evapo-
rant, quique expurgatæ alvo succedunt, & jam crassiore demta morbi materia, id quod reliquum est tenuioris, exhauriunt.
Mali verò his contrarii sunt, maximèque

si ex capite solum , aut è fronte cervici-
busve feruntur. Pessimi autem iidem
hi sunt , si simul etiam frigent. Siquidem
in acuta febri , mortis indices : in mitio-
re , longæ durationis sunt. Mali etiam
judicantur non continuati , sed intersecti ;
parique ratione inutiles nimium multi ,
qui que morbum non minuunt. Hunc e-
nim ipsum tum longum fore , manifestum
est. Horrorem post sudores incidere , tu-
tum non est. Sub exfoletis viribus , at-
que syncope , pauco tenacique sudore
frontem madescere , valde malum : con-
cidente verò jam tum pulsu , citæ mor-
tis indicium est. Copiosi sudores cali-
di , frigidive , qui que continenter fluunt:
frigidi , graviorem morbum : calidi ,
leviorem testantur. Ferè autem sic in-
cidit , ut cum erupturi sudores sunt , pri-
mùm ferri à capite incipient , ac dein
paulatim è reliquis membris. Magna
autem ex parte , abundantius sudores
posteriore corpore emergunt , quàm
anteriore , & superiore quàm inferiore.
Eos etiam magis somnus fundere quàm
vigilia solet.



INDEX RERUM

succinctus, quæ hoc opusculo continentur.

A.

A Bortus præsagia.	251
<i>Abscessus præsagia in febribus.</i>	27 & 40
<i>Ægroti officium.</i>	295
<i>Ægroti mens atque mores.</i>	ibid.
<i>Alphos.</i>	259
<i>Alvi profluvium.</i>	151
<i>Aneurisma.</i>	279
<i>Anhelatio.</i>	138
<i>Angina.</i>	98
<i>Angina notba.</i>	102
<i>Ani inflammatio.</i>	176
<i>Animi defectio.</i>	140
<i>Appetentia canina.</i>	145
<i>Aquaæ metus.</i>	71
<i>Articularis morbus.</i>	253
<i>Ascites.</i>	198
<i>Atra bilis.</i>	193
<i>Attonitus morbus.</i>	81
<i>Atrophia.</i>	54
<i>Aurigo.</i>	193

B.

B Oulimos.	146
-------------------	-----

I N D E X
C.

C Achexia.	54
C Calculus renum.	208
C Calculus vesicæ.	217
C Cancer.	270
C Capitis dolor.	63
C Carbunculus.	264
C Caros.	75
C Catalepsis.	ibid.
C Cerebri vulneratio.	102
C Chiragra.	254
C Cholera.	150
C Cibi cupiditas & fastidium.	145
C Coli dolor.	164
C Coli inflammatio.	169
C Coma.	76
C Comitialis morbus.	ibid.
C Cordis palpitatio.	141
C Cordis vulnus.	D. 143
D Ejectio cruenta quæ fit causâ jecino-	
D ris.	181
D Delirium.	65
D Destillatio.	89
D Dierum judicialium ratio.	47
D Dysenteria.	158
D Diabetes.	215
E.	
E Lephantia.	57
E Erysipelas.	266
E Exanthemata.	260
F Febris	

R E R U M.

F.

F ebris ardens.	6
F ebris continens non putrida.	3
F ebris continens putrida.	ibid.
F ebris continua.	5
F ebris diaria.	2
F ebris exitialis signa.	9
F ebris hectica.	51
F ebris implicationes.	21
F ebris lenta.	13
F ebris longæ signa.	26
F ebris periculose signa.	24
F ebris pestilentialis signa.	31
F ebris quartana.	17
F ebris quotidiana.	19
F ebris semitertiana.	22
F ebris tempora.	29
F ebris tertiana intermittens.	15
F ebris tertiana notha.	17
F istula.	176. 275
F œtus in utero mortui signa.	251
F uror.	70

G.

G Angræna.	264
G ulæ vulnus.	177

H,

H Emorrhoides.	174
H Hydrops.	197

I.

I Ecinoris corruptio.	181
I fecit-	

I N D E X

<i>Fecinoris imbecillitas.</i>	186
<i>Fecinoris inflammatio.</i>	186
<i>Fecinoris intemperies.</i>	179
<i>Fecinoris obstructio.</i>	183
<i>Fecinoris scirbus.</i>	184
<i>Fecinoris vulnus.</i>	204
<i>Ignis sacer.</i>	266
<i>Impetigo.</i>	258
<i>Imprægnationis impedimenta.</i>	247
<i>Imprægnationis notæ.</i>	ibid.
<i>Incubus.</i>	80
<i>Inflammatio.</i>	263
<i>Intestinorum lœvitas.</i>	156
<i>Intestinorum vulnus.</i>	177
<i>Ischias.</i>	255
<i>Judicatio optima.</i>	44
<i>Judicatio in quæ incidat tempora & in quæ mors.</i>	46
<i>Judicatio sine futura vel non.</i>	44
<i>Judicationis signa.</i>	33

L.

L <i>Etbargus.</i>	73
L <i>Leuce.</i>	259
<i>Leucophlegmatia.</i>	197
<i>Lienes magni.</i>	56
<i>Lienis inflammatio.</i>	192
<i>Lienis tumor.</i>	190
<i>Lippitudo.</i>	93
<i>Lumbrici.</i>	170
M <i>Elancholia.</i>	68
<i>Menstrua.</i>	

R E R U M.

<i>Menstrua:</i>	244
<i>Menstruorum fluor.</i>	245
<i>Menstruorum retentio.</i>	244
<i>Mesenterii inflammatio.</i>	178
<i>Mesenterii tumor.</i>	ibid.
<i>Mictio cruenta à renibus orta.</i>	213
<i>Mictio quæ à vesica cruenta est.</i>	221
<i>Mola.</i>	239
<i>Morbi acuti & ancipites.</i>	282
<i>Morbi acuti & lethales.</i>	ibid.
<i>Morbi breves & salutares.</i>	ibid.
<i>Morbi longi & ancipites.</i>	283
<i>Morbi longi & salutares.</i>	282
<i>Morbi longi & lethales.</i>	283
<i>Morbi difficiles itemque faciles.</i>	286
<i>Morbi singularum ætatum.</i>	288
<i>Morbi singulorum anni temporum.</i>	290
<i>Morbi qui ab Aquilone, qui ab Austro.</i>	295
<i>Morborum mutuæ successiones.</i>	285
<i>Morborum transitiones aliorum in alios.</i>	283
<i>Morborum præsagia è cœli sumta tempesta-</i> <i>tibus.</i>	292
<i>Muliebris fluor.</i>	246

N.

N Ervorum distentio.	85
N ervorum resolutio:	83
<i>Nervorum rigor.</i> P.	87
P Apulæ..	267
P artus difficilis notæ.	252
<i>Pectoris suppuratio.</i>	128
	Pe-

INDEX.

<i>Pectoris vulnus.</i>	140
<i>Peripneumonia.</i>	115
<i>Peritonæi dolores.</i>	169
<i>Phagedena.</i>	275
<i>Phrenitis.</i>	66
<i>Pleuritis.</i>	104
<i>Pleuritis notba.</i>	114
<i>Podagra.</i>	255
<i>Prægnantium incommoda.</i>	249
<i>Prælagia ab excrementis.</i>	313
<i>Prælagia ex ægri vultu.</i>	299
<i>Prælagia ex appetentia & cibi fastidio.</i>	311
<i>Prælagia ex decubitu corporis.</i>	301
<i>Prælagia ex dejectionibus.</i>	314
<i>Prælagia ex insomniis.</i>	297
<i>Prælagia ex præcordiis.</i>	300
<i>Prælagia ex pulsu.</i>	304
<i>Prælagia ex respiratione.</i>	302
<i>Prælagia ex somno & vigilia.</i>	297
<i>Prælagia ex sudoribus.</i>	327
<i>Prælagia ex toto corpore.</i>	302
<i>Prælagia ex urina.</i>	316
<i>Priapismus.</i>	228
<i>Pulmonis crudum tuberculum.</i>	120
<i>Pulmonis erysipelas.</i>	119
<i>Pulmonis vomica.</i>	121
<i>Pulmonis vulnus.</i>	140
<i>Pus.</i>	278

R.

R ^{Amex.}	228
<i>Reci-</i>	

R E R U M.

<i>Recidivæ præsagia.</i>	287
<i>Renum calculus.</i>	208
<i>Renum exulceratio.</i>	212
<i>Renum inflammatio.</i>	205
<i>Renum vulnus.</i>	216

S.

S anguinis sanies.	278
<i>Sanguinis è naribus fusio.</i>	96
<i>Sanguinis è naribus fluxuri signa.</i>	36
<i>Satyriasis.</i>	228
<i>Scabies.</i>	257
<i>Scirrhos.</i>	191
<i>Seminis profluvium.</i>	226
<i>Septi transversi vulnus.</i>	143
<i>Sideratio.</i>	264
<i>Signa profluvii alvi.</i>	38
<i>Singultus.</i>	146
<i>Spiratio difficilis.</i>	137
<i>Strumæ.</i>	269
<i>Sudoris signa.</i>	39
<i>Suffusio.</i>	91
<i>Syncope.</i>	142

T.


T abes.	133
<i>Tabes dorsalis.</i>	216
<i>Tenesmus.</i>	162
<i>Testiculi inflammatio.</i>	233
<i>Tousillæ.</i>	97
<i>Tormina.</i>	158
<i>Tumor sine sensu laxus.</i>	268
<i>Tus-</i>	

INDEX RERUM.

<i>Tussis.</i>	136
<i>Tympania.</i>	200
 V.	
V <i>Arix.</i>	279
<i>Ventriculi imbecillitas.</i>	144
<i>Ventriculi inflammatio.</i>	149
<i>Ventriculi vulnus.</i>	177
<i>Vesicæ exulceratio.</i>	222
<i>Vesicæ inflammatio.</i>	219
<i>Vitiligo.</i>	259
<i>Volvulus.</i>	163
<i>Vomitus.</i>	147
<i>Urinæ difficultas.</i>	225
<i>Urinæ fluor.</i>	215
<i>Urinæ incontinentia.</i>	225
<i>Urinæ retentio.</i>	224
<i>Urinæ stillicidium.</i>	225
<i>Uteri ascensus & descensus.</i>	240
<i>Uteri convulsio.</i>	241
<i>Uteri exulceratio.</i>	235
<i>Uteri hydrops.</i>	238
<i>Uteri inflammatio.</i>	233
<i>Uteri inflatio.</i>	237
<i>Uteri scirbus.</i>	ibid.
<i>Uteri strangulatus.</i>	242

F I N I S.





Ogj:



